







IUL
A' CHRÌOSTAIDH









RL
1

IUL
A' CHRIOSTaidH;

—NO—

COMH-CHRUINNEACHADH DE
ÙRNAIGHEAN

AIR SON

A H-UILE AMA AGUS STAIDE DE
BHEATHA A' CHRIOSTaidH.

(AN SEACHAMH CLÒBHUALADH,
ATH-LEASAICHTE.)
Ed. 7. rev

ANTIGONISH.

THE CASKET PRINTING AND PUBLISHING COMPANY.
1901.

432080
26.1.45

THE CASKET PRESS.

Faodar an Leabhar-ùrnaigh so a chlàbhualadh.

✠ IAIN, Easbuig Abareadhain.

✠ AONGHAS, Easbuig Earraghaidheal 's nan Eilean.

✠ IAIN, Easbuig Antigonish.

Là nan Naomh Uile, 1901.

AN CLAR INNSE.

	SLIOS
Na Féilltean Fògarrach,	ix
Làithean-féille,	ix
Làithean cràbhaidh,	x
Làithean traisge,	xi
Traisg air son Làithean-feille,	xi
Urnaigh an Tighearna, Beannachadh Moire, a' Chreud,	1
Athghearradh de'n teaga-g Chrìostail,	2
Cùlaidh Smaoinich,	7
URNAIGH, soilleireachadh air,	8
Urnaigh mhaidne,	10
Urnaigh an aingil choimhidich,	14
"Salve Regina" (Fàilte, a Bhànrùinn),	14
"Sub tuum praesidium" (Tha sinn a' ruith fo d' dhion),	15
"Memorare" (Cuimhnich, a Mhoire),	15
Coisrigeadh do Mhoire Bhainthighearna,	16
"Angelus Domini" (Fàilte an Aingil),	16
"Regina Coeli,"	17
Urnaigh N. Ignatius,	18
Achanaich ri Iò-a,	18
Urnaighean 'us Iarrtasan,	19
Urnaigh air son a? Phàpa,	20
Urnaigh an Ostail Anndra,	20
Urnaigh Ban-neoinh Mairghread,	21
Altachadh romh bhiadh,	21
Altachadh 'an deigh bidh,	21

Gnìomhannan Creidimh, Dòchais, Gràidh, agus	
Aithreachais,.....	21
Urnaigh-oidhche,.....	24
“ an Aingil Choimhidich,....	28
“ air son nam Marbh-chreideach,.....	28
Mu roghnachadh staid chaithimh-bheatha,.....	29
Urnaigh air son staid chaithimh-bheatha' rogh- nachadh,.....	30
“ Phàrantan air son an Cloinne,.....	31
“ Cloinne air son am Pàrantan,.....	31
“ Air son ar Pears'-Eaglais,.....	32
“ Air son Eiriceach,.....	33
“ Mhnàthan Leatromach,.....	33
“ 'an deaghaidh Aiscadaidh,.....	34
“ Càride-Pòsta.....	35
“ Bhantraichean 'us Dhilleachdan,.....	36
“ Sheann Sluagh,.....	37
“ Luchd-faoghlum,.....	38
“ Romh Theagasg <i>no</i> romh Leasan,.....	39
“ Chlement XI. air son a h-uile féuma,....	39
Créud N. Athanasius,.....	42
Créud Phiuis IV.,.....	46
MEORACHADH,.....	49
Seòladh air Meórachadh,.....	50
Fírinnean gu meórachadh orra,.....	51
AN AIFRIONN air a mineachadh,.....	52
Uidheam na h-altrach, 's a' chulaidh-aifrinn,....	53
Urnaighean 'an àm na h-Aifrinne,.....	56
Urnaigh 'us Buidheachas an déigh na h-Aifrinne,	76
Laoidh “Te Deum,”.....	77
Salm CL.,.....	81
Urnaighean romh 'n Aifrinn (uidheamachadh air son na h-Iobairte.....)	82
“Asperges” (Crathadh an uisge Choisrig,.....	89
“Ordo Missae” (urnaighean na h-Aifrinne Laideann 'us Beurla),.....	91
Laoidh molaidd do Dhia,.....	123
Na seachd sailm Aithreachais,.....	125
NA SACRAMAIDEAN. Baisteadh,.....	135

Boslach,	135
Urachadh ar Bòidean Baistidh,	136
Daingneachadh, flosrachadh air,	137
" ùrnaigh romh'n,	140
" " n'a dheigh,	141
Faoisid, soilleireachadh air,	143
Rannsachadh cogais,	147
Urnaigh romh rannsachadh cogais,	147
Clar-innse pheacannan,	148
Urnaigh air son Aithreachais,	157
" romh Eisdeachd,	157
" an deigh na h-Eisdeachd,	160
Gealladh N. Fransi,	161
Comanachadh, teagasg air,	164
Gnìomhannan romh Chomanachadh,	165
" " an deigh Comanachaidh,	169
Gnìomh Molaidh, "Beannaichte gu'n robh Dia"&c,	173
Urnaigh, "Anima Christi,"	174
Urnaigh "En Ego" ('an làthair céusaidh),	175
LAGHADH EAGLAIS.—Mìneachadh,	175
Urnaigh gu laghadh a chosnadh,	179
AN TRIANAID UILE-NAOMH.—Leadan,	180
" " " Conair,	183
Laoidh nan Aingeal,	185
CORP CHRIOSTA.—Cràbhadh,	185
" " Leadan,	187
Beannachadh na Sacramaid naomh	190
Laoidh "Pange Lingua,"	193
CRIDHE UILE-NAOMH IOSA.—Cràbhadh,	197
" " " Gnìomh	
Coisrigidh,	199
" " " Leadan,	200
" " " Urnaigh,	202
" " " Urnaigh eile,	202
" " " Urnaigh an	
tarrainn a' bhais,	203
" " " Gnìomh	
Coimhleasachaidh,	203
AINM NAOMH IOSA.—Achanaich,	205

AINM NAOMH IOSA.—Leadán,	207
" " " Laoidh ("Jesu Dulcis Memoria"),	210
A' PHAIS.—Lea lan Beatha 'us Pàis Criosta,	212
Urnaighean nan Còig Iotan	219
SLIGHE NA CROISE, Mineachadh,	220
" " " Cràbhadh,	225
Seachd Tairgseachan Fuil uile phriseil Iosa	226
Urnaigh "Athair Shiorruith,"	237
SALTAIR IOSA,	240
AN SPIORAD NAOMH.—Leadán,	240
" " " Gairm,	253
" " " Laoidh, 'Veni Creator,'	257
Achanaich air son seachd Tiodhlaicean an Spioraid	258
Naomh,	259
AN OIGH BHEANNAICHTHE MOIRE.—Leadán,	262
" " " " Conair,	266
Leadán Cridhe Naomh Moire,	277
Urnaigh ri Cridhe Naomh Moire,	278
Urnaigh, "O mo Bhaintighearna," ("O Domina Mea")	280
Taoghal-Cràbhaidh air an Oigh Moire,	281
Leadán sheach i Dòruinnean Moire,	281
Conair " " " "	286
Laoidh "Stabat Mater,"	289
Tri urnaighean maille ri Beannachadh Moire,	291
Conair a' Ghinidh Gun-smal,	292
Urnaigh "Beannaichte," &c.,	292
NA H-AINGLEAN NAOMH.—Leadán	292
Leadán an Aingil Choinhidich,	297
Urnaigh N. Micheil,	299
" N. Gabriel,	300
" N. Raphael,	301
NA NAOMH.—Leadán nan Naomh,	301
Leadán N. Joseph,	301
Seachd Dòruinnean 'us seachd Sòlais N. Joseph	314
Urnaigh a thaghadh N. Joseph, mar Chùl-taice	318
"Memorare" ri N. Joseph,	318
SCAPULARAN.—Mineachadh,	319

Scapular Donn,	319
Scapular na Pàise,	321
Scapular a Ghiniach Gun-smal,	322
BAS SONA, Cràbhadh air son,	324
“ “ tri achanaich air son,	324
“ “ tri tairgrichean air son,	324
“ “ Leadan air son,	325
“ “ Urnaigh ri N. Moire air son,	328
“ “ “ ri N. Joseph air son,	328
CRABHADH DHAOINE TINNE.—Comhairlean,	329
Còmhradh duine thinn ri Dia,	331
Urnaighean 'am àm tinneas,	334
Urnaigh air son faighidin 'an àm mòr-cràidh,	338
“ romh 'n Chomanachadh dheireannach,	341
“ an deigh a' Chomanachadh dheireannaich,	344
“ romh 'n Ola dheireannaich	345
“ an déigh na h-Ola déireannaiche	347
Leadan Dhaoine tinne,	348
Urnaigh 'an Spàirn a' bhàis,	350
NA MARBH-CHREIDICH.—Leadan air son nam	
marbh,	358
Urnaigh air son nam marbh-chreideach	363
Conair air son nam marbh-chreideach,	363
Urnaighean gach latha air son nam marbh,	364
Freagairt na h-Aifricne,	367

NA FEILLTEAN FÒGARRACH.

Bliadhna.	Diùnaich Septua- gesima.	Diù- aoin na Luth.	Diùnaich Casta.	Diùdaoin Deus- ghabhail.	Diùnaich Cangis.	Diùdaoin Corp- Chrìosta.	Don' deis Cangis.	An ead Phom-de'n Aidhen.
1900	11 Feb.	28 Feb.	15 Apr.	24 May	3 June	14 June	25	2 Dec.
1901	3 Feb.	20 Feb.	7 Apr.	16 May	26 May	6 June	26	1 Dec.
1902	26 Jan.	12 Feb.	30 Mar.	8 May	18 May	29 May	27	30 Nov.
1903	8 Feb.	25 Feb.	12 Apr.	21 May	31 May	11 June	28	29 Nov.
1904	31 Jan.	17 Feb.	3 Apr.	12 May	22 May	2 June	26	27 Nov.
1905	19 Feb.	8 Mar.	23 Apr.	1 June	11 June	22 June	24	3 Dec.
1906	11 Feb.	28 Feb.	15 Apr.	24 May	3 June	14 June	25	2 Dec.
1907	27 Jan.	13 Feb.	31 Mar.	9 May	19 May	30 May	27	1 Dec.
1908	16 Feb.	4 Mar.	19 Apr.	28 May	7 June	18 June	24	29 Nov.
1909	7 Feb.	24 Feb.	11 Apr.	20 May	30 May	10 June	25	28 Nov.
1910	23 Jan.	9 Feb.	27 Mar.	5 May	15 May	26 May	27	27 Nov.
1911	12 Feb.	1 Mar.	16 Apr.	25 May	4 June	15 June	25	3 Dec.
1912	4 Feb.	21 Feb.	7 Apr.	16 May	26 May	6 June	26	1 Dec.
1913	16 Jan.	5 Feb.	23 Mar.	1 May	11 May	22 May	28	30 Nov.
1914	8 Feb.	25 Feb.	12 Apr.	21 May	31 May	11 June	25	29 Nov.
1915	31 Jan.	17 Feb.	4 Apr.	13 May	23 May	3 June	26	28 Nov.
1916	20 Feb.	8 Mar.	23 Apr.	1 June	11 June	22 June	24	3 Dec.
1917	4 Feb.	21 Feb.	8 Apr.	17 May	27 May	7 June	26	2 Dec.
1918	27 Jan.	13 Feb.	31 Mar.	9 May	19 May	30 May	27	1 Dec.
1919	16 Feb.	5 Mar.	20 Apr.	29 May	8 June	19 June	24	30 Nov.
1920	1 Feb.	18 Feb.	14 Apr.	13 May	23 May	3 June	26	28 Nov.

(Tha riaghailte nan laithean feille mar leanas ann a sgìreachan Antigonish, Halifax, St. John, Chatham, agus Charlottetown.)

LAITHEAN FEILLE.

(Air am beil e mar fhiachaidh òirnn aifrionn éisdeachd agus obair mhi-riathanach a sheachnadh.)

Jan. 1. Là na bliadhn'ùire.

Jan. 6. Là nan tri-rìghrean.

Nov. 1. Là Samhna.

Dec. 8. Là a Ghineadh Gunsma.

Dec. 25. Là Nollaig.

LAUTHEAN FEILLE.

(Air am beil e mar fhiachaibh òirnn aifrionn éisdeachd
neo cuairt a chiur air a Chonair-Moire)

Mar. 25. Là Feill Moire na Teachdaireachd.

Diordaoin Dheasghabhail.

Diordaoin Corp-Chriosta.

June 29. Là Pheallair 'us Phòil.



LAITHEAN CRABHAIDH.

(Air am beil e na 'chleachdadh naomh aifrionn éisd-eachd, ged nach 'eil e riatanach.)

- Feb. 2. Là Fheill Moire nan Coinneal.
 Feb. 24. Là an Ostail Mhathiais.
 Mar. 19. Là Naomh Iòseph.
 May 1. Là nan Ostal Philip 'us Séumas.
 May 3. Là Faotainn na Croise,
 June 10. Là Ban naomb Mairghread, Bànrùinn na
 h-Alba.
 June 24. Là Breith Naomh Eòin Baiste.
 July 25. Là an Ostail Shéumais.
 July 26. Là Ban-naomh Anna, Màthair na h-Oighe
 Moire
 Aug. 6. Là Cruth-atharrachadh ar Tighearna.
 Aug. 10. Là Naomh Labhrainn, am martair.
 Aug. 24. Là an Ostail B Bartholome.
 Sep. 8. Là Breith na h-Oighe Moire.
 Sep. 21. Là an Ostail Mhata.
 Sep. 29. Là Fheill Mìcheil an t-Ard-aingeal.
 Oct. 28. Là nan Ostal Sìmon agus Iùda.
 Dec. 21. Là an Ostail Thómais.
 Dec. 26. Là Naomh Stephen, am mairtair.
 Dec. 27. Là an Ostail Eòin.
 Dec. 28. Là nan Naoidheachan.
 Diluain agus Dimàirt-Càsga.
 Diluain agus Dimàirt-Caingis.

LAITHEAN-TRAISGE.

A bharrachd air traisg bho fheadil, cha'n fhaodar ach aon làn-tràth bìdh a ghabhail air na làithean so.

A h-uile latha 's a' Charghus ach Didònaich.

A h-uile Diciadaoin 's Dihaoine 's an Aidbhen.

Traisg nan Amannan, ceithir usirean 's a' bhliadhna—Diciadaoin, Dihaoine, 's Disathurna :

- 1 'An déis a' chiad Dhònaich de'n Charghus.
2. 'An déis Dhidònaich-Caingis.
3. 'An déis 14 Sep.
4. 'An déis 13 Dec.


Traisg air son Làithean-fèille.

1. Air son Là Pheadair 'us Phòil. June 28.
2. Air son Là Samhna. Oct. 31.
3. Air son Là Nollaig. Dec. 24
4. Disathurna-Caingis.

*Ma thuiteas an traisg air Didònaich cumar air
Disathurna roimhe i.*

Tha traisg bho fheadil air a h-uile Dihaoine ach an uair a thig Là Nollaig air.

IUL
A' CHRIOSTAIDH.



URNAIGH AN TIGHEARNA.

A R n-Athair, a tha air nèamh, gu'm bu naomh a bhios d'ainm; gu'n tigeadh do rìgheachd, gu'n dianar do thoil air talamh mar a thàthas ga 'dianamh air nèamh. Thoir dhuinn an diugh ar n-aran lathail: math dhuinn ar fiachan, mar a mhathas sinne do luchd-ar-fiach. Agus na leig ann am buaireadh sinn. Ach saor sinn bho'n ole. Amen.

BEANNACHADH MOIRE.

FAILTE dhut, a Mhoire, tha thu làn de na gràsan; tha an Tighearna maille riut: is beannaichte the 'measg nam mnàì, agus is beannaichte toradh do bhronn, Iosa. A Naomh Mhoire, 'Mhàthair Dhé, guidh air ar son-ne na peacaich a nis agus aig uair ar bàis. Amen.

A' CHREUD.

CREIDEAM ann an Dia, an t-Athair uile-chumbachdach, Cruthadair nèamh agus talmhainn. Agus ann an Iosa Crìosta, 'aon Mhac-san, ar Tighearna; a ghineadh leis an Spiorad Naomh, a rugadh le Moire Oigh, a dh'fhuilig fo Phontius Pilat, a chéusadh, a fhuair

bàs, 's a thòdhlaiseadh; a chaidh sìos a dh-
ifrinn; a dh' éirich an treas latha bho na
mairbh; a chaidh suas air nèamh, a tha na
'shuidhe air deas làimh Dhé an thair uile-chumh-
achdach; á sin thig e rithist a thoirt breitheanais
air bheò 's air mhairbh. Creideam anns an
Spiorad Naomh, an Eaglais naomh Chaitliceach,
co-chomunn nan Naomh, mathanas nam peacan-
nan, aiseirigh na coluinne, 's a' bheatha shìor-
ruidh. Amen.

AN T-AIDEACHADH.

THA mi'g aideachadh do Dhia uile-chumhach-
dach do Naomh Mhoire 'bha riabh na
'h-Oigh, do Naomh Mìcheil an t-Ard-aingeal, do
Naomh Eòin Baiste, do na naomh Ostail Peadar
agus Pòl, 's do na Naoimh uile, gu'n do pheac-
caich mi gu trom, le m' smaointean, le m'
bhriathran, le m' ghlòmhannan, le m' choire
fhéin, le m' choire fhéin, le m' mhòr choire
fhéin. Air an aobhar sin, tha mi 'guidhe air
Naomh Mhoire bha riabh na 'h-Oigh, air Naomh
Mìcheil an t-Ard-aingeal, air Naomh Eòin-
Baiste, air na naomh Ostail Peadar agus Pòl, 's
air na Naoimh uile, ùrnaigh a dhianamh ris an
Tighearna ar Dia air mo shon. Amen.

ATHGHEAKRADH DE'N TEAGASG CHRIOSTAIL.

Deich Fàintean Dhé.—Exodus xx.

1. Na biodh Dia eile agad 'am fhianais.
2. Na toir ainm an Tighearna do Dhia 'an
diamhanas.

3. Cuimbnich latha na Sàbaid a chumail naomh.
4. Thoir onoir do d'athair, agus do d'mhàthair.
5. Na dian marbhadh.
6. Na dian adhaltras.
7. Na dian goid.
8. Na tog fianais-bhréige 'an aghaidh do choimhearsnaich.
9. Na sanntaich bean do choimhearsnaich.
10. Na sanntaich tigh do choimhearsnaich no nì eil' a bhuineas dha.

Sia Fàintean na h-Eaglaise.

1. An Aifrionn éisdeachd air Didònaich 's Làithean-féille.
2. Trasgadh bho bhliadh 's bho fheadil air na làithean a tha 'n Eaglais ag òrdachadh (*Faic "Làithean Traisg"*).
3. Faoisid ghlan a dhianamh aon uair 's a' bhliadhna, a' chuid a 's lagha.
4. Corp-Chrìosta 'ghlacail aon uair 's a' bhliadhna, 's gu h-àraid an àm na Càsga.
5. Deachamh a dhìoladh do na pearsachan-eaglais.
6. Gun phòsadh le bainis aig amannan àraid, no 'an taobh-stigh de'n cheathramh glùn.

Na Seachd Sàcramaidean.

1. Baisteadh. Mat. xxviii. 19.
2. Daingneachadh. Gnìomh. viii. 17.
3. Corp-Chrìosta. Mat. xxvi, 26.

4. Faoisid. Eòin. xx. 23.
 5. Ola-romh-bhàs. Séum. v. 15.
 6. Ordugh-Naomh. Eòin. xx. 22.
 7. Pòsadh. Mat. xix. 6.

Na Trì Subhailcean Diadhaidh.

1. Creideamh. 2. Dòchas. 3. Carrantachd.

Na Ceithir Friamh-Shubhailcean.

1. Gliocas. 2. Ceartas. 3. Neart. 4. Measarrachd.

Seachd Thiodhlaicean an Spioraid Naoimh.

1. Gliocas. 2. Tuigse. 3. Comhairle. 4. Neart
 5. Eòlas. 6. Diadhachd. 7. Eagal an Tigh-
 earna.—Isaias xi. 2, 3.

Dà Thoradh dhiag an Spioraid Naoimh.

1. Carrantachd. 2. Aoibhneas. 3. Sìth.
 4. Faighidinn. 5. Caoimhneas. 6. Mathas.
 7. Fad-fhulangas. 8. Cìdineachd. 9. Creid-
 eamh. 10. Stuanachd. 11. Measarrachd.
 12. Geimneachd.—Gal. v. 22, 23.

Seachd Oibrichean Corporra na Trècaire.

1. Biadh do 'n aerach. 2. Deoch do 'n
 phàiteach. 3. Aodach do'n nochd. 4. Fàrdach
 do'n dedraidh. 5. Dol a choimhead air daoine
 tinn. 6. Dol a shealltainn air prìosanaich
 7. Na mairbh a thiodhlaiceadh.

Seachd Oibrichean Spioradail na Tròcaire.

1. Am peacach a chronachadh. 2. An t-aineolach a sheòladh. 3. An teagmhach a chomhairleachadh. 4. Misneach a thoirt do'n bhrònach. 5. Gach éucoir fhulang le faighidinn. 6. An t-ole a mhathadh. 7. Guidhe air son bheò agus mharbh.

Na h-Ochd Beannaichdan.—Mat. v. 3-10.

1. Is beannaichte iadsan, a tha bochd na'n spiorad : bho'n is leotha rìgheachd Dhé.

2. Is beannaichte na daoine ciùin : bho 'n a gheabh iad seilbh air an talamh.

3. Is beannaichte luchd o' bhròin : bho'n a gheabh iad sòlas.

4. Is beannaichte iadsan air am beil acras agus pathadh a' cheartais : bho 'n a gheabh iad an làn-riarachadh.

5. Is beannaichte luchd na tròcaire : bho 'n a gheabh iad trò cair.

6. Is beannaichte luchd a' chridhe ghloin : bho 'n a chì iad Dia.

7. Is beannaichte luchd-dianamh na sìthe : bho 'n a theirear clann Dhé riutha.

8. Is beannaichte an fheadhainn a dh'fhuiligeas géur-leannbainn air son a' cheartais : bho 'n is leotha rìgheachd fhathanasais.—Mat. v. 3-10.

*An Dà Shubhaidh anns am beil Saim an Latha
's nam Fàintean.*

1. Bheir thu gaol do'n Tighearna do Dhia le d' uile chridhe, agus le d' uile anam, agus le d' uile neart, agus le d' uile ìntinn. 2. Agus do d' choimhearsnach mar dhut-fhéin.—Luc. x. 27.

Na Seachd Peacannan-bàis.

1. Uabhar.	Na seachd subhaile canachaidheas iad	1. Irisleachd.
2. Sannt.		2. Fialachd.
3. Drùis.		3. geimneachd.
4. Craos.		4. Measarrachd.
5. Fearg.		5. Faighidinn.
6. Farmad.		6. Carrantachd.
7. Leisg.		7. Iasgachd.

Peacannan a tha 'n aghaidh an Spioraid Naoimh.

1. Ann-dèchas. 2. Dànadas air trècair Dhé. 3. Cur 'an aghaidh na fìrinne as a riochd. 4. Farmad ri math spioradail an atharraich. 5. Rag-leannhainn air staid a' pheacaidh. 6. Neo-aithreachas deireannach.

*Peacannan a tha 'g òigheach dìnghalbais bho
Fhlathanas.*

1. Murt. 2. Peacadh-Shòdoim. 3. Ainneart air daoine bochda. 4. An tuarasdal a chumail bho chosnaichean.

*Naoi Dòighean air am fìorl sinn a bhi coireach
'am peacadh an atharraich.*

1. Le comhairle. 2. Le òrdugh. 3. Le aonta.
4. Le brosnachadh. 5. Le moladh no le brosgul.
6. Le cleith. 7. Le co-phàirt. 8. De tosd.
9. Le dìon an uile.

.Trì Iuchraichean Fhlathanas.

1. Urnaigh. 2. Traisg. 3. Déirce

Trì Comhairlean an-t-Soisgeil.

1. Dedìn-bhochdainn 2. Gnàth-gheimneachd.
3. Làn-ùmhleadh.

Na Ceithir Nichean deireannach.

1. Bàs. 2. Breitheanas. 3. Ifrinn. 4. Flathanas.

CULOIDH-SMAOINICH.

*Cuimhnich gu'm beil agad an dèigh, 's gach latha
de d' bheatha, ri—*

Glòir a thoirt do Dhia,	Deagh-fhéum a dhianamh
Iosa a leanmhainn.	de d' àine,
Eadarghuidhe nan aingeal	Samhladh math a thoirt
's nan naomh iarraidh,	do d'choimhearsnach.
D' anam a shàbhaladh,	An saoghal a chur suar-
Do choluinn a chlaoidh,	ach.
Dioladh air son do pheac-	Cath 'an aghaidh an
annan,	deomhain.
Subhailcean a bhuann-	D' ana-miannan a chios-
achd,	nachadh,
Ifrinn a sheachnadh,	Bàs fhulang, ma dh'
Flathanas a chosnadh,	fhaoidte,
Ullachadh air son na	Agus Breitheanas a sheas-
siorrachd,	amh.

IS e ùrnaigh — ar cridhe 'thogail suas ri Dia, a bhi 'còmhradh 's a' labhairt ri Dia. Is i an ùrnaigh, os' Naomh Franse, uisge nam beannachd a bheir blàth 'us cinneachadh do mheangan nan deagh-bhéus; a nigheas ar n-anam bho 'ghìomhan, 's a mharbhas ana-miannan ar cridhe. An neach a nì ùrnaigh gu math, os Naomh Uistein, bidh a chaitheamh-beatha math. Ach gus na buaidhean so a bhi aig an ùrnaigh, féumar a dianamh mar is còir; a chionn tha'n t-Ostal Séumas ag ràdh: "Tha sibh, ag iarraidh, 's cha 'n 'eil sibh a' faighinn, a thaobh gum beil sibh ag iarraidh gu h-olc.— Séum. iv. 3.

Féumaidh sinn, ma ta, a thuigsinn, (1) Cho riatanach 's a tha i; (2) Carson is còir dhuinn a dianamh; agus (3) Ciamar.

I. Tha Athraichean agus Ollaichean na h-Eaglais a' teagasg nach urrainn duinn ar n-anam a sàbhaladh gun ùrnaigh. Oir tha gràsan Dhé riatanach gus ar sàbhaladh: "As m' aonais oha 'n urrainn duibh nì 'dhlanamh."—Eoin. xv. 5. Ach cha'n fhaigh sinn na gràsan sin mur h-iarr sinn air Dia iad le ùrnaigh dhùrachdaich.

II. Le ùrnaigh tha againn ri.

1. Aoradh a thoirt do Dhia, ag aideachadh gur h-esan ar Cruthadair, ar Tighearna, ar Slànair, agus ar crìoch dheireannach.

2. Taing a thoirt dhà air son a mhór-mhathais; a chionn 's ann bhuaithe-san a fhuair sinn gach nì math a th' againn.

3. Mathanas iarraidh na 'r peacannan, annt am beil sinn cho tric a' tuiteam.

4. Na gràsan 's na beannachdan spioradail no corporra a tha riatanach no féumail dhuinn, iarraidh air.

III. Is còir dhuinn ùrnaigh a dhianamh.

1. Le *Uidheamachadh*, 's e sin, smaointean saoghalta fhuadach bhuainn romh làimh, sinn-fhéin a chur 'an làthair Dhé, agus a chòmhnaidh iarraidh.

"Romh d' ùrnaigh uidheamaich d' anam 's na bi coltach ri duine a tha 'buaireadh Dhé."—Eccles. xviii. 23.

2. Le *Umhlachd*. Gus an toill sinn éisdeachd is còir dhuinn sinn-fhéin irisleachadh 'an làthair Dhé, agus lùbadh sìos mar an cìs-mhaor.

"Sheall Dia air ùrnaigh nan iriseal, agus cha d' rinn e diù dhe 'n achanaich."—Salm. ci. 18.

"Ùrnaigh an fhir a dh' ùmhlaicheas e-fhéin, tollaidh i na neòil."—Eccles. xxx. 21.

"Air cridhs brùite agus iriseal, a Dhia, cha dian thu tàire."—Salm. i. 19.

3. Le *Earbsa* làidir gu'm faigh sinn an rud a tha sinn a' sireadh; cha 'n e gur fhiach sinn e, ach as leth Fuil Chrìosta, mathas Dhé agus a gheallaidh.

"A h-uile nì a dh' iarras sibh ann an ùrnaigh, ma chreideas sibh, gheabh sibh e."—Mat. xxi. 22.

"Iarraibh e le creideamh gun ag air bith: oir tha esan a tha 'an teagamh coltach ri tonn na mara, a tha air a ghluasad, 's air a luasgadh mu'n cuairt leis a' ghaoith. . . . Na saoileadh an duine sin, gu'm faigh e nì bho'n Tighearna."—Séum. i. 6, 7.

Ma tha Dia 'faicinn gur cron a dhianadh ar n-iarrtas dhuinn, thugamaid fonear nach toir e dhuinn e; ach bheir e dhuinn nì eile na 'aite a bhios gu stàth dh'ar n-anam. Ma 's àill leinn, ma ta, beannachd saoghalta sa bith fhaighinn, is còir dhuinn iarraidh air Dia air a' chùmhanta so a mhàin—ma tha esan ga 'faicinn iomchuidh, agus ma bhios e gu leas ar n-anma.

4. Le *Buanas*. "Dianaibh ùime sin faire ri ùrnaigh daonnan."—Luc. xxi. 36.

"Bithibh ri ùrnaigh gun lasachadh.—1 Tess. v. 17.

Agus ged nach grad-fhaigh sinn na bhios sinn ag iarraidh, na cailleamaid ar misneach, ach leanamaid

samhladh na bantraich a fhuair a guidhe bho'n bhrith-camh éucoraich le sior-iarraidh, agus le dian-achanaich. —Luc. xviii. 1-5.

5. *Ainm an ainm Chrìosta.* Bho'n is ann bho fhulangas Chrìosta 's bho dhòrtadh 'Fhala prìseile a tha gach gràs ri tighinn òirinn, 's ann as an leth is còir an sìreach. Is ann uime sin a tha sinn 'am bhehiontas ag cur na crìche so air an ùrnaigh. 'Tromh Iosa Crìosta.'

"Cha 'n 'eil ainm air bith eile fo nèamh air a thoirt do dhaoine, leis am faod sinn a bhì sàbhailte." — Gnìomh. iv. 12.

"Ma dh' iarras sibh nì air bith air an Athair na m' ainm-sa, bheir e dhuibh e." — Eoin. xvi. 23.

URNAIGH-MHAIDNE.

An uair a dhùisgeas tu, cuir comharradh na crois' ort,
ag ràdh :

GLOIR do'n Athair, a ebruthaich mi.

Gloir do'n Mhac, a shaor mi.

Gloir do'n Spiorad Naomh a naomhaich mi.

Beannaichte gu'n robh an Trianaid naomh agus neo-dhealaichte 'nis agus gu sìorruidh. Amen.

Ag éirigh, abair:

Ann an ainm Iosa, Chrìosta ar Tighearna, éiream.
'Iosa, beannaich, stiùir 'us gléidh mi, agus thoir mi
gu beatha mhaireannaich. Amen.

An uair a bhios tu 'cur umad, smaoinich air pàis do
Shlànaire, air tròcair Dhé, air buaireadh an t-saoghail,
air do pheacannan, cho goirid 's a tha ùine, cho buan
's a tha'n t-siorrachd, no a leithid sin.

URNAIGH-MHAIDNE.

Cuir thu-fhéin 'am fianais léhe agus iarr a chòmhnaidh.

'A N ainm an Athar, ✠ agus a' Mhic, agus an Spioraid Naoimh. Amen.

Beannaichte gu'n robh an Trianaid Naomh, agus neo-dhealaichte, a nis agus gu sìorruidh. Amen.

A Spioraid Naoimh, thig agus lìon cridheachan do chreideach, agus las anna teine do ghaoil. Amen.

Abair a' Phaidir, Beannachadh-Moire, a' Chréud,
agus an t-Aideachadh.

O DHIA shìorruidh, Uile-chumhaachdaich, tha mi 'creidsinn gu daingean gu'm beil thu 'làthair ann an so; gu'm beil thu daonnan a' faicinn mo ghnìomhannan agus ag gabhail beachd air smointean uaigneach mo chridhe. Is peacach truagh mise nach fhiach tighinn ad fhianais. Tha sgàth orm labhairt riut. Ach, O mo Dhia, bho'n a tha thusa uile-mhathasach, agus uile-thrècaireach; 's bho'n nach àill leat bàs a' pheacaich, ach gu'n till e riut, 's gu'm bi e beò, tha mi 'cur romham a nise cùl a chur ri m' pheacannan, agus a bhi dìleas gu bràch na d' sheirbhis naoimh. O Thighearna, le cuideachadh do ghràs cha dian mi tuilleadh éucoir ort. Tha mi ann am mèinn do mhathais agus do thrècaire. Tha mi 'n carbsa làidir, tromh thoillteanas Iosa Chrìosta, gu'n éisd thu rium, gu'n neartaich thu mo thoil, agus gu'm faigh mi còmhnaidh an Spioraid Naoimh, agus mo dhleasnas-maidne 'chur 'an céill anns an dòigh a bhios taitneach leatsa. agus a choisneas gràsan do m' anam.

O Athair shìorruidh, a tha 'lionadh nam flathas a's àirde le d' ghlòir, tha mi ga m' ùmhlachadh fhéin 'ad làthair, agus a' toirt aoraidh, molaidh, 'us cliù do d'ainm naomh air son nan gràsan lìonor a bhuilich thu orm: air son mo chruthachadh a réir d' ìomhaigh agus do choltais fhéin; mo shaoradh le Fuil phrìseil do Mhic ionmhuinn, agus mo naomhachadh leis an Spiorad Naomh: agus air son mo thoirt sàbhailte as gach cunnart 's an robh mi riabh, gu toiseach an latha 'n diugh. O mo Dhia, bi maille rium air an latha so, agus air gach latha de m' shaoghal. Dian mo chòmhaidh gu gluasad gu stuama, béusach, ùmhlaidh, faighidneach, carrantach 'ad làthair naoimh air an latha so. O mo Dhia, gléidh mi bho gach ole air an latha 'n diugh; treòirich mo chéumannan air slighe na còrach, agus na sìthe; neartaich mi gus a h-uile nì 'dhianamh gu leasachadh do ghlòire; lìon mo chridhe le fuath agus gràin air a' pheacadh, agus gu h-àraid na peacannan a's mo 'chuir m' anam ann an cunnart. O Thigh-earna, tha aithreachas orm air son gach peacaidh a rinn mi riabh; tha mi 'cur romham, le cuideachadh do ghràs, gu'n seachainn mi iad á so suas. O Shlànair bheannaichte, gabh truas rium. Tha mo nàdur lag, coirbte, claon a dh'-ionnsaidh an uile; tha nàmhaid m' anna 'an geall air mo mhealladh, 's air mo sgaradh bho d' ghlòir, agus mo sgrios gu sìorruidh. 'Iosa, na tréig mi, as leth na Fala prìseil 'a thaom bho d' lotan cràiteach air fiodh na croise. Cuidich mi gu buaidh fhaotainn air m' ana-miannan, agus air mo naimhdean spioradail, 's gus a h-uile

dleasnas a bhuineas do m' staid a choimhlionadh; na bitheam mutha 's iomaguineach, no mutha 's déigheil, air gnothaichean saoghalt' a dhol leam. Anns gach crois agus trioblaid a thig 'am rathad, dian strìochdte mi ri d' thoil naoimh, agus làn-leagte ri stiùradh do Fhreasdail bheannaichte. Beannaich mo ghnìomh-annan, rian mo bheachd le d' ghràsan; los gu'm bi mo bheatha gu h-iomlan, agus uile smaointean mo ehridhe, gu d' bharrachd glòire gu féum an atharraich, 's gu sàbhaladh sìorruidh do m' anam fhéin. Amen.

Tha mi 'toirt aoraidh 'us glòire dhut, O Thrianaid bheannaichte, a Dhia uile-chumhachdaich, 'Athair, a Mhic, agus a Spioraid Naoimh. Tha mi ga m' liubhairt fhein dhut, agus ag achanaich ort gach nì a tha mi-thaitneach leat a thoirt air falbh bhuam, agus bho na creidich uile; agus gach nì a tha freagarrach 'ad làthair a thoirt duinn. Deònaich gu'n dian sinn do thoil air talamh, gu sòlas fhlathanais h chosnadh mar dhuais.

Riutsa, O Thighearna, tha mi 'g earbsa m' anma agus mo choluinne (*mo theaghlaich, mo phàrantan, mo bhràithrean, mo pheathraichean*), mo chà rdean, mo dhùlsean, mo luchd-eòlais, agus gach aon tha e mar fhiachan orm guidhe air an son. O Tighearna, stiùir le d' ghliocas, agus dìon le d' chumhachd, an Eaglais naomh Chaitliceach, ar bànuinn dhlighceach, agus an rìgheachd so. O Tnighearna, deònaich gu'm faigh an cinne-daonda gu léir eòlas ort: agus gu'n toir gach neach onair, urram, 'us gaol dhut. Thoir an sluagh a tha air seachran gu slighe na fìrinne;

thoir solus do chridinn ghràsoir dhaibhsan a th'ann an dorchadas, 'an aineolas, no 'n eiriceachd. O Thigearna, thoir cobhair 'us furtachd do gach aon a tha 'n trioblaid, 'an téinn, no 'm buaireadh; fuasgail air gach aon a tha 'n trioblaid a thaobh anna no cuirp. Bitheamaid gu léir fo d' dhèidinn naoinh. Thoir mathanas do na Crìostaidhnean a tha 'n talamh nam beò, agus fois shìorruidh do na creidich a dh' fhàg a' bheatha so. Amen.

Sìth an Tighearna Iosa Crìosta, toradh fhulangais naoinh, dìon nan Aingeal, eadarghuidhe na h-Oighe Beannaichte Moire, nan Naomh, 's nan daoine taghte air fad, gu'n robh maille ruinn. Amen.

URNAIGH AN AINGIL CHOIMHDICH.

AINGIL Dhé, a fluair mar chùram bho Athair na trèaire buachailleachd naomh a dhianamh ormsa air an latha an diugh, gléidh mi bho gach eunnart; stiùir mo thriall air slighe na còrach; dian iùl dhomh 'nise, agus dìon m' anam aig uair mo bhàis. Amen.

SALVE REGINA, NO SUB TUUM PRAESIDUM.

i. 100 latha laghaidh air a h-uile latha-seachdain, agus laghadh 7 bliadhna 's 7 carghuis gach Dònach a ghabhar an dà ùrnaigh so.

ii. Dhaibhsan a ghabhas uair 's an latha iad fad am beatha, làn-laghaidh air na cùmhnantan guàthaichte, air dà Dhidònaich 's a' mhios, agus aig uair am bàis.

SALVE REGINA.

Ri ghabhail 's a' mhadainn.

FAILTE, a Bhànuinn, a Mhàthair na trèaire, ar beatha, ar sòlas, ar dòchas, fàilte. Riutsa tha

sinn, sliochd sèschranach Eubha, a' togail ar guth. Riutsa tha ar glaoth, ag caoidh 's ag acain, ann an gleann so nan diar. Thoir, ma ta, 'iuchair nan gràs, sùil fhial òirne na féumaich. Agus 'an deaghaidh dhuinn a' chàin-thìr so a thréigsinn, fiach dhuinn Iosa, toradh beannaichte do chuin. O Mhoire Oigh chaomh, chàirdeil, chaoin!

V. Dian airidh mi air do mholadh, 'Oigh naomh.

R. Thoir neart dhomh 'an aghaidh do naimhdean.

V. Beannaichte gu'n robh Dia na 'naoimh.

R. Amen.

SUB TUUM PRÆSIDIUM.

Ri ghabhail feasgar.

Tha sinn a' ruith fo d' dhion, a Mhàthair naomh Dhé, na diùlt ar n-iarrtas 'an àm ar féuma; ach saor sinn daonna bho gach cunnart, 'Oigh glòrmhor agus bheannaichte.

V. Dian airidh mi air do mholadh, 'Oigh naomh.

R. Thoir neart dhomh 'an aghaidh do naimhdean.

V. Beannaichte gu'n robh Dia na 'naoimh.

R. Amen.

MEMORARE.

i. Laghadh thri chiad latha gach uair a ghabhas i ann an staid an fhìor-aithreachais.

ii. Làn-laghadh aon uair 's a' mhios dhaibhsan do 'n àbhaist a gabhail, an car a's lagha, uair 's an latha.

CUIMHNICH, a Mhoire Oigh uile-chaomh, nach eualas riabh gu'n deach aon sa bith a ruith fo d' dhion, a ghrìos do chòmhnaidh, agus a dh'iarr d'eadarghuidhe, a thréigsinn. Ag glacail misnich

'us earbsa á so, tha mise, 'Oigh nan òighean, a' ruith 'ad ionnsaidh, a Mhàthair, 'ad ionnsaidh tha mi 'fìghinn, agus ag caoidh mo pheacannan 'ad làthair. A Mhàthair Iosa, na cuir suarach mo bhriathran, ach éisd gu trèaireach, agus freagair m'achanaich. Amen.

COISRIGEADH DO MHOIRE BHAINTIGHEARNA.

O NAOIMH Mhoire Bhaintighearna, tha mise, an diugh, 's gach latha, 's aig uair mo bhàis, ag cur m' anna agus mo chuirp fo d' dhìon beannaichte, 's fo d' rogha cùrainn, agus 'an uèhd do thrèaire; riut tha mi ag earbsa m' uile dhòchais, m' uile thoil-inntinn, m' uil' uireasbhuidh m' uile thruaighe, mo bheatha agus ceann-crìche mo bheatha; los, as leth d' eadarghuidhe ro-naoimh, agus do thoillteanais, m' uile dhianadas a bhi ga 'stiùradh 's ga 'rian a réir do thoile agus toil do Mhic. Amen.

ANGELUS DOMINI, NO REIGNA CÆLI.

i. Làn-laghadh uair 's a' mhìos, ach a gabhail tri uairean 's an latha—(1) 's a' mhadainn, (2) maidhain-latha, (3) 's feasgar.

ii. 100 latha gach uair a ghabhar mar sin iad ann an staid an fhìor-aithreachas.

Gus an laghadh a chosnadh, is ann na 'r seasamh a th'againn ri 'Angelus Domini'—Fàilt an Aingil, a gabhail Didònaich.

ANGELUS DOMINI.

V. Labhair aingeal an Tighearna ri Moire.

R. Agus ghin ise leis an Spiorad Naomh.

Fàilte dhut, a Mhoire, &c.

V. Seall bean mhuinntir an Tighearna.

R. Biodh e diante dhomh a réir d' fhacail.

Fàilte dhut, a Mhoire, &c.

V. Agus gabh am Facal an nàdur-daonda.

R. Agus rinn e còmhnaidh na 'r measg

Fàilte dhut, a Mhoire, &c.

R. Guidh air ar son, a Mhàthair naomh Dhé.

V. Los gu'n toill sinn gealladh Chrìosta.

Dianamaid ùrnaigh.

Dòirt, a Thighearna, tha sinn ag guidhe ort, do ghràsan na 'r cridheachan, air chor's gu'm faod sinne, a fhuair fios air daondachd do Mhic Iosa Crìosta, le teachdaireachd aingil, ruigheachd, as leth a phàise agus a chroise, air glòir 'aiseirigh. Tromh Chrìosta ciadna ar Tighearna.

R. Amen.

Bho Shathurna-Càsga gu Sathurna Dònach na Trianaid, bheirear foncar gu'm beil 'Regina Cœli,' 's e sin, Bànuinn nam Flaitheas, ri ghabhail 'an àite 'Fàilt an Aingil,' mar a leanas.

REGINA COELI.

Ri ghabhail daonnan na 'r seasamh.

A BHÀNRUINN nam flaitheas, biodh aoibhneas ort: alleluia.

Oir, esan a bha thu 'd airidh air a ghiùlan: alleluia.

Rinn e 'n aiseirigh mar a dh' innis e: alleluia.

Guidh air ar son-ne ri Dia: alleluia.

V, Biodh aighir agus aoibhneas ort, Mhoir' Oigh: alleluia.

R. Qir dh' èirich gu fìrinneach an Tighearna :
alleluia.

Dianamaid ùrnaigh.

O Dhia, a dheònaich an saoghal a dhianamh
aoibhneach le Aiseirigh do Mhic ùr Tighearna Iosa
Crìosta; tiùraich, guidhimid ort, as leth a Mhàthar
an Oigh Moire, gu'm faigh sinn sòlas na beatha
maireannaiche. Tromh Chrìosta ciadna ar Tigh-
earna. Amen.

URNAIGH N. IGNATIUS.

O THIGHEARNA, glac agus gabh m' uile shaorsa
mo mheomhair, mo thuigse, agus m' uile thoil,
ciod sa bith a th' agam, 's a's leam : is tu-flhéin a thug
dhomh iad uile, dhutsa, O Thighearna, bheirim air
an ais iad : is leat iad uile, dian riutha gu h-uile
mar is àill leat. Thoir dhomh do ghaol 's do
ghràsan, is làn-phailteas sin dhomh. Amen.

ACHANAICH RI IOSA.

O THIGHEARNA Iosa Chrìosta, a Mhic an Dé
bhed, cuir do phàis, do chrois, agus do bhàs,
eadar do bhreitheanas agus m' anam, a nise, agus aig
uair mo bhàis, agus gu tròcaireach deònaich iochd
agus gràsan do na beòthaibh, fois agus fuasgladh do
na mairbh, sìth agus fìor-chòrdadh do'n Eaglais :
buidh do'n *Bhàruinn* 'us slothchaint do 'n rìgh-
eachd, agus a' bheatha shìorruidh 'us glòir fhìlath-
anaid dhuinne na peacaich; a Dhia a tha bed 's a'
rian fad shaoghal nan saoghal. Amen.

URNAIGHEAN AGUS IARRTASAN.

- i. 300 latha laghaidh aon uair 's an latha.
- ii. Làn-laghaidh uair 's a' mhìos, air na cùmhlanan gnàthaichte, air fear sa bith de na trì làithean mu dheireadh dhith.

O ATHAIR! O Mhìc! O Spioraid Naomh!
 O Thrianaid naomh! O Iosa! O Mhoire!
 O Ainglean beannaichte Dhé! O uile Naomha
 's Bhan-naomha fhathanas, faighibh dhòmhsa na
 gràsan so a tha mi 'g iarraidh as leth Fuil phrìseil
 Iosa Chrìosta:

1. Toil naomh Dhé a dhianamh daonnan.
2. A bhì daonnan air m' aonadh ri Dia.
3. Gun smaoineachadh air gin ach Dia.
4. Gaol a thoirt do Dhia a mhàin.
5. Gach nì a dhianamh air son Dhé.
6. A bhì 'an geall air glòir Dhe a mhàin.
7. Mi-fhéin a naombachadh air son Dhé a mhàin.
8. Deagh-fhìos fhaighinn air mo neoineachd fhéin.
9. A bhì 'sìor-fhaighinn barrachd fìosrachaidh
 air toil naomh Dhé.
10. (*An so cuir d'achanaich àraid suas.*)

A Mhoire ro-naomh, tairg suas do'n Athair
 Shìorruidh Fuil uile-phrìseil Iosa Chrìosta air son
 m' anma thruaigh, air son nan anmannan naomh a
 tha 'm Purgadair, air son uireasbhuidh na h-Eaglaise
 Naomhe, air son peacaich a thionndadh, agus air
 son an t-saoghail gu h-iomlan.

*An sin abair trì uairean "Glòir do'n Athair," ann
 an onair Fuil uile-naomh Iosa Chrìosta, aon Bheann-
 achadh Moire ann an onair bròn Moire naomh.*

agus "Fois shìorruidh, &c." aon uair air son na h-annan a tha 'n Purgadair.

URNAIGH AIR SON A' PHAPA.

A DHIA, a Bhuachaille 's a Riaghladair nan creid-each uile, seall gu trèaireach ri d' sheirbhiseach am Pàp, A. a dheònaich thu 'shuidheachadh na 'Bhuachaille air d' Eaglais : tiùraich dha, tha sinn ag guidhe ort, a bli maraon le 'fhacal 's le 'dheagh-shamhladh, gu stàth dhaibhsan a tha fo 'chùram : agus gu'm buannaich e fhèin, maille ris an treud a tha'n earbsa ris, a' bheatha shìorruidh. Tromh, &c.

AIR SON A' PHAPA.

- i. 300 latha laghaidh gach uair a ghabhar i.
- ii. Làn-laghadh uair 's mhios, air na cùmhnantan gnàthaichte.

V. Guidheamaid air son ar n-Ard-easbuig am Pàp, (A).

R. Gu'n gleidheadh an Tighearna e, gu'n neartaicheadh e e, gu'n tugadh e deagh-shoirbheas dha air talamh 's na leigeadh e gu mì-rùn a naimhdean e.

Paidir agus Beannachadh Moire.

URNAIGH AN OSTAIL ANNDRA.

THA sion gu h-ùmhlaidh ag guidhe air do Mhòrachd, a Thighearna, an t-Ostal Beannaichte Anndra, amhuil 's mar a bha e na 'shearmonaiche's na 'bhuachaille na d' Eaglais, mar sin gu'm bi e 'g eadarghuidhe daonnan riutsa air ar son. Tromh, &c.

URNAIGH BAN-NAOMH MAIRGHREAD.

A DHIA, a rinn Ban-naomh, Mairghread, Bàrrainn na h-Alba, ro-ìomraiteach a thaobh a mòr-ìochd do na bochdan; deònaich, as leth a h-eadarghuidhe agus a samblaidh, do ghaol a bhi 'sìor-mhiadachadh na'r eridheachan. Tromh, &c.

ALTACHADH ROMH BHIADH.

BEANNAICH sinn, O Thighearna, agus na tìodh-laicean so, a tha do mhathas a' buileachadh oirnn; tromh Chrìosta ar Tighearna. Amen.

ALTACHADH 'AN DEIGH BIDH.

THA sinn a' toirt tainge dhut, a Dhia uile-chumhachdaich, air son 'd uile thìodhlaicean. Amen.

Deònaich, a Tighearna, as leth d' ainme fhéin, a' bheatha shìorruidh a thoirt do 'r luchd-mathais gu léir

Fois shìorruidh gu'n iobh aig annannan nam marbh-chreideach; tromh Iosa Crìosta ar Tighearna. Amen.

NA GNIOMHANNAN.

Gnìomhannan Creidimh, Dòchais, Gràidh, agus Aithreachais.

i. Làn-laghadh uair 's a' mhìos, air na cùmlhantan guàthaichte, dhaibhsan a ghabhas aon uair 's an lath' iad fad a' mhìos.

ii. Làn-laghadh aig uair a' bhàis.

iii. Seachd bliadhna agus seachd Carghuis gach uair a ghabhar gu cràbhach iad bho'n chridhe.

Urnaigh.

O Dhia shìorruidh uile-chumhachdaich, thoir

dhuinn leasachadh creideimh, dòchais, agus gràidh : 's gus am faigh sinn an nì tha thu 'gealltainn duinn, thoir dhuinn gaol a bhi againn air an nì tha thu 'g àthnèadh dhuinn. Tromh Iosa Crìosta ar Tighearna. Amen.

Gnìomh Creidimh.

Tha mi 'creidsinn gu daingean gu'm beil aon Dia ann; agus gu'm beil ann an Dia trì pearsaichean, an t-Athair, agus am Mac, agus an Spiorad Naomh. Gu'n do ehabh am Mac an nàdur daonda, air giùlan na h-Oighe Moire, le cumhachd an Spioraid Naoimh: gu'n d'fhuilig e pàis agus bàs air ar son anns an nàdur dhaonda: gu'n d'fìrich e rithist bhon bàs: gu'n deach e suas air nèamh: 's gu'n tig e á sin a rithist a thoirt glòire sìorruidh do na daoine diadhaidh, agus pèine sìorruidh do na daoine mì-dhiadhaidh. A thuilleadh air sin, tha mi 'creidsinn gach aon nì a tha'n Eaglais naomh Chaitliceach ag cur mu m' choinnimeh a chreidsinn: a chionn gur h-e Dia an fhìor fhìrinn, nach urainn mealladh no 'bhi air a mhealladh, a thaisbein gach fìrinn dhith. Amen.

Gnìomh Dòchais.

A Dhia, a chionn gu'm beil thu uile-cumhachdach, uile-thrèaireach, agus uile-mhathasach, agus ro-fhìrinneach na d' ghealladh, tha mi 'n earbsa gu'n toir thu mathanas dhomh na m' pheacannan, as leth toillteanas do Mhic Iosa Crìosta; agus gu'n cuidich thu mi le d' ghràs an gu leantainn air gnìomhannan math a dhianamh, leis an coisinn mi a' bheatha sìorruidh a tha thu 'gealltainn duinn anns na làitheas. Amen.

Gnòmh Gràidh.

A Dhia, bho'n a tha thu uile-mhath annad fhéin agus uile-mhathasach dhuinne, tha mi 'toirt gaoil dhut thair gach nì le m' uile chridhe, le m' uil' anam, le m' uil' ìntinn, agus le m' uile neart; agus air son do ghaoil sa tha mi deònach dealachadh ris a h-uile nì, a roghainn air thusa 'chall leis a' pheacadh. Amen.

Gnòmh Carrantachd.

O mo Dhia, a tha cho gaolach air a' chinne-dhaonda, a chionn gu'n do chruthaich thu mo choimhearsnach ri d' ìomhaigh fhéin, gu'n beil gaol agads' air, agus gu'n deach a cheannach le fuil Iosa Chrìosta; 's e mo thoil gaol a thoirt do m' choimhearsnach mar dhomh-fhein, a réir òrdugh naomh do lagha. Bho m' chridhe tha mi' toirt mathanas do 'n a h-uile h-aon a chuir corruich riabh orm; agus mar a tha mo dhùil fhéin ri mathanas. 's e m' achanaich gu'n ruigeadh gach duine air gràsan, tròcair, agus sàbhaladh sìorruidh. Amen.

Gnòmh Aithreachais.

A Dhia, dh'an beil mi 'toirt gaoil os cionn gach nì, tha mi duilich bho ghrùnnd mo chridhe gu'n do chuir mi mìothlachd riabh ort le m' pheacannan; agus le còmhnaidh do ghràs, tha mi 'cur romhan á so suas gu'n seachainn mi gu ro-chùramach a h-uile peacadh, agus a h-uile ceann-aobhair peacaidh. Amen.

'An so faodar Leadan Iosa 'ghabhail, no ùrnaigh ìomchuidh sa bith eile, agus meòrachadh car tamuill.

URNAIGH-OIDCHE.

Cuir thu-flhécín 'am fianais Dhé, agus iarr a chòmhlanadh.

'An ainm an Athar, ✠ agus a' Mhic agus an Spioraid Naoimh. Amen.

Beannaichte gu'n robh an Trianaid Naomh, agus neo-dhealaichte, a nis agus gu sìorruidh. Amen.

A Spioraid Naoimh, thig agus lìon eridheachan do chreideach, agus las aunta teine do ghaoil. Amen.

Abair a' Phaidir, Beannachadh Moire, agus a' Chréud; agus thoir taing do Dhia air son gach tiodhlaic a bhuilich e ort, gu h-àraid air an latha an diugh.

O MO Dhia, tha mi 'creidsinn gu'm beil thu 'làthair ann an so, agus a' léirsinn mo smaointean, mo bhriathran, agus mo dhianadas. Tha cùram mór agad dhìom: tha do ghaol domh thair tomhas: daonnan tha thu 'buileachadh orm ghràsan móra, lìonor, agus ga m' gbleidheadh bhon ole. Shaor thu mi le fulangas dòruinneach, 's le bàs maslach do Mhic Iosa Càosta. Is tric a rinn mi éucoir ort; is tric a bha mo pheacannan gràineil toillteanach air bàs obann agus air péin sìorruidh. Ach, O mo Dhia prìseil, thug thu fathamas domh, agus 'ad mhór thrècair thug thu cuideachd ùine agus comas an aithreachais dhomh, ged nach b' airidh air mi. O, moladh, eliù, onair, agus glòir gu'n robh dhutsa, a Dhia uile-bheannaichte, air son nan gràsan lìonor a bhuilich thu orm, agus gu sònraichte air an latha an diugh. O Naomha 's 'Ainglean fhlatthanais, thugaibh taing 'us moladh do Dhia air son a mhathais agus a thrècaire dhòmhsa.

'An so guidh air Dia peacannan an latha an diugh a chur 'an cuimhne dhut, agus aithreachas tróm a thoirt dhut air an son, agus abair :—

'Athair na soillse, a thuirt : “ *Biodh solus ann, agus bha solus ann,*” fuadaich le solus do ghràs dorchadas m' aineolais, a tha 'cumail gràinealachd a' pheacaidh 'am falach orm; soilleirich dhomh gach dòigh air an do thoill mi do dhiùmb air an latha an diugh, le smaointean, briathran, dianadas, no dearmad. Thoir dhomh eridhe iriosal, brònach, air son mo chiontan, agus rùn làidir an seachmadh a so suas.

Rannsaich a nise do chogais, seall air do ghiùlan ré an latha. Co a' chuideachda anns an robh thu? Mar an ciadna, coimhead air na peacannan anns an do thuit thu, agus a rinn thu 'an aghaidh Dhé, 'an aghaidh do choimhearsnaich, agus 'ad aghaidh fhein. Agus beachdaich ciamar a a chiomhlion thu gach dleasnas a tha do staid ag iarraidh ort.

'An aghaidh Dhé.

An robh dearmad sa bith air dleasnas d' anna? An robh dìochuimhne air d' ùrnaigh, cion suime, no cion dùrachd innte? An do chuir thu 'an aghaidh gràsan Dhé? An d' thug thu ainm Dhé 'an diamhanas? An robh thu lag-dhòchasach, neo-leagte ri toil Dhé, mì-fhaighidneach?

'An aghaidh do Choimhearsnaich.

An robh thu ciontach 'am breith obainn, fuath, éud, farmad, tàire, rùn-diùghaltais, còmhstrith, droch-chainnt, cùl-chàineadh, trod, anaceart, dolaidh air a chuid no 'ehliù? Ciontach 'an aimbreit, droch-shamhladh, as-ùmhlaichd? No 'n robh thu mì-dhileas, mì-charrantach, cealgach?

'Ad aghaidh fhein.

Ag gabhail tlachd asad-fhein, eisimealach ri daoine, coireach 'an smaointean faoine no peacach; ag cumail rùin éucoraich no neo-bhéusaich; ri briathran gòrach no sgainnealach? An robh thu coireach 'am mi-gheimneachd 'ad chridhe, 'ad fhacal no 'ad dhianadas; 'am mì-stuamachd, leisg no dearmad air dleasnas sa bith?

An so abair an t-Aideachadh.

Urnaigh.

O mo Dhia, tha mi brònach bho ghrùnnid mo chridhe air son nam peacannan so, agus gach peacaidh a rinu mi riabh. Tha mi 'cur romham le còmhnaidh do ghràs gu'n seachainn mi iad á so suas. O Athair shìorruidh, gabh truas rium; air sgàth fulangas Chrìosta thoir mathanas domh. M'aimideachd agus mo ghòraiche bitheadh mi 'caoidh gu bràch. Oeh mo dhòruinn! chuir mi cùl ri m' Dhia; chaill mi mo chòir air slathanas; chuir m' ana-miannan mi 'an cunnart mo thilgeadh ann-an lasraichean iutharna. Air son toileachaidh ghèarr, thruaillidh do m' choluinn ghnàda, rinn mi am peacadh dèisneach, gabhaidh. O Dhia, dian trècair orm a réir do mhòr thrècairé; thoir mathanas domh 's dian rèite rium; oir cha 'n àill leat bàs a' pheacaich, ach gu'n till e riut 's gu'm bi e beo. Tha mis' a' tilleadh riut, a Tbhighearna, na leig mi air seachran tuille. Bithidh m' aithreachas cho trom 's gu'm bi aoibhneas air cùirt fhlatarnais as mo leth. O Shlànair, glan m' anam le d'

'fhuil phrìseil, 's bithidh mi na's gile na'n sneachd. Air cridhe iriosal agus brùite, a Thighearna, cha dian thu tàire. A Thighearna, a chruthaich a neoni mi, is fhada a bha mi gun eòlas ort. O Dhia nam feart gun àireamh, gun tomhas, gur fada bha mise gun ghaol a thoirt dhut. A Tighearna, cruthaich cridhe glan 'am chom, agus fadaidh ann teine dian do ghràidh; 'llon e le fuath agus gràin air a' pheacadh; so an t-aon nì a tha mi 'g achanaich ort à uchd fulangas agus pàis Chrìosta. Ri m' bheo tuille na leig dhomh tuiteam ann am peacadh a tha 'toilltinn iutharna.

Ann an so dian do shíth ri Dia, agus cuir thu-fhéin 's an staid anns am bu mhiann leat a bhi aig uair do bháis; agus abair an ùrnaigh so:—

O mo Dhia, tha mi 'coimhead air a' bhàs mar chis-ùmhlaichd a th' agam ri dbìol do d' mhòrachd dhiadhaidh, agus mar pheanas a tha mo pheacannan a' toilltinn. Tha mi 'tairgse dòruinn 'us ànradh mo bhàis dhut maille ri pàis agus bàs mo Shlànair Iosa Crìosta. Gabh, O Thighearna, m' fhulangas deireannach 'an èiric mo pheacannan. O, deònaich dhomh 'bhi 'an staid nan gràs aig an uair gbàbhaidh sin. Teasraig mi, O Iosa, a nis agus gu slorruidh, bho chumbachdan an dorchadais.

Tha mi ga m' liubhairt fhéin eadar choluinn agus anam do Dhia an t-Athair a chruthaich mi, do dh-Iosa Crìosta, mo Shlànair, a cheannaich le 'fhuil phrìseil mi, agus do'n Spioraid Naomh a ghlan aig tobar a' Bhaistidh mi. A Tighearna Iosa Chlòsta, gabh cùram de m' anam.

A Thighearna, gabh còmhnaidh na 'r measg fuadaich bhuainn ar nàmhaid spioradail. Biodh eadarghuidhe Naomh Mhoire, nan aingeal agus nan naomh uile, ga 'r gleidheadh ann an sìth. Gu'n robh fois aig annannan nam marbh-chreideach, tromh Iosa Crìosta ar Tighearna. Amen.

URNAIGH AN AINGIL CHOIMHIDICH.

- i. 100 latha laghaidh gach uair a ghabhar i.
- ii. Làn-laghaidh aig uair a' bhàs dhaibhsan dh' an àbhaist a gabhail tric.
- iii. Làn-laghaidh uair 's a' mhìos, air na cùmhlanan gnàthaichte, dhaibhsan a ghabhas i, an car a's lagha, uair 's an latha fad a' mhìos sin.

O AINGIL Dhé, mo choimbidiche, soilleirich, dìon riaghail, agus stiùir mis' a chiur Dia na 'thrècair fo d' chúram. Amen.

URNAIGH AIR SON NAM MARBH-CHREIDEACH.

O DHIA, a Chruthadair agus a Shlànair nan creideach gu léir, thoir do dh-annannan do sheirbheiseach làn mhathanas na'm peacannan, 's biodh iad air an saoradh bhuapa mar is deònach leotha, tromh thoradh 'achanaich diadhaidh-san, a tha beò 's 'a riaghladh fad shaoghal nan saoghal. Amen.

V. Fois shìorruidh thoir dhaibh, O Thighearna.

R. Agus solus nach dìbir dèarrsadh orra.

V. Gu'n robh am fois ann an sìth.

R. Amen.

'An so faodar na Gnìomhannan (slios 21) a ghabhail, agus Leadan Moire, no ùrnaigh iomchuidh sa bith eile; agus crìoch a chur air an ùrnaigh le Fàilt an Aingil.

Gabh roinn de Chonair Moire, agus léugh culaidh-maoinich an ath latha.

A' dol a laidhe dhut, beannaich thu-fhéin leis an uisge-choisrig, agus abair.

Ann an ainm ar Tighearna Iosa Criosta céusta gabham gu fois. 'Iosa, beannaich, stiùir, 'us gléidh mi, 's thoir mi gu beatha shìorruidh. Amen.

'Ad lanhan, a Thighearna, tha mi 'liubhairt m' anma. Shaor thu mi, a Thighearna Dhia na Fìrinne.

URNAIGHEAN AIR SON STAIDEAN ARAIDH.

MU ROGHNACHADH STAID CHAITHIMH-BHEATHA.

Tha Dia, na 'Fhreasdal, ag òrdachadh chaochladh staidean 'us dhriachdan do 'n chinne-dhaonda, na 'Ghliocas ga'n riarachadh mar dheagh-mhaighistir a' toirt oibre fos-leth do gach aon dheth 'sheirbhisich. Air an aobhar sin tha e 'buileachadh chaochladh thogradh 'us chàileachd air sluagh, agus a' riarachadh ghràsan orra a réir riatanais 's an staid gus an gairm e iad.

Le sin tha e soilleir gu'm beil e tur riatanach do gach neach roghainn cheart a dhianamh air staid chaithimh-bheatha. Tha'n roghainn so na 'gnothach cho ro-chudromach 's gur h-ann na 'mèinn a tha beannachd sònraichte Dhé 's an t-saoghal so, agus mur h-ann cuideachd a tha ar sonas sìorruidh, gur h-ann co-dhiùbh a tha crùn ar glòire air nèamh.

Gu deagh-shoirbheas a bhi ort 's an roghainn chudromaich so.

Iarr gu dian dùrachdach agus gu h-carbsach air Dia còmhnaidh àraid a ghràs, as leth cadarghuidhe Moire Bhaintighearna, do Rogha-Naoimh, agus d' Aingil Choimhidich. Rach tric gu d' dhleasnas, agus cuir do chomhairle ri d' Athair-faoisid.

Thoir gu math fonear na ceistean so 'leanas, agus biodh do fhreagairt dìreach gun fhoill:—

1. De'n a h-uile staid a tha réidh dhut, co an té dhiùbh a tha thu 'faicinn a ni barrachd còmhnaidh riut gu gaol a thoirt do Dhia agus a sheirbhiseachadh 's a'

bheatha so, 's gu d' anam a shàbhaladh — an nì a chuir thun an t-saoghail so thu?

2. Na'm biodh caraide agad a bu ro-thoigh leat, agus e 's a' chàs 's am beil thusa 's an uair, 's gu'n cuireadh e a chomhairle riut mu'n chùis, dé a' chomhairle a bheireadh tu air gu barrachd glòir Dhé agus leas 'anna? A' chomhairle a bheireadh tu airsan, 's i a's còir dhut fhéin a ghabhail an dràsta.

3. Aig uair do bhàis ciamar 'bu mhath leat thu 'dhianamh 's a' chàs so? Dian a' cheart roghainn sin an dràsta, agus cha'n aithreach dhut 's an uair ghabhaidh ud.

An uair a shònraicheas tu air staid, taig suas do Dhia i le ùrnaigh irisil, agus iarr a gabhail bhuat 's a beannachadh.

URNAIGH AIR SON STÀID CHAITHIMH-BHEATHA
A ROGHNACHADH.

O IOSA, a Ghliocais shìormuidh, agus a Chomhairliche uile-ìochdoir na feadhnaeh a chuireas iùl ort, tha mise 'tighinn a chur mo chomhairle riut 's a dh-iarraidh soluis 'us seòlaidh ort. Fiach dhomh, guidhim ort, mar a nì mi, agus ciod is ro-thaitniche le d' thoil. Fiach dhomh, mar is àill leat, ciod a th' agad mu m' choinnimh. Teagaisg dhomh mar a ghiùlaineas mi mi-fhéin, agus na miadhonan a chleachdas mi, los gach nì a nì mi a thighinn gu d' bharrachd glòire 's gu leas m' anna. Tha mi 'tairgsinn mo ebridhe dhut làn-deas gus do sheòladh diadhaidh a leantainn, agus d' òrdugh dhomh a chur 'an gnìomh; oir is ann annadsa a tha mi 'cur m' uile dhòchais, agus cha'n 'eil mi 'n tì air nì sa bith eile ach do thoil-sa a dhianamh. Air an aobhar sin, deònaich dhomh do sholus diadhaidh gu m' shoilleireachadh, agus na fàg mi 'am freasdal mo dhoille fhein. Amen.

Abair a' Phaidir agus Beannachadh-Moire, no Memorare, agus ùrnaigh ri d' Rogha-Naoimh, agus ri d' Aingeal coimhdeach.

URNÀIGH PHARANTAN AIR SON AN CLOINNE.

O ATHAIR nèamhaidh, tha mi 'g earbsa mo chloinne riut. Bi thusa 'ad Dhia 's ad Athair dhaibh; agus gu tràcaireach dian suas dhaibh gach fàillinn a th' annamsa le laigse-nàduir no le dearmad. Neartaich iad gu buaidh a thoirt air coirbteachd an t-saoghail so gu cur 'an aghaidh impidh an uile a dh-aon àird' as an tig i; agus saor iad bho cheilg an nàmhaid. Dòirt do ghràsan na 'n eridheachan, agus daingnich 'us miadaich annta tìodhlaicean do Spioraid Naoimh, los gu'm bi iad gach là ag cinntinn 'an gràsan, agus 'an eòlas ar Tighearna Iosa Crìosta; agus mar sin, le 'bhi ri seirbhis gu dileas dhut 'an so, gu'n tig iad gu 'bhi ri aoibhneas 'ad làthair 'an deaghaidh so; as leth toillteanas neo-chrìochnach ar Tighearna ciadna Iosa Crìosta a tha beò 's a' rian maille riutsa agus ris an Spiorad Naomh Amen.

URNÀIGH CLOINNE AIR SON AM PARANTAN.

O DHIA uile-chumbachdaich, a thug dhomh m' athair agus mo mhàthair, agus a rinn na 'n samhladh iad air d' uachdranachd fhéin, air do ghaol, 's air do chùram tairis dhiom; agus a dh' àithn dhomh gaol, onair, agus ùmhlachd a thoirt dhaibh anns gach nì; thoir gràsan dhomh gus an fhàinte so a chumail gu deònach agus le m' uile chridhe. Cuidich mi gu gaol deòthasach, onair

dhleasnach, agus fìor-umhailteas a thoirt dhaibh anns gach nì; 's gu 'bhi làn-strìochdte ri 'n toil mhath, 's a bhi 'n tì air an dianamh sona anns gach càs, agus feairt a thoirt air an ahasan le foighlidinn agus le irisleachd. O mo Dhia, teasraig mi bho àrdan 's bho eas-ùmhlaichd, bho 'bhì dìorasach, dùr, bho fheirg, bho leisg, 's bho mhì-chùram. Dian dìchiollach mi 'am uile dhleasnas agus 'am ionnsachadh, agus foighidneach anns gach diachainn; los, le deagh chaitheamh-beatha mar sin, gu'n toill mi 'bhi 'n urra-chloinne dhutsa, ar n-Athair a tha air nèamh, tròmh Iosa Crìosta, d'aon Mhac ar Tighearna. Amen.

URNAIGH AIR SON AR PEARS'-EAGLAIS.

O DHIA, a bhuilich driachd air Buachaillean d'eaglais nach do dheònaich thu do d'Ainglean; a thug dhaibh a' chumhachd uamhasach sin do Chorp agus d' Fhuil uile-phrìseil a choisrigeadh, a làimhseachadh, agus a riarachadh air na creidich, agus mathanas a tha ga 'dhaingneachadh air nèamh, a thoirt do na peacaich air an bì an t-aithreachas fìrinneach; thusa 'thuir riutha; "Esan a dh'éisdeas ribhse tha e 'g éisdeachd riùmsa; agus esan a chuireas suarach sibhse, tha e ga m' chur-sa suarach;" seall a nuas na d' thròcair air do sheirbhiseach (A.) am Buachaille sin a chuir thu-fhéin ar n-anmannan 'an carbsa ris. Deònaich dha na gràsan sin uile 'tha riatanach dha gus a dhleasnas a choimhlionadh gu dìleas, a los na 'uile-dhiandas gur h-e leasachadh do ghloir, sa agus sàbhaladh annannan a dh'iarras

e 'n toiseach. O Dhia, thugas dhuinne, a thréud, gu'm faic sinn daonnan annsan, le sùil ar creidimh, cha'n e an duine bho 'n leth-amach, ach d'fhear-ionaid-sa fhéin, agus fear-riarachaidh do mhistirean. Deònaich dhuinn a bhi' n còmhnaidh le athadh 's le urram a' sealltainn suas ris, agus a theagasg a ghlacail le ùmhlachd, 's ar n-uile-dhècheall a dhianamh gus ar giùlan a riaghailteachadh d' a réir. Agus tiùraich dhuinn, le 'bhi air ar n-aonadh 's a' bheatha so ann an seirbhis Dhé, gu'm faigh sinn air an latha mu dheireadh binn shòlasach nan daoine-beannaichte, agus mar sin 'an caidreamh a chéile a chaidh gun dealachadh, gu'm meal sinn sòlas sìorruidh fhathanas. Amen.

URNAIGH AIR SON EIRICEACH.

O DHIA shìorruidh uile-chumhachdaich, aig am beil truas ris gach neach, 's leis nach àill gin idir a dhol a dhèth: seall a nuas gu bàigheil riuthasan uile a th' air am mealladh le foill Shàtain; los le gach mì-dhiadhaich eiriceach a bhi air am fuadach, gu 'n tionndaidh ris an aithreachas eridhe na feadhach sin a tha 'm mearachd, agus gu'n till iad ri aonachd na fìrìne. Tromh, &c.

URNAIGH MHNATHAN LEATROMACH.

THA urra chloinne air mo ghiùlan. Anam sìorruidh 'am eom. D' òmhaigh fhéin, a Dhia, agus do dhealbh. O Dhia, 'fhuarain a' mhathais, an sonas so thàinig bhuat, 's e saor-ghibht do thrècair a th' ann. Dé am beothachadh

naomh nach 'eil a' lasadh 'am cridhe ri smaoin-eachadh gu 'n do chùim mi 'm mhàthair. O mo Dhia, dé cho deònach 's a tha mi air dleasnas màthar a chur 'an gnìomh, ged is mor an dragh sin, is lionor sochair a tha na 'lorg. Déonaich dhomh misneach, càil, 'us spionnadh an uair a thig àn a' chunnairt mhóir — tìm m' aiseadaidh. An sin tiùraich dhomh gach còmhmadh agus freasdal air an cuir mi féum. O mo Dhia, tiarainn toradh mo chuin; air sheòl 's gu'n togar dheth am peacadh-gine aig tobar naomh a' Bhaistidh, gu'm bi e air 'ionnlad ann am Fuil mo Shlànair bheannaichte, agus gu'm faigh e còir air gach urram a bhuineas do chloinn Dhé. Amen.

URNAIGH 'AN DEAGHAIDH AISEADAIDH.

O MO Dhia, ciamar a luaidheas mi riut briathran mo thaingeachaidh, buidheachas agus cràbhadh blàth mo chridhe, air son gràsan cho mór 's gu'n deachaidh m' aiseadadh gun bhéud 's gu sàbhailte. Mo dhiachainn ghoirt 's an àm ud tha nise seachad. Agus buidheachas gu'n robh dhutsa, O mo Dhia, gu'm beil mo leanabh beò fallain, agus 'an àirinnh ehlann-daoine. Agus gu'm bu ghrad a thig e le gràsan a' Bhaistidh gu 'bhi na cho-oighre mar ri Crìosta. An leanabh gràdhach so togam 'am uchd, 'us tairgeam e dhutsa, O mo Dhia. Cha'n 'eil eainnt agam a ni ùrnaigh air chòir riut; 's éudar dhomh 'bhi sàmhach a' sìleadh nan diar. Ach, O Athair na féile, is math is aithne dhut guth nan diar, 's iad a' sruthadh bhuamsa bho chridhe blàth

le bhuidheachas, le aighir, 's le dian-aoradh. O Thighearna, thugas domh na gràsan gus gach dleasnas màthar a chur 'an cèill le cùram. Bitheam cho naomh 'am dhòigh ri Sara, Rebecca, 'us Rachel 's an t Seann-Tiomnadh; no coltach ri Moire do Mhàthair ro-naomh, no Anna, no Ealasaid 's an Tiomnadh-Nuadh. Amen.

URNAIGH CARAIDE-PÒSTA.

O DHIÀ, a dh' òrdaich agus a bheannaich staid naomh a' phòsaidh, gu lionsgaradh a' chinne-dhaonda, gu comhfhurtachd dh'a chéile, agus mar shamhladh air an aonachd a tha eadar Crìosta 'san Eaglais; thoir gràsan dhòmhsa gus a beannachdan a ghlaicil gu taingeil, agus a dleasnasan a choimh-ionadh gu ro-chùramach. Tha mi ag achanaich ort thu 'bhi 'sòr-bheannachadh snaim ar pòsaidh, agus ag cuideachadh leinn gus ar caitheamh-beatha a bhi'n sìth 's an gaol, gu dìleas ag cur 'an gnìomh ar n-uile dhleasnais dhutsa 's dh' a chéile. Saor sinn bho gach droch-nàdur, 's bho gach gnìomh gun toirt, a dh' fhaodadh air sheòl sa bith naomhachd an t-snaime leis an do cheangail thu sinn, 's gu bàs nach gabh fuasgladh, a lagachadh no 'fhàgail searbh dhuinn. Dian dìleas, tairis mi, 'an tì air mo choimhleapach a thoileachadh, agus mo thoil 's mo mhiann fhein àicheadh. Na tugadh diachainn no croisean na beatha so orm mommhur 'ad aghaidh, no beannachd saoghalta sa bith diochuimhne 'dhiannamh ort, 'Ughdair agus 'Fhuarain gach mathais; ach le foighidinn 's le ciùine, le ùrnaigh 's le

taingealachd, gu'n robh gach nì naomhaichte dhutsa, 's gu'n uidheamaicheadh e mise gu aonachd shìorruidh riutsa, troimh Iosa Crìosta. Amen.

URNAIGH BHANTRAICHEAN 'US DHILLEACHDAN.

'S e do fhreasdal glie agus dìomhair, stéidh làidir mo dhòchais : ri glaoth na bantraich agus an dilleachdain, tha do chluas 'an còmhnaidh fosgailte, agus bheir thu éisdeachd dh'an achanaic'h. O Dhia a' mhathais, cha tréig thu mise gu bràch, bantrach bhochd (no dilleachdan bochd), bidh tu daonnan domh 'ad Athair 's 'ad fhear-fuasglaidh. Is tu a's athair dhuinn uile. Agus a thaobh nan trioblaidean a tha thu 'g òrdachadh tighinn 'am rathad, tionndaidh iad, O Thighearna, mar a rinn thu cheana; rud a tha furasda dhut, agus a ni thu rithist, gu aobhar-sòlais dhomh. Agus ma 's e do thoil gu'm fuilig mi tuilleadh anshocrach, bheir amhare suas ortsa dhomh misneach 'us cruadal nach dìbir. Tha mi toilichte le m' staid : cha talaich mi gu bràch air mo chrannachur. Ni mi do thoil gu ro-mhisneachail, treidhireach, ceart. Mar urra ghlie eumaidh mi mi-fhein bho dhòighean an t-saoghail, seachnaidh mi gòraiche 's ole, agus ortsa bidh mo shùil gu misneachail ann an uircasbhuidh agus 'an anshocair, ann an trioblaid agus 'an éiginn. Mar sin ni mi deas air son na sìorrachd; mar sin riaghlaidh mi mo chaitheamh-beatha. Mar sin siùbhlaidh mo làithean, le'n anshocair 's le'n uile na 'n luib, seachad mar aisling. Mu dheireadh, an uair a bhios fois shìorruidh dhomh dlùth, togaidh

mi an glaoth so riutsa, O mo Dhia, 's mi aig uchd a' bhàis: Is tusa athair nam bantrach agus nan dilleachdan, éisd rium, deónaich dhomh gràsan 'us tròcair, agus thoir mi bho innis na tùrsa 's nan diar gu rìgheachd na beatha, na soillse, 's na foise nach crìochnaich, far am beil sùil agam iadsan uile 'chòmlachadh, dh' an d' thug mi mòr-spéis air talamh; ach mo dhòruinn, a nis tha iad bhuan, spìon an bàs air bheag dàlach bho m' thaobh iad. Amen.

URNAIGH SHEANN SLUAIGH.

THA mi nis air fàs sean. An uair a bheir mi suil air m' ais air làithean mo bheath' a shiubhail bhuan cho dian, tha mi lèirsinn le buidheachas, O Dhia, gu'm bu tusa m' athair gaolach agus mo threise bho'n chreathaill gus an latha 'n diugh. Na d'fhear-iùil bha thu dhomh ann am uile ràidean, agus d'aingear naomh fhéin chuir thu mar fhear-coimhid orm gu m' dhòn. O Thighearna ghaolaich, is tric a bha mise fo chùram 's fo ìmcheist; ach mar a thig soillse na maidne 'an deaghaidh dubhar nah-oidhehe, mar a leanas solus an dorchadas, is ann mar sin a fhuair mise furtachd 'us toil-inntinn 'an deaghaidh anshocaire. Cho tric agus a thachair dhomh 'bhì ann an trioblaid 's an ceò gun chobhair, is tusa, O Athair shìorruidh, a stiùir as an dorchadas mi. Fo rian do ghliocais agus do stiùraidh tha mi ga m' thilgeil fhein gu h-iomlan; agus leanaidh mi guth mo chogais' a chionn 's e ga rìreamh do ghuth-sa. Tha mi làn-fhiosrach gu'm beil thu

'gabhail cùraim dhinn gu ro-chaoimhneil. Thuirt thu : Gu d' shean-aois giùlainidh mi thu ; àrdaichidh mi thu agus bidh mi dhut 'am fhear-saoraidh. As na briathran so is mór mo dhòchas, agus is dian aighir mo eridhe air fad. Nise, an uair a tha mi fann, aosmhor, is tus, 'O Thighearna mo ghaoil, mo thaice 's mo neart ; oir is tu treise do chuid cloinne bho ro-mhiad do ghràidh dhaibh. An uair a dh'fhaigheas mi mi-fhein anfhann, agus sgèth de m' bheatha, cha'n 'eil agam ach tionndadh riutsa, agus gheabh mi sìth agus aoibhneas : oir is mór do chomhfhurtachd dhomh 'am laigse. Dé fhad 's a tha fhathast romham de m' shaoghal ? Air sin tha fios agadsa 'mhàin, O Dhia nan gaol. Ach gu'm bi a' chùis sin mar is math leatsa, 's e mo thoil agus mo mhiann. Tha mi sealltainn alr a' mhionaid as an gairnear as a' bheatha so mi, le sìochaint 's le aighir, ach cha'n ann gun fhiamh as leth peacannan mo bheatha. An uair a thig mo bhàs, deònaich, as leth Fuil Iosa Chrìosta 'chaidh a dhortadh air mo shon air a' chrois, gur h-uair shona sin dhòmhsa. Amen.

URNAIGH LUCHD-FAOGLUIM.

O CHRUTHADAIR uile-mhòrailtich 'fhìor fhuarain an t-soluis agus 'aon Ughdair gach eolais ; deònaich, tha sinn ag guidhe ort, ar tuigse 'shoilleireachadh, agus uile dhoille a' pheacaidh 's an aineolais fhuadach bhuainn. [Thusa a ni deas-bhriathrach teanga nam balbh, stùidh ar teanga agus dòirt air ar bilean gràsan do bheannachd.] Builich òirnn spiorad an dìchill agus na h-ùmhlachd, géire

gu togail, meamhair chunailteach, agus còmhnaidh cumhachdach do ghràsan naomha; los, ge b'è nà a ebluinneas sinn no 'dh'ionnsaicheas sinn, gu'n tionndaidh sinn gu barrachd onaire dhutsa 's gu sàbhaladh sìorruidh do 'r n-annan fhein, tromh Iosa Crìosta ar Tighearna. Amen.

URNAIGH ROMH THEAGASG NO ROMH LEASAN.

300 latha laghaidh do gach urra 'ghabhas 'an staid an aithreachais i romh theagasg no romh leasan.

DEONAICH dhuinn, guidhim ort, a Dhia thròcairich, na nìchean a's taitneach leatsa iarraidh gu dùrachdach, a sgrùdadh le còill, aideachadh gu fìrinneach, 's a chur gu còmhliant' 'an gnìomh, gu moladh 'us glòir do d' ainm. Amen.

URNAIGH CHLEMENT XI. AIR SON A H-UILE FEUMA.

O MO Thighearna tha mi 'creidsinn, annad, neartaich mo chreideamh.

Tha mi 'cur m'-uile dhochais annad, daingnich mo dhòchas.

Tha mi 'toirt gaoil dhut bhe ghrùnnd mo chridhe, miadaich mo ghaol ort gach là.

Tha mi duilich gu'n d' rinn mi éucoir ort, leasaich mo bhròn.

Tha mi 'toirt aoraidh dhut mar mo chiad thùs, agus a' dianamh ort mar mo chrich dheireannaich: tha mi 'toirt tainge dhut mar mo chulaidh-mhathais 'an còmhnaidh: agus ag gairm ort mar m' àrd-dhèann.

Gu'n deònaicheadh tusa, O mo Dhia, mo stiùradh le d' ghliocas, mo smachdachadh le d' cheartas, mo

chòmhnaidh le d' thròcair, mo dhìon le d' chumhachd.

Mo smaointean, mo bhriathran, mo dhianadas, agus m' fhulangas tha mi 'n geall a choisrigheadh dhutsa, mo Dhia, ann an rathad 's gu'm bi mi á so suas a' smaoinichadh ortsa; a' labhairt ortsa; ag cur air aghart gach nì gu d' ghlòir; agus ag cur suas gu deònach ris gach crois a thig bho òrdugh do fbreasdail.

'S e mo dhùrachd, a Thighearna, gu'm biodh do thoil-sa diante 's a h-uile nì air an dòigh a's math leat, a chionn gur e do thoil-sa 'th' ann.

Gu'n soilleirichadh tu mo thuigse, gu'm beothaichheadh tu mo thoil, gu'n naomhaichheadh tu m' anam agus mo choluinn 's e m' achanaich riut, a Thighearna.

Gu'n deònaichheadh tu mo theasraiginn bho spiorad an àrdain; bho bhéud brosgail; bho cheilg an t-saoghail; bho fhoill an deomhain.

Tiùraich dhomh gràsan gu m' mheomhair a ghlanadh; srian a chur ri m' theanga, deagh-fhaicill air mo shùilean; 's mo chéudan a chumail fo smachd.

Thoir spionnadh dhomh, O mo Dhia, gu dìoladh air son mo pheacannan, gu buaidh a chosnadh air gach buaireadh, gu smachd a chur air m'anamianan, agus gus na subhailcean a tha sgéithle ri m' staid a chleachdadh.

Lìon mo chridhe le spéis do d' mhathas, le gràin air mo lochdan, le gaol air mo choinhearsnach, agus le fuath air an t-saoghal.

Thugar domh a bhi cuimhneach 'an còmhnaidh air a bhi umhal do m' uachdarain, tairis ri m' ìochdarain, dileas do m' chàirdean, agus carrantach do m' naimhdean.

O Iosa, deònaich dhomh d'fhàintean 's do shamhladh dhuinn a chumail 'am chuimhne, le mathanas a thoirt do m' naimdean, le éucoir a ghiùlan le foighidinn, math a dhianamh do luchd m' ainneart, agus guidhe air son luchd mo chùl-chàinidh.

Neartaich mi gu an-miannan na coluinne a cheannsachadh le féin-chlaoidh, sannt le déiree, fearg le ciùineachd, fuar-chràbhadh le aoradh dìongmbalta.

O mo Dhia, dian tuigseach mi ann an gnothaichean, misneachail ann an gàbhadh, foighidneach ann an anshocair, agus iriosal ann an aobhar-uaille.

Thugas dhomh a bhi dùrachdach ann an ùrnaigh, measarra 'am biadh 's 'an dibh, dìchiollach ann an gnothaichean, agus stéidheil ann an deaghbheachd.

Biodh mo chogais treidhireach glan, mo ghiùlan béusach, mo chòmradh diadhaidh, agus mo ghabhalaichean riaghailteach.

Cuidich mi gu gleachd 'an còmhnaidh ri coirbteachd mo nàduir, gu co-oibreachadh le d'ghràsan, gu cumail d'fhàintean, 's gu beartan a dhianamh a shàbhalas m' anam.

Deònaich dhomh ruigsinn air naomhachd le deagh fhaoisid, le comanachadh fiùthail, le inntinn leagte daonnan ortsa, 's le beachd treidhireach cridhe.

Fiach dhomh, O mo Dhia, cha faoin 's a tha'n saoghal so, cho sòlasach 's a tha flathanas, cho gèar 's a tha ùine, agus cho buan 's a tha 'n t-sìorrachd.

Thugas dhomh a bhi 'dianamh deas air son ar bhàis, a bhi fo fhiamh as do bheitheanas, air chor'si gu'n seachainn mi pian iutharna, agus gu'n toir m' mach sòlas fhathanais, tromh thoillteanas ar Tigh-carna Iosa Crìosta. Amen.

CREUD N. ATHANASIUS.

NEACH air bith a dh'iarras a bhi sàbhailte, tha e féumail dha romh 'n a h-uile nì gu'm bith-eadh e anns a' chreideamh Chaitliceach.

An neach nach creid sin gu h-ìomlan, agus gun ìomrall, cha'n 'eil teagamh nach bi e caillte gu sìorruidh.

Is e so ma ta an creideamh Caitliceach, gu'n toir sinn aoradh do dh-aon Dia na 'Thrianaid, agus do Thrianaid na 'h-Aon.

Gun an aon bhrìgh a thoirt do na Pearsaichean, no eadar-dhealachadh a dhianamh air an nàdur.

Oir is aon nì Pearsa an Athar, nì eile Pearsa a' Mhic, nì eile Pearsa an Spioraid Naomh.

Ach is aon diadhachd an Athar, agus a' Mhic, agus an Spioraid Naomh, is ionnan an glòir, agus is co-sìorruidh am Mòrachd.

Mar a tha an t-Athair, is ann a tha am Mac, is ann a tha an Spiorad Naomh.

Tha an t-Athair gun chruthachadh, am Mac gun chruthachadh, an Spiorad Naomh gun chruthachadh.

Tha an t-Athair neo-chrìochnach, am Mac neo-chrìochnach, agus an Spiorad Naomh neo-chrìochnach.

Tha an t-Athair sìorruidh, am Mac sìorruidh, an Spiorad Naomh sìorruidh.

'An déigh sin cha 'n e triùir a tha sìorruidh, ach a h-aon a tha sìorruidh.

Mar an ciadna cha'n e triùir a tha gun chruthachadh, no triùir a tha neo-chrìochnach; ach a h-aon tha gun chruthachadh, 's a h-aon a tha neo-chrìochnach.

Is amhuil cuideachd a tha'n t-Athair uile-chumhachdach, am Mac uile-chumhachdach, agus an Spiorad Naomh uile-chumhachdach.

'An déigh sin cha triùir a tha uile-chumhachdach, ach a h-aon a tha uile-chumhachdach.

Mar an ciadna is Dia an t-Athair, is Dia am Mac, is Dia an Spiorad Naomh.

An déigh sin cha trì Diathan, ach aon Dia a th' ann.

Mar sin cuideachd is Tighearna an t-Athair, is Tighearna am Mac, is Tighearna an Spiorad Naomh.

'An dèigh sin cha trì Tighearnan, ach aon Tighearna a th' ann.

Oir mar a tha 'n fhèrrinn Chriostail a' toirt òirnn 'aideach gur Dia, agus gur Tighearna gach Pearsa fos leth:

Is amhuil sin a tha an creideamh Caitliceach a' bacail dbuinn a ràdh gu'm beil trì Diathan no trì Tighearnan ann.

An t-Athair cha d'rinneadh le neach air bith, cha do chruthaiceadh, cha do ghineadh.

Tha am Mac bho'n Athair a mhàin : cha'n ann air a dhianamh, no air a chruthachadh, ach air a ghineadh.

Tha an Spiorad Naomh bho'n Athair agus bho'n Mhac, cha'n ann air a dhianamh, air a chruthachadh, no air a ghineadh, ach a' tighinn.

Mar sin is aon Athair a th' ann agus cha trì Athraichean ; is aon Mhac a 'th ann agus cha trì Mic : is aon Spiorad Naomh a th' ann agus cha trì Spioraid Naoimh.

Agus anns an Trianaid so cha 'n 'eil nì air thoiseach no air dheireadh, nì na 's mutha, no na's lagha ; ach tha na trì Pearsaichean co-shìorruidh agus co-ionann.

Mar sin anns a' h-uile nì, mar a thuirteadh, tha aoradh ri thoirt do h-Aon na 'Thrìnaid agus do Thrìonaid na 'h-Aon.

Air an aobhar sin, an neach a dh'iarras a bhì sàbhailte, anhuil so biodh a bheachd mu'n Trianaid

A thuilleadh air so tha e riatanach gu sàbhaladh sìorruidh gu'm biodh ceart chreideamh aig neach a thaobh Fèidilghabhail ar Tighearna Iosa Crìosta. Nise is e an Creideamh ceart, gu'n creideamaid agus gu'n aidicheamaid, gu'm beil ar Tighearna Iosa Crìosta Mac Dhé na 'Dhia agus na 'dhuine.

Tha e na 'Dhia bho Dhiadhachd 'Athar air a ghineadh romh'n t-saoghal : agus na 'dhuine bho fhuil a Mhàthar air a bhreith 's an t-saoghal.

Fìor Dhia agus fìor dhuine, aig am beil anam réusanta, agus feòil mar a th'againne.

Co-ionann ris an Athair mar Dhia; agus na's lagha na'n t-Athair mar dhuine.

'S ged a tha e na 'Dhia agus na 'dhuine, 'an déigh sin cha dha'ach aon Chrìosta e.

A h-aon cha'n ann le tionndadh na Diadhachd gu feòil, ach le toirt na daondachd gu Dia.

A h-aon gun tuilleadh, cha'n ann le measgadh nàduir, ach le aontachd pearsa.

Oir mar a tha an t-anam réusanta, agus an fheòil a' dianamh aon duine: is amhuil a tha Dia agus an duine a' dianamh aon Chrìosta.

A dh'fhuilig air son ar sàbhaladh, a chaidh sìos do dh-ifrinn, a dh'éirich a rithist air an treas latha bho na mairbh.

A chaidh suas air nèamh, a tha na 'shuidhe air deas làmh Dhé an t-Athair uile-chumhaachdach; á sin thig e a thoirt breitheanais air bheò agus air mhairbh.

Aig a thighinn éiridh a' h-uile duine rithist na'n coluinnean fhéin, agus bheir iad cùntas na'ndianadas.

Agus théid iadsan a rinn math gu beatha shìorruidh; agus iadsan a rinn ole gu teine sìorruidh.

Is e so an creideamh Caitliceach, mur creid neach e gu ceart, agus gu daingeann, cha'n fhaod e 'bhi sàbhailte.

Glòir do'n Athair, agus do'n Mhac, agus do'n Spiorad Naomh.

Mar a bhà, 's mar a thà, 's mar a bhitheas fad shaoghal nan saogaal. Amen.

CREUD PHILIS IV.

THA mise A. ag creidsinn gu daingeann agus ag aidmheil gach uile puing a th'anns a' chréud a tha Eaglais Naomh na Ròimhe 'cleachdadh, 's i sin :

Creidim ann an aon Dia, an t-Athair uile-chumhachdach, Cruthadair nèamh agus talunhainn, a h-uile nì faicinneach agus neofhaicinneach.

Agus ann an aon Thighearna Iosa Crìosta, Aonghin-Mhic Dhé, agus a rugadh bho'n Athair romh gach linn. Dia de Dhia; Solus de Sholus; fìor Dhia de fhìor Dhia; ginte cha'n ann diante; de'n aon shusbaint ris an Athair, leis an d'rinneadh a h-uile nì. A thàinig a nuas as na fhaithis air ar son-ne daoine, agus gus ar sàbhaladh; agus ghabh e feòil leis an Spiorad Naomh de'n Oigh Moire: Agus rinneadh na 'dhuine e. Chéusadh e cuid-eachd air ar son, dh'fhuilig e fo Phontius Pilat, agus thòdhlaiicheadh e. Agus dh'cìrich e rithist air an treas latha a réir nan sgrìobtur; agus chaidh e suas do nèamh: tha e na 'shuidhe air deas-làimh an Athar: agus thig e a rithist a thoirt breth air bheòtha 's air mhairbh: air a rìgheachd cha bhi crìoch.

Agus anns an Spiorad Naomh, Tighearna agus Tobhartair na beatha, a tha a' tighinn bho'n Athair agus bho'n Mhac. A thathas ag aoradh agus ag co-ghlòrachadh maille ris an Athair agus ris a' Mhac; a labhair leis na Fàidhean

Agus an aon Eaglais naomh Chaitliceach agus

Ostalach. Tha mi ag aidmheil aon bhaistidh gu mathanas pheacannan. Agus tha mo dhùil ri aiseirigh nam marbh, agus ri beatha an t-saoghail a tha ri tighinn. Amen

Tha mi gu fìor-dhaingeann ag aidmheil agus ag glacail bialaithris nan Ostal agus na h-Eaglaise, agus uile chleachdannan 'us reachdan eile na h-Eaglaise ciadna.

Tha mi cuideachd ag gabhail an Sgrìobtuir naomh 's an t-seadh sin a bhà 's a thà an Eaglais Naomh ar Màthair ga 'ghabhail, ise dh'am buin breith a thoirt air seadh 'us mìneachadh ceart an Sgrìobtuir: cha mhutha 'ghabhas no 'mhìnicheas mi iad air sheòl eile ach a réir teagasg aonsgeulach Athraichean na h-Eaglaise.

Tha mi cuideachd ag aidmheil gu'm beil gu fìrinn each agus gu fìorblhith Seachd Sàcramaidean anns an Lagh-Ur, air an òrdachadh le Iosa Crìosta ar Tighearna, agus riatanach gu sàbhaladh a' chinne-dhaonda ged nach 'eil iad riatanach uile do gach duine, 's iad sin: Baisteadh, Daingneachadh, Corp-Chrìosta, Faoisid, Ola ro'-bhàs, Ordugh Naomh, 'us Pòsadh; 's gu'm beil iad a' toirt ghràsan; agus dhiubh sin nach gabh Baisteadh, Daingneachadh, agus Ordugh Naomh toirt seachd ach aon uair gun mhì-naomhachadh. Tha mi cuideachd ag glacail 's ag gabhail nam modhannan a tha'n Eaglais Chaitliceach ag cleachdadh 'an riarachadh nan Sàcramaidean sin.

Tha mi 'gabhail 's ag glacail gach uile puing a mhìnich agus a theagaisg Comhairle Naomh Thrent mu'n pheacadh-gline 's mu naomhachadh

Tha mi 'g aidmheil cuideachd gu'm beil anns an Aifrinn ga 'tairgse suas do Dhia iobairt fhìrinneach, fhiorbhith, agus thròcaire, air son nam beò agus nam marbh. Agus gu'm beil ann an Sàcramaid uile-naomh na h-Altrach gu fìrinneach, gu fhiorbhith agus gu susbainteach Corp agus Fuil maille ri Anam agus Diadhachd ar Tighearna Iosa Crìosta; agus gu'm beil uile bhrìgh an arain air a tionndadh gu 'Chorp, agus uile bhrìgh an fhìona gu 'Fhuil—tionndadh ris an abair an Eaglais Chaitliceach Brìgh-atharrachadh. Tha mi cuideachd ag aidmheil gu'm beileas fo gach seòrsa fo leth ag glacail Chrìosta gu h-uile 's gu h-iomlan, agus fìor shàcramaid.

Tha mi 'creidsinn gu daingeann gu'm beil Purgadair ann, agus gu'm beil na h-annaman a th' air an cumail ann ga'n cuideachadh le ùrnaighean nan creideach.

Mar an ciadna gu'm beil na Naomh a tha 'riaghladh maille ri Crìosta ri urram fhaotainn agus ri ghairm, agus gu'm beil iad a' tairgse suas ùrnaighean ri Dia air ar son, agus gur còir onair a thoirt do 'n tàisealan.

Tha mi 'g aidmheil gu daingeann gur còir dealbhan Chrìosta, 's Màthair Dhé a bha riabh na h-Oighe, agus Naomh eile, a bhli againn, 's a ghleidheadh, agus gur còir onair agus urram iomchuidh 'thoirt daibh.

Tha mi cuideachd ag aidmheil gu'n d'fhàg Crìosta comas Laghadh a bhuileachadh aig an Eaglais, agus gu'm beil e ro-bhuannachdor do na Crìostaidhnean a chleachdadh.

Tha mi 'g aidmheil gur h-i Eaglais Naomh Chaitliceach agus Ostalach na Ròimhe màthair agus ban-mhaighistir nan eaglaisean uile : Agus tha mi 'gealltainn làn-ùmhlachd do Easbuig na Ròimhe Fear-ionaid Naomh Peadar, Prionnsa nan Ostal, agus Fear ionaid Iosa Chrìosta.

Tha mi cuideachd ag gabhail 's ag aidmheil gun teagamh a h-uile nì eile a th' air an liubhairt, air an mìneachadh, 's air an teagasg leis na Naomh-riaghailtean agus na Comhairlean Coicheanta, agus gu sònraichte Comhairle Naomh Thrent. Agus tha mi 'dìteadh, a' dìùlt, agus a' mollachadh gach nì 'tha na'n aghaidh, agus gach eiriceachd a dhùt, a dhiùlt, no 'mhollaich an Eaglais.

Tha mise A. 's an uair le m' dheòin ag aidmheil 's ga rìreamh ag creidsinn a' chreidimh fhèrrinnich Chaitlicheach so nach bi duine sàbhailte 'n taobh-mach dheth : Agus tha mi 'gealltainn gu'n cùm 's gu'n aidich mi gu ro-dhìleas e, gu h-ìomlan agus gun ionrall, le cuideachadh Dhé, gu uair mo bhàis.

MEORACHADH.

Làn-laghadh aon uair 's a' mhìos, air na cùmhnantan gnàthaichte, do gach aon a mheòraicheas gu cràbhach leth-uair a dh-ùine, no an car a's lagha, ceithreamh na h-uarach, gach latha de'n mhìos sin.

IS e Meòrachadh, no Urnaigh-Chridhe, smaoineachadh cràbhach air na fìrinnean a tha ar creideamh naomh a' teagasg dhuinn ; agus sin gus ar n-anam a ghlanadh bho 'ana-miannan 's 'éideadh le subhailcean ; gus ar caitheamh-beatha cheartachadh 's a dhianamh coimhlionta ; gus ar stéidheachadh

'an seirbhis Dhé 's ar neartachadh anns gach dia-chainn 'us buaireadh : agus gus ar n-uil' oibrichean a chur air a' leithid de rian 's nach bi fàillinn na 'r dianadas. Uimesin thae ro-ìomchuidh do'n a' h uile Crìostaidh meòrachadh a chleachdadh réir a staide.

Seòladh air meòrachadh.

Faodar Meòrachadh a roinn na 'thrì earrannan :—
1 *Uilheamachadh* ; 2 *Chulaidh-smaoinich* ; 3 *Dìonadh*.

I. *Uilheamachadh*.—Romh thràth-cadail léugh no éisd gu cùramach culaidh-smaoinich an ath latha ; smaoinich oirre 's tu 'dol o laidhe, agus 's a' mhad-ainn an uair a dhùisgeas tu.

2. 'An deaghaidh d' ùrnaigh-maidne cho luath 's a bheireas do chothrom air, agus sin 's an àite 's an lagha 'chuirear de sheachran ìntinn ort, cuir thu-fhéin 'am fianais Dhé, agus thoir aoradh dha.

3. Iarr a chòmhnadh gu uile chumhachdan 'us ghlusadan d' ìntinn a threòireachadh 's a stiùir-eadh gu barrachd onaire 's glòire dha.

II. 'A *Chulaidh-smaoinich*.—H-uige so 's cuid-eachadh dhut leabhar 's am beil do chulaidh-smaoinich air a liadachadh puing air phuing, a chleachdadh. Anns gach puing de d' chulaidh-smaoinich gnàthaich trì cumhachdan d' anma.—(1) do Mheomhair, (2) do Thuigse, (3) do Thoil.

1. Le d' Mheomhair cuimhnich gu h-aithghearr air do chulaidh-smaoinich ceart mar gu'm biodh tu ga 'h-éisdeachd bho bhilean naomh do Shlànair, no bho aingeal á nèamh.

Ma's firinn i mar a thà Pàis Chrìosta, am Bàs, am Breitheanas, Ifrinn, Flathanas, 's an leithidean sin.

dealbh 'ad ìntinn ionad-gnìomha, 's e sin ri ràdh, riochdaich dhut-fhéin àite 's am beil an rùn a th'agad 'ad bheachd, ionann's a' dol air 'aghart 's a' cheart àm sin fo cheart chomhair do shùl.

2. Le d' Thuigse meóraich air do chulaidh-smaoinich, 's fiach ri aobhar-brosnachaidh a tharrainn bhuaipe gu gaol a thoirt do Dhia 's do d' choimhearsnach, gu gràin a thoirt do'n pheacadh, an saoghal a chur 'an neopris, subhailean a chleachdadh, &c., réir 's mar a chuireas a' chùis air shùilean dhut.

3. An uair a dh'fhairgheas tu smointean 'us tograidhnean naomh de'n t-seòrsa so ag gluasad 'ad chridhe, leag d' ìntinn orra, beothaich iad, agus broснаich do Thoil gu cur romhad an cur gu stéidheil 'an cleachdadh. H-uige so féumaidh tu 'fhaicinn agad-fhéin ciamar a dh'fhàilnich thu 's a' chàs chiadna 's an ùine 'chaidh seachad; agus 'an sin cuir romhad le rùn làidir gu'n seachainn thu na coireannan sin 's an ùine ri tighinn.

III. *Dùnaidh*.—1. Thoir taing do Dhia air son na smointean naomh sin 's an deagh-rùn a chur 'ad chridhe.

2. Tairg suas iad dha maille re toillteanas a Mhic dhiadhaidh.

3. As leth an toillteanaís sin iarr gràsan air Dia gu do dheagh-rùn a chur gu stéidheil 'an cleachdadh; cuir achanaich suas air son na h-Eaglais, air son do chàirdean, do dhùlsean, agus do naimhdean, &c.

4. Mar cheann-sguir gabh 'Paidir' 'us Beannachadh Moire, agus, ma's àill leat, 'Anima Christi.'

Firinnean gu Meòrachadh Orra.

CARSON a chaidh ar cruthachadh, mathas Dhé dhuinn, agus a liuthad aobhar a th'againn air gaol a thoirt dhà 's air a sheirbhiseachadh; cho faoin 's a tha gach urram saoghalta, beairteas, agus toileachas na beatha so; agus cho ro-calamh 's a théid iad uile gu dìth; air gràinealachd a' pheacaidh agus òmhhoiread ar peacannan fhéin; cho cùmteach 's a thig an bàs agus cho neo-chùmteach 's a tha e dhuinn a bhi 'dianamh deas air a shon; an cùmntas cruaidh a dh'fhéumas sinn lath-eiginn a tnoirt do'n Bhrìtheamh uile-léirsinneach; air sòlas sìorruidh fhilathanais agus air pian slàorruidh ifrinn; air làthaireachd agus mèrachd Dhé; air beatha 's bàs ar Slànair; samhladh nan Naomh; air staid ar n-anna gu còlas fhaotainn òrnn-fhéin, air ar n-ana-miannan 's air ar dubhailean, &c.

IOBAIRT NA H-AIFRINN.

AN AIFRIONN AIR A MINEACHADH.

IS ann 's an Aifrinn a tha Dia a' fiachainn saoihbh-
ireachd a ghràs, agus a' dèrtadh òrnn ionnhas a mhathais: 's ann 's an Aifrinn a tha bun ar creidimh, friamh ar dòchais, tobar ar slàinte, beatha ar n-anna, leigheas ar créuchdan spioradail, cobhair 'us furtachd do'r laigse. Is grian spioradail an Aifrionn a tha 'toirt fradhair 'us léirsinn, spioraid 'us càile do Chrìostaidhmean anns a' bheatha so, agus ga'n neartachadh gu ruighinn air a' bheatha mhaireannaich.

Agus cha'n òghmhadh na buaidhean so a bhli uile aice. 's gu'm beil Crìosta fhéin a làthair 's an Aifrinn fo riochd arain agus fiona: 's ga 'thairgse fhéin suas mar ìobairt dh' a Athair diadhaidh air an altair air arson. Agus mar sin tha 'n Aifrinn cho anabarrach urramach. 's gu'n robh spéis aig Dia do na h-ìobairtean bho shean air son iad a bhli na'n samhladh 's nan combarradh air ìobairt naoimh na h-altarach, agus a' tarraim am brìghe agus an seadh bhuaipe. Agus mar sin bu taitneach le Dia ìobairt Abeil, ìobairt Mhelehisedeic, ìobairt Abraham agus ìobairtean ioma-sheòrsach nan Iùdhach, ged nach robh aunta ach sgleò 'us faileas air an ìobairt mhóir a bha ri tighinn.

Nis tha trì buaidhean sònraichte aig an Aifrinn, a tha 'toirt urrainn 'us coimhliontachd dhi. Agus 's iad sin, — (i) uaisle sagairt, (ii) uaisle tobhartais agus (iii) uaisle beachd. Na trì nichean so tha aig an aifrinn ann an seòl mìorailteach. Tha uaisle sagairt aice. 's gur e Crìosta fhéin an t-àrd-shagart 'am flathanas a tha ga 'togail suas 'am fianuis Athar an uair a tha 'fhear-ionaid an sagart air talamh ga 'tairgse suas. Tha uaisle tobhartais aice, chionn gur e Crìosta fhéin an tobhartais fo choltas arain agus fiona. Tha uaisle beachd aice, 'thaobh 's gur ann do Dhia fhéin a thathas ga 'tairgse, mar an t-aoradh a 's àirde, agus a bhuineas dhàsan a mhàin.

Agus nach 'eil so a' tiachainn na suime agus na dùrachd 'bu chòir dhuinn a bhli againn 'an àm éisdeachd na h-Aifrinne; gu h-àraid an uair a bheir sinn fonear gur h-ionann i ann am brìgh agus

ìobart na croise, agus gu'm beil gach nì innte ag cuimhneachadh agus ag ùrachadh dhuinn pàis agus bàs ar Slànair Iosa Crìosta.

Tha 'n altair 's gach ball a bhuineas dhi, a' chulaidh-aifrinn, na modhannan a thathas ag cleachdadh 'an àm na h-ìobairte, a fiachainn dhuinn pàis agus bàs Mhic Dhé.

An Altair agus a h-uidheam.

Tha 'n altair ag ciallachadh Beinn Chalbhari air an do chéusadh le tareuis Iosa Crìosta, aon Mhac Dhé, an Dàrna Pearsa de'n Trìonaid Bheannaichte. Tha 'n Altair cuideachd na 'samhladh air a' bhòrd de'n d' ìeh ar Slànair maille ri 'dheiseiciobuil a shuipeir dheireannach an oidhehe mu'n d' fhuilig e. Is ann air so a tha 'n t-Ostal Pòl a'tighinn, *Eabh.* xiii 10, far am beil e 'g ràdh, “Tha altair againn, dhe nach 'eil comas aca-san ìche a tha 'an seirbhis na pàillinn.”

Tha na *h-anartan* a tha 'còmhdaich na h-altarach nan comharradh air an lìonaodach leis an do phaisgeadh coluinn phrìseil Chrìosta an uair a chuireadh 's an uaigh e.

Tha na *coinnealan laiste* air an altair ag ciallachadh solus a' chreidimh air a thaisbeineadh do na h-Iùdhaich agus do na Cinnich: agus ag cur an cèill dhuinn dealradh a' chreidimh 's nan deagh-bhéusan a tha riatanach dhaibhsan a tha 'tairgsinn suas rùin.dhìomhair cho àrd, urramach.

Tha 'n *crann-céusaidh* ag cur an cèill dhuinn na buaidhe a choisinn ar Slànair béannaichte air a' bhàs; agus thathas ga 'thogail 'am miadhon na

h-altarach gus ar cur 'an cuimhne air pàis agus bàs Iosa Chrìosta, cùis air an còir smaoineachadh le dùrachd 's le cràbhadh cho tric agus a thairgear an iobairt naomh so.

Tha *a' chailis* na 'samhladh air uaigh naoimh ar Tighearna: agus am *paten*, air a' chloich mhóir a charaicheadh gu bial na h-uaghach.

A' Chulaidh-Aifrin.

Tha an *t-anart* a tha 'n sagart ag cur air a cheann, agus ag ceangal a rithisd mu 'ambaich, ag ciallachadh a' bhréid leis an do dhall na h-Iùdhaich Crìosta ar Slànair 's iad a' magadh air, an uair a bha iad ga 'bhualadh air an leithcheann, 's ag ràdh: Fàis-nich dhuinn, Chrìosta, co é a bhuail thu?" Mat. xxvi 68.

Tha 'n *t-éideadh geal* ag ciallachadh an trusgain ghil a chuir Herod air Crìosta 'an deigh dha a chur suarach agus culaidh-mhagaidh a dhianamb dheth.

Tha 'n *crios*, am *maniple*, 's an *stòl*, mar shamhladh air na cùird agus na ceanglaichean a chuir na h-Iùdhaich air Crìosta.

Is samhladh an *fhalluinn-uachdarach* air an trusgan dhearg-ghorm a chuir na saighdearan air Iosa Crìosta; agus tha *a' chrois* a th 'air a dealbhadh air a a cùlaobh ga'r cur 'an cuimhne air a' chrois a ghiùlain Crìosta air a ghuaillean beannaichte gu Cnoc Chalbhari.

Daithean na Culaidh-Aifrin.

Is comharradh an *Geal* air aighir 'us toil-inntinn; agus le sin 's e culaidh gheal a fhreagras do'n Nol-

luig, do Dhiardaoin-deasghabhail, do dh-fhéilltean a bhuineas do Mhoire, do dh-Ainglean, 's do Naomh nach 'eil na'm Martairean.

Tha 'n *Deary* na 'shuaicheantas fala agus dòruinne; agus air an aobhar sin tha e ri 'chur suas air féilltean nam Martairean agus nan Ostal a dh'fhuilig an bàs air son Chrìosta, agus a dhath an trusgan 'am fuil an Uain.

Is comharradh an t-*Uaine* air fàs agus cinneachadh, gus a thoirt dhuinn ri 'thuigsinn gu'm bu chòir dhuinn a h-uile latha fàs na's diadhaidh 's na's fhéarr; tha'n Eaglais ag cleachdadh an Uaine roinn mhór de Dhònaich na bliadhna.

Tha'n *Deary-ghorm* na 'shuaicheantas air aithreachas, agus mar sin air a chleachdadh 'an àm na h-Aidbhein agus a' Charghuis.

Is samhlaidh an *Dubh* air bròn agus mulad, a dh-fhiachaim dhuinn gur e mulad 'us bròn a nigheas bho'n pheacadh sinn. Tha'n Eaglais ag cleachdadh an duibh aig na h-aifrionnan air son nam marbh, a dh-fhiachaim na h-éiginn anns am beil iad.

URNAIGHEAN AN AM NA H-AIFRINNE.

Tha ùrnaighean na h-Aifrinne air an cur 's an òrdugh a tha 'freagairt do dh-fhulangas agus do bhàs as Slànair; oir tha e ro-ìomchuidh gu'm biodh fios aig a h-uile Caitliceach ciod a tha h-uile h-earrann de 'n aifrinne naomh ag ciallachadh.

'An àm do'n t-sagart dol a dh-ionnsaidh na h-allarach: tha Iosa a' dol a stigh do Ghàradh Ghethsemani.

Urnaigh romh 'n Aifrinn.

O THIGHEARNA Iosa, a Mhic an Dé bheò, 's ann agam a tha'n dearbhadh làidir air do ghaol dhomh bho d'fhulangas naomh air fad. Dheònaich thu 'bhi fo bhròn, fo fhiamh, 's fo spàirn air son mo pheacannan anns a' ghàradh. Agus an cuir mise dàil anns an aithreachas a ghabhail? An diùlt mi dhut mo ghaol, 's na dh'fhuilig thu air mo shon? O Thighearna, cha bhi mi cho mìthaingeanal. A so suas bithidh bròn orm air son mo ehiontan; fos cionn gach nì bheir mi gaol dhut. Bithidh mi leagte ri d'thoil naoimh anns gach diachainn. Thugas dhomh freasdal do 'n ìobart naoimh so air an lath' an diugh, le fiamh, cràbhadh, agus ùmlachd los gu'm faigh mi na gràsan sin a tha féumail dhomh gu aoradh a thoirt dhutsa, mar is còir, mo Thighearna agus mo Dhia

An uair a tha 'n sagart a' tòiseachadh air an Aifrinn: tha Iosa ri ùrnaigh anns a' ghàradh.

O IOSA, a dheònaich furtachd a ghabhail bho aingeal ann ad chruaidh spàirn, deònaich dhòmhsa cuideachadh d'aingil naoimh gu m' achan- aich a chur suas riut an dràsda mar a thigeadh dhomh.

Aig an Aideachadh.

An uair a tha 'n sagart a' lùbadh sìos, agus ag aideach a pheacannan 'an làthair Dhè agus cùirt fhilathanais: tha Iosa a' tuiteam air 'aghaidh 's a' ghàradh; tha peacannan an t-saoghail na'n sac cho trom air, 's ga 'enur ann an spàirn cho dòruinneach 's gu'm beil fallus-fala a'brùchdadh tromh 'chorp naomh.

O THIGHEARNA Iosa, a ghiùlain eallach thron mo pheacannan gràineil, agus a chaidh a léireadh leo, le spàirn chruaidh, agus fallus fala 's a' ghàradh; deònaich gu'n toir cuimhne do dhòruinne tiomachadh air mo chridhe, agus gal air mo shùilean. O mo Dhia, gabh bhuamsa ìobairt mo chridhe, maille ri ìobairt naoimh fuil agus feòil Iosa Chrìosta 'tha sinn a' tairgse suas dhut air an altair.

An uair a tha 'n sagart a' dìreadh suas a dh'-ionnsaidh na h-altarach agus ga 'pògadh: tha Iosa a' dol 'an coinnimh a nàimhdean, 's tha Iùdas ga 'bhrath le pòig.

O IOSA, a dh'fhuilig anaceart 'us masladh cho mòr, leis an ùmhlaichd agus a' chiùine 'bu mhutha; co 's urrainn do mhòr thròcair a sgrùdadh? An e so do thaing air son casan Iudais a ghlanadh? Ma 's e caoimhneas a dh' fhiach thu dhàsan a bhrath thu, ciod nach toir thu dhaibhsan a tha 'an geall air gràdh a thoirt dhut. O Iosa, neartaich mi air eagal 's gu'n géill mi do m' ana-miannan cho fada 's gu'n dian mi peacadh, no gu'n gabh me toileachadh ann, no duais air son a dhianamh agus thus' a thréigsinn. O Thighearna, na leig le spiorad an aimhleis greim fhaotainn air m' anam. Thoir gràsan na ciùineachd agus na h-ùmhlaichd dhomh, gu mathanas a thoirt do gach aon a rinn éuceir orm.

An uair a tha 'n sagart a'dol gu oisinn na h-altarach agus a' léughadh: tha Crìosta air a ghlacail, air a cheangal, 's air a tharrainn gu Annas.

O THIGHEARNA Iosa, a dh'fhuilig do cheangal le sluagh éucorach, fuasgail mise bho chuibhrichean a' pheacaidh, agus dian m'fhasdadh riut fhéin leis a' charrantachd agus le cumail d'fhàintean; air dhòigh 's nach dian mi éucoir ort tuille le smaointean, briathran, no gnìomhannan. Amen

An uair a tha 'n sagart ag ràdh *Kyrie Eleison*, 's e sin, a *Thighearna*, dian trócair oirnn: tha an t-Ostal Peadar 'an cùirt Chaiphais ag àicheadh Iosa.

O THIGHEARNA, 'chaidh àicheadh trì uairean le Prionnsa nan Ostal, tha mi 'g achanaich ort mo chumail bho dhroch chuideachda- 's bho'n a h-uile ceann-aobhair peacaidh. Amen.

Aig Gloria in Ecclsis Deo:

'S e sin, glòir do Dhia anns na h-àrdailbh: dian aoibhneas maille ris na n-ainglean a tha 'làthair gu Iosa a chobhair, agus gu sòlas a thoirt dha air son àicheadh Pheadair.

CO is coimeas riutsa, O Dhia uile-chumhaachdaich? Co, air nèamh no air talamh, aig an beil eòir air àrd onair, moladh, agus glòir, ach agadsa, a Rìgh nan rìghrean 's a Thighearna nan tighearnan! Ma tha na h-Ainglean 's na Naoimh air nèamh ga d' shòr-mholadh 's a' toirt cliù do d' ainm le mor-shòlas, ciamar a dh'fhaodas mise, obair do làimhe, a bhi gun cliù a thoirt dhut air talamh. Cliù bheir mi dhut, O Thighearna, agus deònaich an t-aoradh a tha mi 'tairgse dhut an diugh, agus a tha mi cur romham a thoirt dhut gach latha de m' bheatha, a ghabhail bhuan gu d' bharrachd glòire. Amen.

An uair a tha 'n sagart a' tionndadh ris an t-*luagh* agus ag radh *Dominus vobiscum*—'s e sin, Gu'n robh an Tighearna maile ribh: sheall Iosa le bàigh air an Ostal Pheadar, agus thug e dha gràs an aithreachais.

O THIGHEARNA Iosa, seall ormsa le bàigh, agus thoir dhomh gràs an fhìor-aithreachais, a nìgeas bluan mo pheacannan leis an tric a rinn mi d'àicheadh. O neartaich mi ar sheòl 's nach meath eisimeil ri daoine mo mhisneach 'ad sheirbhis. O mo Dhia, na leig dhomh gèilleadh do nì air bith a chuireas corruich ortsa. Ma tha thusa leam, a Dhia uile-chumhaachdaich, is coma co 'bhios 'an aghaidh. Amen.

Aig Leughadh na Litreach:

Tha Iosa, 'an dèis mòran tàire fhulang ann an cùirt Chaiphais, air a thoirt 'an lathair Philait.

O THIGHEARNA, a dh' fhuilig bho shluagh mollaichte urad de thàmailt as leth mo pheacannan, 's gu'n rachadh smugaidean a chaitheamh 'ad aodann naomh 'an cùirt Chaiphais, agus do dhìteadh, ge bu neo-chiontach, gu bàs, 'an cùirt Philait, agus sin uile air son mo pheacannan: tha mo chridhe làn gaoil 'us taingealachd dhut, agus 'an rùn gun mhasladh a thoirt dhut gu bràch leis 'a pheacadh ghràineil.

Aig a' *Ghraduel* no'n *Tract*: tha na h-àrd-shagairt agus na seanairean ag iarraidh fianuis-bréige 'an aghaidh Iosa gus a chur gu bàs.

O THIGHEARNA Iosa, a dh'fhuilig, le tosd 'us ciùine, gach fianuis-bhréige a chaidh a thogail

'ad aghaidh ann an cùirt éucoirich Chaiphais; thoir dhòmhsa do shamhladh naomh a leanailt, air chor's 'n uair a chirear éucoir as mo leth, nach cùm mi gambas no mìorun 'am chridhe, 's nach iarr mi le diùghaltas mì-chliù a chur air an atharrach.

An uair a tha'n sagart ag ùrnaigh aig miadhon na h-altarach: tha Criosta air a thoirt 'an làthair Heroid.

O THIGHEARNA Iosa, a leig le Herod eulaidh-mhagaidh a dhianamh dhòt le trusgan geal fochaid a chur ort, thugas dhòmhsa do shamhladh diadhaidh a leantuinn, le 'bhi ciùin mar a bha thusa, agus làn foighidinn. Amen.

Aig an t-Soisgeil :

'An déigh fanaid a dhianamh air Iosa, tha Herod ga' chur air 'ais gu Pilat.

O ATHAIR shìorruidh, seall air do Mhac ionmhuinn na 'chulaidh-bhùirt aig sluagh éucorach! Seall mar a tha e air a tharrainn air 'ais 's air 'aghart feadh shràidean Ierùsaleim! Seall mar a tha an Gliocas sìorruidh a' faighinn tàire agus maslaidh! Faic cho tosdach, ciùin, faighidneach 's a tha e 'cur suas leis gach éucoir, tàmailt, agus fanaid; agus mar a tha e 'cleachdadh nan subhailcean diadhaidh a dh'àithn e do luchd-éisdeachd a Shoisgeil a leantuinn. O mo Dhia, tha mi'g achan-aich ort, as leth na h-lobairte naomhe so, a tha sinn a' tairgsinn suas dhut gu onair 'us cliù do d'ainm naomh, agus mar chuimhneachan air fulangas do Mhic Iosa, gu'n seall thu ormsa, agus air do

shluagh gu léir, le iochd 'us tròcair; agus gu'n neartaich thu sinn gu imeachd 'an céumannan do Mhic air talamh, agus a ghlòir a chosnadh ann an flathanas.

Aig a' Chréud:

Tha Crìosta a' togail teisteanais air an fhìrinn air bialaobh Philait: daingnich thusa 'an so do chreideamh air na puingeann sin uile a tha 'n Eaglais ag cur mu d' chionninn a chreidsinn.

THA mi 'creidsinn gu daingean. O Thighearna, gach nì a shoillsich thu dhomh le d' Eaglais naoimh Chaitlicich: agus, le còmhndadh do ghràs, tha mi 'cur romham leanailt ris a' chreideamh naomh so fad mo làithean 's aig uair mo bhàis. Agus tha mi 'làn-chreidsinn le solus do ghràs, gur daoine treidhireach, glie, diadhaidh, a theagaisg an fhìrinn so dhomh. Is còmhdaeh dhomh air sin, an seòl mìorailteach air an do sgaoil d'Eaglais 'am beagan ùine air feadh an domhain gu h-ìomlan, agus air an deachaidh an saoghal òmpachadh gu géill 'us creidsinn a thoirt dhaibh. Càite an téid mi, O Thighearna? Agadsa tha briathran na beatha. Mo réusan, mo chridhe, agus m' inntinn, tha 'géilleadh agus a' strìochadh do'n fhìrinn so, dh'aon teagamh no buaireadh a thogas mo chéudan-corporra dhomh. So mo chreideamh, O Thighearna, neartaich e.

An uair a tha 'n sagart a' toirt na cuibhrige de'n chailis, tha iad a' rùsgadh Chrìosta, ga 'cheangal ri posta 's ga 'sgìùrsadh.

O THIGHEARNA Iosa, spìon éideadh gràineil a' pheacaidh de m' anam, agus cuir uime trusgan àillidh do ghràs, gus am bi e taitneach 'ad làthair. Amen.

An nair a tha 'n sagart a' tairgse suas an arain agus an fhìona: tha Iosa ga 'thairgse fhéin gu 'sgìursadh, 's fhuil phriseil ga'dòrtadh.

O ATHAIR shìorruidh, seall na dh' fhuilig do Mhac naomh aig a' phosta gus ar sàbhaladh. Tha 'chorp naomh ga 'réubadh; gnìomh a bhios na 'aobhar-ioghnaidh do chumhachdan fhathanas, agus na 'aobhar bròin, gaoil, 'us taingealachd do ehlann-daoine. Co an cridhe nach bi fo leòn ri faicinn coluinn Rìgh na glòrach fo chréuchdan? An Tì a chruthaich nèamh agus talamh ga 'sgìursadh le 'chréutairean peacach fhéin! O Shlànair, is cruaidh an càramh a tha orsta air son mo chiontan! O Iosa, ciod a dh' éirich dhòmhsa! ciod a rinn mi? Dé a dh'fhàg mo chridhe cho cruaidh? Cha toir smaoineachadh air d' fhulangas tiomachadh, no taiseachadh air mo chridhe; cha'n éirich osna bho m' ehlabh; diar cha tig air mo shùil! O Thighearna pheacaich mi gu trom 'ad aghaidh. Chruadhaich mo chridhe; thiormaich tobar mo shùil; chuir mo pheacannan do ghaol as m' aire, agus d'fhulangas as mo chuimhne. O Thighearna, gabh truas rium. Amen.

Aig cuibhrigeadh na cailise: tha crùn dreathain ga 'chur air Iosa.

O IOSA, 'dh' fhuilig cràdh 'us masladh le crùn
dreadhain a chur mu d' cheann naomh, lot
mo chridhe le fìor-aithreachas, los gu'n toill
mì a bhì air mo chrùnadh leatsa ann an flathanas

An uair a tha 'n sagart a' nigheadh a mhiar: tha
Pilat ag glanadh a lamhan 's ag innscadh gu follaiseach
gu'n robh Iosa neochiontach.

O THIGHEARNA Iosa, anns nach d' fhuair am
britheamh éucorach fhéin glòmh, glan m'
anam le d' fhuil phrìseil, agus teasraig mì
bho ghannhlas, agus bho mhiòrum mo naimhdean.

An uair a tha 'n sagart ga 'chromadh fhéin aig miad-
hon na h-altarach agus a' léughadh: tha Iosa 'g éisd-
eachd ris a' phòbull a' freagairt: Biodh 'fhuil òirne,
agus air ar cloinn.

GABH, O Thrìonaid naomh, an iobairt a tha
gsinn a' tairgsinn dhut, mar chuimhneachan air
pàis, air aiseirigh, agus air deasghabhail ar Tigh-
earna Iosa Crìosta; agus ann an onair na-Oighe
beannaichte Moire; Eoin-Bhaiste, nan Ostal naomh
Peadar us Pòl, agus nan naomh uile, los gu'n tig i
gu barrachd glòire dhaibhsan agus sàbhalaiddh
dhuinne.

Aig *Orate Fratres*, 's e sin, Dianaibh ùrnaigh, a
bhraithre: tha Pilat a' faicheadh Iosa do'n t-sluagh,
agus ag éigheach, Seall an duine.

O THIGHEARNA Iosa, dheònaich a bhì 'ad
chulaidh-flanaid aig an t-sluagh, saor mise
le d' àmhlachd bho uaill, bho àrdan, agus

bho mhòrchuis. Fiach, tha mi ga m' thairgsinn fhein gu h-ìomlan cuide ris an òbairt naoimh a thathas a' tairgsinn air an altair. Éisd gu tràcaireach, uime sin, ri m' achanaich, agus deònaich gu'm b'ann a chosnadh barrachd eile do d' ainm naomh-sa agus leasachadh glòire dhuinn fhein 's an t-siorrachd, a thairgear suas i. Amen.

Aig na *Secreta*: tha Iosa air a dhìtheadh gu 'bhi air a chéusadh.

O THIGHEARNA Iosa, a dh'éisd gu tosdach, ciùin, ri binn a' bhàis; thoir dhomhsa a bhi làn strìochdte ri d' thoil naoimh anns gach trioblaid 'us diachainn a thig orm 's a' bheatha so; 's thoir dhomh sealltuinn orra mar mhiadhonan a tha thu 'cur na m' rathad gu m'anam a shàbhaladh; tromh Iosa Crìosta ar Tighearna. Amen.

Aig an Roimhradh.

An uair a tha 'n sagart a' léughadh le guth àrd, agus an cléireach a' seinn a' chluig: tha iad ag cur na croise air guailnean Iosa.

O Iosa, tha thu 'dianamh faoilte ris a' chrois a tha gu bhi air a coisrigeadh le d' fhuil phrìseil, a tha gu 'bhi na 'h-inneal-saoraidh do chlann-daoine, na 'h-altair do d'òbairt fhéin, na 'cathair-tràcaire, na 'cuimhneachan air do bhuaidh air a' bhàs, agus air do mhòr-ghaol. O Chrois phrìseil, is tusa suaicheantas armailt Mhic Dhé. Is tusa an solus a tha 'dianamh iùil do d' mhuinntir dhìlis fhéin ann an cuan bruidleineach an t-saogh-

ail so. O Iosa, na gabham nàire gu bràch as a' chrois dh'an d' thug Thusa urad spéise; 'thoir dhomh neart agus toil gu giùlan gach latha gus an toill mi 'bhi 'an àirimh do dheisciobul. Is àrd iolach do naimhdean a' fanaid ort; ach tha mise 'toirt molaidh' us glòire dhut, 's a' togail mo ghuth, maille ri cosheirm nan Naomh 's nan Aingeal a' seinn. Is naomh, naomh. naomh, thusa a Thighearna Dhia nam feart. Tha thu 'lìonadh nèamh agus talmhainn le d' ghlòir. Aighir gu'n robh anns na flathas a's àirde. Beannaichte gu'n robh an Tì a tha 'tighinn 'an ainm an Tighearna.

An uair a tha 'n sagart ag ùrnaigh air son na h-Eaglaise le guth iosal: tha Iosa ag giùlan na crosie air a ghualnean crèuchdach gu Cnoc Chalbhari 'an geall air fulangas gus ar sàbhaladh.

O THIGHEARNA Iosa, thugas dhòmhsa gu'n giùlain mi mo chroisean le foighidinn, agus gu'n strìochd mi do d' thoil naoimh-sa anns gach trioblaid. Beannaich, naomhaich, 'us lìonorach an Eaglais naomh Chaitliceach; thoir gràsan an Spioraid Naoimh dh'a Ceannard, agus dh'a buachailean; agus biodh gach aon de'n tréud umhal, freagrach dhaibh. agus an giùlan iriosal, diadhaidh carantach. Deònaich an cinne-daonda gu léir a thoirt a stigh do d' lagh naomh. Amen.

Aig Memento Domine famulorum, 's e sin, Cuimh-nich a Thighearna air do sheirbhisich; tha 'n sagart a' dianamh ùrnaigh 'au so air son na feadhnach is math leis a chòmhnaidh le 'achanaich: tha Iosa, a' tionndadh

mu'n cuairt ris na mnathan naomh, agus ag iarraidh orra, iad a bhi 'gal air an son fhèin agus air son an sliochd.

O THIGHEARNA Iosa, thoir dhòmhsa deòir an aithreachais, los gu'n glan mi bhuam mo pheacannan. Airson na dh' fhuilig thu air an t-slighe phiantail sin, agus air son na h-ìobairte naomhe a tha sinn a' tairgsinn suas dhut, dian trèdair ormsa, agus air gach aon a bhuineas dhomh. Thoir mathanas do m' naimhdean, dian fuasgladh air gach neach a réir 'uireasbhuidh, agus stiùir sinn uile le d' ghràsan anns a' bheatha so, gus am bi sinn cho sona 's gu'n sealbhaich sinn a' bheatha gun chrìch.

An uair a tha 'n sagart ag cumail a lamhan os cionn an arain agus an fhìona: tha lamhan 'us casan Iosa ga'n tàirneachadh ris a' chrois.

O M'ANAM, seall na tha Uan Dhé a' fulang air do shon! Na tàirnean garbha a thathas a' sparradh na 'lamhan 's na 'chasan, agus leis am beileas ga 'fhasdadh ris a' chrann-chéusaidh; 'fhuil phrìseil a' taomadh gu talamh á 'lotan cràiteach! O ghaoil gun choimeas! Gu'm fuiligeadh tusa a Rìgh na glòrach, a' leithid so de dhòruinn air son peacaich thruaigh mar a tha mise. Is aobhar gaoil, ioghnaidh, agus bròin so dhòmhsa ré mo làithean air talamh. Ciod a nì mi, O mo Dhia? Ciod is urrainn dhomh 'thoirt dhut? O tairgidh mi dhut do Mhae ionmhuinn Iosa Crìosta, a tha 'dol a thighinn a

a nuas air an altair. Sin an gnìomh aoraidh a 's taitnichte leatsa a's urrainn dhomh 'chur 'an cèill dhut ann an éiric mo pheacaman.

An uir a tha 'n sagart a' coisrigeadh an arain, agus a' togail suas na Sàcramaid: tha Iosa air a thogail suas air a' chraun-chéusaidh.

O M'ANAM! leig dhìot smaointean saoghailta. Le creideamh beò, ùmhlachd, agus gràdh, uidheamaich thu fhéin gu aoradh a thoirt do d' Shlànaire naomh. Seall Uan Dhé a tha 'toirt air falbh peacaidh an t-saoghail a' tighinn a nuas air an altair. Beannaichear dhut, O Iosa a Mhic Dhé uile-chumbachdaich, mo Thighearna, agus mo Dhia. A Chriosta tha mi 'toirt aoraidh dhut. Tha mi 'creidsinn gu'm beil thu 'lathair ann an so, agus gu'n dh'fhuilig thu am bàs air mo shon gus mo shàbhailadh. O neartaich mo chreideamh. Tha mi 'toirt gaoil dhut bho m' uile chridhe, 'thaobh 's gu'n d' thug thusa gaol gun choimeas dhòmhsa. A Rìgh nan Aingeal, cha'n fhiach mise tighinn 'ad fhianuis; ach 'an déigh sin, thug thu comas agus cuireadh dhomh gu tighinn ann. Iosa, glan m'anam bho luibhre a' pheacaidh. Iosa, dian tràcair òirnn. Iosa, deònaich gu'm faic mi ann am flathanas thu aghaidh ri aghaidh ann an glòir nach crìochnaich. Amen.

An uair a tha 'n sagart ag coisrigeadh an fhìona, agus a' togail suas na cailise, los gu'n toir am pobull aoradh do dh-Fhuil phrìseil Chriosta: tha Fuil Chriosta a' sruthadh bho 'lotan air a' chrois.

BEANNAICHEAR dhut 'Fhuil naomh a dhèirt á lotan Chrìosta, gu sàbhladh a' chionne-dhaonda. O Iosa, glan mise bho smal a' pheacaidh le d' Fhuil phrìseil, 's na biodh i air a dòrtadh air mo shon gun fhéum dhomh. O Athair shìorruidh, seall air do Mhac naomh anns am beil do mhòrthlachd! Eisd ri guth na Fala a tha 'taosgadh á 'lotan; cha'n e diùghaltas a tha i 'g éigheach, ach tràcair agus mathanas, O mo Dhia, air sgàth na dh'fhuilig Crìosta air mo shon air a' chrois, seall air do shluagh gu léir le bàigh, caoimhneas, agus tràcair. Amen.

Aig *Memento Domine*, far an beil an sagart ag guidhe air son anmannan nan marbh-chreideach: tha Iosa ag ùrnaigh air son an t-sluaigh a bha ga 'chéusadh.

O'THIGHEARNA Iosa, a dh' iarr mathanas dhaibhsan a bha ga d' chéusadh, thoir dhòmbhsa gràsan na h-ùmhlaichd, na carantachd, agus na foighidinn, los gu'n dian mi mar a rinn thusa, math 'an aghaidh an uile, agus gaol a thoirt do m' naimhdean. O mo Dhia, tha mi' tairgsinn ìobairt naomh Corp agus Fuil Iosa Chrìosta, as leth anmannan nam marbh-chreideach.

Ann an so àinmich dhut-fhéin an fheadhainn air son am bu mhath leat guidhe.

Dhaibh so, 'us do gach anam aig am beil còir air m' achanaich, thoir thusa, a Thighearna, fois shìorruidh fhathanas. Amen.

An uair tha an sagart 'a bualadh 'uchd, agus ag ràdh, *Nobis quoque peccatoribus*, 's e sin, "agus dhuinne na peacaich": tha fear de na mèirlich a chaidh a chéusadh maille ri Crìosta, a' tionudadh gu aithreachas.

O THIGHEARNA Iosa, a gheall flathanas do'n nheirleach a dh'aidich a chionta, fiach dhòmh-sa an trècan chiadna; agus bho'n a tha mi ga m' dhèadadh fhein 'ad làthair, tha mi 'n earbsa gu'n toir thu, mo Thighearna agus mo Dhia, gràsan an aithreachais dhomh, agus làn mbathanas 'am uile pheacannan.

Aig Pater Noster no a' Phaidir.

Far am beil an sagart ag ràdh ùrnaigh an Tighearna: tha sin ag ciallachadh nam facal mu dheireadh a labhair Iosa air a' chrois.

O THIGHEARNA Iosa, a chuir do Mbàthair fo chùram deisciobul do gràidh, agus a chuir esan fo 'dion-se, tha mi ga m' liubhairt fhéin dhut le làn-earbsa as do mhathas, as do thròcair, agus as do dhèan, O mo Dhia, nach mi a tha sona thusa a bhi 'ad athair dhomh. Nach sòlasach ri smaoin-eachadh gur h-e flathanas a's ionad còmhnuidh dhomh gu sìorruidh. 'S an àm, deònaich thusa gach nì a tha féumail a thaobh anma agus cuirp a thoirt dhomh, gus an tuinidh bhuan so a chosnadh. Tha mi 'toirt làn-mbathanais do gach aon a rinn éucoir orm; thoir thusa mathanas dhòmhsa. O mo Dhia, bi maille rium anns gach trioblaid agus buaireadh, 's na leig dhomh gu bràch géilleadh do'n pheacadh, as leth fulangas Iosa Chrìosta. Amen.

Aig Agnus Dei, 's e sin, 'Uain Dhé, abair:

UAIN Dhé, a tha 'toirt air falbh peacannan an t-saoghail 'dian tròcair oirnn.

'Uain Dhé, a tha 'toirt air falbh peacannan an t-saoghail, dian trècair oirnn.

'Uain Dhé, a tha 'toirt air falbh peacannan an t-saoghail, thoir sìth dhuinn.

A Thighearna Iosa Chrìosta, a thuirt ri d' Ostail, sìth tha mi a' fagail agaibh, mo shìth tha mi 'toirt dhuibh, na seall air mo pheacannan, ach air creideamh d'eaglais; agus deònaich dhi an t-sìth agus an aonachd a tha taitneach do d' thoil; a Dhia a tha beò 's a' rian fad shaoghal nan saoghal. Amen.

O Thighearna Iosa Chrìosta 'Mhic an Dé bhed, a thug le d' bhàs a réir toil d'athar, maille ri co-oibreachadh an Spioraid Naoimh, beatha do'n t-saoghail, saor mise le d' Chorp agus le d'Fhuil a's ro-naomh so, bho m'uile pheacannan, 'us bho'n a h-uile truaighe; thoir orm daonnan gu'n dlùth-lean mi ri d'fhàintean: agus na leig leam a chaidh a bhi air mo sgaradh bhuatsa a Dhia tha maille ri Dia ciadna an t-Athair agus an Spiorad Naomh, beò 's a' rian, fad shaoghal nan saoghal. Amen.

Na tionndadh do Chorp, O Thighearna, Iosa Chrìosta, a tha mise, ge mì-iomachuidh, ag gabhail a dhànadas a ghlaicail, gu breitheanas 'us dìteadh dhomh; ach biodh e as leth do thrècaire, na 'dhion agus na 'leigheas dhomh, air m'anam 's air mo choluinn: thusa a Dhia a tha maille ri Dia an t-Athair, ann an aonachd an Spioraid Naoimh, beò 's a' rian, fad shaoghal nan saoghal. Amen.

Aig Domine non sum dignus, 's e sin, "a Thighearna, cha'n fhiach mise" (:) Abair:—

A THIGHEARNA, cha'n fhiach mise gu'n tigeadh tu stigh fo m'fhàrdaich, ach abair am facal a mhàin's bithidh m' anam sàbhailte.

A Thighearna, cha'n fhiach mise gu'n tigeadh tu stigh fo m'fhàrdaich, ach abair am facal a mhàin's bithidh m' anam sàbhailte.

A Thighearna, cha'n fhiach mise gu'n tigeadh tu stigh fo m'fhàrdaich, ach abair am facal a mhàin, 's bithidh m' anam sàbhailte.

An uair a tha'n sagart ag gabhail Sàcramaid Corp agus Fuil Chrìosta: tha so ag cur 'an cuimhne dhuinn gu'n d' thug Iosa suas an deò air a' chrois, gus ar saoradh bho'r peacannan; a réir briathran Phòil: "*Chò tric 's a dh' itheas sibh an t-aran so 's a dh' òlas sibh a' chailis, taisbeanaidh sibh bàs an Tighearna gus an tige.*" 1 Cor. xi. 26.

Comanachadh Spioradail.

O MHIC Dhé, moladh, cliù, agus glòir gu'n robh dhutsa gu sìorruidh, air son do ghòil, do mhathais, agus do thròcaire do'n ehinne-dhaonda. Gu fìor, is tusa am Buachaille math a dh' fhuilig am bàs air son do chaorach. O biodh mo chridhe air son sin làn gaoil 'us taingealachd dhut gu bràch, mo Thighearna agus mo Dhia, m' Fhear-saoraidh, agus mo Shlànair. Ged a rinn thu ìobairt air a' chrois, tha sinn ag aideach nach b' airidh, nach b' fhiach, 's nach do thoill sinn, gu'n dèirteadh tusa am boinne a's lagha de d'fhuil phrìseil air ar son. Agus cha'n fhògluadh leat na rinn thu 'an sin; cha do sguir do ghaol air a' chrois; is cuan nach tràigh do mhathas. 'S e do mhiann a bhi 'buileachadh do ghràsan oirnn 'an còmhnaidh; is sagart thu gu

bràch a réir òrdugh Mhelchisedeic a' tairgsinn suas ìobairt naomh na h-aifrinne gach là. 'Ad mhòr ghliocas, agus 'ad mhòr chumbachd rinn thu a mhìorailte iongantach so, (aran 'us fìon a thionndadh gu d' Chorp fhéin 's gu d' Fhuil) gu m'anamsa a naomhachadh, agus a bheathachadh. Tha do dhiadhachd agus do dhaondachd fo riochd arain agus fiona air an altair; le creideamh làidir tha mi 'toirt aoraidh dhut fo sgàil an arain agus an fhìona, a tha 'ceiltinn agus a' falach orm do ghlòire. Is truagh nach robh mi deas gus do ghabhail anns an t-Sàcramaid naomh so. Ach abair thusa am faeal, agus bithidh m' anam sàbhailte. Thigsa, O Thigh-earna, ann an dòigh spioradail a ghabhail còmhnaidh 'am anam. Miadaich mo chreideamh, near-taich mo dhòchas, fadaidh teine do ghràidh 'am ebridhe, agus dian réite eadar mi agus an t-Athair slorruidh.

An uair a tha'n sagart ag cuibhrigeadh na cailise: tha Corp Chrìosta ga 'chur anns an uaigh, còmhdaichte le lìonanart.

O THIGHEARNA Iosa, a dh'fhuilig am bàs, agus a thlòdhacadh air mo shon, deònaich mo neartachadh gu ana-miannan mo choluinne a chur gu bas, le 'bhi ga'n claidh gach latha, air chor's gu'm bi m'anam saor bho luibhre ghràineil a' pheacaidh.

An uair a tha'n sagart a' tionndadh ris a' phobull, agus ag ràdh *Dominus vobiscum*, 's e sin, "gu'n robh an Thighearna maille ribh": tha Iosa ag éirigh bho na mairbh 's ga 'fhiachainn fhéin do na deisciobuil.

O THIGHEARNA Iosa, a thug buaidh air a' bhàs, agus a dh'èirich an treas latha ann an staid ghlòrmhoir, cuidich mise le cunbhadh do ghràs, gu èirigh bho bhàs a' pheacaidh gu beatha nan gràs, agus gu fuireach anns an staid naoimh so gu latha mo bhàis; air chor 's gu'm bi sìth 'an sin aig m'anam, agus gu'n gairm thu e gu sòlas nach dìbir.

An uair a tha'n sagart a' leughadh ùrnaigh dheireanach na h-aifrinne: tha Iosa ré dà fhichead latha ann an cuideachda nan Ostal, agus nan deisciobul cile, ga'n soilleireachadh anns gach nì a thaobh creidimh.

O SHLANAIR bheannaichte, a theagaisg an creideamh fìrinneach do d' dheisciobuil, dian mise umhal do d' theagasg naomh, agus strìochdte do riaghailtean na h-Eaglais naoimh Caitlicich, a stèidhich thu-fhéin air a' charraig, agus do'n do gheall thu gu'm biodh an Spiorad Naomh ga 'stìùradh gu deireadh an t-saoghail; gealladh fìrinneach nach bristear, 's nach briagnaichear a chaidh, a dh-aindeoin farmaid 'us m'oruin, innleachdan 'us chumhachdan an dorchadais, agus ionnsaidhnean eiriceach.

Aig a' Bheannachadh.

An uair a tha'n sagart a' dianamh comharradh na croise air a' phobull agus a' toirt a bheannachd dhaibh; tha Iosa a' togail suas a lamhan, agus a' toirt a bheannachd do na deisciobuil agus a dol suas do fhlatanas na'm fianais.

O THIGHEARNA Iosa, a chaidh do fhlatanas 'an ceann dà fhichead latha 'an déigh d'ais-eirigh ghlòrmhoir, tog mo chridhe-sa suas gu nèamh

'ad dbéigh. Brist slabhraidh a' pheacaidh a tha ga'm cheangal ris an t-saoghal so. O mo Dhia, thugas domh gu'm bi gach nì talmhaidh suarach, neoineach 'am shùilean, agus gu'm bi m' anam lìonte le d' ghaol-sa. O Thrianaid naomh, thoir do bheannachd dhomh le lamhan an t-sagairt aig an altair; agus biodh e mar chomharradh air a' bheannachadh a tha dùil agam fhaotainn 'am measg do dhaoine taghte, maille ris an téid mo ghairm gu glòir mhaireannaich. Amen.

Aig léughadh Siosgeul Naomh Eoin.

Ann am beil mòrachd 'us diadhachd Iosa Chrìosta gu sònraichte air an dearbhadh: tha ar Tighearna Iosa Crìosta na 'shuidhe gu glòrmhor air deas làimh an Athar shìorruidh.

O MHIC Dhé, agus a Sholuis an t-saoghail, a thainig a nuas á uchd an Athar, gu sligh' an t sàbhalaidh fhiachainn dhuinn, is tusa mo sholus agus mo cheannidil, mo bheatha agus m' ionmhas; tha mi 'toirt urraim 'us aoraidh do d' mhòralachd dhiadhaidh. Is tusa mo Dhia, mo Chruthadair, agus mo Shlànair. 'S ann agadsa a mhàin a tha còir air mo ghràdh agus air mo sheirbhis. O mo Dhia, gabh seilbh 'am anam, agus naomhaich dhut-fhéin e. O mo Dhia, thugas dhomh gu m bi mi dìleas dhut gu ruig am bàs, los gu'm meal mi thu ann an aoibhneas sìorruidh. Amen.

URNAIGH AN DEIGH NA H-AIFRINNE.

O MO Dhia, tha mi 'toirt molaidh, aoraidh, agus cliù dhut, a chionn gu'n d' thug thu comas

dhomh a bhi 'an làthair na h-ìobairte naoinhe so air an latha an diugh. Thoir mathanas dhomh anns gach peacadh anns an do thuit mi le smaointean-fuadain, no le fuar-chràbhadh. O Thighearna Iosa, bho blùrigh 's bho thoradh na h-ìobairte bean-naichte so, thoir gràsan dhòmh a bheir misneach agus càil dhomh gu imeachd gu sàbhailte tromh thrioblaidean, tromh chunnartan, agus tromh bhuairidhnean na beatha so, los gu'm bi mi cho sona 's gu'n sealbhaich mi rìgheachd fhathanas. O mo Dhia, tha mi 'cur romham a bhi dìleas seasmach na d' sheirbhis gu latha mo bhàis; neartaich agus naomhaich mo thoil agus mo dhùrachd, air sgàth fulangas agus bàs mo Shlànair Iosa Crìosta. Amen.

BUIDHEACHAS AN DEIGH NA H-AIFRINNE.

Urnaigh.

O DHIA Uile-chumhachdaich, agus a Shlànair uile-thròcairich, a Sholuis an t-saoghail 's a Ghlòir fhathanas, tha sinne le ùmhachd s' le taingeachd ag aideach na comaine a chuir thu òirn, le thu-fhèin a liubhairt 'ad thobhartas peacaidh 'us réite air ar son, ann an ìobairt bheannaichte na h-aifrinne a tha sinn air éisdeachd. Deònaich, tha sinn ag achanaich ort, ar n-inntinn a shoilleireachadh le d' ghràsan, ar cridhe a lasadh le d' ghràdh, 'us cumhachdan ar n-anna air fad a naomhachadh, air chor 's an uair a labhras ar bial na briathran a tha d' Eaglais naomh ag cur romhainn, gu'm bi ar cridhe 'toirt aoraidh do d' phearsa

dhiadbaidh, 's ag gabhail ìoghnaidh á lìonmhoiread do mbathais 'us do thrèaire. Thoir dhuinn, cuid-eachd, a bhi 'an geall air gluasad 's an t-slighe dhiadbaidh anns an d' imich thu-fhéin, los gu'm bristear mu dheireadh gach ténd peacaidh a tha ga'r ceangal ris an t-saoghal, le 'bhi 'sior-smaoineachadh air glòir shìorruidh fhilathanais: agus gu'n dlùth-aich sinn le gaol daingean riutsa a tha maille ris an Athair agus ris an Spiorad Naomh, ann an cumhachd 's ann an glòir gu sìorruidh. Amenn.

TE DEUM LAUDAMUS.

Te Deum laudamus: te
Dcminum confitemur.

Te æternum Patrem: om-
nis terra veneratur.

Tibi omnes Angeli: tibi
cœli et universæ potes-
tates.

Tibi Cherubim et Sera-
phim: incessabili voce
proclamant;

Sanctus, sanctus, sanc-
tus, Dominus Deus Sab-
aoth.

Pleni sunt cœli et terra:
majestatis gloriæ tuæ.

Te gloriosus: Apostolo-
rum chorus,

Te Prophetarum: landa-
bilis numerus'

Te Martyrum candida-

Dhutsa, 'Dhia, tha sinn
a' toirt molaidh: tha sinn
ag aideachadh gur tu an
Tighearna.

Dhutsa, 'Athair shìor-
ruidh; tha 'n domhan uile
'toirt aoraidh.

Dhutsa tha n h-ainglean
uile; dhutsa tha na nèam-
han 's uile chumhachdan.

Dhutsa tha na Cherubim
's na Seraphim ri co-sheirm
le fonn gun tàmh;

Is naomh, naomh,
naomh; Tighearna Dia
nam feachd.

Tha nèamh 'us talamh
làù; de mhòrachd do
ghlòire.

Dhutsa tha còisir ghlòr-
mhor nan Ostal,

Dhutsa tha co-theanal
cliùmhòr nam Fàidhean.

Dhutsa tha armailt gheal

tus: laudat exercitus.

Te per orbem terrarum:
sancta confitetur Ecclesia,

Patrem: immensæ ma-
jestatis;

Venerandum tuum ver-
um et unicum Filium;
Sanctum quoque: Para-
clitum Spiritum.

Tu Rex gloriæ: Christe.

Tu Patris: sempiternus
es Filius.

Tu ad liberandum sus-
cepturus hominem: non
horruisti Virginis uterum.

Tu, devicto mortis acu-
leo: aperuisti credentibus
regna cœlorum.

Tu ad dexteram Dei se-
des: in gloria Patris.

Judex crederis: esse ven-
turus.

* Te ergo quæsumus,
tuis famulis subveni:
quos pretioso sanguine
redemisti.

Æterna fac cum Sanctis
tuis: in gloria numerari.

Salvum fac populum tu-

nam Marteirean a' toirt
molaidh.

Ann's gach cèarna de'n
domhan tha d' Eaglais
naomh ga d' aideachadh,

'Athair na mòrachd neo-
chriochnaich.

'S d' Aon-Mhac aorail
firinneach;

'S maraon an Co-shurtair
an Spiorad Naomh.

Is tus', a Chrìosta, Rìgh
na glòire.

Is tu Mac sìorruidh an
Athar.

An uair a ghabh thu ort-
fhéin an duine shaoradh;
cha bu sgreamh leat còm
na h-Oighe.

Le buaidh a thoirt air
guin a' bhàis; dh'fhosgail
thu righeachd nèamh do
d' chreidich.

Tha thu d' shuidhe air
deas-làimh Dhé; ann an
glòir an Athar.

Tha sinn ag creidsinn
gu'n tig thu; a thoirt breth
oirnn.

Air an aobhar sin guidh-
imid ort, cuidich do sheir-
bhisich: a shaor thu le d'
fhuil phriseil.

Dian an àireamh 'am
measg do naomh; ann an
glòir shìorruidh.

O Thighearna, sàbhail

* 'An so ùmhlaich air do ghlùn.

um, Domine; et benedic hæreditati tuæ.

Et rege eos, et extolle illos: usque in æternum.

Per singulos dies: benedicimus te.

Et laudamus nomen tuum in sæculum: et in sæculum sæculi.

Dignare, Domine, die isto; sine peccato nos custodire.

Miserere nostri, Domine miserere nostri.

Fiat misericordia tua, Domine, super nos; quemadmodum speravimus in te.

In te, Domine, speravi: non confundar in æternum.

do shluagh; agus beannaich d' oighreachd.

Agus riaghail iad; agus tog suas iad gu sìorruidh.

A h-uile latha: beannaichidh sinn thu.

Agus molaidh sinn d' ainm gu bràch; agus fad shaoghal nan saoghal.

Deònaich, O Thighearna, air an latha 'n diugh; ar gleidheadh bho'n pheacadh.

Dian tròcair òirn, O Thighearna; dian tròcair òirn.

O Thighearna, leig do thròcair a nuas òirn; a réir 's mar a chuir sinn ar dòchas annad.

Annadsa, O Thighearna, chuir mi mo dhòchas; na nàraichear a chaoidh mi.

*Air latha-buidheachais theirear cuideachd.

V. Benedictus es, Domine, Deus Patrum nostrorum.

R. Et laudabilis, et gloriosus iu sæcula.

V. Benedicamus Patrem et Filium. cum Sancto Spiritu.

R. Laudemus et superexaltemus eum in sæcula.

V. Benedictus es, Dom-

V. Is beannaicht' thus', O Thighearna Dhia ar n-athraichean.

R. Agus airidh air cliù, agus glòrmhor gu sìorruidh.

V. Beannaicheamaid an t-Athair agus am Mac, maille ris an Spiorad Naomh.

R. Molamaid e 's àrdaicheamaid e gu sìorruidh.

V. Is beannaicht' thus',

ine Deus, in firmamento
coeli.

R. Et laudabilis, et glo-
riosus, et superexaltatus
in sæcula.

V. Benedic, anima mea
Dominum.

R. Et noli oblivisci om-
nes retributiones ejus.

V. Domine, exaudi ora-
tionem meam.

R. Et clamor meus ad
te veniat.

V. Dominus vobiscum.

R. Et cum spiritu tuo.

Oremus.

DEUS, cujus misericor-
diæ non est numerus, et
bonitatis infinitus est thes-
aurus, piissimæ majestati
tuæ pro collatis donis
gratias agimus, tuam sem-
per clementiam exorantes;
ut qui petentibus postulata
concedis, eosdem non de-
serens, ad præmia futura
disponas.

Deus, qui corda fidelium
Sancti Spiritus illustra-
tione docuisti; da nobis
in eodem Spiritu recta

O Thighearna, Dia ann an
spéur néamh.

R. Agus airidh air cliù,
agus glòrmhor agus àrd-
aichte gu sìorruidh.

V. O, m'anam, beannaich
an Tighearna.

R. Agus na dìochuimh-
nich 'uile thìodhlaicean.

V. O Thighearna, éisd
rì m' ùrnaigh.

R. Agus thigeadh mo
ghlaodh a d' ionnsaidh.

V. Gu'n robh an Tigh-
earna maille ribh.

R. Agus rì d' spiorad-sa.

Dianamaid ùrnaigh.

O Dhia, thus' a tha do
thròcair gun àirimh, agus
ionmhas do mhathais neo-
chrìochnach, tha sinn a'
toirt buidheachais do d'
mhòrachd uile-ghràsoir
air son nan thìodhlaicean a
a bhuilich thu òirnn, 's
sinn a' sìor-ghuidhe do
thròcair; los, mar a tha
thu 'buileachadh iartras
do luchd-achanaich, nach
dìbir thu 'chaidh iad, ach
gu'n uidheamaich thu iad
air son nan duaisean rì
tighinn.

O Dhia, a theagaisg
cridheachan nan creideach
le soilleireachadh an
Spioraid Naoimh; deò-

sapere, et de ejus semper consolatione gaudere.

Deus, qui neminem in te sperantem nimium affligi permittis, sed pium precibus præstas auditum; pro postulationibus nostris, votisque susceptis gratias agimus, te piissime deprecantes, ut a cunctis semper muniamur adversis. Per Christum Dominum nostrum.

R. Amen.

naich dhuinn 's an Spiorad chiadna, a bhi 'n déigh air beartan matha, agus sìor thoil-inntinn a bhi òirun na 'chofhurtachd.

O Dhia, nach 'eil a' leigeil troblaid thair chòir air gin a dh' earbas asad, ach a tha 'toirt éisdeachd gràsoir dh' an urnaighean: tha sinn a' toirt buidheachais dhut air son éisdeachd ri 'r n-achanaichean agus ri 'r n-iarrtais, agus sinn gu h-ùmhlaidh ag guidhe ort, gu'm bi sinn daonnan tiarainte bho gach truaighe. *Tromh* *Christa ar Tighearna.*

R. Amen.

CL. SALM.

MOLAIBH an Tighearna na 'ionadan naomh: molaibh e ann an spèur a chumhachd.

Molaibh e air son a ghnìomhannan tréuna: molaibh e a réir lìonmhoiread a mhòrachd.

Molaibh e le fuaim trompaide: molaibh e le saltair 'us le clàrsaich.

Molaibh e le tiompan 'us co-sheirm: molaibh e le téudan 'us organ.

Molaibh e le ciombala deagh-fhuaimneach: molaibh e le ciombala subhachais: moladh gach spiorad an Tighearna.

Gldir do 'n Athair, agus do 'n Mhac, agus do'n Spiorad Naomh. Mar a bhà, 's mar a thà, 's mar a bhitheas, fad shaoghal nan saoghal. Amen.

URNAIGHEAN ROMH 'N AIFRINN.

A N ainm an Athar, agus a' Mhic, agus an Spioraid Naoimh. *Amen.*

Beannaichte gu'n robh an Trianaid Naomh, agus neodhealaichte, a nis agus gu sìorruith. *Amen.*

A Spioraid Naoimh, thig agus lòn cridheachan do chreideach, agus las annta teine do ghaoil. *Amen.*

Deònaich, a Thighearna, deagh-bheartan a chur na 'r cridheachan, agus co-oibricheadh leinn ga 'b cur 'an gnìomh: air chor 's gur h-ann bhuatsa a thig tùs ar n-ùrnaigh 's ar gnìomhannan gu léir, agus gur h-ann annadsa a theid an crìochnachadh. Tromh Iosa Crìosta ar Tighearna. *Amen.*

Veni Sancte Spiritus.

A Spioraid Naoimh, ar n-àrd-threise,
Thig bho ghrian-chathair do ghlàir,
Sgaoil gach ceò 'tha ga'r cur iomrall,
'S leig soillsein dhe d' sholus òirn.

Thig, O 'Athair nan dìol-déiree,
Do gach féumach sìn do lámh;
A lámh bho 'n tig gach rogha gibht,
Soilleirich gach cridhe dall.

A Rìgh na cofhurtachd 's an t-sòlais,
 Bu tu Aoidh an àigh do'n anam;
 Cha 'n fhairich e teas no ganntar,
 'S e na d'làimh-sa 'triall gu aineol.

'S tu 'bheireadh furtachd agus tàmh,
 Do'n phiantach a bhios fo sgòs;
 A' mhal' air an laidh am pràmh,
 'S ann agads' 'tha sòlas di.

O 'Sholuis a's àillidh snuagh,
 Na bi 'n dudhar òirnn na'r càs;
 'Us ann an crìdh' do chreideach gaoil,
 Beothaich teine caomh do ghràidh. *ÆÆÆ*

Gun do chòmhnaidh-sa, 'Dhia thréin,
 Cha'n 'eil sgoinn 'am mac an duine;
 Cha'n 'eil ceann gu'n lochd fo'n ghréin,
 'S ann ad mhèinn-sa 'tha sinn uile.

Glan-sa dhinn gach uile thruailleachd,
 Uisgich le d' ghràsan ar tart;
 Leighis gach anam a tha leòinte,
 Strìochd na rag-mhuin 'laich ri d' reachd.

Taisich neamh a' chridhe chruaidh,
 Bi 'd chairt-iùil dhuinn anns gach gàbhadh;
 'S do na creidich tha na d' earbsa,
 Thoir seachd tìodhlaicean do ghràidh.

Treòirich na creidich ri 'm beò,
 'S na tréig iad an uair am bàis ;
 Sabhail an anam bho phian,
 'S gu'm meal iad do shùth gu bràch.

V. Cuir a mach do spiorad, 's bidh iad air an cruthachadh.

R. Agus ath-nuadhaichidh tu aghaidh an talmhainn.

Guidheamaid.

A Dhia, a theagaisg eridheachan nan creideach le soilleireachadh an Spioraid Naoimh : deònaich dhuinn 's an Spiorad ehiadna, a bhi 'n déigh air beartan matha, agus sìor-thoilinntinn a bhi òirnn na 'chofhurtachd. Tromh Iosa Crìosta ar Tigherna. *Amen.*

Gnòmh Creidimh.

Tha sinn ag creidsinn gu daingean gu'm beil aon Dia ann ; agus gum beil ann an Dia trì pearsaich ean, an t-Athair, agus am Mac, agus an Spiorad Naomh. Gu'n do gabh am Mac an nàdur daonda air giùlan na h-Oighe Moire le cumhachd an Spioraid Naoimh ; gu'n d'fhuilig e pàis agus bàs air ar son anns an nàdur dhaonda ; gu'n d'éirich e rithist bho'n bhàs ; gu'n deach e suas air nèamh ; 's gu'n tig e á sin a rithist a thoirt glòire sìorruith do na daoine diadhaidh, agus péine sìorruith do na daoine mì-dhiadhaidh. A thuilleadh air sin, tha sinn ag creidsinn gach aon nì a tha'n Eaglais naomh Chaitliceach ag cur mu 'r coinnimh a chreidsinn :

a chionn gur h-e Dia an fhìor fhìrinn nach urrainn mealladh no 'bhi air a mhealladh, a thaisbean gach fìrinn dhi. *Amen.*

Gnòmh Dòchais.

A Dhia, a chionn gu'm beil thu uile-chumhachdach, uile-thrècaireach, agus uile mhathasach, agus ro-fhìrinneach na d' ghealladh, tha sinn 'an earbsa gu'n toir thu, mathanas dhuinn na'r peacannan as leth toillteanas do Mhic Iosa Crìosta; agus gu'n cuidich thu sinn le d' ghràsan gu leanntainn air gnòmhannan math a dhianamh, leis an coisinn sinn a' bheatha shiorruith a tha thu 'gealltainn duinn anns na flaitheas. *Amen.*

Gnòmh Gràdh.

A Dhia, bho'n a tha thu uile-mhath annad fhéin agus uile-mhathasach dhuinne, tha sinn a' toirt gaoil dhut thair gach nì le'r n-uile chridhe, le'r n-uile anam, le'r n-uile inntinn, agus le'r n-uile neart; agus air son do ghaoil-sa, tha sinn deònach dealachadh ris a h-uile nì a roghainn air thusa 'chall leis a' pheacadh. Agus as do leth-sa tha sinn a' toirt gaoil dh' ar coimhearsnach mar dhuinn fhein, agus mhathanais bho'r cridhe dh' ar naimh-dean. *Amen.*

Gnòmh Aithreachais.

A Dhia, dh' am beil sinn a' toirt gaoil os cionn gach nì, tha sinn duilich bho ghrùnd ar cridhe gu'n do chuir sinn mìothlachd riabh ort le'r peacannan;

agus le còmhmadh do ghràs, tha sin ag cur romhainn á so suas gu'n seachainn sinn gu ro-chùramach a h-uile peacadh agus a h-uile ceann-aobhair peacaidh. *Amen.*

Urnaigh.

O Thighearna nèamh agus talmhainn, tha sinn an diugh a' tighinn ' ad làthair a thairgse suas dhut ìobairt Chuirp agus Fhala do Mhic ar Slànair, mar ionann ris an ìobairt a thairg esan air a' chrois :

An toiseach. Gu miadachadh urrainn agus glòire do d' ainm naomh—mar ìobairt-aoraidh nach fhao-dar a thairgse ach dhutsa na d'ònrachd.

'S an darna h-àite, Mar ìobairt-bhuidheachais air son gach uile mhathais a thaobh anma agus cuirp a bhuilich thu òirnne 's air an atharraich anns an ùine 'chaidh seachad.


'S an treas àite, Mar ìobairt-ìocaidh air son mathanais ar n-uile pheacannan, air am beil a nise gràin againn le'r n-uile chridhe, 's sinn ag cur romhainn le rùn làidir, nach bi sinn gu bràch tuille coireach anna.

'S a' cheathramh àite, Mar ìobairt-achanaich air son gràsan dhuinn fhéin agus do gach neach a réir am féum agus an uireasbhiudh. Tha sinn ag achanaich ort O 'Tighearna, tromh luaidheachd Fuil do Mhic, gu'n deònaicheadh tu d'Eaglais naomh Chaitliceach a lìonsgaradh anns gach cèarna de'n t-saoghal, 's iadsan a th' ann an dorchadas a thaobh creidimh a thoirt gu slighe na firinne. los gu'n tig gach uile neach a stigh do'n aon Chrò fo'n aon Bhuachaille. Deònaich do Cheannard na h-Eaglais,

dh'ar n-easbuigean 's dh'ar pearsaichean-eaglais, comaradh do Spioraid Naoimh, gu 'bhi na'n iùil 's na'n solus do na creidich, agus dìchiollach a' sealltainn thairis air an tréud a tha'n earbsa riutha. Thoir neart agus gliocas do gach uachdaran saogh-alta, gu h-àraid do'n *Bhànrainn*, gua iad fhéin a ghiùlan gu math an t-sluaigh a tha fo'n cùram. Deònaich gràsan an fhìor aithreachais do'n pheacach thruagh, agus rùn làidir gun bhristeadh dhaibhsan a tha ceart. Fuadaich blhuainn plàigh, gorta, cogadh, 's gach breitheanas eile a tha ar peacannan a' toilltinn. Seall a nuas na d' iochd le co oimhneas air gach neach a th' ann an éiginn air muir no air tìr, no air leaba na h-easlainte, (*gu sònraichte air A.*) Beannaich, a Thighearna, ar pàrantan, ar caomh-chuideachda, agus luchd-ar-leasachaidh. Beannaich gach neach air an d'rinn sinn éucoir, no dh'an d'thug sinn aobhar-peacaidh le'r droch-ghiùlan. Beannaich ar nàimhdean agus iadsan uile a tha e mar fhiachan òirnn guidhe air an son. Tha sinn ag achanaich ort gu'n dianadh tu iochd 'us bàigh ri annannan nam marbh-chreideach a dh' fhaodadh a bhì fhathast 'an àite-diachainn ga'n uidheamachadh air son glòire fhlatthanais. (*Agus an dugh tha mìn earbsa gu'n cuimhnich sibh A. a dh'éig. . . .*) Gu'n deònaicheadh tu an tìm a ghiorrachadh, agus an toirt á àite-dòruinne do ghlòir fhlatthanais.

Agus bho'n a dh'òrduich Iosa Criosta gu'n dianamaid an dìomhrachd àghor so a chumail 'an cleachdadh air a shon, tha sinn a' tairgse na h-Aifrinn

so mar cuimhneachan-taingeachd air 'fhulangas agus air a bhàs—air 'aiseirigh ghlòrmhoir bho'n naigh agus a dhol suas le mòralachd do nèamh. Agus gu so a bhi na's taitniche leatsa, tha sinn ga 'tairgse tromh Iosa do Mhae ionmhuinn, ar Tigh-earna agus ar Slànair; agus ann an ainm na Trianaide Beannaichte, an t-Athair, agus am Mac, agus an Spioraid Naomh. *Amen.*



ORDO MISSÆ.

AIG CRATHADH AN UISGE-CHOISRIG.

i Bho Dhònach na Trianaid gu Dónach Shlat-Pailm.

ASPERGES.

Ant. **A**SPERGES me
Domine, hys-
sopo, et mun-
dabor; lavabis me et
super nivem dealbabor.

Ps. Miserere mei Deus,
secundum magnam miser-
icordiam tuam.

Gloria Patri, et Filio, et
Spiritui Sancto.

Sicut erat in principio,
et nunc, et semper; et in
sæcula sæculorum. Amen.

Ant. Asperges me, &c.

UISGICHIDH tu mi le
hisop, a Thigh-
earna, agus bithidh
mi ar mo ghlanadh; nigh-
idh tu mi agus bithidh mi
na 's gile na'n sneachd.

Sm. Dian tròcair orm, a
Dhia, a réir do mhòr
thròcaire.

Glòir do'n Athair, agus
do'n Mhac, agus do'n
Spiorad Naomh. Mar a
bhà, agus mar a thà, agus
mar a bhitheas, fad shao-
ghal nan saoghal. Amen.

Uisgichidh tu mi, &c.

ii Bho Chàisg gu Caingis.

VIDI AQUAM.

Ant. VIDI aquam egre-
dientem de templo a
latere dextro, Alleluia; et
omnes ad quos pervenit
aqua ista, salvi facti sunt,
et dicent, Alleluia.

CHUNNAIC mi uisge a'
sruthadh bho thaobh deas
an tèampaill, Alleluia;
agus iadsan uile gus an
d'fhàinig an t-uisge so,
bha iad sàbhailte, agus
their iad, Alleluia.

Ps. Confitemini Domino,
quoniam, bonus; quoniam
in sæculum misericordia
ejus.

Gloria, &c.

Sm. Molaibh an Tigh-
earna, oir tha e math; oir
tha a thròcair a' mairsinn
gu sìorruith.

Glòir do'n Athair, &c.

An uair a thilleas an sagart thun na h-altrach.

V. Ostende nobis, Do-
mine, misericordiam tuam

R. Et salutare tuum da
nobis.

V. Domine exaudi ora-
tionem meam.

R. Et Clamor meus ad
te veniat.

V. Dominus vobiscum.

R. Et cum spiritu tuo.

Oremus.

EXAUDI nos, Domine
sancte, Pater omnipotens,
æterne Deus; et mittere
digneris sanctum Angelum
tuum de cœlis, qui custo-
diat, foveat, protegat,
visitet, atque defendat
omnes habitantes in hoc
habitalulo. Per Christum
Dominum nostrum. Amen

Fiach dhuinn, a Thigh-
earna, do thròcair.

Agus deònaich dhuinn
do shlàinte.

A Thighearna, éisd ri
m' ùrnaigh.

Agus gu d'ionnsuidh
thigeadh m'achanaich.

Gu'n robhan Tighearna
maille ribh.

Agus ri d' Spiorad-sa.

Guidheamaid.

Eisd ruinn, a Thighear-
na naoinh, 'Athair uile-
chumhachdaich, a Dhia
shìorruith: agus deònaich
d'aingear naoinh a chur a
nuas as na flaithis a
ghleidheadh, a dh-eirid-
neachadh, a theasraighinn,
a shealltainn, agus a dhion-
gach neach a tha 's an
tigh so. Tromh Chriosta
ar Tighearna. Amen.

ORDO MISSLE.

URNAIGHEAN NA H-AIFRINN.

An uair a tha'n sagart a' tòiseachadh air an Aifrinn.

IN Nomine Patris, ✠ et
Fili, et Spiritus Sancti.
Amen.

S. Introibo ad altare
Dei.

M. Ad Deum, qui tæti-
ficat juventutem meam.

AN ainm an Athar, agus
a' Mhic, agus an
Spioraid Naoimh.
Amen.

S. Theid mi stigh gu
altair Dhé.

C. Gu Dia a tha 'dian-
amh m' òige subhach.

xliii. *Salm.*

S. JUDICA me Deus, et
discerne causam meam de
gente non sancta; ab ho-
mine iniquo, et doloso
erue me.

M. Quia tu es, Deus,
fortitudo mea, quare me
repulisti? Et quare tristis
incedo, dum affligit me
inimicus?

S. Emitte lucem tuam,
et veritatem tuam; ipsa
me deduxerunt, et addux-
erunt in montem sanctum
tuum, et in tabernacula
tua.

M. Et introibo ad altare

S. THOIR-SA breth orm,
a Dhia, agus eadar-dheal-
aich mo chùis bho'n chin-
neadh nach naomh; bho'n
duine éucorach agus
chealgach teasraig mi.

C. Oir is tus, 'a Dhia,
mo neart, carson a chuir
thu bhuat mi? Agus car-
son is dubhach mo thriall,
's mo nàmhaid ga m'
chlaoidh?

S. Cuir a nuas do sholus
agus d'fhèrrinn; threòirich
iad mi, agus thug iad mi
gu d'bheinn naoimh,
agus a stigh do d' phàill-
innean.

C. Agus theid mi stigh

Dei; ad Deum qui lætificat
juventutem meam.

S. Confitebor tibi in
cithara, Deus, Deus meus;
quare tristis es, anima mea,
et quare conturbas me?

M. Spera in Deo, quo-
niam adhuc confitebor illi;
salutare vultus mei, et
Deus meus.

S. Gloria Patri, et Filio,
et Spiritui Sancto.

M. Sicut erat in prin-
cipio, et nunc, et semper,
et in sæcula sæculorum.
Amen.

S. Introibo ad altare
Dei.

M. Ad Deum, qui læti-
ficat juventutem meam.

S. Adjutorium nostrum
in nomine Domini.

M. Qui fecit cælum et
terram.

S. Confiteor Deo omni-
potenti, &c,

M. Misereatur tui omni-
potens Deus, et dimissis
peccatis tuis, perducatur te
ad vitam æternam.

S. Amen.

M. Confiteor Deo omni-
potenti, beatæ Mariæ sem-

gu altair Dhé; gu Dia a
tha a' dianamh m' òige
subhach.

S. Bheir mi moladh
dhut air a' chlarsaich, a
Dhia, mo Dhia; ciod uime
a tha thu dubhach, m'
anam? agus carson a tha
thu ag cur bruidleir orm?

C. Cuir d' earbsa ann an
Dia, oir fhathast bheir mi
moladh dha: slàinte mo
ghnùise, agus mo Dhia.

S. Glòir do'n Athar,
agus do'n Mhac, agus
do'n Spiorad Naomh.

C. Mar a bhà, 's mar a
thà, 's mar a bhitheas, fad
shaoghol nan saoghal.
Amen.

S. Theid mi stigh gu
altair Dhé.

C. Gu Dia a tha 'dian-
amh m' òige subhach.

S. Tha ar cobhair ann
an ainm an Tighearna.

C. A rinn nèamh agus
talamh.

S. Tha mi ag aideach-
adh do Dhia, &c.

C. Gu'n dianadh Dia
uile-chumhachdach trò-
cair ort, gu'm mathadh e
dhut do pheacannan, agus
gu'n stiùireadh e thu gu
beatha shìorruith.

S. Amen.

C. Tha mi ag aideach-
adh do Dhia uile-chumh-

per Virgini, beato Mich-
aeli, Archangelo, beato
Joanni Baptistæ, sanctis
Apostolis Petro et Paulo,
omnibus sanctis, et tibi
Pater, quia peccavi nimis
cogitatione, verbo, et
opere, mea culpa, mea
culpa, mea maxima culpa.
Ideo precor beatam Mari-
am semper Virginem,
beatum Michaellem Arch-
angelum, beatum Joannem
Baptistam sanctos Apos-
tolos Petrum et Paulum,
omnes sanctos, et te, Pater,
orare pro me ad Dominum
Deum nostrum.

*S. Misereatur vestri om-
nipotens Deus, et dimissis
peccatis vestris, perducatur
vos ad vitam æternam.*

M. Amen.

*S. ✠ Indulgentiam,
absolutionem, et remis-
sionem peccatorum nos-
trorum, tribuat nobis om-
nipotens et misericors
Dominus.*

M. Amen.

achadh, do naomh
Mhoire 'bhà riabh na h-
Oigh, do Naomh Micheil
an t-Ard-Aingeal, do
Naomh Eòin Baiste, do na
naomh Ostail Peadar agus
Pòl, do na Naoimh uile,
agus dhuibhse, 'Athair,
gu'n do pheacaich mi gu
trom le m' smaointean, le
m' bhriathran, 's le m'
ghnuimhannan, le m'
choire fhein, le m' choire
fhein, le m' mhòr choire
fhein. Air an aobhar sin
tha mi guidhe air naomh
Mhoire 'bha riabh na 'h-
Oigh, air Naomh Micheil
an t-Ard-Aingeal, air
Naomh Eòin Baiste, air
na naomh Ostail Peadar
agus Pòl, air na Naoimh
uile, agus oirbhse, 'Athar,
urnaigh a dhianamh ris an
Tighearna ar Dia air mo
shon.

*S. Gu'n dianadh Dia
uile-chumhachdach trò-
cair oirbh, gu'm mathadh
e dhuibh ur peacannan,
agus gu'n stiùireadh e sibh
gu beatha shiorruith.*

C. Amen.

*S. Gu'n tugadh an Tigh-
earna uile-chumhachdach
agus tròcaireach mathanas
fuasgladh, agus saorsa
dhuinn na'r peacannan.*

C. Amen.

S. Deus, tu conversus
vivificabis nos.

M. Et plebs tua letabitur
in te.

S. Ostende nobis, Domine,
misericordiam tuam.

M. Et Salutare tuum da
nobis.

S. Domine, exaudi orationem
meam.

M. Et clamour meus ad te
veniat.

S. Dominus vobiscum.

M. Et cum spiritu tuo.

An uair a tha n sagart a' dìreadh thun na h-altrach.

OREMUS.

AUFER a nobis, quæsumus,
Domine, iniquitates nostras;
ut ad Sancta Sanctorum
puris mereamur mentibus
introire. Per Christum Dominum
nostrum. Amen.

An uair a tha'n sagart a' pògadh na h-altrach.

ORAMUS te, Domine,
per merita sanctorum
tuorum, quorum reliquiæ
hic sunt et omnium sanctorum:
ut indulgere digneris omnia
peccata mea. Amen.

AN T-INTROITUS.

BENEDICTA sit sancta

S. A Dhia, tionndaidhidh
tu ruinn agus beothaichidh
tu sinn.

C. Agus nì do shluagh
subhachas annad.

S. Fiach dhuinn, a Thighearna,
do thròcair.

C. Agus deònaich dhuinn
do shlàinte.

S. A Thighearna, éisd ri m'
ùrnaigh.

C. Agus gu'd ionnsaidh thigeadh
m' achanaich.

S. Gu'n robh an Tighearna
maille ribh.

C. Agus ri d' spiorad-sa.

GUIDHEAMAID.

BUIN dhinn ar ciontan,
a Thighearna, tha sinn ag
guidhe ort, los gu'n toill
sinn dol a stigh le cridhe
glan do'n ionad-naomh.
Tromh Chrìosta ar Tighearna.
Amen.

THA sinn ag guidhe ort,
a Thighearna, tromh
thoillteanas do Naomh
leis an leis na tàibhsealan
a tha'n so agus nan Naomh
uile, gu'n deònaicheadh
tu m' uile pheacannan a
mhathadh dhomh. Amen.

BEANNAICHTHE gu'n robh

Trinitas, atque indivisa
Unitas: confitebimur ei,
quia fecit nobiscum mis-
ericordiam suam. *Ps.*
Domine, Dominus noster,
quàm admirabile est no-
men tuum in universa
terra!

V. Gloria Patri, &c.

an Trianaid naomh agus
an Aonachd neodheal-
aichte: bheir sinn glòir
dha, oir rinn e tròcair
oirnn. *Sm.* A Thighearna,
ar Tighearna nach àghor
d' aium air an talamh
uile!

Glòir do'n Athair, &c.

AIG KYRIE ELEISON.

S. Kyrie eleison.

S. A Thighearna, dian
tròcair oirnn.

M. Kyrie eleison.

C. A Thighearna, dian
tròcair oirnn.

S. Kyrie eleison.

S. A Thighearna, dian
tròcair oirnn.

M. Christe eleison.

C. A Chrìosta, dian
tròcair oirnn.

S. Christe eleison.

S. A Chrìosta, dian
tròcair oirnn.

M. Christe eleison.

C. A Chrìosta, dian
tròcair oirnn.

S. Kyrie eleison.

S. A Thighearna, dian
tròcair oirnn.

M. Kyrie eleison.

C. A Thighearna, dian
tròcair oirnn.

S. Kyrie eleison.

S. A Thighearna, dian
tròcair oirnn.

GLORIA IN EXCELSIS.

GLORIA in Excelsis Deo,
et in terra pax hominibus
bonæ voluntatis. Lauda-
mus te, benedicimus te,
adoramus te, glorificamus
te. Gratias agimus tibi
propter magnam gloriam
tuam. Domine Deus, Rex

GLÒIR do Dhia anns na
h-àrdaibh, agus air talamh
sith do luchd na deagh
thoile. Tha sinn a' toirt
molaidh dhut, tha siun a'
toirt beannachaidh dhut,
tha sinn a' toirt aoraidh
dhut, tha sinn a' toirt

cælestis, Deus Pater omnipotens. Domine Fili unigenite Jesu Christe. Domine Deus, Agnus Dei, Filius Patris. Qui tollis peccata mundi, miserere nobis. Qui tollis peccata mundi, suscipe deprecationem nostram. Qui sedes ad dexteram Patris, miserere nobis. Quoniam Tu solus sanctus; Tu solus Dominus; Tu solus altissimus, Jesu Christe, cum Sancto Spiritu, in gloria Dei Patris. Amen.

S. Dominus vobiscum.

M. Et cum spiritu tuo.

Oremus.

OMNIPOTENS sempiternæ Deus, qui dedisti famulis tuis in confessione veræ fidei, æternæ Trinitatis gloriam agnoscere, et in potentia majestatis adorare unitatem; quæsumus, ut ejusdem fidei firmitate,

glòire dhut. Tha sinn a' toirt buidheachais dhut air son do mhòr ghlòire. A Thighearna Dia, a Rìgh Nèamh, a Dhia, an t-Athair uile-chumhachdach. A Thighearna, 'Aonghin Mhic, Iosa Crìosta: a Thighearna Dia, Uan Dhé, Mac an Athar. Thusa a tha 'toirt air falbh peacannan an t-saogail dian tròcair oirnn. Thusa a tha 'toirt air falbh peacannan a t-saoghail gabh ri 'r n-ùrnaighean. Thusa a tha na d' shuidhe air deaslàimh an Athar, dian tròcair oirnn. Oir is tusa 'mhain a tha naomh; is tusa 'mhàin a 's Tighearna; is tusa 'mhàin a 's àirde, 'Iosa Chrìosta, maille ris an Spiorad Naomh, ann an glòr Dhé an t-Athair. Amen.

S. Gu'n robh an Thighearna maille ribh.

C. Agus ri d' spiorad-sa.

Ghuidheamaid.

A DHIA uile-chumhachdaich shìorruith, a thiùraich do d' sheirbhisich, ann an aidmheil an fhìorchreidimh, glòir na Trianaide sìorruith aideachadh, agus ann an cumhachd na mòrachd aoradh a thoirt

ab omnibus semper muniamur adversis. Per Dominum nostrum Jesum Christum Filium tuum, qui tecum vivit et regnat in unitate Spiritus Sancti, Deus :

S. Per omnia sæcula sæculorum.

M. Amen.

do'n aonach'd; deònaich le bunailteas daingeann 's a' chreideamh chiadna, gu'm bi sinu tiarainnte daonnan bho gach tru-aighe. Tromh Iosa Crìosta, do Mhac, ar Tighearna, Dia a tha beò agus a' rian maille riutsa ann an aonachd an Spioraid Naoimh :
S. Fad shaoghal nan saoghal.*

C. Amen.

AN LITIR (Rom. xi. 33-36).

O ALTITUDO divitiarum sapientiæ, et scientiæ Dei: quam incomprehensibilia sunt judicia ejus, et investigabiles viæ ejus! Quis enim cognovit sensum Domini? Aut quis consiliarius ejus fuit? Aut quis prior dedit illi, et retribuetur ei? Quoniam ex ipso, et per ipsum, et in ipso, sunt omnia: ipsi honor et gloria in sæcula. Amen.

M. Deo gratias.

O DOIMHNE saibhreas gliocas agus eolas De: nach do-thuigsinneach a bhreitheanasan' 's dorannsaichte a rathaidean! Oir co dha'm b'aithne beachd an Tighearna? No co b'fhear comhairle dha? No co thug dha an toiseach, us diolar dha? Oir 'sann bhuaith-san, agus troimh-san, agus annsan a tha h-uile ni: dhasan gun robh onair us glòir gu siorruidh. Amen.

C. Taing do Dhia.

AN GRADUAL.

BENEDICTUS es, Domine qui intueris abyssos, et sedes super Cherubim.

Is beannaichte thusa 'Thighearna, a tha 'gab-hail beachd air na h-aigheil,

* Tha'n ùrnaigh so 's an ùrnaigh mu dheireadh, an Litir, an Gradual, an Siosgeul, agus Secreta, ag athar-rachadh a réir an latha-fhéille.

Benedictus es, Domine, in firmamento cœli, et laudabilis in sæcula. Alleluia, Alleluia. Benedictus es, Domine Deus Patrum nostrorum, et laudabilis in sæcula. Alleluia.

's a tha na d'shuidhe air na Cherubim. Is beannaichte thusa, a Thighearna an spéir Nèamh, agus is airidh air cliù gu sìorruith. Alleluia, Alleluia. Is beannaichte thusa, a Thighearna Dia ar n-athraichean, agus is airidh air cliù gu sìorruith. Alleluia.

MUNDA COR MEUM.

MUNDA cor meum, ac labia mea, omnipotens Deus, qui labia Isaïæ Prophetæ calculo mundasti ignito; ita me tua grata miseratione dignare mundare, ut sanctum evangelium tuum digne valeam nuntiare. Per Christum Dominum nostrum. Amen.

S. Dominus vobiscum.

M. Et cum spiritu tuo.

S. Sequentia (*vel* initium) sancti Evangelii secundum, N.

M. Gloria tibi, Domine.

GLAN mo chridhe 's mo bhilean, a Dhia uilechumhachdaich, a ghlan bilean an fhàidh Isàia le éibhleig theine; as leth do chaomh thròcaire, deònaich mo ghlanadh air sheòl 's gur h-urrainn domh do shoisgeul naomh a chur gu h-ìomchuidh 'an céill. Tromh Chriosta ar Tighearna. Amen.

S. Gu'n robh an Tighearna maille ribh.

C. Agus ri d' spiorad-sa.

S. Earrann de'n t-Soisgeul naomh (*no* toiseach an t-Soisgeul naomh) a réir Naomh . . .

C. Glòir dhutsa, a Thighearna.

AN SOISGEUL, (Matu xxviii. 18-20).

In illo tempore: Dixit Jesus discipulis suis: Data est mihi omnis potestas in

'S an àm ud: Thuirt Iosa ri 'dheisciobuil: Thugadh dhomhsa a h-uile

cœlo et in terra. Euntes ergo, docete omnes gentes, baptizantes eos in nomine Patris, et Filii, et Spiritus Sancti; docentes eos servare omnia quaecumque mandavi vobis. Et ecce ego vobiscum sum omnibus diebus, usque ad consummationem sæculi.

M. Laus tibi, Christe.

S. Per Evangelica dicta deleantur nostra delicta.

cumhachd air neamh's air talamh. Falbhaibh mata, agus teagaisgibh a h-uile cinneadh, 'gam baisteadh an ainm an Athar, agus a' Mhic, agus an Spioraid Nàeimh; a' teagasg dhaibh a h-uile ni a chumail a dh' àithn mise oirbh: agus seall, tha mise maille ribh h-uile latha gu deireadh an t-saoghail.

C. Cliù dhutsa, a Chrìosta.

S. Gu'n robh ar peacannan air an dubhadh as le briathran an t-Soisgeil.

A' CREUD.

CREDO in unum Deum, Patrem omnipotentem, Factorem cœli et terræ, visibilium omnium et invisibilium.

Et in unum Dominum Jesum Christum, Filium Dei unigenitum, et ex Patre natum ante omnia sæcula. Deum de Deo, lumen de lumine, Deum verum de Deo vero; genitum non factum, consubstantialem Patri, per quem omnia facta sunt. Qui propter nos homines, et propter nostram salutem, descendit de cœlis; et

CREIDIM ann an aon Dia, an t-Athair uile-chumhachdach, Cruthadair nèamh agus talmhainn, a h-uile ni fhaicinnich agus neo-fhaicinnich.

Agus ann an aon Thigh-earna Iosa Crìosta, Aon-ghin-Mhic Dhé, agus a rugadh bho'n Athair romh gach linn. Dia de Dhia; ginte cha'n ann diante; de'n aon shusbaint ris an Athair, leis an d'rinneadh a h-uile ni. A thàinig a as na flaithis air ar son-ne daoine, agus gus ar sàbh-aladh;* agus a ghabh feòil leis an Spiorad

* Aig na briathran s lùb air do leth-ghlùn.

incarnatus est de Spiritu Sancto, ex Maria Virgine; ET HOMO FACTUS EST. Crucifixus etiam pro nobis, sub Pontio Pilato passus, et sepultus est. Et resurrexit tertia die secundum scripturas; et ascendit in cœlum, sedet ad dexteram Patris; et iterum venturus est cum gloria, judicare vivos et mortuos; cujus regni non erit finis.

Et in Spiritum Sanctum, Dominum et vivificantem, qui ex Patre Filioque procedit; qui cum Patre et Filio simul adoratur, et conglorificatur; qui locutus est per Prophetas.

Et unam sanctam Catholicam et Apostolicam Ecclesiam. Confiteor unum baptisma in remissionem peccatorum. Et expecto resurrectionem mortuorum, et vitam venturi sæculi. Amen.

S. Dominus vobiscum.

M. Et cum spiritu tuo.

Naomh de'n Oigh Moire: AGUS A RINNEADH NA 'DHUINE Chéusadh e cuideaeht air ar son, dh' fhuilig e fo Phontius Pilat, agus thiodhlaiceadh e. Agus dh'éirich e rithist an treas latha a réir nan sgriobtur; agus chaidh e suas do nèamh; tha e na 'shuidhe air deaslàimh an Athar: agus thig e a rithist le glòir a thoirt breth air bheòtha 's air mhairbh: air a rìgheachd cha bhi crìoch.

Agus anns an Spiorad Naomh, Tighearna agus Tobhartair na beatha, a tha a' tighinn bho'n Athair agus bho'n Mhac. A thathas ag aoradh agus ag co-ghlòrachadh maille ris an Athair agus ris a' Mhac; a labhair leis na Fàidhean.

Agus 'an aon Eaglais naoimh Chaitlicich agus Ostalaich. Tha mi ag aidmheil aon bhaistidh gu mathanas pheacannan Agus tha mo dhùil ri ais-eirigh nam marbh, agus ri beatha an t-saoghail a tha ri tighinn. Amen.

S. Gu'n robh an Tighearna maille ribh.

C. Agus ri d' spiorad-sa.

AN T-OFFERTORIUM.

BENEDICTUS sit Deus
Pater, unigenitusque Dei
Filius, Sanctus quoque
Spiritus; quia fecit nobis-
cum misericordiam suam.

BEANNAICHTHE gu'n robh
Dia an t-Athair, agus
Aonghin-Mhic Dhé, agus
maraon an Spiorad
Naomh; òir dh'fhiach e a
thròcair dhuinn.

AIG TAIRGSE AN ARAIN.

SUSCIPE, sancte Pater,
omnipotens, æterne Deus,
hanc immaculatam Hosti-
am, quam ego indignus
famulus tuus offero tibi
Deo meo vivo et vero, pro
innumerabilibus peccatis
et offensionibus et neglig-
entiis meis, et pro omnibus
circumstantibus; sed et
pro omnibus fidelibus
Christianis, vivis atque
defunctis. ut mihi et illis
proficiat ad salutem in
vitam æternam. Amen.

ATHAIR naoimh, Dhia
uile-chumhachdaich, shì-
orruith, gabh an tobhar-
tas fìorghlan so, a tha mise
do sheirbhiseach neo-air-
idh a' tairgsinn dhut, mo
Dhia beò agus fìor, ann
an éirig mo pheacannan,
mo chiontan, agus mo
dhearmad gu'n àirimh,
agus air son gach neach 's
an làthair, 's maraon air
son nan creideach uile,
beò agus marbh, los e 'bhi
stàthor dhòmhsa agus
dhaibhsan a thaobh sàbh-
alaidh gu beatha shìor-
ruith. Amen.

AIG CUR AN FHIONA AGUS AN UISGE ANNS A' CHAILIS.

DEUS, qui humanæ sub-
stantiæ dignitatem mira-
biliter condidisti, et mira-
bilis reformasti; da
nobis per hujus Aquæ et
Vini mysterium, ejus divi-
nitatis esse consortes, qui
humànitatis nostræ fieri
dignatus est particeps,

A DHIA, a dhealbh gu
h-àghor inbhe na daond-
achd, agus a dh' ath-nuad-
haich na b' àghoir' e, deò-
naich dhuinne as leth
diomhrachd an Uisge agus
an Fhìona so, a bhi na 'r
co-phàirtichean de 'dhiad-
hachd-san a dhèonaich a


Jesus Christus Filius tuus
Dominus noster; qui
tecum vivit et regnat, in
unitate Spiritus Sancti,
Deus, per omnia sæcula
sæculorum. Amen.

bhi na 'cho-pàirtiche de 'r
daondhachd-ne, do Mhac-
san Iosa Crìosta ar Tigh-
earna; Dia, a tha beò 's a'
rian maille riutsa ann an
aonachd an Spioraid
Naoinh, fad shaoghal nan
saoghal. Amen.

AIG TAIRGSINN NA CAILISE.

OFFERIMUS tibi, Do-
mine, Calicem salutaris,
tuam deprecantes clemen-
tiam, ut in conspectu
divinæ Majestatis tuæ, pro
nostra et totius mundi
salute, cum odore suavita-
tis ascendat. Amen

IN spiritu humilitatis,
et in animo contrito sus-
cipiamur a te, Domine; et
sic fiat sacrificium nos-
trum in conspectu tuo
hodie, ut placeat tibi, Do-
mine Deus.

VENI, sanctificator, om-
nipotens æterne Deus, et
bene  dic hoc sacrificium
Tuo sancto Nomini præpa-
ratum.

THA sinn a' tairgsinn
dhut, a Thighearna, cailis
an t-sàbhalaiddh, ag guidhe
air do thròcair, gu'n éirich
i suas le fàileadh cùbh-
raidh 'an làthair do Mhòr-
achd diadhaidh air son ar
sàbhalaiddh fhein agus an
t-saoghail uile. Amen.

ANN an spiorad na h-
irrsleachd, agus le cridhe
brùite deònaich gabhail
ruinn, a Thighearna: agus
gu'm bi ar n-ìobairt an
diugh diante na d'làthair
air dhòigh a nì taitneach
dhut i, a Thighearna Dia.

THIG-SA, a Naomhaich-
ear, a nuas, a Dhia uile-
chumhachdaich, shìor-
ruith, agus beannaich an
an ìobairt so a th' air a h-
ullachadh ann an onair
d' ainme naoinh.

XXV. *Salm.—Lavabo.*

LAVABO inter innocentes
manus meas; et circumda-
bo altare tuum, Domine:

NIGHIDH mi mo lamhan
am measg nan neochiont-
ach, agus iadhaidh mi mu
d'altair, a Thighearna:

Ut audiam vocem laudis,
et enarrem universa mira-
bilia tua.

Domine, dilexi decorem
domus tuæ et locum habi-
tationis gloriæ tuæ.

Ne perdas cum impiis,
Deus, animam meam, et
cum viris sanguinum
vitam meam.

In quorum manibus ini-
quitates sunt; dextera
eorum repleta est muneribus.

Ego autem in innocentia
mea ingressus sum; re-
dime me, et miserere mei.

Pes meus stetit in direc-
to; in ecclesiis benedicam
te domine.

Gloria Patri, &c.

An uair a tha'n sagart ga 'chromadh fhein aig
miadhon na h-altrach.

SUSCIPE, sancta Trinitas,
hanc oblationem, quam
tibi offerimus ob memori-
am Passionis Resurrec-
tionis, et Ascensionis Jesu
Christi Domini nostri; et
in honorem beatæ Mariæ
semper Virginis, et beati
Joannis Baptistæ, et sanc-
torum Apostolorum Petri
et Pauli, et istorum, et
omnium Sanctorum; ut

Los gu'n cluinn mi fonn
cliù, s gu'n cuir mi'n céill
d'uile bheartan iongan-
tach.

A Thighearna, ghràdh-
aich mi maise do thighe,
agus ionad-còmhnaidh do
ghlòire.

Na cuir as do m' anam,
a Dhia, maille ri luchd-
na-mollachd, no do m'
bheatha maille ri luchd-
na-fala.

Tha lochdan na 'n lam-
han: tha an làmh dheas
làn de dhuaisèan.

Ach mise ghluais mi am
neochiontas: saor mi,
agus dian tròcair orm.

Sheas mo chas air an t-
slighe dhirich: anns na h-
eaglaisean beannaichidh
mi thu, a Thighearna.

Gloir do'n Athair, &c.

GABH, a Thrianaid
naomh, an iobairt so a tha
sinn a' tairgsinn dhut mar
chuimhneachan air pàis,
air aiseirigh, agus air
deasghabhail ar Tighearna
Iosa Crìosta; agus ann an
onair naomh Mhoire 'bha
riabh na 'h-Oigh, Naomh
Eoin Baiste, nan naomh
Ostal Peadar agus Pòl,
agus nan Naomh so, agus

illis proficiat ad honorem, nobis autem ad salutem; et illi pro nobis intercedere dignentur in cœlis, quorum memoriam agimus in terris. Per eundem Christum Dominum nostrum. Amen.

S. ORATE, Fratres, ut meum ac vestrum sacrificium acceptabile fiat apud Deum Patrem omnipotentem.

M. Suscipiat Dominus sacrificium de manibus tuis ad laudem et gloriam nominis sui, ad utilitatem quoque nostram, totiusque Ecclesiæ suæ sanctæ.

nan Naomh uile; gu'n tigeadh i gu onair dhaibhsan agus gu sàbhaladh dhuinne: agus gu'n deònaicheadh iadsan air am beil sinn a' toirt cuimhne air talamh, eadar-ghuidhe a dhianamh air ar son anns na flaithis. Tromh Chriosta ciadna ar Tighearna. Amen.

S. GUIDHIBH, a bhràithrean, m' iobairt 's ur n-iobairt-se a bhi taitneach do Dhia an t-Athair uile-chumhachdach.

C. Gu'n gabhadh an Tighearna an iobairt as do lamhan, gu moladh agus glòir dh'a ainm fhein, gu stàth dhuinne, agus dh'a Eaglais naoimh gu h-iomlan.

AIG NA SECRETA.

SANCTIFICA, quæsumus, Domine Deus noster, per tui sancti nominis invocationem, hujus oblationis hostiam; et per eam nosmetipsos tibi perface munus æternum. Per Dominum, &c.

NAOMHAICH, guidhimid ort, a Thighearna ar Dia, as leth ar gairm air d'ainm naomh, tobhartas na tairgse so; agus as a leth dian sinne fhein na 'r toidhlaic siorruith dhutsa. Tromh. &c.

AIG AN ROIMHRADH.

S. Per omnia sæcula sæculorum.

M. Amen.

S. Fad shaoghal nan saoghal.

C. Amen.

S. Dominus vobiscum.

M. Et cum spiritu tuo.

S. Sursum corda.

M. Habemus ad Dominum.

S. Gratias agamus Domino Deo nostro.

M. Dignum et justum est.

VERE dignum et justum est, æquum et salutare, nos tibi semper et ubique gratias agere, Domine sancte, Pater omnipotens, æternæ Deus.

Qui cum unigenito Filio tuo, et Spiritu Saucto, unus es Deus, unus es Dominus: non in unius singularitate Personæ, sed in unius Trinitate substantiæ. Quod enim de tua gloria revelante te, credimus, hoc de Filio tuo, hoc de Spiritu Sancto, sine differentia discretionis sentimus. Ut in confessione veræ sempiternæque Deitatis, et in Personis proprietatis, et in essentia uni-

S. Gu'n robh an Tigh-earna maille ribh.

C. Agus ri d' spiorad-sa.

S. Togaibh suas ur cridheachan.

C. Tha iad 'an togail suas againn ris an Tigh-earna.

S. Thugamaid buidheachas do'n Tighearna ar Dia.

C. Is freagrach agus is ceart sin.

GU firinneach is freagrach agus ceart, réusanta agus slàinteil, gu'n tugamaid anns gach àm agus àite buidheachas dhutsa, a Thighearna naoinmh, 'Athair chumhachdaich, a Dhia shìorruith.

A tha le d'Aonghin-Mhic agus leis an Spiorad Naomh, na d' aon Dia, na d' aon Tighearna: cha'n ann 'an aonachd aon Phearsa, ach 'an Trianaid de'n aon shusbaint. Oir na tha sinn ag creidsinn mu d' ghlòir-sa, mar a thaisbean thu, sin tha sinn ag creidsinn mu d' Mhac, sin mu'n Spiorad Naomh, gun mhùthadh-eadardhealachaidh. Air chor 's ann an aidmheil na fìor dhiadhachd sìorruith, gu'n

tas, et in Majestate adore-
tur æqualitas.

Quam laudant Angeli
atque Archangeli, Cheru-
bim quoque ac Seraphim,
qui non cessant clamare
quotidie una voce di-
centes :

SANCTUS, SANCTUS,
SANCTUS, Dominus Deus
Sabaoth.

Pleni sunt cœli et terra
gloria tua.

Hosanna in excelsis.

Benedictus qui venit in
nomine Domini.

Hosanna in excelsis.

aorar na Pearsaichean fos
leth, agus aonachd anns
an t-susbaint, agus ionann-
achd anns a' Mhòrachd.

A tha na h-Ainglean
agus na h-Ard-ainglean,
agus amhuil sin na Cheru-
bim agus na Seraphim a'
moladh, 's iad gun sgur ag
gladhaich gach latha, le
aonghuth, ag ràdh :


Is NAOMH, NAOMH,
NAOMH, Tighearna Dia
nam feachd.

Tha nèamh agus talamh
làn de d'ghlòir.

Hosanna anns na h-ard-
aibh.

Is beannaichte esan a
tha 'tighinn 'an ainm an
Tighearna.

Hosanna anns na h-àrd-
aibh.



CANON MISSÆ.

TE igitur, clementissime Pater, per Jesum Christum Filium tuum Dominum nostrum, supplices rogamus, ac petimus, uti accepta habeas, et benedicas, hæc ✠ dona, hæc ✠ munera, hæc ✠ sancta sacrificia illibata, in primis quæ tibi offerimus pro Ecclesia tua sancta Catholica: quam pacificare, custodire, adunare, et regere digneris toto orbe terrarum, una cum famulo tuo Papa nostro *N.* et Antistite nostro *N.* et omnibus orthodoxis atque Catholicæ et Apostolicæ fidei cultoribus.

AIR an aobhar sin, 'Athair uiiie-thrò-cairich, tha sinn gu h-iriseal ag guidhe 's ag achanaich ort, as leth Iosa Chrìosta do Mhac ar Tigh-earna, gu'n gabhadh tu le deagh-ghean, agus gu'm beannaicheadh tu, na tìodhlaicean so, na tobhar-tais so, na h-iobairtean naomh fìorghlan so, a tha sinu 'an tùs a' tairgsinn suas dhut air son d'Eaglais naoinh Caitlicich; deonaich dhi sith, dìon, aonachd, agus deagh-rian anns gach cèarna de'n t-saoghal; agus amhuil sin air son do sheirbhisich am Pàp, *A.* air son ar n-Easbuig, *A.* 's air son nam fìorchreideach uile 's luchd-aidmheil a' Chreidimh Chaitlicich agus Ostalaich.

Aig Cuimhneachadh nan beò.

MEMENTO Domine, famulorum famularumque tuarum, *N.* et *N.*

Et omnium circumstantium quorum tibi fides cognita est, et nota devotio, pro quibus tibi offeri-

CUIMHNICH, a Thighearna, air do sheirbhisich 's air do bhanseirbhisich, *A.*

Agus air gach neach 's an làthair (is eòl dhut an creideamh agus léir dhut an cràbhadh) air son am

mus, vel qui tibi offerunt hoc sacrificium laudis, pro se suisque omnibus, pro redemptione animarum suarum, pro spe salutis et incolumitatis suæ, tibi que reddunt vota sua æterno Deo vivo et vero.

Communicantes, et memoriam venerantes in primis gloriosæ semper Virginis Mariæ, Genitricis Dei et Domini nostri Jesu Christi: sed et beatorum Apostolorum ac Martyrum tuorum, Petri et Pauli, Andreæ, Jacobi, Joannis, Thomæ, Jacobi, Philippi, Bartholomæi, Matthæi, Simonis et Thadæi, Lini, Cleti, Clementis, Xysti, Cornelii, Cypriani, Laurentii, Chrysogoni, Joannis et Pauli, Cosmæ et Damiani, et omnium Sanctorum tuorum; quorum meritis precibusque concedas, ut in omnibus protectionis tuæ muniamur auxilio. Per eundem Christum Dominum nostrum. Amen

beil sinne, no a tha iad fhein, a' tairgsinn na h-iobairt-molaidh so dhut air an son fhéin 's na bhuineas dhaibh, air son saoradh an anmannan, air son dòchas an sàbhalaidh agus an tiarainnteachd, agus a tha a' diol am bóidean dhutsa an Dia beò agus fìor.

Ga'r cur shein 'an co-chomunn ri, 's a' toirt cuimhne gu h-urramach 's a' chiad àite air Moire ghlòrnhoir a bha riabh na 'h-Oigh, Màthair ar Dé 's ar Tighearna Iosa Criosta; agus air d' Ostail 's do Mhartairean bean-naichte Peadar agus Pòl, Anndra, Séumas, Eòin, Tòmas, Séumas, Philip, Bartholome, Matu, Simon 's Thàde, Linus, Cletus, Clement, Xystus, Cornelius, Cyprian, Labhrunn, Chrysogonus, Eòin agus Pòl, Cosmas agus Damian, agus do Naoimh uile; as leth an toillteanais agus an ùrnaighean, deònaich dhuinn a bhi air ar dìon anns gach nì le comhnadh do thiarmainn. Tromh Chrìosta ciadua ar Tigh-earna. Amen.

An uair a tha'n sagart ag cumail a lamhan os
cionn an tobhartaìs.

HANC igitur oblationem
servitutis nostræ, sed et
cunctæ familiæ tuæ quæ-
sumus, Domine, ut placatus
accipias; diesque nos-
tros in tua pace disponas,
atque ab æterua damna-
tione nos eripi, et in
electorum tuorum jubeas
grege numerari. Per
Christum Dominum nos-
trum. Amen.

Quam oblationem tu,
Deus in omnibus, quæsu-
mus, benedic✠tam, ad-
scrip✠tam, ra✠tam, rati-
onabilem acceptabilemque
facere digneris; ut nobis
Corpus et Sanguis fiat
dilectissimi Filii tui Do-
mini nostri Jesu Christi.

AIR an aobhar sin, guidh-
imid ort, a Thighearna,
gabhail gu gràsor ri tobh-
artas so ar seirbhis-ne 's
seirbhis do mhuinntreach
uile; agus ar làithean a
rian na d' shìth; agus
òrduchadh sinn a bhi air
ar teasraiginn bho dhìt-
eadh sìorruith, 's a bhi air
ar n-àireamh 'an tréud do
dhaoine taghte. Tromh
Christa ar Tighearna.
Amen.

An tobhartas, so, a Dhia,
guidhimid, gu'n deònaich-
eadh tu a bheannachadh,
a choisrigeadh, a dhaing-
neachadh, a dhianamh
spioradail, 's taitneach 's
gach dòigh; los gu'n
dianar dheth dhuinne
Corp agus Fuil do Mhic
uile-ionmhuinn ar Tigh-
earna Iosa Crìosta.

Aig a Choisrigeadh.

Qui pridie quàm pate-
retur, accepit panem in
sanctas ac venerabiles
manus suas: et elevatis
oculis in cœlum, ad te
Deum Patrem suum omni-
potentem, tibi gratias
agens, bene✠dixit, fregit,
deditque discipulis suis,

Esan an là mu'n d'
fhuilig e, a ghlac aran na
'lamhan naomh agus ur-
ramach, agus a shuilean
'an togail suas ri nêamh,
riutsa, a Dhia, Athair uile-
chumbachdach a' toirt
taing dhut, bheannaich e,
bhrist e, 's thug e dh'a

dicens: Accipite et manducate ex hoc omnes: HOC EST ENIM CORPUS MEUM.

Simili modo postquam cœnatum est, accipiens et hunc præclarum calicem in sanctas ac venerabiles manus suas: item tibi gratias agens, bene ~~✠~~ dixit, fregit, deditque discipulis suis, dicens: Accipite et bibite ex eo omnes: HIC EST ENIM CALIX SANGUINIS MEI NOVI ET ÆTERNI TESTAMENTI: MYSTERIUM FIDEI: QUI PRO VOBIS ET PRO MULTIS EFFUNDETUR IN REMISSIONEM PECCATORUM.

Hæc quotiescumque feceritis, in mei memoriam facietis.

An deaghaidh a' Choisrigidh.

UNDE et memores, Domine, nos servi tui, sed et plebs tua sancta, ejusdem Christi Filii tui Domini nostri tam beatæ passionis, necnon et ab et ab inferis resurrectionis sed et in cœlis gloriosæ ascensionis: offerimus præclaræ Majestati tuæ, de tuis donis ac datis, Hostiam ~~✠~~ puram, Hostiam ~~✠~~ sanctam, Hostiam ~~✠~~

dheisciopuil, ag radh: Gabhaibh agus ithibh uile dheth so; OIR 'SE SO MO CHORPSA.

AIR an dóigh chiadna an déigh na suipreach, ag glacadh na cailis àghoir so na 'lamhan naomh agus urramach, cuideachd a' toirt taing dhutsa, bheannaich e, 's thug e dh'a dheisciopuil, ag ràdh: Gabhaibh agus òlaibh uile dheth: OIR 'SI SO CAILIS M' FHUILSE AN TIOMNAIDH NUAIDH AGUS SHIORRUITH, MISTIRE A' CHREIDIMH, DHÒIRTEAR AIR UR SON-SE 'S AIR SON MÒRAIN GU MATHANAS PHEACANAN.

Cho tric 's a ni sibh so, dianaibh e mar chuimhn-eachan ormsa.

AIR an aobhar sin, a Thighearna, ag cuimhn-eachadh air pàis bheannaichte Chrìosta chiadna do Mhac ar Tighearna, amhuil 's air a dheasghabhail ghlòrmhoir do néamh, tha sinn, do sheirbhisich 's maraon do shluagh naomh, a' tairg-sinn do d' mhòrachd dhiadhaidh, de d' thìodhlai-cean de 's d' d' ghibhtean

immaculatam, panem ✠
 sanctum vitæ æternæ, et
 calicem ✠ salutis per-
 petuæ.

fhèin, Iobairt fìorghlain,
 Iobairt naoimhe, Iobairt
 gunsmal, aran naomh na
 beatha sìorruith, agus
 cailis an t-sàbhalaiddh
 mhaireannaich.

An uair a tha 'n sagart a' sgaoileadh a lamhan.

Supra quæ propitio ac
 sereno vultu respicere dig-
 neris, et accepta habere,
 sicuti accepta habere dig-
 natus es munera pueri tui
 justi Abel, et sacrificium
 Patriarchæ nostri Abrahæ;
 et quod tibi obtulit sum-
 mus sacerdos tuus Mel-
 chisedech, sanctum sacri-
 ficiū, immaculatam Hos-
 tiam.

Gu'm b'e do thoil seall-
 tainn a nuas orra le gnùis
 thròcairich agus ghràsoir,
 agus gabhail riutha mar a
 dheonaich thu gabhail ri
 tobhartaish do sheirbhisich
 ionraic Abel, agus ri iob-
 airt ar n-Athar naoimh
 Abraham, agus ris an
 iobairt a thairg d' Ard-
 shagart Melchisedech
 dhut, iobairt naomh,
 tobhartas gun smal.

An uair a tha 'n sagart ga' chromadh fhéin aig
 miadhon na h-altrach.

Supplices te rogamus,
 omnipotens Deus, jube
 hæc perferri per manus
 sancti angeli tui in sub-
 lime altare tuum, in con-
 spectu divinæ Majestatis
 tuæ, ut quotquot ex hac
 altaris participatione
 sacro-sanctum Filii tui
 Cor ✠ pus et ✠ Sanguis ✠
 nem sumpserimus, omni
 benedictione cœlesti et
 gratia repleamur. Per

Guidhimid gu h-iriseal
 ort, a Dhia uile-chumh-
 achdaich, gu'n òrduich-
 eadh tu iad so a bhì air an
 togail suas le lamhan d'
 aingil naoimh gu d' altair
 's na h-àrdaibh, air bial-
 aobh do Mhòrachd diadh-
 aidh, los a lian dinn 's a
 ghabhas Corp agus Fuil
 uilenaomh do Mhic 'an
 comanachadh so na h-
 altrach, a bhì air ar lion-

eundem Christum Dominum nostrum. Amen.

adh le uile bheannachdan agus ghràsan fhathana. Tromh Chrìosta ciadna ar Tighearna. Amen.

Aig Cuimhneachadh nam marbh-chreideach.

MEMENTO etiam, Domine, famulorum famularumque tuarum *N. et N.* qui nos præsesserunt cum signo fidei, et dormiunt in somno pacis.

IPSIS, Domine, et omnibus in Christo quiescentibus, locum refrigerii, lucis et pacis, ut indulgeas deprecamur. Per eundem Christum Dominum nostrum. Amen.

NOBIS quoque peccatoribus famulis tuis, de multitudine miserationum tuarum sperantibus, partem aliquam et societatem donare digneris, cum tuis sanctis Apostolis et Martyribus: cum Joanne, Stephano, Matthia, Barnaba, Ignatio, Alexandro, Marcellino, Petro, Felicitate, Perpetua, Agatha, Lucia, Agnete, Cæcilia, Anastasia, et omnibus

CUIMHNICH cuideachd, a Thighearna, air do sheirbhisich agus air do bhanseirbhisich, A.* a dh' imich romhainn 'an comharradh a' chreidimh, agus a tha na 'n cadal 'an suain na sìthe.

DHAIBH so, a Thighearna, 's do gach anam a tha 'n tàmh 'an Crìosta, guidhimid gu'n deònaicheadh tu ionad faothachaidh, soillse, agus sìthe. Tromh Chrìosta ciadna ar Tighearna. Amen.

AGUS dhuinne na peacaich, do sheirbhisich, a tha 'cur ar dòchais 'an lìonmhoiread do thròcaire, deònaich gnè chuibhrionn agus co-chomunn maille ri d' Ostail 's ri d' Mhartairean naomh: Eòin, Stephen, Mathias, Barnabas, Ignàtius, Alastair, Marcellinus, Peadar, Felicitas, Perpetua, Agatha, Liùsaidh, Agnes, Cesilia, Anastasia, agus do Naoimh

*Ainmich riut fhéin an fheadhainn a bu mhath leat guidhe air an son.

Sanctis tuis: intra quorum nos consortium; non æstimator meriti, sed veniæ, quæsumus, largitor admitte. Per Christum Dominum nostrum.

Per quem hæc omnia, Domine, semper bona creas, sanctiꝥficas, viviꝥficas, beneꝥdicis, et præstas nobis. Per Ipꝥsum, et cum Ipꝥso, et in Ipꝥso, est tibi Deo Patri ꝥomni-potenti, in unitate Spiritus ꝥSancti, omnis honor et gloria.

S. Per omnia sæcula sæculorum.

M. Amen.

uile: guidhimid ort, cha'n ann mar fhear-meas toill-teanais, ach mar thobhartaír fial mathanais, ar leigeil a stigh na 'n comunn. Tromh Chriosta ar Tighearna.

Tromh am beil thu, a Thighearna, daonnan ag cruthachadh, a' naomhachadh, a' beothachadh, a' beannachadh, agus a buileachadh oirnn gach ní math dhiubh só. Troimhesan, agus maille ris-san, agus annsan, tha dhutsa, a Dhia an t-Athair uilechumhachdach, ann an aonachd an Spioraid Naoimh, gach onair agus glòir.

S. Fad shaoghal nan saoghal.

C. Amen.

Aig a Phaidir.

Oremus.

PRÆCEPTIS salutaribus moniti, et divina institutione formati, audemus dicere:

Pater noster, qui es in cœlis, sanctificetur nomen tuum; adveniat regnum tuum; fiat voluntas tua sicut in cœlo, et in terra. Panem nostrum quotidianum da nobis hodie: et

Guidhemaid.

AIR ar teagasg le reachd-an slàinteil, 's air ar seòladh le òrduchadh diadhaidh, gabhaidh sinn a dhánadas a ràdh:

Ar n-Athair, a tha air nèamh, gu'm bu naomh a bhitheas d' ainm, gu'n tigeadh do rìgheachd, gu'n dianar do thoil air talamh mar a thathas ga 'dianamh air nèamh.

dimitte nobis debita nostra, sicut et nos dimittimus debitoribus nostris. Et ne nos inducas in tentationem.

M. Sed libera nos à malo.

S. Amen.

LIBERA nos, quæsumus, Domine, ab omnibus malis præteritis, præsentibus, et futuris: et intercedente beata et gloriosa semper Virgine Dei Genitrice Maria, cum beatis Apostolis tuis Petro et Paulo, atque Andrea, et omnibus Sanctis, da propitius pacem in diebus nostris; ut ope misericordiæ tuæ adjuti, et a peccato simus semper liberi, et ab omni perturbatione securi. Per eundem Dominum nostrum Jesum Christum Filium tuum, qui tecum vivit et regnat, in unitate Spiritus Sancti, Deus.

S. Per omnia sæcula sæculorum.

M. Amen.

S. Pax ✠ Domini sit ✠ semper vobis ✠ cum.

M. Et cum spiritu tuo.

Thoir dhuinn an diugh ar n-aran lathail: math dhuinn ar fiachan, mar a mhathas sinne do luchdar-fiach. Agus na leig ann am buaireadh sinn.

C. Ach saor sinn bho'n olc.

Amen.

SAOR sinn, guidhimid ort, a Thighearna, bho gach olc a bhà, a thà, 's a bhitheas: agus as leth eadarghuidhe Moire bean-naichte 's glòrmhoir, Màthair Dhe, a bha riabh na 'h-Oigh; agus d' Ostal beannaichte Peadar agus Pol, agus Anndra. agus nan Naomh uile, gu trà-caireach deònaich sìth dhuinn ré ar làithean; los le còmhnaidh do thròcaire gu'm bi sinn daonnan saor bho 'n pheacadh, agus tiarainte bho gach iomaguin. Tromh Iosa Crìosta ciadna do Mhac ar Tighearna, Dia, a tha maille riutsa, beò 's 'a rian, ann an aonachd an Spioraid Naoimh.

S. Fad shaoghal nan saoghal.

C. Amen.

S. Sìth an Tighearna gu'n robh daonnan maille ribh.

C. Agus ri d' spiorad-sa.

HÆC commixtio et consecratio Corporis et Sanguinis Domini nostri Jesu Christi fiat accipientibus nobis in vitam æternam. Amen.

MEASGADH agus coisrig-eadh so Corp agus Fuil ar Tighearna Iosa Crìosta gun robh gu beatha shiorruith dhuinne a tha ga 'ghabhail. Amen.

AIG AN AGNUS DEI.

AGNUS Dei, qui tollis peccata mundi, miserere nobis.

Agnus Dei, qui tollis peccata mundi, miserere nobis.

Agnus Dei, qui tollis peccata mundi, dona nobis pacem.

DOMINE Jesu Christe, qui dixisti Apostolis tuis: Pacem relinquo vobis: pacem meam do vobis, ne respicias peccata mea, sed fidem Ecclesiæ tuæ; eamque secundum voluntatem tuam pacificare et coadunare digneris: qui vivis et regnas Deus, per omnia sæcula sæculorum. Amen.

Domine Jesu Christe, Fili Dei vivi, qui ex voluntate Patris, co-operante Spiritu Sancto, per mortem tuam mundum vivificasti, libera me per hoc sacrosanctum

'UAIN Dhé a tha 'toirt air falbh peacannan an t-saoghail dian tròcair oirnn.

'Uain Dhé a tha 'toirt air falbh peacannan an t-saoghail dian tròcair oirnn.

'Uain Dhé a tha toirt air falbh peacannan an t-saoghail, thoir sìth dhuinn.

A THIGHEARNA Iosa, Crìosta a thuirt ri d' Ostail Sìth tha mi' fagail agaibh, mo shìth tha mi 'toirt dhuibh, na seall air mo pheacannan, ach air creideamh d'Eaglais; agus deònaich dhi an t-sìth agus an aonachd a tha taitneach do d' thoil: a Dhia a tha beò 's a' rian fad shaoghal nan saoghal. Amen.

A Thighearna Iosa Chrìosta, a Mhic an Dé bheò, a thug le d' bhàs, a réir toil d' Athar, maille ri co-oibreachadh an Spioraid Naoimh, beatha

Corpus et Sanguinem tuum ab omnibus iniquitatibus meis, et universis malis: et fac me tuis semper inhærere mandatis, et a te nunquam separari permittas: qui cum eodem Deo Patre et Spiritu Sancto vivis et regnas Deus in sæcula sæculorum Amen.

Perceptio Corporis tui, Domine Jesu Christe, quod ego indignus sumere præsumo, non mihi proveniat in iudicium et condemnationem: sed pro tua pietate prosit mihi ad tutamentum mentis et corporis, et ad medelam percipiendam. Qui vivis et regnas cum Deo Patre in unitate Spiritus Sancti, Deus, per omnia sæcula sæculorum. Amen.

do'n t-shaoghal, saor mise le d' Chorp agus le d' Fhuil ro-naomh so, bho m' uile pheacannan, 's bho'n a h-uile truaighe; thoir orm daonnan gu'n dlùth-lean mi ri d' fhàintean: agus na leig leam a chaoidh a bhi air mo sgaradh bhuaitsa: a Dhia a tha, maille ri Dia ciadna an t-Athair agus an Spiorad Naomh, beò 's a' rian fad shaoghal nan saoghal. Amen.

Na tionndadh do Chorp, a Thighearna Iosa Chrìosta, a tha mise, ge mì-iomchuidh, ag gabhail a a dhànadas a ghlacail, gu breitheanas 'us dìteadh dhomh; ach biodh e as leth do thròcaire, na'dhion agus na 'leigheas domh, air m' anam 's air mo choluinn: Thusa, a Dhia, a tha maille ri Dia, an t-Athair ann an aonachd an Spioraid Naomh beò 's a' rian, fad shaoghal nan saoghal. Amen.

An uair a tha'n sagart ag glacail na Sàcramaid na 'làimh.

PANEM cœlestem accipiam, et nomen Domini invocabo.

GLACAIDH mi aran nam flaitheas agus gairmidh mi'air ainm an Tighearna.

AIG DOMINE NON SUM DIGNUS.

DOMINE, non sum dignus ut intres sub tectum meum; sed tantum dic verbo, et sanabitur anima mea.

DOMINE, non sum dignus ut intres sub tectum meum; sed tantum dic verbo, et sanabitur anima mea.

DOMINE, non sum dignus ut intres sub tectum meum; sed tantum dic verbo, et sanabitur anima mea.

A THIGHEARNA, cha'n fhiach mise gu'n tigeadh tu stigh fo m' fhàrdaich; ach abair am facal a mhàin agus bithidh m' anam sàbhailte.

A THIGHEARNA, cha'n fhiach mise gu'n tigeadh tu stigh fo m' fhàrdaich; ach abair am facal a mhàin agus bithidh m' anam sàbhailte.

A THIGHEARNA, cha'n fhiach mise gu'n tigeadh tu stigh fo m' fhàrdaich; ach abair am facal a mhàin, agus bithidh m' anam sàbhailte.

Ag gabhail na Sàcramaid fo riochd an arain,
their an sagart:

CORPUS Domini nostri Jesu Christi custodiat animam meam in vitam æternam. Amen.

QUID retribuam Domino pro omnibus quæ retribuit mihi? Calicem salutaris accipiam, et nomen Domini invocabo. Laudans invocabo Dominum, et ab inimicis meis salvus ero.

GU'N gléidh Corp ar Tighearna Iosa Crìosta m' anam gu beatha shìorruith. Amen.

CIOD a dhìolas mi do'n Tighearna air son gach nì a bhuilich e orm? Glaicaidh mi Callis an t-sàbhalaidh, agus gairmidh mi air ainm an Tighearna. A' moladh gairmidh mi air an Tighearna, agus sàbhailear mi bho'm naimhdean.

Ag gabhail na Cailise, their e:

SANGUIS Domini nostri
Jesu Christi custodiat ani-
mam meam in vitam æter-
nam. Amen.

GU'N gléidh Fuil ar
Tighearna Iosa Crìosta m'
anam gu beatha shior-
ruith. Amen.

Aig Riarachadh na Sàcramaid.

S. Misereatur vestri om-
nipotens Deus, et dimissis
peccatis vestris, perducatur
vos ad vitam æternam.

S. Gu'n dianadh an Dia
uile-chumhachdach trà-
cair oirbh, gu'm mathadh
e dhuibh ur peacanan,
agus gu'n tugadh e sibh
gu beatha shiorruith.

M. Amen.

S. Indulgentiam, abso-
lutionem, et remissionem,
peccatorum vestrorum,
tribuat vobis omnipotens
et misericors Dominus.

C. Amen.

S. Gu'n tngadh an Tigh-
earna uile-chumhachdach
agus tràcaireach math-
anas, fuasgladh, agus
saorsa dhuibh na'r peacan-
nan.

M. Amen.

Ecce Agnus Dei, ecce
qui tollit peccata mundi.

C. Amen.

Seall Uan Dhé, seall
esau a tha 'toirt air falbh
peacannan an t-saoghail.

Domine non sum dignus,
&c. (*ter dicit.*)

A Thighearna, cha'n
fhiach mise, &c. (*trì uair-
ean*).

CORPUS Domini nostri
Jesu Christi custodiat ani-
mam tuam in vitam æter-
nam. Amen.

GU'N gléidh Corp ar
Tighearna Iosa Crìosta d'
anam gu beatha shior-
ruith. Amen.

Aig Ionnlad na cailise.

QUOD ore sumpsimus,
Domine, pura mente capi-
amus; et de munere tem-

SIN a ghabh sinn, a
Thighearna, le 'r bial,
deònaich gu'n glac sinn e

porali fiat nobis remedium
sempiternum.

le cridhe glan; agus bho
'bhi na 'thiodhlaic aimsi-
reil, gu'm bi e dhuinn na
'iocshlaint shìorruith.

Aig Dara-Ionnlad na cailise.

CORPUS tuum, Domine,
quod sumpsi, et Sanguis
quem potavi, adhæreat
visceribus meis; et præsta
ut in me non remaneat
scelerum macula, quem
pura et sancta refecerunt
sacramenta. Qui vivis et
regnas in sæcula sæculor-
um. Amen.

Do Chorp a ghabh mi
agus d'Fhuil a dh òl mi, a
Thighearna, leanadh ri
m'innibh; agus deònaich
nach fuirich smal peac-
aidh air m'anam-sa, a
bheathaicheadh le sàcra-
maidean cho glan agus
cho naomh. A tha beo 's
a' rian fad shaoghal nan
saoghal. Amen.

AN COMMUNIO.

BENEDICIMUS Deum
cœli, et coram omnibus
viventibus confitebimur
ei; quia fecit nobiscum
misericordiam suam.

S. Dominus vobiscum.

M. Et cum spiritu tuo.

Oremus.

Proficiat nobis ad salu-
tem corporis et animæ,
Domine Deus noster, hu-
jus sacramenti susceptio,
et sempiternæ sanctæ
Trinitatis, ejusdemque
individuæ unitatis confes-
sio. Per Dominum nos-
trum Jesum Christum

THA sinn a' beannach-
adh Dia nèamh, agus
bheir sinn moladh dha 'an
làthrir nan uile bheò: oir
rinn e tròcair òirn.

S. Gu'n robh an Tigh-
earna maille ribh.

C. Agus ri d' spiorad-sa.

Guidheamaid.

A Thighearna, ar Dia,
deònaich gu'n tig gabhail
na sàcramaid so agus
aidmheil na Trianaide
naoimhe, sìorruith, 's a h-
aonachd neodhealaichte,
gu 'bhi dhuinne gu sàbha-
ladh cuirp agus anma.
Tromh Iosa Crìosta, do

Filium tuum, qui tecum
vivit et regnat in unitate
Spiritus Sancti Deus :

S. Per omnia sæcula
sæculorum.

M. Amen.

S. Dominus vobiscum.

M. Et cum spiritu tuo.

S. Ite, missa est, (*vel*
Benedicamus Domino.

M. Deo gratias.

[Ann an Aifrinn air son nam Marbh, theirear.]

S. Requiescant in pace.

M. Amen.

An uair a tha 'n sagart ga 'chromadh fhéin aig
miadhon na h-altrach.

PLACEAT tibi, sancta
Trinitas, obsequium ser-
vitutis meæ; et præsta ut
sacrificium quod oculis
tuæ Majestatis indignus
obtuli, tibi sit acceptabile,
mihique, et omnibus pro
quibus illud obtuli, sit te
miserante, propitiabile.
Per Christum Dominum
nostrum. Amen.

Mhac ar Tighearna, Dia
a tha beò 's a rian maille
riutsa ann an aonachd an
Spioraid Naoimh :

S. Fad shaoghal nan
saoghal.

C. Amen.

S. Gu'n robh an Tigh-
earna maille ribh.

C. Agus ri d' spiorad-sa.

S. Sgaoilibh, tha'n Aif-
rionn seachad (*no* Bean-
naicheamaid an Tigh-
earna.)

Taing do Dhia.

S. Gu'n robh an fois ann
an sìth.

C. Amen.

A THRIANAID naomh,
deònaich do umhailteas
mo sheirbhise deagh-
ghean fhaotainn ort; agus
guidhim ort an iobairt a
thairg mi suas, ge mi-
iomchuidh, 'am fianais do
Mhòrachd, a bhi taitneach
leat, agus as leth do thrò-
caire, gu'm bi i na 'miad-
hon-réite dhomh fhein,
agus dhaibhsan a thairg
mi suas i air an son.
Tromh Chriosta ar Tigh-
earna. Amen.

AM BEANNACHD.

BENEDICAT vos, omnipotens Deus, Pater, et Filius, ✠ et Spiritus Sanctus.

M. Amen.

S. Dominus Vobiscum.

M. Et cum Spiritu tuo.

BEANNACHD Dhé uilechumhachdaich—an t-Athair, agus am Mac, agus an Spiorad Naomh, gu'n robh agaibh.

C. Amen.

S. Gu'n robh an Tigh-earna maille ribh.

C. Agus ri d' spiorad-sa.

AN SIOSGEUL DEIREANNACH.

S. Initium sancti Evangelii, secundum Joannem.

M. Gloria tibi, Domine.

IN principio erat Verbum, et Verbum erat apud Deum, et Deus erat Verbum. Hoc erat in principio apud Deum. Omnia per ipsum facta sunt; et sine ipso factum est nihil quod factum est. In ipso vita erat, et vita erat lux hominum; et lux in tenebris lucet, et tenebræ eam non comprehenderunt.

Fuit homo missus a Deo, cui nomen erat Joannes. Hic venit in testimonium, ut testimonium perhiberet de lumine, ut omnes crederent per illum. Non erat ille lux, sed ut testimonium perhiberet de

S. Toiseach an t-Soisgeil naoimh a réir Eòin.

C. Glòir dhutsa, a Thigh-earna.

'SAN toiseach bha am Facal, 's bha am Facal maille ri Dia, agus b' e am Facal Dia. Bha e so 'san toiseach maille ri Dia. Rinneadh a h-uile ni leis: 's gun e cha d' rinneadh ni a chaidh a dhianamh. Annsan bha a bheatha, 's b'i a bheatha solus dhaoine agus tha an solus a' soillseachadh 'san dorchadas, 's cha do ghabh an dorchadas ris.

Chuireadh duine bho Dhia, dha'm b'ainm Eoin. Thàinig e so mar fhianuis gu teisteanas a thoirt air an t-solus, los gun creideadh daoine uile troimhsan. Cha b' e esan an solus, ach bha e gu teist-

lumine. Erat lux vera, quæ illuminat omnem hominem venientem in hunc mundum.


In mundo erat, et mundus per ipsum factus est, et mundus eum non cognovit. In propria venit, et sui eum non receperunt. Quotquot autem receperunt eum, dedit eis potestatem filios Dei fieri; his qui credunt in nomine ejus, qui non ex sanguinibus, neque ex voluntate carnis, neque ex voluntate viri, sed ex Deo nati sunt. Et *VERBUM CARO FACTUM EST, et habitavit in nobis, et vidimus gloriam ejus, gloriam quasi Unigeniti a Patre, plenum gratiæ et veritatis.

M. Deo Gratias.

*Aig na briathran so lùb air do leth-ghlun.

eanas a thoirt air an t-solus. B' e sin an solus firinneach a tha soilleir-eachadh a h-uile duine a tha tighinn dh'ionnsuidh an t-saoghail so.

Bha e anns an t-saoghal, 's rinneadh an saoghal leis, 's cha b' aithne do'n t-saoghal e. Thainig e gu chuid fhein, 's cha do ghabh a muinntir fhein ris. Ach a mhiad 'sa ghabh ris, thug e cumhachd dhaibh a bhith 'nan cloinn do Dhia, dhaibhse a tha creidsinn 'na ainm, a rugadh cha n-ann bho fhuil, no bho thoil na feola, no bho thoil duine, ach bho Dhia. US GHABH AM FACAL FEOIL, us rinn e comhnuidh 'nar measg: us chunnaic sinn a ghloir, mar ghloir aonghin an Athar, lan ghras agus firinn C. Taing do Dhia.



(*Te Deum.*)

LAOIDH MOLAI DH DO DHIA.

Tha sinn 'a Dhià a seinn do chliù,
 Ag aideachadh gur tu ar Triàth ;
 Toirt urram dhut gach aon le muirn.
 A 'Thi a tha gun tùs 's gun chrìoch.

Tha na h-Ainglean naòmh gu lèir,
 Tha cumhachdan na neàmh gu h-ard
 Tha Cherubim le caithream bhinn,
 Is Seraphim a seinn gun tàmh.

Is naòmh, is naòmh, is naòmh thu Rìgh,
 A 'Thighearna 'sa Dhià na feachd,
 Tha flathanas 's an talamh làn
 Led chiall, led ghradh, 's led uile-neart.

Tha còisridh oirdheirc Ostalà,
 Tha Fàidhean gràsmhor's àirde cliù,
 Tha armailt geal na Mairtairean,
 Gad shior-mholadh a Rìgh nan dùl.

Anns gach cearn d'an chruinne-cé,
 Tha d' Eaglais thréibhdhireach, a Dhia
 To'irt aoradh dhut sa to'irt d dhut glòir
 Athair na moralachd gun chrìoch.

Aig d' aona-Mhac fìor tha h-uile coir,
 Air urram agus glòir mar-aon,
 Mar sin 's an Tì nì cobhair oirnn,
 An Comh-fhurtair, a Spiorad Naomh.

'S tus' a Chrìosta Rìgh na glòir,
 'S tu Mac sonraicht' Dhe gun tùs,
 Nach d' rinn tàir air còmh na h-Oigh,
 Gu sòlas thoirt do 'n chinneadh-dhaoin.

Thug thu buaidh air guin a bhàis,
 D' fhosgail thu Pàrras do 'd shluagh,
 Air deas-laimh d' Athair ghabh thu tamh
 'S an ait' a bhuidhinn thu mar dhuais.

Nad Bhreitheamh 'nuair a thig thu nuàs,
 Bi truacanta ri 'd mhuinntir fhèin,
 A shaor thu le 'd fhuil bu mhòr luach,
 A taomadh bhuaht tromh ioma creùchd.

Do shonas meallidh iad gu bràch,
 Nan àireamh cliùteach 'measg na nàomh,
 Fo sgéith do chumhachd bi 'dh iad slàn,
 An seilbh a chaidh do ghràsan caomh.

Riaghail uil' iad 's dean daibh iùl,
 Stiùir iad seimh gu beatha bhuan;
 Molaidh sinn thu, 'Dhià nan dùl,
 'S bidh do chliù gach là ga luaidh.

Molaidh sinn d' ainm naòmh gun taimh,
 Gu là ar bàis 's a chaidh na dhéidh,
 Bheir sinn cliù dhut 's glòir gu bràch,
 Dion sinn saor le 'd ghràs bho bheud.

Dean trocair oirnn' a Dhià nan gràs,
 Air reir ar n'earbs' deau trocair oirnn,
 Mo dhòchas unnads' anns gach càs,
 A chaidh cha chuirear tàmailt orm.

NA SEACHD SAILM AITHREACH AIS.*

40 latha laghaidh gach uair a ghabhar iad.

Na cuimhnich, a Thighearna, ar ciontan, no ciontan ar pàrantan: 's na diughail oirnn ar peacannan.

VI SALM.—*Domine, ne in furore.*

A THIGHEARNA, na cronaich mi, ann ad fheirg: agus na smachdaich mi ann ad chorruich.

Gabh truas rium, a Thighearna, oir tha mi lag: slànaich mi, chionn tha cràdh 'am ehnaimhean.

Agus tha m' anam fo bhruaidlean mòr: ach thusa, a Thighearna dé fhad?

Till, a Thighearna, agus fuasgail air m' anam sàbhail mi air sgàth do thròcaire.

A thaobh 's nach 'eil cuimhne ort aig neach a tha 's an uaigh; agus 'an ifrinn co a bheir cliù dhut?

Tha mi air mo ehlaidh le osnaich; nighidh mi mo leaba gach oidhebe; agus m' àite-laidhe fliuchaidh mi le m' dhèir.

Tha mo shùil fo ghruaim le corruich; tha mi air fàs sean 'am measg m' uile naimhdean.

Imichibh bhuam, 'uile luchd-dianamh na h'éuceirt chionn chual' an Tighearna guth mo chaidhe.

Chual' an Tighearna m' achanaich; dh' éisd an Tighearna ri m' ùrnaigh.

* Tha e na 'chleachdadh cràbhach a bhi 'gabhail nan seachd salm so 'an aghaidh nan seachd peacannan-bàis, fear air an fhear dhiubh.

Biodh mo nàimhdean uile fo mhasladh, 's fo bhruidhean mòr: biodh iad air an tilleadh air an ais, 's air an nàrachadh gu ro-ghrad.

Glòir do 'n Athair, agus do 'n Mhac, agus do 'n Spiorad Naomh: mar a 'bhà, 's mar a thà, 's mar a bhitheas, fad shaoghal nan saoghal. Amen.

XXXI. SALM.—*Beati quorum.*

IS beannaichte iadsan do 'm beil an éucoirean air am mathadh: agus a tha am peacannan air an dubhadh as.

Is beannaicht' an duine air nach d' agair an Tighearna peacadh: agus a tha saor bho fhoill na 'spiorad.

Le 'bhi 'am thosd, shearg mo chnaimhean; 's mi ri caoineadh fad an latha.

A chionn bu trom do làmh orm a latha 's a dh-oidheche: dh'iompaicheadh mi 'am dhòruinn, an uair a lotadh mi le bioradh na drise.

Ghabh mi ri m' choire dhut: agus m' éucoir cha do cheil mi ort.

Thuirt mi: 'Am aghaidh fhéin aidichidh mi mo ehiontan do'n Tighearna: agus anaceart mo pheacaidh mhath thusa dhomh.

Air son so ni gach naomh riut ùrnaigh: ann an àm iomchuidh.

Ach air a shon sin ann an tuil mòran uisgeachan, cha tig iad g'a chòir.

Is tusa mo dhìon bho'n trioblaid a chuairtich mi: m' aoibhneas, teasraig mi bhuapasan a tha umam ag iadhadh.

Tuigse bheir mi dhut, agus eòlas air an t-slighe 's an còir dhut imeachd: bithidh mo shùil a' dearcadh ort.

Na fàs mar an t-each agus am muileid, aig nach 'eil tuigse.

Le cabastair 's le sréin teannaich giallan na feadhnach nach 'eil a' tighinn 'ad chòir.

Is lìonmhor sgiùrsadh a' pheacaich: ach cuairtichidh trècair esan a chuireas a dhòchas anns an Tighearna.

Biodh aoibhneas oirbh 's an Tighearna, 's dianaibh gàirdeachas a dhaoine matha: agus bitibh aighireach air fad a luchd a' chridhe gun fhoill.

Glòir do 'n Athair, &c.

XXXVII. SALM.—*Domine ne in furore.*

ATHIGAEARNA, na cronaich mi ann ad fheirg: agus na smachdaich mi ann ad chorruch.

A chionn tha do shaighdean annam 'an sàs: agus tha do làmh trom orm.

Cha 'n 'eil fallaineachd 'am fheadhail le fiamh d' fheirge: cha 'n 'eil fois aig mo chnaimhean as leth mo pheacannan.

A chionn chaidh m' éucoirean thair mo cheann: agus mar callaich thruim, thromaich iad orm.

Bhreòth agus dh'iongraich mo chréuchdan: le miad m' aimideachd.

Is duine truagh mi, a th' air cromadh sìos gu tur: is dubhach ré an latha mo thrìall.

A chionn tha mo leasraidh làn ghalar : 's cha'n 'eil fallaineachd'am fheadl.

Tha mi air mo léireadh 's air m' ùmhlaachadh gu mór : bhéuc mi le acain mo ehléibh.

A Thighearna, ann ad fhianuis tha uil' iarrtas mo chridhe : 's cha'n 'eil m' osnaich 'am falach ort.

Tha mo chridhe air a sgaradh, thréig mo neart mi : agus beachd mo shùl fhèin cha'n 'eil agam.

Thàinig mo chàirdean 's mo choinhearsnaich dlùth dhomh : agus sheas iad 'am aghaidh.

Agus an fheadhainn a bha 'am fagus domh, sheas ad fad as : agus an fheadhainn a bha 'g iarraidh m' anma, rinn iad fòirneart.

Agus iadsan bha 'g iarraidh mo lochd, labhair iad faoineis : agus dheilbh iad beartan foilleil fad an latha.

Ach mise, mar dhuine bodhar, cha chuala mi : 's mar bhalbhan, nach fhosgail a bhial.

B' anhuil mi 's duine gun chlaisteachd : 's aig nach 'eil achasan na 'bhial.

Bho'n a chuir mi mo dhèchas annads', a Thighearna : éisdidh tusa rium, a Thighearna mo Dhia.

Oir thuirt mi : Gun fhios nach dian mo nàimhdean air àm uaill os mo chionn : agus an uair a thuislich mo chasan, dh'àrdaich iad an guth 'am aghaidh.

Oir tha mise deas air son fulangais : 's tha fàth mo bhròin mu m' choinnimh 'an còmhnaidh.

Chionn nì mi mo chionta follaiseach : agus cuimhnichidh mi air mo pheacadh.

Ach tha mo naimhdean beò, agus is treas' iad na mise: agus tha 'n fheadhainn a thug fuath dhomh gun aobhar air fàs lìonmhor.

Bha iadsan a dhìolas ole air son math, ga m' chùlchàineadh: a chionn gu'n robh mi 'leantainn bheartan matha.

Na tréig thusa mi, O Thighearna mo Dhia: 's na dealaich rium.

Luathaich gu m' chuideachadh, a Thighearna Dhia mo shlàinte.

Glòir do'n Athair, &c.

L. SALM.—*Miserere.*

DIAN trècair orm, a Dhia: a réir do mhòr throcaire.

'S a réir lìonmhoiread do thrècaire caomh: dubh as mo lochd.

Nigh mi tuille fhathasd bhom' chionta: agus glan mi bho m' pheacadh.

A chionn tha mi 'gabhail ri m' cheire: 's tha mo pheacadh daonnan mu m' chomhair.

Is ann 'ad aghaidh-sa 'mhàin a pheacaich mi agus 'ad lathair a rinn mi 'n t-ole: air chor 's gu'm fìrinnichear thu 'ad bhriathran, 's gu'n toir thu buaidh an uair bheirear breth ort.

Oir fiach, chaidh mo ghineadh ann an éucoir: agus ann am peacadh ghabh mo mhàthair mi na 'com.

Oir fiach, do'n fhèrrinn thug thu spéis: nithean teagmach agus dìomhair do ghliocais shoilleirich thu dhomh.

Uisgichidh tu mi le hìsop, 's bithidh mi na's gile na'n sneachd.

Do m' chlaisteachd bheir thu subhachas 'us aig-hir: agus nì na enaimhean a chaidh ìsleachadh gàir-deachas.

Tionndaidh d' aghaidh air falbh bho m' pheacan-nan: agus dubh as m' uil' éucoirean.

Cridhe glan cruthaich annam, a Dhia: agus spiorad ceart ath-nuadhaich 'am chom.

Na tilg mi á d'fhianais: agus do spiorad naomh na toir bhuam.

Aisig dhomh aoibhneas do shlàinte: agus daing-nich mi le spiorad neartmhor.

Teagaisgidh mi do shlighean do na daoidhean: agus tionndaidhear na peacaich riut.

Saor mi bho fhuil, a Dhia, a Dhia mo shlàinte: agus àrd-mholaidh mo theanga do cheartas.

A Thighearna, fosglaidh tu mo bhilean: agus cuiridh mo bhial 'an céill do chliù.

A chionn na'm b' àill leat ìobairt, gu fìrinneach bheirinn seachad i: ach ann an ìobairtean-loisgte cha ghabh thu tlachd.

Is ìobairt do Dhia spiorad cràiteach: air cridhe brùite agus iriosal, a Dhia, cha dian thu tàire.

'Ad dheagh-ghean, a Thighearna, dian bàigh ri Sion: los gu'n téid ballaichean Ierùsaleim a thogail suas.

'An sin gabhaidh tu gu caoimhneil ìobairt ceartais, tobhartasan agus làn ìobairtean-loisgte: 'an sin cuiridh iad laoidh air d' altair.

Glòir do'n Athair, &c.

CI. SALM.—*Domine exaudi.*

ATHIGHEARNA, éisd ri m' urnaigh, agus gu d' ionnsaidh thigeadh m' achanaich.

Na tionndaidh do ghnùis bhuam : latha sa bith a bhios mi 'an téinn, aom rium do chluas.

Ciod air bith latha 'dh' éigheas mi ort : éisd rium gu luath.

Chionn dh'fhàillnich mo làithean mar dheathaich : agus sheac mo chnaimhean mar chonnadh.

Tha mi air crìonadh mar am fiar, tha mo chridhe air seargadh : leis mar a 'dhìochuimhnich mi m' aran icheadh.

Le m' dhìan-osnaich : lean mo chnaimhean ri m' fheadil.

Tha mi air fàs mar phelican an fhàsaich : agus mar chomhachaig na seann làraich.

Rinn mi caithris : agus tha mi air fàs mar ghlais-ian òrachdach air mullach tighe.

Ré an latha bha mo naimhdean a' toirt achasain dhomh : agus an fheadhainn a bha ga m' mholadh, mhionnaich iad 'am aghaidh.

Chionn dh'ich mi luath mar aran : agus mheasgaich mi mo dheoch le deòir.

Air sgàth d' fheirge agus do chorruich : a chionn, 'an déigh mo thogail suas, bhuail thu ri làr mi.

Chaidh mo làithean thairis mar fhaileas : agus sheac mi mar am fiar.

Ach thus', a Thighearna, tha mairsinn gu sìorruidh : agus do chuimhne bho linn gu linn.

Eiridh tusa, agus gabhaidh tu truas ri Sion : chionn, thàinig àm a trèaire, chionn thàinig an t-àm.

A choinn thaitinn a clachan ri d' sheirbhisich : agus bithidh bàigh aca ri 'fearann.

Agus bithidh eagal air na cinnich romh d' ainm, a Thighearna : agus air rìghrean an talmhainn uile romh d' ghlòir.

Chionn thog an Tighearna suas Sion : agus chithear e na 'ghlòir.

Ghabh e suim de dh-ùrnaigh nan daoine iriosal : agus cha do chuir e suarach an achanaich.

Sgrìbbhear so air son na linn' a tha ri tighinn : agus bheir an sluagh a chruthaichear cliù do'n Tighearna.

Chionn sheall e bho àrd ionad-naomh : bho nèamh sheall an Tighearn air an talamh.

Gus an cluinneadh e osnaich na feadhnach a tha 'an ceanglaichean : 's gu'n fuasgladh e air an sliochdsan a chaidh a chur gu bàs.

Los gu'n cuireadh iad ainm an Tighearna 'an céill ann an Sion : agus a chliù ann an Ierùsalem.

An nair a chruinnicheas an sluagh ri chéile : agus rìghrean, gu seirbhis a dhianamh do'n Tighearna.

Fhreagair e 'an rathad a neart : Innis dhomh giorrad mo làithean.

Na toir air falbh mi 'am miadhon mo làithean : tha do bhliadhnaichean-sa bho linn gu linn.

An toiseach, a Thighearna leag thu stéidh an talmhainn : agus na neamhan 's iad obair do làmh.

Théid iadsan a dhìth, ach mairidh tusa : agus fàsaidh iad uile sean mar éideadh.

Agus mar thrusgan atharraichidh tu iad, agus bithidh iad air am mùthadh: ach is tusa daonnan an Tì ciadna, agus cha tig fàillinn air do bhliadhn-aichean.

Fuirghidh clann do sheirbhiseach: agus stiuirear an slìochd gu bràch.

Glòir do 'n Athair, &c.

CXXIX. SALM.—*De Profundis.*

AS an doimhneachd dh' éigh mi riut, a 'Thighearna; a 'Thighearna, éisd ri m' ghuth.

'Thugadh do chluasan an aire do ghuth m' achan-aich.

Ma sheallas tu air éucoirean, a 'Thighearna: a 'Thighearna, co a sheasas ris?

A chionn 's ann agadsa 'tha saor-mhathanas: 's air sgàth do lagha bha mo dhùil riut, a 'Thighearna.

Chuir m'anam earbsa na 'fhacal: chuir m' anam dòchas 's an Tighearna.

Bho fhaire na maidne gu dubh oidhche, cuireadh Israel a dhòchas 's an Tighearna.

A chionn aig an Tighearna tha tràdeair: agus aigesan tha saorsainn 'am pailteas.

Agus saoraidh e Israel bho 'uile lochdan.

Glòir do'n Athair, &c

CXLII. SALM.—*Domine exaudi.*

ATIGHEARNA, éisd ri m' ùrnaigh, thoir cluas do m' achanaich ann ad fhèrrinn: éisd rium ann ad cheartas.

Agus na feirig ann am breitheanas le d' sheirbh-iseach: chionn cha'n fhìrinniehear duine beò 'ad làthair.

Chionn rinn mo nàmhaid géur-leannbhainn air m' anam: dh'islich e mo bheatha gu làr.

Chuir e mo thuinidh ann an dorchadas, mar iadsan a bha fada marbh: agus tha mo spiorad annam 'an téinn agus léireadh mo chridhe 'an taobh a stigh dhiom.

Chuimhnich mi air na làithean bho shean, smao-inich mi air d' oibrichean uile: gnòmhannan do làmh thug mi fovear.

Riutsa shòn mi mo lamhan: mar fhearann gun uisge, tha m'anam dhut.

Eisd rium, a Thighearna, gu grad: tha mo spiorad air fàillneachadh.

Na tionndaidh do ghnùis air falbh bhuam; mu'm bi mi coltach riuthasan a theid sìos do'n t-sloc.

Thoir orm do thròcair a chluinntinn 's a' mhad-ainn: 's gu'n do chuir mi mo dhòchas annad.

Thoir dhomh eòlas air an rathad air an còir dhomh imeachd: a chionn 's ann riutsa a thog mi suas m'anam.

Teasraig mi bho m' naimhdean, a Thighearna: 's gur h-ann a d' ionnsaidh a theich mi: ionnsaich dhomh do thoil a dhianamh, a chionn gur tu mo Dhia.

Treòirichidh do spiorad math mi gus an tìr cheart: air sgàth d' ainne, a Thighearna beothaichidh tu mi 'ad cheartas.

Bheir thu m' anam bho ànradh : agus 'ad iochd cuiridh tu mo naimhdean a dhìth.

Sgriosaidh tu iadsan uile a tha 'cur trioblaid air m' anam : a thaobh gur mi do sheirbhiseach.

Glòir do'n Athair, &c.

Na cuimhnich, a Thighearna, ar ciontan, no ciontan ar parantan : agus na diughail òirnn ar peacannan.

NA SACRAMAIDEAN.

BAISTEADH.

IS e am Baisteadh a' chiad shàcramaid. Tha e ga'r glanadh bho'n pheacadh-ghine, a' dianamh cloinne do Dhia 's do'n Eaglais dhinn, agus oighreachan dligheach air rìgheachd fhathanas. Tha e 'cur comharraidh air an anam nach dealaich ris, cha ghabh e toirt seachad ach aon uair, agus cha bhitear sàbhailte as 'aonais.

Ann an càs na h-éiginn faodaidh urra sa bith — *fear*, no *té*, BOSLACH a chur; ach, ma bhios gin eile ri fhaighinn, cha chòir do athair no do mhàthair an leinibh fhéin a cur; agus 's e fireannach a's roghnaiche na boireannach. Thà e ro-ìomchuidh ma ta gu'm biodh fios aig urra ciamar a chuireas e.

BOSLACH.

Dòirt boiseag uisge air ceann no air aodann an naoidheachain, agus 's a' *cheart àm*, abair :

Tha mi ga d' bhaisteadh 'an ainm an Athar, agus a' Mhic, agus an Spioraid Naoimh.

URACHADH AR BOIDEAN BAISTIDH.

LE sàramaid naomh a' Bhaistidh thug thu dhomh
 a Thighearna, còir air rìgheachd fhlatthanais.
 An uair a ghabh mi sàramaid naomh a' Bhaistidh
 thàinig mi stigh do dh-eaglais fhirinnich Chrìosta,
 agus ghabh mi fos làimh d' fhàintean naomh a
 chumail Is àghor na gràsan a fhuaire mi ann an
 sàramaid a' Bhaistidh, agus is mòr na dleasan
 a ghabh mi orm fhéin 's an àm sin ri choimhlionadh.
 Gabhaidh mi deagh-bheachd air na tìodhlaicean
 àillidh a bhuilicheadh orm ann an sàramaid a'
 Bhaistidh. Le d' ghràsan-sa, O Dhia, chaidh mo
 nigheadh 's mo ghlanadh, bho'n a h-uile peacadh,
 bho thruailleachd a' pheacaidh-ghine; chaidh mo
 nigheadh, O Iosa, gu'n toillteanas sa bith air mo
 thaobh-sa ann ad fhuil, a dhòirteadh air a chrois gu
 sàbhaladh mhic an duine Is amhuil a ghlac mi
 gràsan na naombachd leis an d' rinneadh créutair
 ùr dhìom, agus a h-aon de d' chuid cloinne A
 thuilleadh air sin, bu mhì do chuid 'us d' oighreachd,
 O Iosa; cha'n ann de thruagh shliochd Eubha a
 bhuineas mi, ach is oighre mi air flathanas; agus
 bonn mo dhòchais tha suidhichte air an stéidh a's
 treasa gu sòlas sìorruidh a chosnadh. O! diù cha
 dian mi air gràsan cho urramach, agus cha chaill mi
 iad le peacadh a dhianamh air son maoinne saogh-
 alta, no toileachaidh thruaillidh air bith. Cha chaill
 a Thighearna; cha mhutha 's trom leam dol romh
 shaothair air bith, cha mhutha 's goirt leam dòruinn
 sa bith fhulang gus na tìodhlaicean so 'ghleidheadh.
 Agus bho'n a tha am Baisteadh a' fosgladh an do-

ruis dhomh gu ruighinn air uile ionmhas do ghràs, agus a' toirt còire dhomh air do shàcramaidean naomh a ghlacail, agus gur h-iaid feadain nan gràs gu beatha sìòrruidh a thoirt a mach, cleachdaidh mi iad gu leas m' anma, los gu'm bi mi air mo neartachadh leotha, agus air mo chuideachadh gu seasamh dìleas ri gealltanais a' Bhaistidh. Gu'm bu naomh agus neothruaillidh a bhios na bóidean sin air an cumail, leis an do gheall mi a bhi dìleas do bhrataich Chrìosta. 'An ainm na Trianaide naoimhe, anns an deach mo bhaisteadh, biodh mo smointean, mo bhriathran, 's mo ghnìomhannan gu cliù do Dhia, 's gu sàbhaladh sìòrruidh a chosnadh do m' anam fhéin. Mar sin bheir mi a mach 'a bheatha mhaireannach. Biodh mo chéumannan a réir ùmhlachd Chrìosta; bitheam stéidheil 'an creideamh, an dòchas, 's an gaol Dhé; gus an crùn an Tighearna mi mu dheireadh, 's an toir e stigh mi gu sonas sìòrruidh, agus an gairm e mi gu 'bhi 'an measg oighreachan fhathanas 'an aighir 's an sòlas nach crìoch. Amen.

DAINGNEACHADH.

FOISRACHADH AIR SACRAMAID AN DAINGNEACHAIDH.

THA 'n Daingneachadh na 'shàcramaid leis am beil na creidich a tha 'cheana na'n cloinn do Dhia leis a' Bhaisteadh a' faotainn an Spioraid Naoimh, le ùrnaigh 's le dol fo làimh nan Easpuigean, luchd-ionaid nan Ostal, gu 'bhi air an neartachadh na'n creideamh, 's gu 'bhi dìleas, misneach-

ail, ann an seirbhis Chrìosta, air dhòigh 's gur h-fhèarr leotha am bàs fhulang na 'n creideamh fìrinneach a thréigsinn.

Tha 'n t-sàcramaid so air a h-òrdachadh le Crìosta, agus air a cleachdadh leis na h-Ostail fhéin, mar a tha facal Dhé a' toirt teisteanais:—
“ 'S an uair a thainig iad, ghuidh iad air an son gu'n faigheadh iad an Spioraid Naomh. 'An sin leag iad an lamhan orra, 'us ghlac iad an Spiorad Naomh.”—Gnìomh. viii. 15, 17. A rithisd:—*“ 'S an uair a chuir Pòl a lamhan orra, thainig an Spiorad Naomh orra ”*—Gnìomh. xix.; Eabh. vi. 2. Air an aobhar sin is peacadh mòr dearmad a dhìanamh oirre; gu sònraichte an uair a tha Crìostaidhnean a' fulang géur leanmhainn air son an aidmheil, no buairidh 'an aghaidh an creidimh. A chionn tha 'n t-sacramaid so ga'r neartachadh le gràsan sònraichte 'an aghaidh naimhdean ar creidimh, 's ag coisrigeadh ar n-anma leis an Spiorad Naomh, air sheòl 's nach tig an comharradh dheth gu bràch; uime sin cha'n fhaodar an t-sàcramaid so ath-riarachadh.

Bho so féumaidh na creidich an aire 'thoirt gu'n tig iad ann an staid iomchuidh g'a h-ionnsaidh; air eagal 's gu'n caill iad na gràsan a tha fuaighte rithe 's gu'n tionndaidh i gu dìteadh do'n anam le a gabhail ann an staid peacaidh-bhàis.

Gu 'bhi ann an staid iomchuidh air son sàcramaid an Daingneachaidh, féumaidh an t-anam a bhi saor bho pheacadh-bàis; tha e uime sin riatanach dol gu Fìsdeachd romh làimh, a chionn cha tig an Spiorad Naomh a ghabhail còmhnaidh ann an anam a tha fo chis aig an aibhisteir le peacadh-bàis. A thuilleadh

air so, is còir do gach neach a tha brath an t-sàcramaid so 'ghabhail beachd diadhaidh, agus déigh làidir a bhi aige air a bhi na 'théampull gu bràch aig an Spiorad Naomh, air chor 's gu'n cuir e 'an céill, le cuideachadh a ghràsan, gach dleasnas a bhuineas do shaighdear Chrìosta. A bhàrr air sin, is còir do Chrìostaidh e-fhéin uidheamachadh air son na sàcramaide so, le ùrnaigh dhùrachdaich mar a rinn na h-Ostail: "*Bha iad so uile a' buanachadh a dh-aon imtinn ann an ùrnaigh*, os Naomh Luc 's e 'labhairt air na deich làithean eadar Deasghabhail ar Slànair agus Caingis: "*Agus bha iad daonnan 's an tèampull a' moladh 's a' beannachadh Dhé*. Nach sona iadsan a dh' uidheamaicheas iad-fhéin air an t-seòl chiadna, le gnìomhannan diadhaidh beannaichte.

Tha e mar fhiachan air a' Chrìostaidh a th' air a choisrigeadh leis an t-sàcramaid so, a bhi na 'shaighdear dìleas gu bràch ann an seirbhis Dhé, Rìgh nan rìgh; seasamh fo bhratach na croise, an combarradh sin a chuireadh air clàr 'aodainn: eath cruaidh a chumail ri 'naimhdean, agus buaidh a thoirt air an t-saoghal, air an fheadh, 'a air an aibhisteir, le stiùradh 's le còmhnaidh Chrìosta, Rìgh nan uile chumbachd; a bhi dìleas gu bàs, agus dealachadh ri 'bheatha mu'n tréig e seirbhis Dhé, le toil a nàmhaid a dhianamh. Biodh e daonnan na 'airidh air an ainm urramach sin *Saighdear Chrìosta*. Le ùrnaigh agus carrantachd, umblachd agus geimneachd, gleidheadh e 'anam saor, glan, bho pheacadh, gu 'bhi na 'àite-còmhnaidh aig an Spiorad Naomh.

An uair a théid an t-anam, 'an déigh caithimh-bheatha naoimh, 'an làthair cathair a' bhreitheanas, bithidh dealradh boillsgeil air, de'n *chomhar-radh* a chuir sàcramaid an Daingneachaidh air, fad na sìorrachd. Ach ma 's e 's nach bi ar caitheamh-beatha naoimh, ma thréigeas sinn bratach Chrìosta, ma dh' éireas sinn suas na 'aghaidh ma thruailleas sinn an *comharradh* sin le droch chaitheamh-beatha, éiridh e ann am breitheanas na'r n-aghaidh; dìtidh e sinn aig cathair a cheartais; tilgidh e sinn na 's doimhne 'an teine ifrinne, 's bithidh e na' chomhar-radh maslaidh shìorruidh air ar n-anam

Ri linn sàcramaid an Daingneachaidh a ghabhail is eòir dhuinn Dà Thoradh dhiag an Spioraid Naoimh iarraidh air Dia le dùrachd; agus mar an ciadna, Seachd Tìodhlaicean an Spioraid Naoimh.

URNAIGH ROMH'N DAINGNEACHADH.

O MO Dhia, cha'n 'eil neart no misneach agam gus do chath a chur, gu fulang 'ad aobhar mar aon de d' shaighdearan; gu bochdainn, trioblaid, prìosan, no bàs, fhulang air son do Shoisgeil naoimh. Tha na diachainnean 's na croisean beaga 'tha 'tachairt orm gach là a' fiachainn dhomh cho lag 's a tha mo mhisneach an uair a tha mi ag' gèilleadh dhaibh: air an aobhar sin, tha mi 'g ach-anaich ort an Comhfhurtair a chur gu m' ionnsaidh le 'Sheachd Tìodhlaicean beannaichte, gus mo near-tachadh, 's mo sheòladh, a chur mo dhleasnais 'an céill le dìchioll, 's dùrachd.

O Spiorad Naoimh, a tha 'lìonadh cridheachan

do chreideach, thig a ghabhail tàimh 'am anam. Thoir bhuam nàire chronail 's thoir dhomh misneach Chrìostail. Na leig le féin-ghaol, leis an t-saoghal, no leis an fhèil, buaidh fhaotainn orm. Na tugadh nì sa bith orm do lagh a chur suarach, no a thréigsinn. Na drùigheadh brosgul no eagal orm; dòirt do ghràsan gu pailt orm, air chor 's nach toir dòruinn no m' bàs fhéin orm eùl a chur ri d' sheirbhis, los gu'm bì mi coltach ris na h-Ostail, do shaighdearan dìleas, ag gabhail toil ìntinn ann am fulang air do shon. Tha mi lag; ach an uair a thig an Spiorad Naomh orm, bithidh mi làidir annadsa, agus nì mi cogadh gu uair mo bhàis fo d' bhrataich 'an aghaidh naimhdean m' anma.

Thig, ma-ta, a Spioraid Naoimh, agus lìon m' anam le d' thìodhlaicean beannaichte. Amen

Deònaich tighinn a nuas orm an dràsda, mar a thàinig thu nuas air na h-Ostail air là Caingis, 'an coltas theangannan teine, 's mar a thàinig thu nuas air mòran sluagh le dol fo lamhan nan Ostal, air chor 's gu'n cuir mi 'an céill do *mhistirean* diadhaidh le creideamh beò, 's le cridhe làn gaol; 's gu'n seas mi gu misneachail 'an aghaidh mo naimhdean faicsinneach agus neo-fhaicsinneach; gu'n toir mi buaidh orra, 's gu'm bì mi doannan ealamh gus a h-uile seòrsa dòruinne, 's am bàs fhéin, fhulang air son a' chreidimh fhèin. Amen.

URNAIGH AN DEIGH AN DAINGNEACHAIDH.

O DHIA na tròcaire, tha mi 'toirt buidheachais dhut air son do thìodhlaicean lionmhor, 's gu

h-àraid air son nan gràsan a bhuilich thu orm ann sàcramaid an Daingneachaidh. Deònaich dhomh a bhi daonnan ag cuimhneachadh orra agus taingeil air an son; thoir dhomh a bhi gach latha 'tighinn air m' aghart ann an gliocas, 'an tuigse, 'an comhairle, 'an neart, 'an eòlas, 'an diadhachd, 's an eagal naomh. Thoir Dà Thoradh dhiag an Spioraid Naoimh dhomh, Carrantachd, sólas, &c.

O mo Dhia, a thug dhomh na tìodhlaicean prìseil so, gleidh fhéin 'am anam iad; ma 's ann air mo chùram-sa mhàin a bhios an dianadas naomh so, meallaidh athair na foille 's na ceilge bhuam iad: cuiridh e 'dhìth orm iad. Ach fo d' chùram-sa, 's fo d' shùil fhurachail, bithidh iad tiaruinte bho'n nàmhaid.

Tha mi 'g iarraidh mathanais air son tighinn a dh-ionnsaidh na sàcramaide so air cho beag uidh-eamachaidh, 's le aineolas mu a luachmhoiread; air son nach d' thàinig mi ga 'h-ionnsaidh leis an toil, 's leis an déigh 'bu chòir dhomh; air son mo chaith-eamh-beatha 'bhi 'an aghaidh riaghailtean an t-soisgeil. Ach, O mo Dhia, le còmhnaidh nan gràs a fhuair mi anns an t-sàcramaid so, tha mi 'cur romham caitheamh-beatha diadhaidh a leanailt, 's a bhi 'am shaighdear dileas do Chrìosta. O mo Dhia 's e so mo bheachd 's mo rùn an dràsda, ach an uair a 's mutha 'smaoinicheas mi air mo laigse fhéin 's air neart mo nàimhdean, 's ann a's treasa m' achanaich ag iarraidh barrachd ghrasan gach là. los nach truaillear mi leis an t-saoghal, no le' dhroch cleachdainnean; agus los gu'n cuir mi eagal 'us

nàire air chùl, a's tric a thug mo mhisneach bhuam gu labhairt 'an aghaidh a' pheacaidh, 's a chùim air m' ais mi bho m' dhleasnas a choimhlionadh. Deònaich gu'm fuilig mi le ciùine, 's le ùmhlachd, gach masladh 'us tàire, éucoir 'us crois, a thig 'am rathad.

Aon nì eile tha mi 'g iarraidh ort, O mo Dhia, 's e sin nach iarr mi tuille sìth, no fois, no tlachd ann an nìchean an t-saoghail so, ach ann ad ghaol-sa a mhàin, 's a bhi daonnan a' dianamh an nì sin a thig gu d' bharrachd glòire Amen.

FAOISID.

SOILLEIREACHADH AIR FAOISID.

MA 's math leat d' éisdeachd a dhianamh leis an uidheamachadh cheart, féumaidh tu do chomhairle a chur ri Dia le mòran suime, agus beagan ùine ro-làimh, iarraidh air gu tric agus gu dìan, còmhnaidh a ghràsan a thoirt dhut; gu h-àraid ma thachair dhut a bhi fada ann an staid a' pheacaidh; rud a chuireadh féum air dol a leth-taobh uaigneach car beagan ùine gus thu-fhéin a dhianamh deas le ùrnaigh agus cràbhadh; gus an tuigeadh tu do staid, le feartan ùrnaigh agus cràbhaidh.

Rannsaich do chogais le dìchioll mór agus saoth-air, gun dol gu geilt no imcheist. Cuidich do mheomhair le clàr-innse nam peacannan, agus gabh sàr bheachd air na h-ana-miannan a tha fuaighte riut; air a' chuideachda anes an robh thu; air do ghnòthaichean gnàthail; air dleasnasan do staide, agus air an dòigh anns an do choimhlion thu iad;

a h-uile peacadh anns an ùl' éirich dhut tuiteam 'an gnìomh no 'n dearmad, faigh a mach, agus cho tric agus a bha thu ciontach.

'An déigh do chogais a rannsachadh mar a thig-eadh dhut, na saoil gu 'm beil thu nis deas air son d' éisdeachd, tha 'chuid a's cudthromaiche de'n chùis fhathasd romhad; agus 's e sin ùine agus saothair a ghabhail ort fhéin gu fìor aithreachas a thogail 'ad chridhe, maille ri gràin fhuathasaich air son do chiontan leis an d' thug thu tàire do Dhia; agus rùn làidir le cuideachadh a ghràs gu'n seachainn thu na peacannan ciadna á so suas cuide ri'n ceann-aobhair; agus gu'n cleachd thu miadh-onan iomchuidh gu tòiseachadh air caitheamh-beatha ùr.

Gu ruighinn air bròn-cridhe air son do pheacannan. agus rùn làidir an seachnadh, féumaidh tu na gràsan so iarraidh gu dùrachdach air Dia, a chionn 's ann bhuaithesan a thig iad; uime sin gus do chridhe a ghluasad gu fìor aithreachas, leag d'aire gu dìan air ùrnaigh agus smaointean cràbhach 's gu h-àraidh air na ceithir nichean deireannach, air gràinealachd a' pheacaidh, air mathas Dhé, air pàis agus bàs Chrìosta. An uair a ruigeas tu air a' mhulad throm so, le beachd a bhi dileas do Dhia, faodaidh tu 'bhi 'an dòchas a bhi uidheamaichte air son d' éisdeachd; ach as easbhuidh so cha 'n 'eil thu deas. Ma tha dad air d'inntinn a tha sgàth ort 'aideach, leig air ùrnaigh agus bròn as ùr gus am faigh thu neart agus gràsan a chuireas am fiamh ceacharra so air chùl. Agus a chaidh na gabh a

dhànadas no a ladarnas ort-fhéin, dol gu d'éisd-eachd ann am beachd briag a dhianamh do'n Spiorad Naomh. O ciod e an toil-inntinn nach toir e dhut do chridhe aotromachadh bho callach a' pheacaidh! Agus dé am fàsgadh agus an enàmh-cogais nach 'eil na'n cleith.

'An àm aideachaidh, ùmhlaich thu-fhéin, agus innis do pheacannan gu saor soilleir, gun an lughdachadh le leisgeulan, no le tilgeadh na coire air an atharrach: dean làn-aideach air seòrsa agus air àireamh do pheacannan maille ris na cùisean a tha 'g atharrachadh an nàduir no a' leasachadh gu mór an coire. Biodh do bhriathran béusach, agus, ma ghabhas e seachnadh dhut, na toir suas ainm duine sa bith a bha na 'aobhar-peacaidh dhut.

Seòladh air faoisid.

An uair a théid thu stigh gu cathair na h-éisdeachd rach air do dhà ghlùn làmh-ri d' athair-faoisid; cuir comharradh na crois' ort, agus abair: 'Athair, beannaich mi, oir pheacaich mi'. An uair a gheabh thu 'bheannachd, gabh an t-Aideachadh gu ruig le m' mhòr choire-fhein. An sin abair: Tha (*a leithid so a dh-ùine*) bho'n a bha mi aig m' éisdeachd mu dheireadh 's fhuair (*no cha d' fhuair*) mi fuasgladh, 's ghabh (*no cha do ghabh*) mi Riarachadh, 's bho'n àm sin tha mi ga m' dhìteadh 'an. . . . An uair a dh' aidicheas tu uile, gu saor, soilleir, agus le ùmhlachd, na peacannan a's cuimhne leat tuiteam annta bho d' éisdeachd mu dheireadh, faodaidh tu'n dùnadh so 'chur air d'

fhaoisid: ‘Air son nam peacannan so ’s gach peacaidh a rinn mi riabh, tha mi duilich bho ghrùnnd mo chridhe, ’s ag cur romham nach peacaich mi tuille. Tha mi ’guidhe mathanas bho Dhia annta, ’s breitheanais-aithrich ’us fuasglaidh bhuaibhse, ’Athair-fhaoisid.’ Agus gabh a’ chuid eile de’n Aideachadh — *Air an aobhar sin*, &c. Anns an Aideachadh ’an deaghaidh “na naomh uile” theirear ’s a’ chiad chuid ‘*agus dhuibhse*’ *Athair*,’ agus anns an ath chuid ‘*agus oirbhse*’ *Athair*.’

’An sin éisd le suim ’s le irisleachd ris gach seòladh ’us comhairle a bheirear ort, gabh ri d’ bhritheanas-aithrich le ùmhlachd, ag cur romhad a chur ’an gnìomh. A’ faotainn fuasglaidh còmhais do cheann, ùraich d’aithrechas air son do pheacannan uile, agus le fìor-irisleachd iarr tràdair air Dia, ’s gu’n deònaicheadh e mathanas a thoirt dhut air nèamh mar a tha ’n sagart a’ toirt dhut air talamh.

’An deaghaidh d’ fhaoisid cuir do bhritheanas-aithrich ’an gnìomh ’s an àm agus ’s an àite a dh’iarrar ort. Uraich do rùn a h-uile peacadh a sheachnadh, agus na miadhonan iomchuidh h-uige sin a chleachdadh, le ceann-aobhair ’us buaireadh a’ pheacaidh a sheachnadh. Mar sin cuir thu-fhèin air rian do chaitheamh-beatha a leasachadh.

RANNSACHADH COGAIS.

Urnaigh romh rannsachadh cogais.

O Mo Dhia, a tha fianaiseach air smaointean dìomhair mo ebridhe, tha fios agad gur h-ann gu leasachadh do ghlòire, agus sàbhaladh m'anna a tha mi 'tighinn a dh-aideach mo peacannan. Tha mi 'an geall air m' anam a ghlanadh bho smal a' pheacaidh le Sàcramaid naoimh na Faoisid, a dh'òrdaich thu gu leas m' anna. O mo Dhia, thoir dhomh còmhnaidh do ghràs gus an dleasnas cud-thromach so a chur 'an gnìomh, ann an seòl 's gu'm faigh mi mathanas 'am pheacannan. O mo Dhia, tha mi 'faicinn gu soilleir gu'n d'rinn mi iomadh éucoir 'ad aghaidh, a thoill do chorrueich agus do dhiùghaltas; agus mur fhaigh mi mathanas anna, gu'n téid mo thilgeadh á d'fhìrinnais gu bràch. Tha mi nise ma-ta ro-dheònach air staid m' anna a rannsachadh, agus mo pheacannan fhaighinn a mach leis an tric a thog mi d'fhearg. Ach, O mo Dhia, cha dian mi ach mi-fhéin a mhealladh mur fhaigh mi soilleireachadh do ghràs. Air an aobhar sin cuir thusa 'n cuimhne dhomh gach peacadh agus éucoir anns am beil mi ciontach: chionn is math a tha fhios agam nach 'eil nì 'am falach no 'n dubhar ort. Ach tha mise fo dhuibhre 's fo cheò a' pheachaidh. Tha mi air mo chuairteachadh le aineolas, tha m' anamiannan ga m' dhaladh, agus m' àrdan ag cur sgled air gach éucoir; agus ged is léir dhomh cuid de m' lochdan, tha roinn mhòr de m' pheacannan 'am falach air suilean m' anna. Ach, O mo

Dhia, thoir thusa iad sin 'am follais dhomh; dèarr-sadh solus do ghràs air m'anam, los gu'm faic mi gu soilleir gach éuceir a rinn mi, agus gach giùmh 'us fàillinn a tha fuaighte rium; agus na biodh dad air bith 'am falach orm a dh'fhaodas a bhi na 'aobhar-ditidh dhomh. O Spioraid Naoimh, sgap thusa an ceò a tha ga m' ehur iomrall; fiach dhomh mo neoineachd, mo shuaraiche, mo bhoichdainn, agus gràinealachd mo pheacannan, los gu'm faigh mi eòlas orm-fhéin agus ortsa, mo Dhia; agus gu'n till mi riut le cridhe aithreachail agus brònach, leis an toill mi fathamas agus trècair a bheir mathanas dhomh 'am pheacannan.

O mo Dhia, leis nach àill bàs a' pheacaich, aeh gu'm bi e beò, dian réite rium air an lath' an diugh. Thoir misneach dhomh, dian mo neartachadh, mo ehuideachadh, agus mo chòmhmadh. Thoir bhuam spiorad an àrdain, los gu'n aidich mi mo pheacannan gu saor agus gu soilleir, le cridhe iriseil agus brùite. O mo Dhia, thoir rùn làidir dhomh am peacadh agus ceann-aobhair a' pheacaidh a sheachnadh á so suas, air sgàth do Mhic Iosa Crìosta. Amen.

CLAR-INNSE PHEACANNAN.

I. **FHAINTE.** Tha coin Creidimh, Dòchais, Gràidh, agus Cràbhaidh, a' bristeadh air an fhàinte so.

1. *Cion Creidimh.* An robh ciad phuingean do ehreidimh—mar a tha rùn dìomhair na Trianaid', fàintean Dhé, 's na h-Eaglaise, agus na Seachd Sàcramaidean, 'an aineol ort? An do chuir thu 'an

teagamh, no n' d' àicheidh thu puing sa bith de d' chreideamh? An d' aontaich thu le eiricich, no le droch chuideachda na'n labhairt 'an aghaidh do chreidimh, no dheagh-bhéusan? An do léugh thu leabhraichean eiriceach le tlachd, no cunnart do d'anam? An d' rinn thu diù, no 'n d' thug thu tàire do rudan naomh? An robh thu 'rannsachadh rùintean dìomhair Dhé, agus a fiachainn ri'n tuigsinn le tùr nàduir? An d' iarr thu còlas no leigh-eas air draoidhean no bana-bhuidisichean? An robh thu 'cur seadh bréige air facal Dhé, no ga 'thoirt a stigh ann an seòl faoin, no mar ghéire facail? An robh thu 'toirt creideis do bhruadair no do dh'aisling cadail, agus ga 'bhreithneachadh?

2. *Cion Dòchais.* An robh thu 'toirt géill do ghràsan Dhé, no 'call do dhùile ri trècair, 's ri mathanas do pheacannan? An robh thu 'gabhail dànadais air mathas Dhé, le 'bhi 'dol air d' aghart ann an droch-bheart, no 'cur dàil' anns an aithreachas? An robh thu 'gabhail urad dhànadais as do neart fhéin, no á grasan Dhé, 's gu'n do chuir thu thu fhéin ann an cunnart peacaidh, le dol 'an droch chuideachda, no 'léughadh dhroch leabhraichean, no 'dianamh rud sa bith eile a thigeadh gu dolaidh cuirp no anma dhut?

3. *Cion Graidh.* An robh thu 'toirt gaoil do Dhia os cionn gach nì, no, an d'thug mòrehuis no àrdan ort an lagh a bbristeadh, a roghainn air tàire no masladh fhulang bho dhaoine, no thu-fhéin a chomharrachadh a mach mar Chaitliceach? an d' thug saidealtas, nàire, no cabhag shaoghalta ort d'

ùrnaigh, no dleasnas sa bith eile fhàgail? An robh thu dìochuimhneach air Dia, no neo-aontach d' a ghràsan? An robh sgàth ort labhairt mu Dhia, no an robh thu mì-thaingeil dha air son a ghràsan, agus a thlòdhlaicean dhut?

4. *Cion Crabbaidh.* An robh thu 'lùbadh do ghlùn gu tric do Dhia, gu h-àraidh much agus annmuch? An robh thu 'gabhail d'ùrnaigh le suim agus le dùrachd, no 'n robh thu 'leigeil le smaointean eile drùghadh a stigh ort le d' dheòin? An d'thug thu as-onair do Dhia, sgainneil do 'n atharrach le luasgan, bruidleir, no cadal, 'an àm na h-ùrnaigh? An robh thu cur dhìot bho latha gu latha sgar de'n ole, agus tòiseachadh ris a' mhath?

II. FAINTE.—Am beil e na 'chleachdadh agad a bhi 'toirt ainm Dhé an diambhanas? Dé cho tric? Am bi thu ri mionnan bréige no obainn? An d'thug thu mionnan-eithich, a dh' fhaodadh dolaidh a dhianamh air an atharrach, a thuilleadh air peacadh 'an aghaidh Dhé? An d'thug thu do mhollachd air neach sa bith, no 'n d' rinn thu guidhe dhut fhéin? An do ghabh thu tlachd ann am mionnan an atharraich? An do bhrosnaich thu e gu'n ionnsaidh? An d' thug thu bóid nach robh ceart, no a bha e fos cionn do chomais a coimhlionadh; no ma bha i ceart, an do bhris thu i, no 'n robh thu fadalach ga 'eur 'an gnìomh?

III. FAINTE.—An do bhris thu air an Dònach, no air Làithean-féille? An d' rinn thu-fhéin, no an do leig thu le h-aon sa bith fo d' rian, am

bristeadh le seirbbhis n.hì-riatanaich sa bith a dhian-
amh air na làithean sin? An d' éisd thu 'n aifrionn,
an d'thug thu 'n aire gu math do 'n teagasg, do
chràbhadh, 's do leabhraichean diadhaidh?

IV. FAINTE.—*Mar urra-chloinne* — An d' thug
thu tàire no as-onair do d' phàrantan le briathran
no le dianadas? An do dhiùlt thu iad no 'n d' rinn
thu diù de 'n comhairle? An robh thu leisg, dìor-
rasach dhaibh, no coma ùmpa? An do dhùraig thu
ole sa bith éirigh d'haibh? An do ghabh thu gu
h-ole achasan bhuapa? An d' rinn thu ole sa bith
air an iartras? An do thog thu gu feirg iad?

2. *Mar phàranta* — Au robh th mì-fhreasdalach
air do chuid cloinne a thaobh anma no cuirp? Mì-
chùramach mu'n ùrnaigh 's an dleasns Crìostail
ionnsachadh dhaibh an uair a bha iad òg? A'
faicinn gu'n robh iad gu riaghailteach a' dol do 'n
aifrinn, agus do'n sgoil, agus a' seachnadh droch-
chuideachda? A' toirt achasain dhaibh agus ga 'n
smachdachadh an uair a rachadh iad as an rathad?
No ga'n cronachadh le feirg? No a' leigeil leotha a
bhi 'ruith air an toil fhéin le beadradh, ga 'm
moladh, no brosgul riutha? A' toirt droch-
shamhlaidh dhaibh le misg, le mionnan, no le droch-
sheanchas.

3. *Mar sheirbhiseach* — An do dhiùlt thu gnothach
sa bith a dhianamh a dh' iarr do mhaighistir, no do
bhana-mhaighistir ort? An do chum thu, no 'n d'
thug thu seachad, no 'n do leig thu le feadhainn eile,
dad a bhuineadh do d' mhaighistir no do d' bhana-
mhaighistir? An robh thu mì-dhùrachdach, no mì-

dhùileas ann an gnothach sa bith a bha 'n earbsa riut? An do leig thu call sa bith na'n rathad? An robh cion dìchill ort ag cur air aghart gach nì a thigeadh gu féum dhaibh?

4. *Mar mhaighis'ir*—An robh thu cùramach 'us faicilleach mu ghiùlan agus mu chaitheamh-beatha do sheirbhiseach, a' toirt comhairle gu'n leas orra, agus ga'n cronachadh an uair 'bu chòir? An robh thu toirt orra an ùrnaigh ghabhail, an aifrionn éisdeachd, agus na sàcramaidean a chleachdadh? An robh thu 'dianamh diù dhiubh, a' sealtainn sìos orra, a' toirt tàire dhaibh, a' trod riutha gun réusan? An robh thu diùlt an tuarasdail a phàidheadh, no an robh thu 'cur dàlach ann?

V. FAINTE.—An robh thu ciontach ann am murt, no'n dòrtadh fala neochiontaich? An d' rinn thu ciorram, na dochann, air an atharrach? An do bhuail, no an do chiùrr thu e? An robh goimh no farmad, diùmh no gamblas, agad ris? An do throd thu ris? An d' thug thu béum, no sglambrainn dha? An d' rinn thu ole, no diùghaltas air, no' n robh an toil agad? An do chum thu fearg ris? An robh thu fuar, coimheach ris, a' seachnadh bruidh-inn a dhianamh ris, no fàilte a chur air. An d' thug thu sgainneal seachad, 's e sin peacadh a dhianamh 'an làthair feadhnaich eile? Agus is leasachadh air do pheacadh, ma 's ann gu feadhainn eile a bhrosnachadh gu peacadh a thug thu seachad sgainneal. Ag éigneachadh, ag comhairleachadh, no ag cuid-eachadh an atharraich gu peacadh a dhianamh? A' toirt dìona, no ri cùl-taice do dhroch dhaoine, no

'dol eadar iad 's ceartas? An d' thug saidealtas no eisimeil ort gun chasg a chur air peacadh an atharraich, 's e na d' chomas, le combairle 'thoirt air, no le innse dh' a uachdaran dligheach? An d' thug thu eòlas do'n atharrach air a' pheacadh nach b'aithne dha? An robh thu 'moladh an uile, no na feadhnach a bhios ris an ole? An d' rinn thu uail as an ole a rinn thu-fhéin? An do dhiùlt thu déirce do na bochdan, no 'n robh thu neo-fhuasglach air daoine féumach?

VI. FAINTE.—*Leis an teangaidh*—An do labhair thu cainnt dhùbailte as an tuigear seadh neòghlan? An robh thu ri draosdachd no drabasdachd? An robh thu ri seanchas salach? No an d' aithris thu eachdraidh mhì-bhéusach? An d' thug thu combhairle, seòladh, no brosnachadh gu mì gheimneachd?

2. *Leis an t-sùil* —An do-choimhead thu air rudan a dh'fhaodadh smaointean neòghlan a thogail dhut, mar a tha dealbhannan mì-bhéusach, no ort-fhéin, no air neach eile, ann an seòl mì-àraid? An robh thu 'léughadh leabhraichean mì-shuairce?

3. *Leis a' chluais*—An d' éisd thu ri cainnt shalaich, ri draosdachd no ri drabasdachd, no ri eachdraidh mhosaich? An do ghabh thu tlachd na leithid sin de sheanchas, no an do leig thu air 'aghart e 's e 'ad chomas a bhacail, no an uair nach robh e 'ad chomas, an d'fhuirich thu 's an droch-chuideachda?

4. *Le laimhseachadh*—An robh thu 'beantainn dhut-fhéin no do dh'fheadhainn eile ann an seòl

mì-àraid? A' breith air boirionnaich, ga'n lainhseachadh, no ga 'm pògadh 'an dòigh mhi-bhéusaich?

5. *Le smaointean* — An do stad thu a d' dheòin air smaointean salach? An do ghabh thu tlachd annta? An d' thug thu aonta dhaibh? An do chuir thu romhad an cur 'an gnìomh?

6. *Le gnìomh* — An robh thu ciontach ann an diolanas, 'an adhaltras, no 'an peacadh 'an aghaidh nàduir? — (Ma's maighdeann, no bana-charaid a thug thu as an rathad is miadachadh air do pheacadh e; is leasachadh cuideachd air, no bha éiginn, cruaidhimpidh, no gealltannas-bréige 's a' chùis).

VII. FAINTE. — An robh thu ciontach 'an goid? An robh thu cumail cuid an atharraich bhuaithe ge b' oil leis, no dh' aindeoin? An do diùlt thu d' fhiachan a phàidheadh, an robh thu cur dàlach annta no ga 'n àicheadh? An robh thu ri cuir, no ri mealltaireachd 'an àm bargain? An d' rinn thu call sa bith air an atharrach, no an do mhìll thu a chuid? An d' thug thu seachad droch airgead, no an do chùinn thu e?

VIII. FAINTE. — An do thog thu fianais-bhréige 'n aghaidh do choimhearsnaich? An robh thu ri briagan, no ga'n dìon? An do chuir thu fotha an neo-chiontach? An d' thug thu 'n ciontach 'an uachdar? An robh thu ciontach 'an cùlachaint, no 'an dubharachadh cliù an atharraich? An d' rinn thu follaiseach a pheacannan no 'fhàillinnean dìom-

hair? An robh thu 'falbh le naidheachdan, agus le sin a' togail aimhreit eadar theaghlaichean? An robh thu ciontach 'an ceilg, no 'an gabhail coltais dhiadhaidh ort-fhéin bho 'n leth-amach?

IX. FAINTE.—An do shanntaich thu bean do choinhearsnaich? (*Faic an VI. Fainte*).

X. FAINTE. — An do shanntaich thu rud sa bith a bhuineadh do'n atharrach? (*Faic an VII. Fainte*.)

FAINTEAN NA H-EAGLAIS.

1. An d' éisd thu 'n aifrionn air gach Dònach, 's air gach Latha-féille? An d'rinn thu obair-shaogh-alta gun éiginn, no gun òrdugh?

2. An do thraisg thu 'n Carghus agus làithean eile 'bh' air an òrdachadh? An do sheachainn thu feòil air Dihaoine, 's air na làithean eile nach robh e òrdaichte a h-iche?

3. An d'rinn thu deagh-fhaoisid aon uair 's a' bhliadhna, an car a's lagha?

4. An do ghabh thu Corp-Chrìosta aon uair 's a' bhliadhna, an car a's lagha, 's gu h-àraid 'an àm na Càsga?

5. An do phàidh thu an deachamh do d' phears'-eaglais?

6. An do phòs thu le bainis 's a' Charghus, no 's an Aidbhen, no 'an taobh-stigh de'n cheathramh céum càirdis?

NA SEACHD PEACANNAN BAIS.

I. UABHAR. An do ghabh thu tlachd asad-fhéin, na as do bhuaidhean, a thaobh cuirp no

anma? An robh thu 'cur bòsd asad-fhéin, as do ghliocas, á d'fhaoghlum, as do spionnadh, as do chuid, no as do chàirdean? An robh barail mhòr agad ort-fhéin? No an robh thu 'toirt ionnsaidh air gnothaichean móra a bha fos cionn do neart? An robh do bharail mhór ort-fhéin ga d'dhianamh cruaidh, magail, tàireil, air feadhainn eile? An deachaidh d' àrdan cho fad' agus neopris a dhianamh air an fheadhainn a bha os do chionn, no monmhur na'n aghaidh no 'bhi asumbail dhaibh? Gun a bhi 'gabhail ri d' choire, no ga d' dhìon féin le leisgeulan-faoine no briagach? Ag cur suarach an seòlaidh, agus an ahasain? Dian, dìorrasach, 'ad bheachd fhéin? Mì-thaingeil do Dhia air son a thìodhlaicean dhnt?

II. SANNT. An robh thu 'g òrdachadh agad-fhéin rud sa bith de chuid an atharraich? (*Faic an seachdamh Fàinte*).

III. DRUIS. (*Chunnacas so air an t-siathamh Fàinte*).

IV. CRAOS. An robh thu air mhisg? An do chuir thu feadhainn eile air mhisg? An do ghabh thu tuilleadh 's a' chòir de bhiadh, no le tuilleadh 's a' chòir de ghionach?

V. LEISG. An d' thug leisg ort dearmad a dhianamh air d' ùrnaigh much no anmuch? An d' thug leisg ort dleasnas sa bith eile a dhìochuimhn neachadh, no 'fhàgail gun dianamh? An robh thu trom, neoshunntach, marbhanta, fadalach, ri gnot-hach sa bith a bhuineadh do d' staid?

VI. FARMAD. An robh thu 'gabhail bròin, no

dorrain a chionn gu'n robh an t-atharrach na b'fhèarr buaidhean, na bu mhutha cuid, no na b'fhèarr dòigh, na thu-fhéin? Am bu mhath leat a chall? An robh droch-dhùrachd agad dha?

VII. FEARG. An do las thu suas ann an corruich, no'm feirg, ris an atharrach? An do leig thu mach d' anntlachd le mionnan, maoidheadh, smàdadh, càineadh, magadh, no diùghaltas? An do chum thu 'n fhearg ann ad chridhe? An robh thu mì-fhaighidneach fo chroisean, fo anshocair, 's fo easlaintean?

An so tha e ri thoirt fonear, nach e am peacadh a mhàin a tha ri 'aideach, ach a bhàrr air sin, gu'm beil a' cho liuthad uair 's a thuit thu anns gach peacadh ri iunse. Tha seòrsa, àireamh, 'us cùisean-miadachaidh a' pheacaidh ann an seòl comharraichte, ri thoirt fos n-àird; agus ma thug thu air falbh cuid no cliù an atharraich, féumaidh tu a chur air ais.

URNAIGH ROMH EISDEACHD.

Urnaigh air son aithreachais.

O THIGHEARNA, is aobhar mulaid 'us bròin dhomh an sealladh a thug thu dhomh air mo pheacannan. Tha iad trom, lìonmhor, gràineil. Och, is ioma dòigh air 'na thoill mi d' fhearg, agus do chorruich! Tha 'fhios agam gu'n éirich iad suas gus mo dhìteadh aig uair mo bhàis, mur glan mi bhuam iad an dràsda le fìor aithreachas. Ach, O mo Dhia, 's ann bho d' làimh fhialaidh, thobhairtich-sa a tha dùil agam ris na gràsan sin fhaotainn. Mur gluais thusa mo chridhe le fìor bhròn air son mo chiontan, bithidh mo shaothair-sa diambain,

agus bithidh mi truagh gu bràch. Och, chuir mi suarach do mhathas! Rinn mi dìochuimhne air do chaoimhneas, mhlà-bhuilich mi do ghràsan, agus bha mi neo-thaingeil air son gach trècair a rinn thu orm! Is iomadh anam a tha 'n diugh a' losgadh ann an lasraichean iutharna air son na's lagha 'pheacannan na a rinn mise? Ach gabh truas rium. Is mór d' fhathamas rium an uair a thug thu rathad dhomh gu tilleadh riut, agus mo shìth a dhianamh suas riut. So an rud a tha 'toirt misneich dhomh. O mo Dhia, beannaichte gu'n robh d' ainm gu bràch. O mo Dhia, na agair orm peacannan nan làithean a chaidh seachad. Thoir làn-mhathanas dhomh annta, le fìor-aithreachas a thoirt dhomh: air chor 's gu'm bi mi aon uair eile air mo chumtadh 'am measg do sheirbhiseach. Thusa, O Dhia, a chruthaich an saoghal le faeal do chumhaich, cruthaich cridhe glan 'am chon. O Thighearna Iosa, seall orm le bàigh. Lìon m' anam le bròn spioradail, 'us le fuath agus gràin air mo pheacannan. A so suas le còmhnaidh do ghràs, bheir mi gaol dhut 'os cionn gach nì; bithidh mi dian, dìleas, ann ad sheirbhis. Bithidh aoibhneas ann an fathanas air son aon pheacach a ni peanas. O Athair na trècaire, deònaich gu'm bi m'aithreachas cho troil agus cho fìrinneach, 's gu'n toir e sòlas do chùirt fhilathanais. Air cridhe brùite, a Thighearna, chaidh thu tàire. O Thighearna, dian trècair orm, a thaobh 's gur peacach truagh mi. Air sgàth bàs dèruinneach mo Shlanair Iosa Crìosta, dian trècair orm.

Urnaigh a dh' fhaodar a ràdh tric romh èisdeachd.

IOSA, thoir mo pheacannan gu m' chuimhne.
'Iosa, thoir dhomh gràsan an aithreachais.

'Iosa, thoir dhomh gràsan na h-irisleachd gu mi-fhéin a dhèteadh aig cathair-na-Faoisid, los nach téid mo dhèteadh aig cathair-a'-bhreitheanais.

'Iosa, thoir neart 'us misneach dhomh, ann an dòigh 's nach toir an t-àrdan orm peacadh sa bith a chleith. Is fhasa dhomh dol fo nàire car tamuill bhig, na m' anam a chur ann an cunnart dol gu dòruinn shìorruidh.

'Iosa, tha mi 'cur romham, le còmhnaidh do ghràs, mo pheacannan aideach cho saor, agus cho sòilleir, 's ge b'i so uair mo bhàis.

'Iosa, gabh truas rium.

'Iosa, dian trècair orm.

Is aobhar nàire agus bròin am peacadh; ach is aobhar aighir 'us sòlais do dh-ainglean Dhé, gu'm biodh e air a nigheadh air falbh ann an tobar na Faoisid. O m'anam, biodh aoibhneas ort; tha Dia toileach air réite 'dhianamh riut: glac a làmh thrècaireach, tha i sìnnte 'mach gu réite 'dhianamh suas riut: na diùlt a mhathas. O mo Dhia, air sgàth Chrìosta. thoir dhomh fìor-aithreachas air son mo pheacannan, agus thoir air ais dhomh mo chòir air flathanas; agus na leig m'anam gu bàs sìorruidh.

URNAIGH AN DEIGH NA H-EISDEACHD.

A DHIA na trècaire, tha mi 'toirt molaidh dhut, agus cliù, air son gu'n d' thug thu dhìom eallach throm mo pheacannan. Le cridhe iriseal gun cheilg, dh' aidich mi do m' Athair-faòisid a h-uile peacadh air am b'urrainn dhomb cuimhneachadh. Deònaich gu'm bi an fhaoisid so taitneach 'ad shùilean. Thoir làn-mhathanas dhomh anns gach peacadh a chuimhnich, agus nach do chuimhnich mi aideach. O Thighearna, thugas dhomh a bhi na's cùramaiche, agus na's dìchiollaiche á so suas, ann ad sheirbhis, agus cùl a chur ris gach leannan-peacaidh a tha fuaighte rium, 's mi nis a 'toirt fuath agus gràin mo chridhe dhaibh. Le d' chòmhnaidh, O Thighearna, cha dian mi peacadh tuille, a thoilleas d' fhearg, 'fhad 's is beò mi. O Shlànaire, neartaich mi 'an aghaidh nam buairidhnean a's mutha a tha 'cur a dhiachainn orm. (*Ainmich 'an so riut-fhéin iad.*) Thugas dhomh a h-uile cunnart agus ceann-aobhair peacaidh a sheachnadh gu cùramach à so suas. O mo Dhia, seall, tha gach fàillin a's coirbte a thainig a nuas orm bho Adhamh air an tromachadh agus air an daingneachadh le m' dhroch dhianadas fhéin. Ach a nise le còmhnaidh do ghràs, tha mi 'cur romham nach bi mi ciontach am feasd am peacadh-bàis. Ni mi dìchioll air gach gìomh agus fàillinn a tha annam a leigheas, agus gach nì 'dhianamh gu barrachd glòire dhutsa. O Iosa, beannaich mo thoil mbath agus mo dhàrachd, O mo Dhia thugas dhomh mo chogais a rannsachadh gu mean agus gu

dìchiollach a h-uil' oidheche; agus toiseach mo ghnìomhannan a thoirt dhutsa a h-uile madainn, air chor's gu'm bi 'chuid eile de 'n latha air a bhuil-eachadh gu d' ghlòir. O mo Dhia, thugas dhomh mo bhreitheanas-aithrich a chuimhneachadh, agus a chur 'an gnìomh le spiorad na h-ùmhlaichd agus an aithreachais. Thugas dhomh a h-uile latha 'bhi 'gabhail am barrachd saothrach orm-fhéin, gu fàs na's diadhaidh agus na's fhèarr; air chor's gu'n ruig mi mar sin air làn-mhathanas 'am pheacannan, air coimhlionachd caithimh-bheatha, agus air duais shìorruidh anns an ath-shaoghal. Tromh Iosa Crìosta ar Tighearna Amen.

GEALLADH N. FRANSI.

'S e comhairle Naomh Fransi de Sàles do neach a ni éisdeachd, gu'n tugadh e an gealladh làidir so do Dhia a bhi dìleas dha tuille:—

AIR mo ghlùn 'am fianais an Dé shìorruidh, agus uile chùirt fhathanais, tho mise, A. a' faicinn a' mhiad 's a dh' fhiach thu, 'Athair na h-ìochd, de thròcair dhomh, créutair bochd gun diù, ga m' chruthachadh á neoni, ga m' ghleidheadh, ga m' àrach, ga m' thairnadh bho ioma cunnart, agus a' buileachadh a' cho liuthad tìodhlaic orm: ach gu sònraichte tha mi 'faicinn cho ìochdmhor, 's cho bàigheal 's a chuir thu, 'Dhia ghràsoir, suas ri m' pheacannan; gu tric ag iarraidh orm tilleadh, agus deagh-bhéusan a leanail; agus gus an latha an diugh a' feitheamh, gu ro-fhaighidneach, ri m' aithreachas, agus ri m' thionndadh bho gach éucoir

a rinn mi ort, agus bho m' mhì-thaingeachaidh 'am mhi-dhleasnachd, 's 'am mhi-dhligeachd, leis an robh mi 'eur dàil' anns an aithreachas, agus a' dianamh neophris de d' ghràsan. Tha mi 'faicinn mar an ciadna, ged a chaidh mo naombachadh, agus mo chomharrachadh a mach do Dhia mar urrachloinne aig tobar a' bhaistidh, gu 'n do bhris mi air na bóidean sin le 'bhi gu nàr, agus gu maslach, a' milleadh agus a' truailleadh buaidhean m' anna, agus céudan mo choluinne, le peacachadh an aghaidh mo Dhé phrìseil: ach tha mi nis a' tilleadh riim-fhéin, agus a' tuiteam, le eridhe iriosal, brùite, air bial: obh cathair-cheartais mo Dhé; tha mi 'thuilleadh air sin, ag aideach, ag innseadh, agus ag aithris gu'n do pheacaich mi gu trom 'an aghaidh mo Dhé uile-chumhachdaich; agus gu'm beil mi ciontach ann am pàis agus 'am bàs Iosa Chrìosta air a' chrois, le m' pheacannan a choisinn dhàsan am bàs agus an dòruim sin, agus a thoill dhomhsa mo thilgeadh air chùil, agus mo dhìteadh gu sìor-ruidh.

Ach a' tionndadh ri cathair mo Dhé a's mutha trècair, le eridhe aithreachail agus goirt air son peacannan mo bheatha uile, tha mi 'sireadh gu h-iriosal mathanais, 'us ghràsan, agus trècaire, á uelhd pàis agus bàs Slànair agus Fear-saoraidh m' anna. Air a' bhun so mar aon stéidh mo dhòchais, tha mi 'g ùrachadh agus a' daingneachadh nam bóid a thugadh, as mo leth, aig tobar a' bhaistidh: cùl a chur ris an deomhan, ris an t-saoghal, agus ris an fhèil: agus ag oillteachadh romh chaochladh

impidh, romh bhuaireadh an aibhistir, 's romh chealgaireachd an t-saoghail, a nis agus a chaidh. Agus a' tionndadh ri m' Dhia a's mutha iochd agus trècair, 's e m' aigne, mo mhiann, agus mo dhùrachd á so suas, a sheirbhis a dhianamb, agus gaol nach dìobair a bhos no thall, a thoirt dha. Agus anns a' bheachd sin tha mi 'toirt seachad dha mo spioraid le 'uile bhuaidhean, m' anma le 'uile chumhachdan, mo chridhe le 'uile rùintean, mo choluinne le céudan, air fad, ag gealltainn nach millear ball dhìom tuille le ole a dhianamb 'an aghaidh toil an Dé mhóir, d'am beil mi ga m' thoirt fhein seachad bho m' chridhe; agus ag gealltainn a bhi dleasnach, umhal, dìleas dha, gun tarrainn air m' ais gun mhlùthadh beachd, gun chaochladh inntinn.

Ach, mo thruaighe! ma bheir buaireadh an nàmhaid, no laigse mo nàduir, orm géilleadh do pheacadh air bith a bhios 'an aghaidh m' aigne, agus mo dhùrachd an dràsda, tha mi gealltainn agus a' cur romham, le còmhmadh an Spioraid Naoimh, gu'n grad-éirich mi, cho luath agus a mbuthaicheas mi mo choire; agus gu'n till mi as ùr gu cathair na trècaire, gun mhoille, gun dàil air bith. 'S e so mo thoil, mo bheachd, agus mo dhùrachd, a tha mi ag ceangal, agus a' daingneachadh, gun saobhadh, gun atharrachadh, ann an làthair Dhé agus 'an fianais na h-Eaglais uile, a tha 'an glòir air nèamh, agus 'an cath air talamh; a tha na 'màthair dhomh, agus ag cluinntinn mo gheallaidh, ann am pearsa a fìr-mhuinntir, ris an d' rinn mi m' aideach.

Gu'm b'è do thoil, O Dhia shìorruidh nan uile

ghràs, 'Athair, a Mhic, agus a Spioraid Naoimh, am beachd so 'dhaingneachadh annam agus a ghabhail mar ìobart chùbhraidh mo chridhe. Agus bho'n a thug thu an toil dhomh thun a ghnìomha so deònaich dhomh neart agus càil do ghràs gus a choimhlionadh. O mo Dhia, is tusa mo Dhia-sa, Dia mo chridhe, Dia m'anna, Dia mo spioraid. Is amhuil sin tha mi 'gèilleadh 's a' toirt aoraidh dhut, a nise 's gu sìorruidh. Amen.

COMANACHADH.

TEAGASG AIR COMANACHADH.

“*Dearbhadh duine e fhéin;*” arsa Naomh Pòl (1 Cor. xi. 28.) *agus an sin icheadh e de 'n aran so:* 's e sin sealladh duine air staid a chogaise fhéin, agus ma chì e peacadh sa bith air 'anam, nigheadh e bhuaithe e le deòir an aithreachais, agus le deagh fhaoisid; “Oir co sa bith a dh'icheas 's a dh'òlas gu mì iomchuidh, tha e g-ithe 's a 'g òl dìtidh dha fhein, le cion aire a thoirt do chorp an Tighearna.”

An neach a tha 'dol a ghabhail Comaine féumaidh e a bhi na 'thrasgadh bho mhiadhon-oidhe.

Cha'n fhuilear dha cuideachd e-fhéin uidheamachadh air son an aoidh mhóir a tha 'dol a thighinn a dh-ionnsaidh 'anma: neach nach lagha na Iosa Crìosta, Mac an Dé bhed; tha e 'tighinn eadar Dhiadhachd agus Dhaondachd, Fhuil agus Fhedil,

Anam agus Chorp, gu còmhnuidh a ghabhail na 'anam, agus gu fuireach ann, ga 'dhìon ga 'bheathachadh, ga 'àrach, gus an tog e suas e air an latha mu dheireadh do fhilathanas a réir 's mar thuirt e. Gus an t-uidheamachadh so a dhianamh mar a's còir, tha na gnìomhannan cràbhaidh so a leanas, no 'n leithidean eile, ri chur 'an céill le mòran saothrach agus dùrachd.

GNÌOMHANNAN ROMH CHOMANACHADH.

Gnìomh Creidimh.

THA thusa, a Dhia, a chruthaich nèamh agus talamh a' dol a thighinn gu m' ionnsaidh. O nach mi 'bhios sona le 'bhi ann an cuideachda mo Sblànair? Co b'urrainn a' mhìorailte so a chreidsinn, mur biodh còmhдах soilleir air bho d' bhriathran firinneach fhéin. Tha mi 'creidsinn, a Thighearna, gur tusa-fhein a tha mi 'dol a ghlacail anns an t-Sacramaid naoimh so. Thusa-fhéin a rugadh le Moire Oigh agus a dhòirt d' fhuil phrìseil air a' chrois gu m' shàbhaladh. Tha thu 'cur sgàthlainn air do ghldir, agus a' falach orm do ghndis' àluinne, fo riochd ùmhlaidh air an altair. Ach gu teann tha mi 'creidsinn gu'm beil do Choluinn naomh, d' Fhuil phrìseil, d'Anam glòrmhor, maille ri d'Phearsa dhiadhaidh, anns an t-Sàcramaid bheannaichte so. Is fhada 'ghabh e bhuam géilleadh do m' chéudan-corporra, 'an aghaidh briathran firinneach mo Thighearna agus mo Dhia. Ag no

teagamh cha chuir mi ann an facal uile-chumhachd-ach mo Dhé. O mo Dhia, le còmhmadh do ghràs, cha toir bàs no beatha orm an fhùrinn so a theagaisg thu, àicheadh; no a' pluing so de m' chreideamh 's de m' aidmheil a leigeil dhìom gu bràch.

Gnòmh Uimhlachd.

Co mise, a Dhia a's mutha glòir agus cumhachd? No ciamar a's fhiach leat sùil a thoirt orm? Còir sa bith cha'n 'eil agam air meas no urram, O mo Thighearna Dia. Is peacach truagh mi; is eumh-eag dhùblidh mi; is suaraiche mi na an neoni fhéin. Agus ciamar a thig mi 'an làthair an 'Tì sin a tha uile-naomh? Ciamar a dh'icheas mi aran nan aingeal? An bi mise air mo bheathachadh le lòn diadhaidh? Cha robh 's cha bhì mise, a Thighearna, toillteanach air meas cho mór. Is truagh nach b' urrainn dhomh mi-fhein ùimhlachadh air son do ghlòire, cho fada 's a dh'islich thusa thu-fhéin air mo shon-sa anns an t-Sàcramaid naomh so. O Iosa, a Rìgh nan aingeal, agus a Thighearna air nèamh 's air talamh, le uile ùimhlachd mo chridhe tha mi ga m' strìochdadh fhéin 'ad làthair, agus ag aideach mo neonitheachd. Agus cha ghabhainn an dànadas orm-fhéin tighinn gu cuirn cho urramach, mur h-abradh tu-fhéin, "Mur ich sibh feòil Mhic an duine, agus mur òl sibh fhuil, cha bli 'bheatha agaibh unnaibh;" agus, "An neach a dh'icheas an t-aran so bithidh e beo gu sìorruidh."—Eoin, vi.

53, 59. A Thighearna, cha'n fhiach mise gu'n tigeadh tu stighe fo m' fhàrdaich, ach abair am facal a mhàin, agus bithidh m' anam sàbhailte.

Gnòmh Aithreachais.

O DHIA uile-mhathasaich, agus uile-thròcairich, tha thu a' tighinn gu m' ionnsaidh le ionnbas do ghràs, ged is e mo thoillteanas mo thréigsinn leat buileach. Le m' pheacannan thog mi do chorruich, ach a nis tha mi 'toirt gràin mo chridhe dhaibh; agus le cuideachadh do ghràs tha mi 'cur romham an seachnadh á so suas. O Athair shòruidh, a tha làn iochd agus tròcaire, gabh truas rium. Air sgàth fulangas agus bàs mo Shlànair, math dhomh mo pheacannan: oir ged tha mi 'n earbse 's an àm a bhì glan le Sàcramaid na Faoisid, 'an déigh sin, a Thighearna, nigh thus mi na 's mutha 's na's mutha: dian uidheamaichte air son na cuilme diadhaidh gus am beil mi 'dol. Cruthaich cridhe glan 'am chom. Cuir trusgan geal nan gràs air m' anam, ann an rathad 's gu'm bi mi ann an staid iomchuidh gus mo Shlànair a ghlacail anns an t-Sàcramaid naoimh so.

Gnòmh Dòchais.

THA thu 'tighinn a shealltainn orm, a Shlànair bheannaichte. Ciod e bhios a dhìth orm, agus an Tì aig am beil a h-uile nì ga 'thoirt fhéin dhomh? Le mòr earbsa 'ad chumhachd, 'ad thròcair, agus 'ad mhathas, tha mi ga m' liubhairt fhéin dbut. O Thighearna, tha thu 'faicinn m' uireasbhuidh agus

mo bhochdainn, agus co 's urrainn mo dhianamh suas ach thu? Tha thu deònach air sin a dhianamh, le 'bhi 'toirt cuiridh dhomh gu cuirm nan gràs. Tha thu 'gealltainn mo chòmhpadh; tha do bhrìathran naomh a' toirt misniche dhomh gu tighinn 'ad fhianuis. Tha mi ga m' nochdadh fhéin 'ad làthair, gu fann, truagh, dall, mar a tha mi, 'an dòchas gu'n neartaich, gu'n cobhair, agus gu'n soilleirich thu mi. O mo Dhia, is leatsa mo chridhe; thig a ghabhail còmhnuidh ann. Le éideadh do ghràs ùraich d' ìomhaigh fhéin air m' anam, agus coisrig dhut fhéin e.

Gùomh Iarrtais.

A THIGHFARNA, nach iongantach an gnothach gu'n iarradh tusa gu m' ionnsaidh, gus mo dhluth-adh riut fhéin anns an t-Sacramaid naoimh so? Is tusa 'mhàin a' s airidh air mo ghaol-sa. 'Uain Dhé, a tha 'toirt air falbh peacannan an t-saoghail, dian tròcair orm, agus dian sìth rium. Thig, O Thigh-earna Iosa, a cheannaich gu daor mi, agus tog m' anam bho bhàs a' pheacaidh gu beatha nan gràs. Tha m' anam, ge fada 's an t-saoghal so bhuat air fògradh, gu dian 'an geall ort. O mo Dhia, mo shòlas, m' ionmhas, mo shonas, mo bheatha, agus mo Rìgh, aig am beil gu saoi bhir gach nì a tha dh' uireasbhuidh orm, dian bàigh rium. Ge truagh, peacach, neoineach mi ann ad mhór thròcair tha thu 'deònachadh tighinn gu m' ionnsaidh. Cha'n 'eil nì sa bith air talamh, no air nèamh fhéin a's urrainn mo chridhe 'lìonadh ach thu-fhein a mhàin.

Is tusa an t-àrd léigh a ni mo leigheas. Is tusa mo charaide dìleas nach tréig gu bràch mi. Is tu Rìgh na sìthe agus a' mhòr chumhachd a bheir fois 'us samhchair do m' anam. Is beag a dh-ionmhas do ghràs a ni sona, saoi bhir, sàbhailte mise gu sìorruidh. O Thighearna Iosa, lìon m' anam le creideamh beò, le dòchas làidir, agus le dian ghràdh. *Abair am facal a mhàin agus bithidh m' anam sàbhailte.*

GNIOMHANNAN AN DEIGH COMANACHAIDH.

Gnìomh Aoraidh.

O DHIA na mòrachd 's nam feart! an uair a's gann is urrainn na h-Ainglean a's àirde sealltainn air àilleachd do mhaise; an uair a tha nèamh agus talamh fo chrith 'ad làthair; an uair a tha na cumhachdan a's mutha 'lùbadh le fiamh dhut; ciamar a sheasas mise 'd fhianais? Ciamar a labhras mi ri Naomh nan naomh? O Thighearna, 's e mo chuid a bhi sàmhach, agus 'am thosd, bàite ann an ìoghnadh le smaoineachadh air do ghaol mìorailteach, agus air do bhaigh gun tomhas. O Rìgh nan rìghrean, tha mi 'toirt aoraidh dhut, agus ga m' ùmblachadh fhéin gu neoini 'ad fhianais. 'An coimeas riutsa is lag, fann gach dùil us cumhachd; is truaighe agus bochdainn gach cothrom saoghalta; solus cruthaichte na gréine fhéin, is dorchadas 'ad làthair. Glòir 'us moladh, buidheachas 'us onair, aoradh agus cliù, bho'n chruinne gu léir do Mhac sìorruidh an Tì sin a's àirde, air son gu'm b'fhiù leis air an latha diugh tighinn a ghabhail còmhnuidh 'am anam.

Gnòmh Gaoil.

O mo Dhia, tha thusa a nis agam aig am beil gach nì. Tha m' anam sona leat agus le ionnhas do ghràs. Fhuair mi an Tì air an robh mo mhiann, 's cha leig mi as e, gus an tor mi e gu tuinidh àrd mo mhàthar. Biodh spéis shalach, fhaoin, thruailidh, a thug mi do chréatairean talmhaidh, air a fuadach as mo chridhe; agus biodh e air a lìonadh, biodh e air a lasadh suas le d' ghràdh-sa a mhàin, O mo Shlànair, agus mo Dhia, a tha làn de na h-uile deagh bhuaidh, gun choimeas, gun tomhas, gun àirimh; tha mo ghaol dhut os cionn gach nì; le m' uile chridhe, le m' uile anam, le m' uile inntinn, agus le m' uile neart tha mi 'toirt gràidh dhut. O, is fhada 'bha mi gun eòlas ort! O, is fhada 'bha mi gun ghaol thoirt dhut! Ach á so suas tha mi 'cur romham gach nì a chur suarach ach thusa 'ad aonar. O Iosa, a thug gaol dhòmhsa bho'n t-sìorrachd, 's e rùn làidir mo chridhe, gu'm biodh uile ghaol m'anna air a choisrigeadh dhut gu bràch. O Iosa, beannaich mo rùn, agus neartaich mo thoil agus m' aigne.

Gnòmh Taingealachd

De an taing a bheir mise dhut, O dhia nan gràs, air son na comaine a chuir thu orm air an latha diugh. Cha d'fhogbainn leat bàs maslach, doruinneach na croise fhulang air mo shon; le miad do ghaol orm, dheònaich thu 'bhàrr air sin tighinn gu m' ionnsaidh air an latha diugh ann an Sàcramaid naomh na h-altarach. O m'annam, thoir taing, agus cliù,

agus moladh do'n Tighearna do Dhia, air son a mhathais, a chaoimhneis, agus a thròcaire dhut. Ged a thachair do m'chaitheamh-beatha a bhi mì-dhligheach, mì-dhleasnach, agus mì-dhiadhaidh, cha bhi mi mì-thaingeil. Gu latha mo bhàis bithidh mi taingeal agus cuimhneach air a' chomaine, agus air na fiachan a chuir thu orm air an là so. Cha'n ann a mhàin 's a' bheatha so, ach ann an rìgheachd do ghldire, tha mi 'n dòchas, a bhios mi 'dìoladh nam fiachan mòra so, le 'bhi seinn do chliù-sa bho shaoghal gu saoghal.

Gnòmh Achanaich.

Tha thu 'am miadhon mo chridhe, O 'Fhuarain a h-uile sonais! Do chaoimhneas, do mhathas, do ghràsan, dh'fhiach thu gu saor dhomh. O mo Thighearna Dia, tha thusa fialaidh, pairteach, tròcaireach; agus tha mise féumach, uireasbhach, truagh. Is aibheis do ghràsan a tha gun iomall, gun ghrund. Is ionmhas iad nach traogh air a' mbiad 's ge'n toir thu seachd. Maothaich mo chridhe tioram le dealta do ghràs. Cuir deagh cheann - finid air an obair naoimh a thug gu m' ionnsaidh thu. Gach nì a's fuathach leat spion bho m' chridhe, agus gach nì a's taitneach leat cuir ann. Cuir srian rì an-miannan mo choluinne; naombaich m'anam. Tha thusa 'làthair anns gach àite agus ionad; na leig dhomh 'bhi ciontach ann am peacadh 'ad fhianais, le smaointean, le briathran, no le gnòmhannan. Na toilleam gu bràch d'fhearg, O Iosa, agus na siream de shòlas ach a bhi 'dianamh do thoile, agus ag imeachd 'ad làthair.

Gnìomh Tairgse.

Air son nan fiodhlaicean lìonmhor agus prìseil a bhuilich thu orm, O Iosa, nì cha 'n 'eil thu 'g iarraidh ach mo chridhe, agus mo chridhe gu h-iomlan. Tha mi ga 'thoirt dhut, O Thighearna, agus mi-fhéin gu h-iomlan; chionn mar a thug thusa thu-fhéin gu buileach dhòmhsa, ciamar a dhiùltas mise mi-fhéin a thoirt gu buileach dhutsa; gu h-àraid an uair a's e mo bhuannachd fhéin a th' ann? As m'èugmhais tha thusa làn shona annad fhéin, ach as d'èugmhais-sa is crèutair boehd truagh mise ga rìreamh. Air an aobhar sin, tha mi ga m' cheangal fhéin ri d' sheirblis le m' uile chridhe gu uar mo bhàis. Tha mi ro-dheònach cuideachd gun rachadh gach nì eile a fluair mi bhuat, mar a tha slàinte, neart, càileachdan, cuid, cliù, agus gach tàlann eile, a thionndadh gu barrachd glòire dhut. Mo smaointean, mo bhriathran, mo ghnìomhannan tha mi 'cur fo chùram, agus fo stiùradh do fhreasdail naomh. Na d' thoil-sa, O mo Dhia, bithidh m' uile thlachd, agus m' uile shòlas.

Gnìomh Deagh-bheachd.

A Thighearna, is mór a' bhàigh a dh' fhiach thu dhomh, an uair a chum thu bho bhàs obann, agus bho sgrios sìorruidh mi, 'an dèis na rinn mi dh'ole a thogail do chorruich gu diùghaltas orm. Gu uair mo bhàis bithidh mi dubhach, brònach, air son do ghaol-sa 'chur cho suarach, agus m' anam fhéin 'an cunnart. Ris a h-uile nì a tha 'dol eadar mi 's mo Dhia, tha mi nis ag cur cùil, 's a' toirt fuath

agus gràin mo chridhe dha. Gléidh thusa mi, O Thighearna, bho na h-uile smaoin, facal, agus gnìomh a bhios 'an aghaidh geimneachd, carrantachd agus ùmhlachd. Tha mi 'cur cùil ri aimhreit, ri mì-fhoighidinn, ri mìonnan, ri briagan 'us cùl-chainnt, ri dearmad 'am dhleasnas, ri leisg 'am sheirbhis, agus ris gach nì eile a ni béud air m' anam, no 'chuireas fearg ortsa. Cha toir mi spéis do neach, no do nì, a laghdaicheas do ghaol-so 'am chridhe. Cha bhi mi dìan, dìorrasach na m' bheachd fhéin; cha mhutha 'ghabhas mi uaill no àrdan as na tìodhlaicean a thug thu dhomh. Tha mi 'cur romham nach lagaich eisimeil ri clann-daoine mo mhisneach ann ad sheirbhis, agus nach bi mi air mo shéideadh suas le pròis no moladh, no air mo mheatachadh le tarhuis. O Thighearna, ma bhios tusa air mo chùl, faodaidh mi 'bhi coma co bhios 'am aghaidh. O Thighearna, b'annsa leam 's an uair, am bàs fhulang 'ad fhianais, na gu'n tugainn, a chaidh tuille, masladh dhut leis a' pheacadh. O Athair na soillse, le d' bheannachd thoir càil, buanas, agus soirbheas, do'n aigne agus do'n bheachd so, los gu'n comhlion mi gach nì a tha mi 'gealltainn dhut; agus le sin a dhianamh, gu'n coisinn mi an duais gun chrìch a tha 'feitheamh air do sheirbhisich ann am flathanas: tromh Iosa Crìosta ar Tighearna. Amen.

GNIOMH MOLAIDH.

- i. Bliadhna laghaidh gach uair a theirear e.
- ii. Làn-laghadh uair 's a' mhìos, dhaibhsan a theirear uair 's an latha fad a' mhìos.

Beannaichte gu'n robh Dia.

Beannaichte gu'n robh 'ainm naomh.

Beannaichte gu'n robh Iosa Crìosta, fìor Dhia agus
fìor dhuine.

Beannaichte gu'n robh ainm Iosa.

Beannaichte gu'n robh a Chridhe Naomh.

Beannaichte gu'n robh Iosa ann an Sàcramaid
uilenaomh na h-Altarach.

Beannaichte gu'n robh Màthair urramach Dhé,
Moire ro-naomh.

Beannaichte gu'n robh a gineadh naomh agus
gunsmal.

Beannaichte gu'n robh ainm Moire, Oigh agus
Màthair.

Beannaichte gu'n robh Dia na 'Ainglean naomh
agus na 'Naomh.

ANIMA CHRISTI.

i. 300 latha gach uair a ghabhar i.

ii. Seachd bliadhna agus seachd carghuis 'au deagh-
aidh Riarachaidh.

iii. Làn-laghadh uair 's a' mhìos dhaibhsan a ghab-
has i, an car a 's lagha, uair 's an latha.

'Anma Chrìosta, naomhaich mi.

A Chuirp Chrìosta, sàbhail mi.

'Fhuil Chrìosta, sàthaich mi.

'Uisge thaoibh Chrìosta, glan mi.

'A Phàis Chrìosta, neartaich mi.

'Iosa mhath, gu gràsor éisd rium.

Ann ad lotan falaich mi.

Na fuilig mo sgaradh bhuat.

Bho 'n nàmhaid aingidh teasraig mi.

Aig uair mo bhàis gairm mi.

Agus òrdaich mi 'thighinn 'ad ionnsaidh,
Gu 'bhi maille ri d' Naoimh a' toirt cliù dhut,
Fad shaoghal nan saoghal. Amen.

'EN EGO,' 'AN LATHAIR CEUSAIDH.

Làn-laghadh, air na 'cùmhnantan gnàthaichte,' do gach aon a ghabhas gu crabhach an ùrnaigh so 'am fianais dealbh no ionhaigh Chrìosta air a chéusadh.

Seall, O Iosa mhath agus uilechaoimh, tha mi air mo ghlùinean ga m' ùmhlachadh fhéin ad làthair, agus mi le uile dhùrachd m' anma ag guidhe 's ag grìosad ort, gu'n deònaicheadh tu beò-fhaireachdainn creidimh, dòchais, agus gràidh, agus fìor-aithreachais air son mo pheacannan, maille ri rùn-leasachaidh ro-làidir, a chàramh 'am chrìdhe: agus mi le faireachadh-cridhe 's le dùbh-bhròn anma, a' smaoinichadh rium-fhéin, agus a meòrachadh 'am ìntinn air do chòig lotan, agus agam fo chombair mo shùl, an nì a labhair am fàidhe Dàbhaidh 's an fhàisneachd, mu d' dhéighinn, 'Iosa mhath: *Tholl iad mo lamhan agus mo chasan: chùinnt iad mo chnaimhean uile.*—Salm.xxi. 17, 18.

MU LAGHADH-EAGLAIS.

A 'THUILLEADH air ar peacannan-bàis aideach- agus mathanas fhaotainn anna bho Dhia, 'us fuasgladh bho na piantan slorruidh a tha iad a' toilltinn; agus cuideachd 'an deagbaidh dhuinn mathanas fhaotainn na 'r peacannan-sola—tha'n Eaglais a' teagasg gu'm beil againn, mar is trice, ri dìoladh-fiach aimsireil a dhianamh do cheartas Dhé.

Chì sinn samhladh air so 's an t-seann-Tiomnadh (2 Rìgh. xii.), an uair a chuir Dia am Fàidhe Nàtan gu Rìgh Dàbhaidh, g'a chronachadh air son peacaidh thruim 's an do thuit e. Dh'aidich an rìgh a chionta agus rinn e an t-aithreachas; agus an sin dh'innis am Fàidhe dha gu'n d'thug Dia mathanas dha. A dh'aindeoin sin, ged a thug e mathanas dha, b'àill leis a pheanasachadh le bàs a leinibh, ni gu fìrinneach a thachair. Is amhuil sin sinne, ged a gheabh sinn mathanas le deagh-fhaoisid, féumaidh sinn, mar is trice, dìoladh-fiach a dhianamh le oibrichean an aithreachais air son ar peacannan, air neo leigidh Dia peanas òirnn 's an t-saoghal so, mar a thachair do Rìgh Dàbhaidh, no 's an ath-shaoghal air dhòigh móran na's cruaidhe ann am Purgadair.

Tha comas aig an Eaglais peacannan a mhathadh le sàcramaid na Faoisid; agus cuideachd ar fuasgladh bho'n phéin aimsireil so le Laghadh-eaglais. A chionn thug Dia an làn-chomas so dbith, an uair a thuirt e: *Cìod sa bith a cheanglas tu air talamh, bithidh e ceangailte air neamh, &c.*—Mat. xvi. 19.

Ach cha'n ann idir gu mìsneach a thoirt dhuinn peacadh a dhianamh a tha 'n comas so aig an Eaglais, ach gu cuideachadh leinn fuath a thoirt dha agus a sheachnadh; is ann a mhàin air chùmbnanta gu'm bi gràin againn air ar peacannan a's urrainn dhi laghadh a bhuileachadh, agus is tric leatha 'bharrachd air sin a chur mu'r coinneamh deagh-oibrichean a dhianamh.

Annas na ciad linntean bha'n Eaglais ag cur bhreitheanasan-aithrich ro-chruaidh, agus sin ùine mhór, air peacaich; air uairibh eòig bliadhna, deich bliadhna, 's mar sin, agus air uairibh fad am beatha; Ach 's na h-annan so, leis cho plodach 's a tha sluagh air fàs, agus cho duilich 's a tha e dhsibh a' leithid sin de pheanas a dhianamh, rinn i, le neart a bàighe ruinn, an aotromachadh dhuinn. Air chor 's a nise, le ùrnaighean goirid àraid a ghabhail, gu'm faod sinn fuasgladh fhaotainn bho urad de phian Phurgadair agus a gheabhtheadh bho shean leis na breitheanas-aithrich chruaidhe ud a dhianamh ioma latha, agus ma dh'fhaoite ioma bliadhna. Mar shambladh air sin: Tha 'n Eaglais a' buileachadh 300 latha laghaidh òirnn gach uair a ghabhas sinn Leadan Moire le cràbhadh agus le fìor-aithreachas: 's e brìgh sin gu'm beil an ùrnaigh so a ghabhail ga 'r saoradh bho urad de'n phéin a a tha 'feitheamh òirnn 'am Purgadair agus a rachadh ar saoradh bhuapa le 300 latha de na breitheanas-aithrich bho shean.

Air uairibh tha 'n Eaglais a' buileachadh òirnn làn-shaorsa bho gach péin aimsireil a tha sinn a' toilltinn 's a' cheart àm. Ris an laghadh so theirear *làn-laghadh*; agus ris an laghadh a bhuilicheas i 'am pàirt, mar a tha 300 latha, 's a leithid sin, theirear *pàirt-laghadh*.

Air amannan sònraichte tha 'm Pàp a' buileachadh làn-laghaidh air an Eaglais gu h-ìomlan. Ris an laghadh so theirear *Jubilee*. Tha 'n diùbhras so eadar e 's làn-laghadh eile: tha aobhar àraid air a

thoirt sheachad; tha àrd-mhodhannan ga'n gnàthachadh 'an àm a bhuileachadh; tha cùmhnantan sònraichte ri choimhlionadh; tha e air a bhuileachadh air na creidich uile; tha comas àraid ga 'bhuileachadh air a' chléir; &c.

Gu laghadh a chosnadh tha trì nichean uile-riatanach: 1. A bhi ann an staid nan gràs; 2. A bhi 'am beachd an laghadh a chosnadh; 3. Na cùmhnantan iomchuidh a chur gu mean 'an gnìomh le mór-ehrabhadh; 4. Gràin a bhi againn air ar n-uile pheacannan-sola cho math 's air ar n-uile pheacannan-bàis, agus ar cridhe 'bhi glan-shaor 's gach spéis 'us déigh orra.

An uair a theirear gu'n coisnear laghadh air na “cùmhnanta gnàthaichte,” tuigear le sin faoisid, comanachadh, agus ùrnaigh a réir beachd a' Phàpa. II-uige so fòghnaidh dhuinn cóig Faidrichean 'us cóig Beannachaidh Moire 'ghabhail.

A bharrachd air laghadh a chosnadh dhuinn-fhéin, faodaidh sinn gu tric laghadh a chosnadh air son nan annannan a th' ann am Purgadair. Is eòir dhuinn so a chumail na 'r cuimhne, agus fiachainn ri urad de chobhair a thoirt dhaibh 's is urrainn duinn, gu h-àraid do dh'anmannan ar pàrantan, ar càirdean, ar dìlsean, ar luchd-mathais, agus ar naimhdean: *1 chionn is smaoin naomh agus shlàinteil ùrnaigh a dhianamh air son nam marbh, los gu 'm fuasglar iad bho'm peacannan*—2 Macab. xii. 46.

Bheirear fonear gu'm faeddar gach laghadh a th' air an ainmeachadh an feadh an leabhair so, a chosnadh air son nam marbh.

Urnaigh gu Laghadh a chosnadh.

O DHIA, àrd Athair naomh, is tusa bonn a' cheartais, agus peacadh sa bith cha 'n fhaod tighinn 'ad chòir; ciontan 'us peacannan dhaoine cha'n urrainn dol as bho d' dhiùghaltas; 'an déigh sin, làn bàighe agus carrantachd, tha do lamhan sgaoilte agus fosgailte, gus na peacaich a thilleas riut le fìor bhristeadh cridhe a ghlacail, leis an toir iad a mach deagh-thoradh an aithreachais. A Dhia a's mutha trècair, air sgàth do Mhic ionmhuinn Iosa Crìosta, a dhòirt 'fhuil, agus a dh' fhuilig am bàs air son nam peacach, dian riumsa fathamas. A Dhia iochdair, bho ghrunnnd mo chridhe tha fuath agus gràin agam air peacannan mo bheatha gu h-ionmhan, agus le cràdh spioraid tha mi an diugh a' léirsinn a' mbiad 's a thoill mi 'dhiùghaltas air an son. Ach as leth mòr thoillteanas do Mhic ionmhuinn fhéin, tha mi 'an dòchas làidir gu'm bi thu càirdeil agus iochdmhor rium. O Iosa Chrìosta a Mhic Dhé, aig am beil gach cumhachd bho n' Athair, shuidhich thu Ard-bhuachaille ann ad Eaglais naomh fhéin, gus do thréud, a cheannaich thu cho daor le d' fhuil phrìseil, a bheathachadh agus a stiùradh; agus dh'òrdaich esan, le ìmpidh do Spioraid Naoimh gu'm biodh làn-fhuasgladh bho gach péin aimsireil aig gach fìor chreideach a tha 's an rìgheachd so, air am beil làn-aithreachas air son a pheacannan. O Iosa, m' aon fhear-tiarnaidh air bialaobh d'Athar, bitheam air mo chùinntadh 'am measg an fhìor luchd-aithreachais, gus am faigh mi na gràsan móra sin a bheir dhìom mo phian aimsi-

reil air fad, a thoill mi air son mo ehiontan. Làn creidimh 'us dòchais as do bhàigh, tha mi 'g achan-aich ort d' Eaglais bheannaichte fhéin a lìonsgaradh 's a naomhachadh; saor i bho bhristeadh a mach, 's bho chònnsachadh; biodh a buill uile air an aon-bheachd fhèrinneach; biodh solus do shoisgeil, tha mi guidhe ort, O Dhia naoimh, air a sgaoileadh feadh gach cèarna de'n t-saoghal. Soilleirich agus neartaich le gràsan saoibhir do Spioraid Ard-Cheannard d' Eaglaise naomh N. agus easpuigean eile mar an ciadna, agus a' chléir gu h-iomlan: ann an rathad 's gu'm faod iad le teagasg, 's le caitheamh - beatha diadhaidh, an creideamh naomh Caitliceach a chraobh-sgaoileadh air feadh an t-saoghail. Thugas dhuinn na gràsan móra sin, sìth agus sàmhchair: glaoth ri chéile ìntinn agus cridheachan rìghrean agus phrionns-achan, air chor 's gu'n rian iad an sluagh a tha 'n earbsa rin gu réidh-bheairteach, ceart, 's mar sin gu'm faod sinn gu sìtheil moladh 's aoradh a thoirt dhutsa bho shìorrachd gu sìorrachd. Amen.

CRABHADH DO'N TRIANAID UILENAOIMH. LEADAN.

A Thighearna, dian trècair òirn.
 A Chrìosta, dian trècair òirn.
 A Thighearna, dian trècair òirn.
 'Athair, bho 'am beil a h-uile nì,
 A Mhic, tromh am beil a h-uile nì,
 A Spiorad Naoimh, anns am beil a h-uile nì,
 A Thrianaid naomh agus neodhealaichte,
 aon Dia,
 A Mhòrachd thair-tuigse,

*Dian trècair
òirn.*

Dian trècair òimh.

A Chumbachd neochaochlaidich,
 A Ghliocais neochrìochnaich,
 A Mhathais gun tràghadh,
 'Inbhe àrd-uachdranaich,
 A Dhiadhachd bho'n dligheach lagh,
 'Fhìrinn shìorruidh,
 A Dhia a Rìgh uile-chumbachdaich,
 Thusa 'mhàin a's Dia agus a's aon Dia,
 Thusa anns am beil ar beatha, ar gluasad, agus
 ar bith,
 Thusa 'tha'n talamh uile làn de d' mhòrachd,
 Thusa 'mhàin a's airidh air onair 'us glòir,
 Thusa 'tha 'toirt furtachd dhuinn na'r téinn,
 Thusa 'mhàin a tha ri mòr bheartan-iongantach,
 Thusa a tha, a bha, 's a tha ri tighinn,
 Thusa a tha ceart agus uamhasach 'am breith-
 eanas,
 Thusa a tha glòrmhor agus àghor 'ad riaghladh,
 'Athair a tha bhuat fhéin,
 'Aonghin Mhic,
 A Spioraid Naoimh, a tha bho'n Athair 's bho'n
 Mhac,
 A Thrianaid bheannaichte aon Dia,
 Bi trècaireach, *Dian fathamas ruinn, a Thighearna.*
 Bi trècaireach, *Gu gràsor éisd ruinn.*
 Bho na h-uile olc,
 Bho na h-uile peacadh,
 Bho na h-uil' anacreideamh,
 Bho bhristeadh d' fhàintean,
 Bho shuarachas air do thòdlaicean,
 Bho dhearmad air nithean naomha,

Saor sinn, a
Thighearna

Bho bhàs sìorruidh,
 As leth d' uile-chumhaich,
 As leth do ghliocais,
 As leth do mhathais neochrìochnaich,
 As leth do mhòr-throcaire,
 As leth d' fhoighidinn agus d' fhad-fhulangais,
 Sinne na peacaich, *Deònaich éisdeachd ruinn.*

*Saor sinn, a
 Thighearna.*

Tiùraich dhuinn thusa, am fìor Dhia, aideach-
 adh anns gach àm agus àite,
 Tiùraich dhuinn urram a thoirt dhutsa aon Dia
 'an Trianaid, agus aoradh a thoirt do'n
 Trianaid na 'h-aon,

Deònaich éisdeachd ruinn.

Tiùraich dhuinn gaol a thoirt dhut le'r n-uile
 chridhe,

Tiùraich do sluagh a tha coisrigte do d' ainm
 naomh a ghleidheadh agus a shàbhaladh,

Tiùraich solus dhaibhsan a th' air seachran, gu
 tilleadh gu slighe 'cheartais,

Tiùraich fois sìorruidh do amannan nam
 marbh-chreideach uile,

Tiùraich gu gràsor éisdeachd ruinn,

O Thrianaid bheannaichte, *Saor sinn.*

O Thrianaid bheannaichte, *sabhail sinn.*

O Thrianaid bheannaichte, *ath-bheothaich sinn.*

A Thighearna, dian tràcair òirn.

A Chrìosta, dian tràcair òirn.

Ar n-Athair a tha air Nèamh, &c. (*os-n-ìosal*).

V. Beannaicheamaid an t-Athair agus am Mac
 maille ris an Spiorad Naomh.

R. Molamaid agus àrdaicheamaid e gu sìorruidh.

V. Is beannaichte thusa, a Thighearna, 'an spéur Nèamh.

R. Agus airidh air cliù, agus glòrmhor, agus àrd-aichte gu sìorruidh.

V. Gu'm beannaicheadh Dia sinn, ar Dia fhéin, gu'm beannaicheadh Dia sinn.

R. Agus gu'n robh eagal aig uile chrìochan an talmhainn roimhe.

Dianamaid urnaigh.

O Dhia uile-chumhaichdaich sìorruidh, a thìùraich do d' sheirbhisich, ann an aidmheil an fhìor-chreidimh, glòir na Trianaid sìorruidh aideachadh, agus ann an cumhachd na mòrachd aoradh a thoirt do 'n aonachd; deònaich le bunailteas daingeann 's a' chreideamh chiadna gu'm bi sinn tiarainte daonnan bho gach truaighe. Tromh Iosa Crìosta, do Mhac, ar Tighearna, Dia a tha beò agus a rian maille riutsa ann an aonachd an Spioraid Naoimh: fad shaoghal nan saoghal. Amen.

A' Mhòrachd dhiadhaidh, agus an aon Diadhachd an t-Athair, agus am Mac, agus an Spìrad Naomh, ga'r beannachdh. Amen.

CONAIR NA TRIANAID UILENAOIMH.

'S E fàth a' chràbhaidh so — coimhleasachadh a dhianamh do'n Trianaid Uilenaoimh air son gach tàmailt 'us éucoir a thathas a' toirt dhi le luchd-toibheum 's le anacraidich, gu h-àraid 's na hamannan so. Bho n' a 's e dìomh-aireachd na Trianaid, cha'n e 'mhàin a' phuing a's àirde 's a 's naoimhe de'n chreideamh chrìostail, ach an dearbh bhonn air am beil e air a stéidheachdh, cha'n urrainn cràbhadh a bhi na's taitniche do Dhia na'n cràbhadh so leis am beil sinn ag

aidmheil ar creidimh innte, agus a' strìth ri coimhleasachadh a dhianamh air son mì-dhiadhachd a luchd-fochaid. Cha mhutha 's urrainn nach bi e ro-stàthor h-uige sin, agus fìor-thaitneach do Dhia, 's gu'm beil ann na ceart-ghnìomhannan sin, a tha 'n Sgrìobtur a' teagasg dhuinn, 's sìor-ùrnaigh ùmhlachd 'us aoraidh do uile chùirt fhìlathanais ga 'tairgse suas gu sìorruidh air bialaobh cathair Dhé.

Tha 'chonair so na 'trì earrannan, agus grìogag mhór 'us deich bheaga 's gach earrainn.

Theirear 'an toiseach uile a' Chréud, Creidim ann an Dia, &c. ; agus an sin :—

A Dhia 'Athair nam Flathas, dian tràceair òirn.

A Dhia 'Mhic 'Fhìr-shaoraidh an t-saoghail, dian tràceair òirn.

A Dhia 'Spioraid Naoimh, dian tràceair oirn.

A Thrianaid Naomh aon Dia, dian tràceair oirn.

'An sin theirear gach earrann mar a leanas.

An toiseach, air a' ghriogaig mhóir, theirear a' Phaidir,
 “ Ar n-Athair a tha air néamh,” agus na 'deaghaidh theirear.

Beannachd, 'us glòir, 'us gliocas, 'us buidheachas, onair, agus cumhachd, agus neart dh'ar Dia, fad linn na linn. Amen.

'An sin air gach grìogaig bhig theirear :

Is naomh, naomh, naomh, Tighearna Dia nam feachd.

Tha'n talamh uile làn de 'ghlòir. Glòir do'n Athair, agus do'n Mhac, agus do'n Spiorad Naomh. Mar a bhà, 's mar a thà, 's mar a bhitheas, fad shaoghal nan saoghal. Amen.

LAOIDH NAN AINGEAL.

- i. 100 latha laghaidh uair 's an latha.
- ii. Làn-laghadh uair 's a' mhìos air na cùmhnantan gnàthaichte.

Is naomh, naomh, naomh, Tighearna Dia nam feachd: Tha'n talamh làn de d' glòir. Glòir do'n Athair, glòir do'n Mhac, glòir do'n Spiorad Naomh.

CRABHADH DO CHORP-CHRIOSTA.

CRABHADH.

- i. 300 latha gach uair a ghabhar an ùrnaigh a leanas 'an làthair na Sàcramaid Beannaichte.
- ii. Làn-laghadh uair 's a' mhìos, air na cùmhnantan gnàthaichte, do gach aon a ghabhas uair 's an latha i fad a' mhìos.

O' MO Thighearna Iosa Crìosta, a tha, le miad do ghaoil air a' chinne-dhaonda, a' fuireach a dhoidhebe 's a latha anns an t-Sàcramaid Naoimh so làn caoimhneis agus gaoil, a' feitheamh, ag cuireadh, 's ri di-beatha gach neach a thig a shealltainn ort; tha mi 'creidsinn annad a làthair ann an Sàcramaid na h-Altrach; bho ghrùnnd mo neoin-eachd tha mi 'toirt tainge dhut air son gu'n do dheònaich thu thu-flhéin a bhuileachadh orm anns an t-Sàcramaid so, air son do Mhàthair Naomh Moire 'thoirt dhomh mar eadarghuidhear, agus air son cuireadh a thoirt dhomh gu tighinn a shealltainn ort 's an eaglais so. Tha mise 'n diugh a' toirt ùmhlachd do d' Chridhe uile-ghaolach, agus ri

sin leis na trì beachdan so: 'an toiseach, mar bhuidheachas air son an tìodhlaic mhóir so fhéin; a rithist, mar choimbleasachadh air son gach tàire a fhuair thu bho d' uile naimhdean 's an t-Sacramaid so; 's an treas àite, tha mi leis a' chràbhadh so air bheachd aoradh agus diù a thoirt dhut anns gach àite 's an lagha 'thathas a' toirt de dh'urram dhut agus 'am mutha 'thathas ga d'fhìobairt innte.

O Iosa, tha mi 'toirt gaoil dhut le m' uile chridhe. Tha 'n t-aithreachas orm air son a' cho liuthad uair 's a chuir mi roimhe so mìothlachd air do mhathas neochrìochnach. Le d'ghràsan tha mi 'cur romham nach cuir na mìothlachd ort tuille 's an ùine ri tighinn; agus 's a' cheart àm so, 'am pheacach truagh mar a tha mi, tha mi ga m'choisrigeadh fhéin gu h-iomlan dhut, tha mi 'cur cùil 's a' liubhairt dhut m' uile thoile, m' uile mhiannan, agus m' uile iarrtais, agus gach nì a's leam. Bho'n là so á so suas dian mar a thoilicheas tu rium-fhéin 's ris gach nì a bhuineas dhomh. 'S e m' aon achanaich agus m' iarrtas ort do ghaol naomh, searachd gu m' chrìch, gus do thoil a làn-choimhlionadh. Tha mi 'g earbsa riut nan anmannan a tha'm Purgadair, gu sònraichte iadsan a bu deòthasaiche mu'n t-Sàcramaid uile-naoimh agus mu Mhoire ro-naoimh, Tha mi cuideachd ag earbsa riut nam peacach truagha gu léir.

Anns a' bheachd so, Shlànair phrìseil, Iosa, tha mi 'co-shnaim m'uile iarrtas ri iarrtais do Chridh Naomh-sa, agus 'an aonachd riutha-san

tha mi ga'n tairgse suas do'n Athair shìorruidh, ag guidhe air 'ad ainm-sa 's air sgàth do ghaoil, gabhail riutha 's éisdeachd riutha.

LEADAN CORP CHRÌOSTA.

A Thighearna, dian trècair òirn.
 A Chrìosta, dian trècair òirn.
 A Thighearna, dian trècair òirn.
 A Chrìosta, éisd ruinn.
 A Chrìosta, gu gràsor éisd ruinn.
 A Dhia Athair nam flathas, *Dian trècair òirn.*
 A Dhia 'Mhic Fhir-shaoraidh an t-saoghail,
 A Dhia 'Spioraid Naoimh,
 A Thrianaid Naomh aon Dia,
 'Arain bheò, a thàinig a nuas á Flathanas,
 A Dhia 's a Shlànaire fhalaichte,
 A chruithneachd nan daoine-taghte,
 'Fhìona 'chinnicheas òighean,
 'Arain bhrìgheil 's a shòigh rìghrean,
 'Iobairt shìor-mhaireannach,
 A Thobhartais ghloin,
 'Uain gun bhéud,
 A chuir fhìorghloin,
 A lòn nan aingeal,
 A mhanna fhalaichte,
 A chuimhneachain ioghnaidh Dhé,
 'Arain os cionn nàduir,
 'Fhacail-'am-fedil,
 A tha 'gabhail còmhnaidh na'r measg,
 'Iobairt naoimh,
 A Chailis a' bheannachaidh,

Dian trècair òirn. . Dian trocair òirn.

A dhìomhaireachd a' chreidimh,
 A Shàcramaid bharraichte agus urramaich,
 'Iobairt a's uile-naoinhe,
 'Fhìor ìobairt-réite air son nam beò 's nam
 marbh,
 'Ioeshlaint nèamhaidh leis am beil sinn ga'r
 gléidheadh bho'n pheacadh,
 A mhìorailt nam mìorailtean,
 A chuimhneachain ro-naomh air pàis an Tigh-
 earna,
 A Thìodhlaic thair gach pailteas,
 A chuimhneachain àraidh air gaol Dhé,
 A shaoibhris gach mathais dhiadhaidh,
 A dhìomhaireachd ro-naomh 's ro-àghor,
 Ioeshlaint na neo-bhàsmhorachd,
 A shàcramaid uamhasach agus bheòthachail,
 'Arain a rinneadh 'ad fheadil le uile-chumhachd
 an Fhacail,
 'Iobairt neo-fhuilteach,
 Ar cuirm 's ar n-aoigh,
 A chuir a's sòghaile, 's ainglean-frithealaidh
 ga'd'fhreasdal,
 A shàcramaid na diadhalachd,
 A bhann'na carrantachd,
 A shagairt 's a thobhartais,
 A mhìlse spioradail air a blasad na 'ceart
 fhriamh fhéin,
 Urachaidh nan annannan naomh,
 A Lòin-thurnis na feadhach a gheabh bàs 's an
 Tighearna,
 Earlais na glòire ri tighinn,

Dìan tòcair òrran.

Dìan tòcair òrran.

Bi tràcaireach, *Dian tràcair òirnn.*

Dian fathamas ruinn, a Thighearna.

Bi tràcaireach, *Gu gràsor éist' ruinn, a Thighearna.*

Bho d'Chorp agus d'Fhuil a ghlacail gu mì-
iomchuidh,

Bho anamiannan na feòla,

Bho anamiannan nan sùl,

Bho uabhar na beatha,

Bho na h-uile ceann-aobhair peacaidh,

As leth an ro-mhiann leis am bu mhiann leat a'

Chaisg so iche maille rid' dheisciobuil,

As leth na fìor-irisleachd sin leis an do ghlan
thu casan do dheisciobul,

As leth na teas-charrantachd sin leis an d' òrd-
uich thu an t-sàcramaid dhiadhaidh so,

As leth d' Fhala prìseil a dh'fhàg thu againn air
ar n-altairean,

As leth Còig Lotan do Chuirp uilenaoimh so a
fhuair thu air ar son.

Sinne na peacaich, *Deònaich éisdeachd ruinn.*

Gu'm b'è do thoil ar creideamh, ar n-urram,
agus ar cràbhadh do'n t-sàcramaid àghoir so

a mhiadachadh agus a ghleidheadh annainn,

Gu'm b'è do thoil ar trèorachadh le deagh-
fhaoisid gu tighinn tric a ghlacail do Chuirp
Naoinmh,

Gu'm b'è do thoil ar teasraiginnn bho gach eiric-
eachd, foill, agus doille cridhe,

Gu'm b'è do thoil toradh luachmhor agus nèamh-
aidh na Sàcramaid uilenaoimh so a bhuil-
eachadh oirnn,

Saor sin, a Thighearna.

Deònaich éisdeachd ruinn.

Gu'm b'è do thoil ar neartachadh agus ar
treasraiginn leis an lòn-thuruis so aig
uair ar báis,

A Mhic Dhé,

'Uain Dhé a tha 'toirt air falbh peacannan an
t-saoghail,

Dian fathamas ruinn, a Thighearna.

'Uain Dhé, a tha 'toirt air falbh peacannan an
t-saoghail.

Gu gràsor éisd ruinn.

'Uain Dhé, a tha 'toirt air falbh peacannan an
t-saoghail,

Dian tròcair òirnn.

A Chrìosta, éisd ruinn.

A Chrìosta, gu gràsor éisd ruinn.

V. A Thighearna, éisd ri m' ùrnaigh.

R. Agus gu d' ionnsaidh thigeadh mo ghuth.

Dianamaid ùrnaigh.

O Dhia, a dh'fhàg againn 's an t-sàcramaid
mhòrailtich so, cuimhneachan air do phàis;
tiùraich dhuinn, guidhimid ort, a leithid a dh'urram
a thoirt do mbistire naomh do Chuirp agus d'Fhala,
's gu'm bi sinn daonnan a' faireachdainn annainn
toradh do shaoraidh. A tha beò 's a' rian gu
saoghal nan saoghal. Amen.

BEANNACHD NA SACRAMAID NAOIMH.

IS Beannachd na Sàcramaid Naoimh—cràbhadh a tha'n
Eaglais ag cleachdadh gu aoradh, moladh, agus
glòir a thoirt do Dhia air son a mhathais agus a
ghaoil gun àirimh, a dh'fhiach e dhuinn an uair a dh'-

Deònaich
éiseachd
ruinn.

òrdaich e Sàcramaid Naomh a Chuirp fhéin; agus amhuil sin gu Beannachd ar Slànair fhaotainn.

An uair a bhios an sagart a' toirt na Sàcramaid 'am follais an t-sluaigh gu aoradh a thoirt di scinnear an laoidh.

O SALUTARIS HOSTIA.

O salutaris Hostia,
Quæ cœli pandis ostium
Bella premunt hostilia,
Da robur, fer auxilium.

Uni trinoque Domino
Sit sempiterna gloria,
Qui vitam sine termino
Nobis donet in patria.

Amen.

Ciad-fàilt, a Shàcramaid
nam buadh,
A dh'fhosgail dorus
nèamh do'n t-sluaigh;
Tha sinn ga 'r claidh
ag cath ri 'r nàmh,
Thoir neart dhuinn,
furtaich òirnn na 'r càs.

Sìor-ghlòir do Dhia na
'Thriuir 's na 'aon,
An t-Athair, am Mac, 's
an Spiorad Naomh.
O, deònaich dhuinne
'bheatha shìor
'An sòlas nèamh fad
shaogh'l gun chrìoch.
Amen.

'An so, 's tric gu'n seinnear Leadan Moire, no laoidh iomchuidh air an sònraichear; agus 'an sin "*Tantum ergo*," Aig "*Veneremur cernui*," cromaidh gach aon sìos.

Tantum ergo Sacramen-
tum
Veneremur cernui :
Et antiquum documentum
Novo cedat ritui ;

'Shàcramaid, tha sinn le
ùmhlachd,
'Toirt dhut aoraidh, cliù
'us glòir';
Rìochd an t-Seann-lagh
chuireadh cùl ris,
'S an Lagh-ùr tha'n fhir-
bheachd chòrr;

Præstet fides supplemen-
tum
Sensuum defectui.

Ged nach tuigear le 'r
céud-fàthan,
Creideamh cha dian
fàillinn òirnn.

Gonitori, Genitoque

Glòir do'n Athair, 's
glòir do'n Mhac,
'S glòir co-cheart do'n
Spiorad Naomh—

Laus et jubilatio,

Clù 'us aighir, onair 's
neart,

Salus, honor, virtus quoque

Slàinte 's beannachadh
a chaoidh—

Sit et benedictio;

Trianaid chumbachdach
nam feart,

Procedenti ab utroque

Molamaid mu seach 's
mar aon. Amen.

Compar sit laudatio.

Thug e arau daibh as na
flaithis. [Alleluia.]

Amen.

V. Panem de cœlo præ-
stitisti eis. [Alleluia.]

Anns an robh gach rogha
blas. [Alleluia.]

R. Omne delectamentum
in se habentem. [Alleluia]

Oremus.

Dianamaid òrnaigh.

Deus, qui nobis sub Sac-
ramento mirabili passionis
tuæ memoriam reliquisti;
tribue, quæsumus, ita nos
corporis et sanguinis tui
sacra mysteria venerari;
ut redemptionis tuæ fruc-
tum in nobis jugiter senti-
amus. Qui vivis et regnas
in sæcula sæculorum.
Amen.

O Dhia a dh'fhàg againn
's an t-sàcramaid mhiorail-
tich so cuimhneachan air
do phàis; tiùraich dhuinn,
guidhimid ort a leithid a
dh' urram a thoirt do
mhiste naomh do Chuirp
agus d'Fhala, 's gu'm bi
sinn daonnan a' faireach-
dainn annainn toradh do
shaoraidh. A tha beò 's a'
rian gu saoghal nan
saoghal. Amen.

An uair a bhios an sagart a' toirt a' Bheannachd
seachad leis an t-Sàcramaid, cróm thu-fhèin sìos, agus

thoir aoradh le d'uile chridhe do d'Shlànair anns an f-Sàcramaid. Thoir taing dha air son a mhathais, agus liubhair thu fhéin thairis dha; agus gu dùrachdach iarr air a bheannachd dhut fhéin agus do d'chuideachda, agus do'n Eaglais gu h-ìomlan.

Ant. Adoremus in æternum sanctissimum Sacramentum.

Thugamaid aoradh gu sìorruidh do'n t-Sàcramaid uile-naoimh.

CXVI.—SALM.

Laudate Dominum, omnes gentes; laudate eum, omnes populi:

Quoniam confirmata est super nos misericordia ejus; et veritas Domini manet in æternum.

Gloria Patri, et Filio, et Spiritui Sancto.

Sicut erat in principio, et nunc et semper, et in sæcula sæculorum.

Amen.

Adoremus, &c.

Molaibh an Tighearna, 'uile chinneacha; molaibh e, 'uile shluaigh.

A chionn dhaingnich e òirnn a thròcair; agus firinn an Tighearna mairidh gu sìorruidh.

Glòir do'n Athair, agus do'n Mhac, agus do'n Spiorad Naomh.

Mar a bha, 's mar a tha, 's mar a bhitheas. fad shaoghal nan saoghal.

Amen.

Thugamaid, &c.

PANGE LINGUA.

i. 300 latha laghaidh aon uair 's an latha; 100 latha air son 'Tantum ergo' 's an ùrnaigh.

ii. Lan-laghadh Diordaoin Bangaid, Diordaoin Corp Chrìosta, no latha sa bith de'n ochdamh 's aon latha sa bith eile de'n bhliadhna, air na cùmhnautan gnàthaichte.

Pange lingua gloriosi

Corporis mysterium,

'Theanga, séinn le caithrim cheòl-bhinn,

Diomhaireachd Corp glòrmhor Chrìost',

Sanguinisque pretiosi,	Agus 'Fala prìscil, mòrail,
Quem in mundi pretium	'N éiric chòrr a dhiol ar fiach,
Fructus ventris generosi	Toradh cuim ro-naoimh na h-Oighe,
Rex effudit gentium.	'Dhòirt àrd-rìgh gach slòigh gu fial.
Nobis datus, nobis natus	D h u i n n e t h u g a d h dhuinne rugadh,
Ex intacta Virgine,	Leis an Oigh nach d' fhuilig béud ;
Et in mundo conversatus	Bhos air talamh labhair's thuinish,
Sparso verbi semine,	Sgaoil 'us chuir e facal Dhé ;
Sui moras incolatus	'N dòigh 'na chrìoch e cuairt a thurais,
Miro clausit ordine.	S' ioghnadh dhuinne 's do chùirt nèamh.
In supremæ nocte cœnæ,	Aig an t-suipeir, oidhch' a Phàise,
Recumbens cum fratri- bus,	Shuidh le 'bhràithrean sios gu biadh'
Observata lege plene	'S choimhlion e an lagh gun fhàillinn,
Cibis in legalibus,	'Sna deas-ghnàthan 'dh- òrdaich Dia ;
Cibum turbæ duodenæ	'S thug e 'chorp—'s e beò na 'n lathair—
Se dat suis manibus.	As a làimh do'n dà fhear dhiag.
Verbum caro, panem ver- um	Le cumhachd 'fhacail naoimh tha Criosta
Verbo carnem efficit :	'Tionndadh arain fhìor gu 'Fheòil,
Fitque sanguis Christi	'S a 'tionndadh fiona gu
merum,	'Fhuil dhiadhaidh—

Et si sensus deficit,	Ged nach tùr sinn
Ad firmandum cor sincerum	'mhiorailt mhòr,
Sola fides sufficit	Fòghnaidh creideamh
	dhuinn mar fhianuis,
	Biodh an cridhe dian
	gun ghò.

Tantum ergo Sacramentum	'Shàcramaid, tha sinn le
Veneremur cernui:	ùmhlachd,
Et antiquum documentum	'Toirt dhut aoraidh, cliù
Novo cedat ritui;	'us glòir';
Præstet fides supplementum	Riochd an t-Seann-lagh
Sensuum defectui.	chuireadh cùl ris,
	'S an Lagh-ùr tha'n fhir-
	bheachd chòrr;
	Ged nach tuigear le 'r
	céud-fàthan,
	Creideamh cha dian
	fàillinn òirn.

Genitori, Genitoque	Glòir do'n Athair, 's
Laus et jubilatio,	glòir do'n Mhac,
Salus, honor, virtus quo-	'S glòir co-cheart do'n
que	Spiorad Naomh—
Sit et benedictio:	Clìù 'us aighir, onair 's
	neart,
	Slàinte 's beannachd a
	chaoidh —
Procedenti ab utroque	Trianaid chumhachdach
	nam feart,
Compar sit laudatio.	Molamaid mu seach 's
Amen.	mar aon. Amen.
V. Panem de cœlo præ-	Thug e aran daibh as na
stitisti eis [Alleluia.]	flaithis. [Alleluia.]


R. Omne delectamentum in se habentem. [Alleluia.]	Anns an robh gach
	rogha blas. [Alleluia.]

Oremus.

Deus, qui nobis sub Sacramento mirabili passionis tuæ memoriam reliquisti; tribue, quæsumus, ita nos corporis et sanguinis tui sacra mysteria venerari: ut redemptionis tuæ fructum in nobis jugiter sentiamus. Qui vivis et regnas in sæcula sæculorum. Amen.

Dianamaid Urnaigh.

O Dhia, a dh'fhàg againn 's an t-sàcramaid mhiorailtich so, cuimhneachan air do phàis; tiùraich dhuinn, guidhimid ort, a leithid de urram a thoirt do mhistre naomh do Chuirp agus d'Fhala, 's gu'm bi sinn daonnan a' faireachdainn annainn toradh do shaoraidh. A tha beò 's a' rian gu shao-ghal nan saoghal. Amen.



CRABHADH DO CHRIDHE NAOMH IOSA.

LE Cridhe Naomh Iosa thathas ag ciallachadh Cridhe ar Slànair air aonadh ris an Daondachd bheannaichte, 's air an aobhar sin ri Pearsa Dhiadhaidh an Fhacail. Bho'n is e 'n cridhe samhladh a' ghaoil, tha'n Eaglais a' moladh a' chràbhaidh so dhuinn, 's gur h-e Cridhe Naomh Iosa samhladh 'us ionad-naomh a' ghaoil sin leis an d'thug ar Slànair gaol duinn, agus 'n a liubhair e e fhéin air ar son. Uime sin an uair a chuireas sinn suas ar n-achanaich ri Cridhe Naomh Iosa, tha sinn air sheòl ro-shònraichte a' toirt onoir do'n ghaol sin a bha na 'theine 's a' Chridhe Naomh air son mhic an duine.

Is e beachd àraid a chràbhaidh so dlòladh-fiach a dhianamh 'an éiric gach tareuis a rinneadh air Cridhe Naomh Iosa an uair a bha e air talamh—tareuis a thathas fhathast a' dianamh air anns an t-Sàcramaid Dhiadhaidh —'an Sacramaid a ghaoil.

Ri linn do 'r Slànair an cràbhadh so fhoillseachadh do'n mhaighdinn-chràbhaidh naomh ud, Màiri Alacoque Urramach, dh'fhiach e a chridhe dhi 's e air a chuairteachadh le droigheann, crois ann, 's e air cèthair-theine, agus thuirt e: “Faic an cridhe a thug a' leithid de ghaol do mhac-an-duine 's nach do chaomhain e nì a dhearbhadh a ghaoil daibh, gu ruig 'us e fhéin a chaitheamh as air an son; ach 'an éiric sin nach fhaigh ni bho'n tromlach de'n

chinne-dhaonda, ach eas-urram 'us mì-thaingeachd. Is e a tha ga m' chràdh gu tur cridheachan a th' air an coisrigeadh dhomh a bhi ga m' ghiollachd 's an dòigh." 'An sin dh'earb e rithe a culaidh-mhathais a dhianamh gu latha-féille a chur air chois 'an onoir a Chridhe Dhiadhaidh air a' chiad Dhihaoine 'an deaghaidh an Dònaich an taobh-stigh de fhéill Chuirp-Chrìosta; agus sin leis a' bheachd so: 1. Los Crìostaidhnean a thoirt tainge dha air son an tobhartais àghoir a bhuilich e orra an Sàcramaid a Chuirp fhéin. 2. Gu dìoladh-fiach a dhianamh le 'n ùmhlachd agus le'n aoradh air son na h-eas-onoir agus na tarcuis a tha peacaich a' toirt da anns an t-Sàcramaid uilenaoimh. 3. Los gu'n tugadh iad dha an onoir a's dligheach dha, ach a thathas ag cumail bhuaithe 'an iomad eaglais far am beileas a' toirt cho beag de ghaol, de urram, agus de aoradh dha. Gheall e ionnhas a chridhe a bhuileachadh gu fialaidh, pailt, orrasan a chleachdadh an cràbhadh so, cha'n ann a mhàin air an latha-fhéille, ach air làithean eile an uair a thigeadh iad air choimheadachd air an t-Sàcramaid Dhiadhaidh.

Chuireadh Comuinn Cridhe Naomh Iosa air chois anns gach cèarnaidh, agus bhuilich an Pàp ioma laghadh-eaglais orra, a dh'fhaodas gach urra dhiubh a chosnadh air a shon fhéin no air son nam marbh-chreideach. 'S e na tha mar fhiachan air gach urra de'n chomunn ('an deaghaidh a ghabhail a stigh le sagart fo ùghdarras gu sin a dhianamh) gu'n gabh e uair 's an latha *A' Phaidir, Fàille Moire, 's a' Chreud*, agus an achanaich so:

A Chridhe uilenaomh Iosa thoir orm gaol a thoirt d'at na's mó 's na's mó.

GNIOMH COISRIGIDH.

O CHRIDHE Naoimh Iosa, dhutsa tha mi 'coisrigeadh 's a' tairgse suas mo bheatha, mo smaointean, mo bhriathran, mo ghnìomhan; mo shaothair, agus m' fhulangais. Deònaich gur h-e 's eulaidh-oibre dhomh á so suas a bhi 'toirt gaoil, 'us seirbhis, 'us urrainn, 'us glòire dhutsa. Uime sin, O Chridhe uilenaomh, bì-sa dhomh 'ad aona chuspair-gaoil, 'ad dhìon do m' bheatha, 'ad èarlas air mo shàbhaladh, agus 'ad sgéith-dhèidin aig uair mo bhàis. O Chridhe na féile, bì-sa 'd naomhachadh dhomh air bialaobh cathair Dhé, agus dìon mi bho 'fheirg-san, a thoill mi cho ceart. Annadsa tha mi 'cur m' uil' earbsa; agus dearbhte 's mar a tha mi 'a m' laigse fhein, tha mi ga m' chur-fhéin gu buileach 'am mèinn do mhathais. Cuir as do gach nì annam a tha mì-thaitneach no mìothlachdor leat. Càirich thu-fhéin mar chomharradh diadhaidh air mo chridhe, los mo gheall dbut gun dealachadh riut gu bràch, a bhi daonnan 'am chuimhne. As leth do chaomh-mhathais, cuideachd, deònaich m' ainm a chur sìos 'an Leabhar-na-Beatha, agus gur h-ann a bhios mi 'am chobhartach coisrigte do d' ghlòir, a' sìor-lasadh le d' ghaol fìorghlan, 's mi uile 'm chaoir-theine leis gu sìorruidh. Annadsa tha mi 'cur m' uile shonais; 's e so m' uil iarrtas, gun mo bhed no mo mharbh a bhi 'n staid sa bith eile ach 'am sheirbhiseach d'leas dhutsa. Amen.

LEADAN CRIDHE UILENAOMH IOSA.

- A Thighearna, dian tròcair òirn.
 A Chrìosta, dian tròcair òirn.
 A Thighearna, dian tròcair òirn.
 A Chrìosta éisd ruinn.
 A Chrìosta, gu gràsor éisd ruinn.
 A Dhia Athair nam Flaitheas, *Dian tròcair òirn.*
 A Dhia Mhic Fhir-saoraidh an t-saoghail,
 A Dhia a Spioraid Naomh,
 A Thrianaid naomh aon Dia,
 A Chridhe Iosa, Mic an Athair Shiorruidh,
 A Chridhe Ios', a ghineadh 'an com Moire
 Mhathar leis an Spiorad Naomh.
 A Chridhe Iosa, aonaicht 'am pearsa ri Facal
 Dhe,
 A Chridhe Iosa na Moralachd gun chrìch,
 A Chridhe Iosa, a Theampuill Naomh Dhé,
 A Chridhe Iosa, Faillinn an Ti a 's Airde,
 A Chridhe Iosa, a dhachaidh na Diadhachd 's
 a dhoruis flaitheanais,
 A Chridhe Iosa, Fhuirneis laiste na carrant-
 achd,
 A Chridhe Iosa, Ionaid naomh a cheartais agus
 a ghràidh,
 A Chridhe Iosa, làn de mhathas agus de ghràdh,
 A Chridhe Iosa, a chuain nan uile shubhailcean,
 A Chridhe Iosa, ro-airidh air a h-uile cliù,
 A Chridhe Iosa, a Rìgh 's iuil nan cridheachan
 gu h-ìomlan,
 A Chridhe Iosa, anns am beil iùil' ionmhas a
 ghliocais agus an eòlais,

Dian tròcair òirn.

A Chridhe Iosa, anns am beil uile lànachd na
Diadhachd a' còmhnaidh,

A Chridhe Iosa, Deth 'm beil mòr thlachd aig
an Athair,

A Chridhe Iosa, De phailteas d'an d'fhuair sinn
uile,

A Chridhe Iosa, miann nam beannta siorruidh,

A Chridhe Iosa, fad-fhulangach agus làn trò-
caire,

A Chridhe Iosa, saibhir daibhsan a ghlaodhas
Ort,

A Chridhe Iosa, fhuarain na beatha 's na naomh-
alachd,

Chridhe Iosa, Iobairt-réite air son ar peac-
annan,

A Chridhe Iosa, a lionadh le tarcuis,

A Chridhe Iosa, bruite air son ar peacannan,

A Chridhe Iosa, strìochdte eadhon thun a bhàis,

A Chridhe Iosa, a chaidh a shàthadh le sleagh,

A Chridhe Iosa, a thobair [na h-uile furtachd,

A Chridhe Iosa, ar beatha agus ar n-aiseirigh,

A Chridhe Iosa, ar sìth agus ar réite ri Dia,

A Chridhe Iosa, a dh'iobaireadh air son nam
peacach,

A Chridhe Iosa, a shabhalaidh na feadhnach a
tha 'cur an dochais annad,

A Chridhe Iosa, dòchas na feadhnach a gheibh
bàs annad,

A Chridhe Iosa, Sòlas nan Naomh Uile,

Uain Dhé, a tha 'toirt air falbh peacannan an t-
saoghail, *Dian fathamas ruinn, O Thighearna.*

Dian tròcair òirn.

Dian tròcair òirn.

Uain Dhé, a tha 'toirt air falbh peacannan an t-saoghail, *Gu gràsor éisd ruinn, O Thighearna.*

Uain Dhé, a tha 'toirt air falbh peacannan an t-saoghail, *Dian tròcair òirnn.*

I'. Ios', a tha eòin is iriseal 'an cridhe.

R. Dian ar cridhe-ne a réir do chridhe fhéin.

Dianamaid nrnaigh.

A Dhia shiorruidh, uile-chumhaachdaich, seall air cridhe do Mhic ro-ionmhuinn. Cuimhnich air a mholadh agus air an iobairt-reite a tha e 'dioladh Dhut as leth pheacach. Agus a uchl luach na h-iobairt so thoir daibhsan a tha 'g iarraidh tròcair Ort mathanas, ann an ainm do Mhic chiadna sin Iosa Chrìosta a tha 'm beatha agus a' riaghladh maille Riutsa ann an aonachd an Spioraid Naoimh, 'na Dhia, bho shaoghal gu saoghal. Amen.

Urnaigh eile.

O IOSA, as leth do Chridhe naoimh, a' sruthadh thairis le caoine, tha sin ga 'r n-earbsa fhéin riut, agus gach nì a bhuineas duinn, ar pàrantan, ar càirdean, ar dìlsean, ar luchd-mathais, ar n-uachdarain agus ar naimhdean: gabh fo d' dhion an tigh, 's am baile, 's an rìgheachd so: gabh an eòran ciadna de gach aon a tha fo thrioblaid; agus dhiùbhsan a tha 'n cruaidh-spàirn a' bhàis; seall a nuas na d' iochd ris na 'h-annannan truagh a tha 'fulang 'am Purgadair, 's maraon riuthsan a tha maille-ruinne 's a' chomunn naomh so a' toirt onoir 'us urram dhutsa. Beannaich iad sin gu h-àraidh,

O Iosa mhathasaich, agus beannaich iad a réir miad do mhathais, do thrècaire, agus do ghaoil gun àirimh. Amen.

URNAIGH AIR SON NA FEADHNACH A THA 'N
TARRAINN A' BHAIS.

- i. 100 latha gach uair a ghabhar i.
- ii. Làn-laghadh uair 's a' mhìos do gach aon a ghabhas fad a' mhìos i, trì uairean 's an latha aig caochla amannan.

O IOSA uile-thrècairich, 'Fhir-ghaoil nan anmannan, tha mi 'guidhe ort as leth Spàirn do Chridhe uilenaoinmh, agus bròn do Mbàthar gun-smal-peacaidh, gu'n glanadh tu na d' Fhuil fhéin peacaich an t-saoghail uile a tha 's an tarrainn agus gu bàsachadh an diugh. Amen.

A Chridhe Iosa a dh'fhuilig spàirn a' bhàis, gabh truas riuthasan a tha 's an tarrainn.

GNÌOMH COILEASACHAIDH DO CHRIDHE NAOMH
IOSA.

O CHRIDHE uile-ghaolaich agus aorail Iosa, a bhuillsgein gach cridhe, 'ad chaoir-theine le carrantachd, 's ad lasair le éud air son glòir d' Athar, agus sàbhaladh a' chinne-dhaonda! O Chridhe Iosa, a tha'n còmhnaidh fiosrach mu'r truaighe, agus daonnan ullamh gu fuasgladh òirnn! O Chridhe Iosa, 'fhìor thobhartais ghaoil anns an t-Sàcramaid Naoimh, agus ìobairt-réite air son pheacannan air altair na croise. A' faicinn duinn nach 'eil tromlach nan Crìostaidhnean ri coileasach-

adh eile dhut 'an éiric d' uile thrèacair, ach ag cur suarach do mhathais, dìochuimhne air an geall dut, agus mì-thaingealachd do'n tobhartair a's féile, nach ceart gu'n dianamaide, 's miad an eas-urraim a tha thu 'faotainn a' drùghbadh cho trom òirn, 'fhad 's a tha e na 'r comas, gnìomh iriseal coileasachaidh do d' Mhòrachd uilenaoimh?

Air an aobhar sin air ar glùn 's le cridhe iriseal, 'an làthair nèamh agus talmhainn, tha sinn a' togail fianais air ar gràin air a' leithid de ghiùlan. Bu ro-ghoirt a chràidh miad ar peacannan do Chridhe maoth; b' an-tròm eudrom ar lochdan a leag do ghnùis ri làr 's a' ghàradh, agus thair-tuigse bha do léireadh ri linn dhut an deò 'thoirt suas le gaol, le bròn, 's le spàirn air Calbhari, agus a ghuidh thu, leis an ospaig dheireannaich, air son nam peacach, ag iarraidh orra tionndadh ri 'n dleasnas agus ris an aithreachas. Tha sinn fiosrach air so, O Shlàn-air ghaoil, agus bu toileach a dhianamaid dìoladh-fiach dhut ann an éiric an fhulangais sin le 'r fulangas fhéin, no co-phàirteachdadh leatsa.

O Iosa iochdair, daonnan a làthair air an altair agus do Chridhe fosgailt' a ghabhail ann gach aon *a tha ri saothair agus fo eallaich*. O Chridhe Aorail Iosa, a thobair an fhìor-aithreachais! thoir do 'r cridheachan-ne spiorad an fhìor-aithreachais, agus tobar dhiar dh'ar sùilean gu 'bhi 'caoidh air son ar peacannan fhéin agus an t-saoghail. Thoir mathanas anns gach mì-dhiadhachd, eas-urram agus tàire a fhuair thu 's an t-Sàcramaid Naoimh bho'n a dh'òrdaich thu 'n tùs i. Gu gràsor gabh ri

dìoladh-fiach so ar n-aithreachais, ge beag e, mar thobhartas taitneach 'ad làthair, mar bhuidheachas air son gach tìodhlaic a tha sinn a' faotainn gach latha bho'n altair far am beil thu 'ad ìobairt bhed agus mbaireannaich, agus 'an aonachd na làn ìobairte-fuiltich sin a thairg thu air a' chrois air beinn Chalbhari do d' Athair Sìorruith.

O Iosa Chaoimh, thoir do bheannachd do'n dian thoil a th' againn 's an àm, agus do'n rùn naomh a chuir sinn romhainn gaol 'us aoradh gu bràch a thoirt dhut le'r n-uile chridhe, 's le'r n-uile neart anns an t-Sàcramaid Naoimh; mar so le fìor thionndadh cridhe, agus le éud ionchuidh air son do ghlòire, coileasachadh a dhianamh air son ar neo-shuimealachd 's ar neo-sheasrachd 's an ùine 'chaidh seachad. Bì-sa, O Chridhe Aorail, 's gur fios dhut a' chriadh de'n d' rinneadh sinn, bì-sa 'ad fhear-réite ris an Athair nèamhaidh air an do chuir sinn a' leithid de dhiùmb: neartaich ar laigse, daingnich ar rùn, agus le d' charrantachd, le d' chiùine, 's le d' fhoighidinn, dubh a mach ar peac-annan. Bì-sa 'ad chùl-taice dhuinn, 'ad dhèdeann, 's ad neart, los, á so suas, nach dian nì 's a' bheatha no 's a' bhàs ar sgaradh bhuat. Amen.

CRABHADH DO DH-AINM IOSA.

ACHANAICH.

100 latha laghaidh uair 's an latha.

O IOSA mhath: O Iosa uile-thrècairich: O Iosa uilechaoimh: O Iosa 'Mhic na-h-Oighe Moire

làn trècair 'us diadhachd. O Iosa chaoimh, a réir do mhòr thrècair gabh truas rium. O Iosa uile-thrècairich; tha mi 'guidhe ort as leth na fala prìseil a dheònaich thu 'dhortadh air son nam peacach, gu'n glanadh tu mi bho m'uile chiontan, 's gu'n sealladh tu nuas orm, peacach truagh gun fhiù, gu h-ùmhlaidh ag iarraidh mathanas 's ag gairm air d'Ainm Naomh Iosa.

O Ainm Iosa, ainm ro-chaoimh: Ainm Iosa, Ainm ro-thaitneach: Ainm Iosa, Ainm ro-neartor. A chionn ciod e Iosa ach Slànair? Air an aobhar sin O Iosa, air sgàth d'ainme Naoimh, bi 'd Iosa dhòmhsa agus sàbhail mi. Na leig dhomh a bhi air mo dhìteadh, — dhomhs' a chruthaich thu á neoini. O Iosa mhath na leig le m' aingeachd an nì sin a rinn thu le d' mhathas uile-chumhachdach a sgrios. O Iosa mhath gabh ri d' chuid fhéin 's cuir as do gach nì nach buin dhut. O Iosa uile-chaoimhneil dian trècair orm fhad's a tha ùine mathanas a làthair, 's na dìt mi 'an uair a bhreitheanas. Cha toir na mairbh moladh dhut, a Thighearna Iosa, cha mhutha 'bheir iadsan uile 'théid sìos do dh-ifrinn.

O Iosa uile-ghaolaich: O Iosa uil' ùidh do shluaigh: O Iosa uile-chiùin: O Iosa, Iosa, Iosa, gabh mis' 'an àireamh do dhaoine-taghte. O Iosa, a shàbhalaidd na feadhnaich a tha 'creidsinn annad, O Iosa, a chofhurtachd na feadhnaich a dh'iarras cobhair ort, O Iosa, 'Mhic na h-Oighe Moire, dòirt annam gràsan, gliocas, carrantachd, geinneachd, agus iorasaileachd los gu'm faod mi làn-ghaol a

thoirt dhut, do mholaidh, do mhealtainn, do sheir-
bhiseachadh, agus glòir a thoirt dhut maille
ris gach aon a tha 'gairm air d' Ainm Naomh Iosa.
Amen.

LEADAN IOSA.

Laghaidh 300 latha, gach uair a ghabhar e.

A Thighearna, dian tròcair òirn.
A Chrìosta, dian tròcair òirn.
A Thighearna, dian tròcair òirn.
Iosa, éisd ruinn,
Iosa, gu gràsor éisd ruinn.
A Dhia Athair nam Flathas, *dian tròcair òirn*.
A Dhia Mhic 'Fhir-shaoraidh an t-saoghail,
A Dhia Spioraid Naomh,
A Thrianaid naomh aon Dia,
'Iosa 'Mhic an Dé bhed,
Iosa, 'Sholuis an Athar,
Iosa, 'Dhèarrsaidh an t-Soluis shìorruith,
Iosa, 'Rìgh na Glòrach,
Iosa, 'Ghrian a' Cheartais,
Iosa, 'Mhic na h-Oighe Moire,
Iosa ro-ghràdhach,
Iosa ro-mhìorailteach,
Iosa, 'Dhé chumhachdaich,
Iosa, 'Athair an t-saoghail tha ri tighinn,
Iosa, Aingil na combairle 's àirde,
Iosa, ro-chumhachdach,
Iosa, ro-fhaighidneach,
Iosa, ro-ùmhlaadh,
Iosa, 'tha ciùin 'us iriosal 'an cridhe,

Dian tròcair òirn.

Iosa, leis an tagh geinneachd,
 Iosa, leis an tagh sinne,
 Iosa, 'Dhé na sìthe,
 Iosa, 'Ughdair na beatha.
 Iosa, 'Sgàthain nan subhailcean,
 Iosa, ro-éudmhor mu anmannan,
 Iosa, ar Dia,
 Iosa, ar Dìdeann,
 Iosa, 'Athair nam bochd,
 Iosa, 'Ionmhais nan creideach,
 Iosa, 'Dheagh Bhuachaille,
 Iosa, 'Sholuis fhèrinnich,
 Iosa, 'Ghliocais shìorruith,
 Iosa, 'Mhathais gun àirimh,
 Iosa, ar Slighe, agus ar Beatha,
 Iosa, 'Sholais nan Aingeal,
 Iosa, 'Rìgh nan aithrichean naomh,
 Iosa, 'Mhaighstir nan Ostal,
 Iosa, 'Fhir-theagaisg nan Soisgeulach,
 Iosa, 'Spionnaidh nam Mairtirean,
 Iosa, 'Sholuis nan aidmheileach,
 Iosa, 'Gheinneachd nan òighean,
 Iosa, 'Chrùn nan Naomh uile.

Dian trècair òirn.

Bi trècaireach ruinn. *Dian fathamas ruinn, 'Iosa.*

Bi trècaireach ruinn. *Gu gràsor éisd ruinn, 'Iosa.*

Bho'n a h-uile òc,

Bho'n a h-uile peacadh,

Bho d'fheirg,

Bho mhealltaireachd an droch-spioraid,

Bho Spiorad na fèòdghlaine,

Bho bhàs sìorruith,

*Saor sinn,
'Iosa.*

Bho dhearmad air do ghràsan,
 As leth rùn-diombair do dhaondachd beannaichte,
 As leth do bhreith,
 As leth do naoidheineachd,
 As leth do chaithimh-bheatha ro-dhiadhaidh,
 As leth do shaothaire,
 As leth do spàirne 's do phàise,
 As leth do chroise 's do thréigsinn,
 As leth d'airtneil,
 As leth do bhàis agus do thìodhlaicidh,
 As leth d'aiseirigh,
 As leth do dheasghabhail,
 As leth d'aoibhnis,
 'As leth do ghlòire,
 'Uain Dhé, a tha toirt air falbh peacannan an
 t-saoghail,
Dian fathamus ruinn, 'Iosa.
 'Uain Dhé a tha 'toirt air falbh peacannan an
 t-saoghail,
Gu gràsor éisd ruinn, 'Iosa.
 Uain Dhé, a tha toirt air falbh peacannan an
 t-saoghail,
Dian tròcair òirnn, Iosa.
 'Iosa, éisd ruinn.
 'Iosa, gu gràsor éisd ruinn.

Saor sinn, 'Iosa.

Dianamaid ùrnaigh.

O Thighearna Iosa Chrìosta, a thuirt: Iarraibh, agus bheirear dhuibh; siribh, agus gheabh sibh; buailibh agus fosglar dhuibh, guidhimid ort, deònaich dhuinne do luchd-achanaich gràsan do ghaoil

ro-dhiadhaidh, ann an rathad 's gu'm bi sinn a' toirt gaoil dhut le 'r n-uile chridhe, le 'r bilibh, 's le 'r gnèomhannan, agus nach lasaich sinn de thoirt cliù dhut.

O Thighearna thugas duinn a bhi daonnan 'am fiamh 's 'an gaol do d'ainm naomh; oir cha'n 'eil thu uair sa bith a' toirt do làimh-stiùraidh bhuapasan a tha thu 'socrachadh air stéidh do ghaoil. Tromh Iosa Criosta ar Tighearna. Amen.

LAOIDH. — *Jesu dulcis memoria.*

DH' FHOGHNADH smaointean air d' ainm Ios',
Gu sòlas dìan a ghlu' 'am chré;
Cuilm 'bu taitniche na'm fion,
M' inntinn ga lìonadh le d' spéis.

Cha taisbein binneas théudan ciùil,
Cha nochd seanchas no tùr sluaigh,
Cho luachor 's a tha 'n t-ainm ud dhuinn,
'S ainglean le àmhlachd ga' luaidh.

Gach nì 'tha 'm fàthanas Dé,
Air talamh no fo'n talamh shìos,
Lùbaidh an glùn gu léir,
'N uair chluinneas iad ainm éuchdach Ios'.

Ios' an t-ainm os cionn gach ainm',
Beatha m' anma, 's mo léigh;
Ged is tric a thoill mi d' fhearg,
Bithidh mi 'leanmhuinn air do dhéigh.

N' nair a dh' iarras an saoghal 's an fheadail,
Ormsa dòibheart 'chur 'an gnìomh,
Dìridh mo spiorad mar a's còir,
Gu rìgh na tràcaire gu 'dhion.

Air sgiathan creidimh agus gràidh,
Teichidh mi gu gàradh mo mh ann,
Far an d'fhuilig Crìost' a phàis,
'Us fallus ga 'fhàsgadh romh 'bhian.

'S a' ghàradh choisinn sinn am bàs.
Pheacaich Adhamh, dh' ich e 'm meas :
'S a' ghàradh, dh' ùmhlaich Rìgh nan gràs
E-fhéin, gu'r sàbhaladh bho sgrios.

Bhrùchd cùirneana falluis mar dheòir,
Tromh chorp glòrmhor le fìor phéin ;
Bu trom mo pheacannan gu'n toirt
Air Uan neo-chiontach mo Dhé.

Bhuaileadh Cìbear nan caoin bhéus,
Sgapadh a thréud 's a luchd-dàimh ;
Chaidh Crìost' a bhrath le Ostal fhéin,
Chuir pòg an éucoraich e 'n làimh.

Guileamaid mu d' dhìol-s', a Chrìost',
'Ad bhall-bùirt 'am measg do nàmh,
O 's iad ar peacannan a sgiùrs,
'S a spàrr le cràdh an crùn mu d' cheann.

'Choluinn, ùmhlaich sìos thu-fhéin,
Aig bun a chroinn-chéusd' a dh-Ios',
'S na cuir tuilleadh e gu péin,
Ag ùrachadh a chréuchd' le d' ghnìomh.

M' anam, ùmhlaich sìos do d' Dhia,
Las mar theine dian do ghaol;
Smaoinich na dh'fhuilig do Thriatb,
Dh' ionnsaidh d' fhiachan a bhi saor.

Thug e 'ghoimh dhuinn as a' bhàs,
Rinn e pàras fìor de'n uaigh;
'N uair 'rinn e aiseirigh nan gràs,
Choisinn air gach nàmhaid buaidh.

Cliù do'n Athair, 's cliù do'n Mhac,
'S cliù do'n Spiorad neartmhor naomh;
Trianaid chumhachdach nam feart,
Molamaid mu seach 's mar aon.

LEADAN BEATHA 'S PAIS IOSA CHRÌOSTA.

DH' ìslich ar Tighearna Iosa Crìosta e-fhéin a' strìochdadh gu h-iriseal gu bàs, 's eadh gu bàs na croise; agus air son so thog Dia suas e, agus thug e dha ainm, a tha fos cionn a h-uile ainm 's gu'n lùb ann an ainm Iosa a h-uile glùn dhiùbhsan, a tha air neamh, air talamb, agus fo'n talamh: agus gu'n aidich gach teanga, gu'm beil ar Tighearna Iosa Crìosta ann an glòir Dhé an t-Athair.

A Thighearna, dian tròcair òirnn.
 A Chrìosta, dian tròcair òirnn.
 A Thighearna, dian tròcair òirnn.
 A Chrìosta éisd ruinn.
 A Chrìosta, gu gràsor éisd ruinn.
 A Dhia Athair nam Flaitheas, *Dian tròcair òirnn.*
 A Dhia Mhic 'Fhir-saoraidh an t-saoghail,
 A Thrianaid naomh aon Dia,
 'Iosa, a ghliocais shìorruith.
 'Iosa, a Mhic na h-Oighe Moire,
 'Iosa, dh'an d' thug do Mhàthair aoradh,
 'Iosa, a shuaineadh 'am brat-spéilidh,
 'Iosa, a chaireadh am prasaich,
 'Iosa, a thogadh air bainne oighe,
 'Iosa, a dh' fhiachadh 's a' phrasaich do na
 buachaillean,
 'Iosa, a chaidh fo'n lagh leis an timcheall-
 ghearradh,
 'Iosa, dh' an d' thug na daoine-glice aoradh,
 'Iosa, a thairgeadh suas 's an tèampull,
 'Iosa, a thugadh do'n Eiphit,
 'Iosa, a dh' iarr Herod gu d' mharbhadh,
 'Iosa, a chaidh àrach 'an Nàsaret,
 'Iosa, a fhuaradh 's an tèampull,
 'Iosa, a bha umhailte do d' phàrantan,
 'Iosa, a bhaisteadh le Eòin,
 'Iosa, a bhuaireadh 's an fhàsach,
 'Iosa, a 'rinn còmhraidh ri daoine,
 'Iosa, a fhuair fuath gun aobhar,
 'Iosa, a léireadh le tàire,
 'Iosa, a chaochail cruth air a' bheinn 'an làthair
 nan Athraichean.

Dian tròcair òirnn.

Dian trocair òirnn.

- 'Iosa, a chaidh mar rìgh eòin do Ierusalem,
 'Iosa, a bha 'gal le truas ris,
 'Iosa, a reiceadh air dheich buinn fhichead
 airgid,
 'Iosa, a lùb sìos gu casan do dheisciobul,
 'Iosa, a thuit air d'aghaidh ag urnaigh,
 'Iosa, a neartaicheadh le aingeal,
 'Iosa, a bha 'sruthadh le fallas-fala 'ad spàirn,
 'Iosa, a bhrath Iùdas le pòig,
 'Iosa, a cheangladh leis na maor,
 'Iosa, a thréigeadh le d' dheisciobuil,
 'Iosa, a thugadh 'an làthair Annaïs 'us Chaiph-
 ais,
 'Iosa, a bluail maor le 'bhois 's an aodann,
 'Iosa, a dhìteadh le fianaisean-bréige,
 'Iosa, air an d'thugadh binn-bhàis mar chion-
 tach,
 'Iosa, air an do chaitheadh smugaidean 's an
 aodann,
 'Iosa, air an do chuireadh dallan-shùl,
 'Iosa, a bhuaileadh le dùirn,
 'Iosa, a dh' àicheidh Peadar trì nairean,
 'Iosa, a liùbhradh ceangailte do Philat,
 'Iosa, air an d' rinn Hèrod magadh 'us fochaid,
 'Iosa, a dh' éideadh 'an trusgan geal,
 'Iosa, dhe'n d' rinneadh diù seach Barabbas,
 'Iosa, a réubadh le sgiùrsadh,
 'Iosa, a dh' fhàgadh brùite air son ar peacannan,
 'Iosa, a mheasadh mar lobhar,
 'Iosa, a dh' éideadh 'an deise phurpuir,
 'Iosa, a chrùnadh le dreigheann,

'Iosa, a bhuaileadh le cuile,
 'Iosa, a dh'iarr na h-Iùdhaich gu d' ehéusadh,
 'Iosa, a dhiteadh gu bàs ro-mhaslach,
 'Iosa, a liùbhradh do thoil nan Iùdhaich,
 'Iosa, a luchdaicheadh le uallach na croise,
 'Iosa, a thu gadh mar chaora thun na casgairt,
 'Iosa, 'dhe'n do spìonadh d' aodach,
 'Iosa, a cheangladh ris a' ehrois le tàirnean,
 'Iosa, a chréuchdadh air son ar ciontan,
 'Iosa, a rinn ùrnaigh ri d' Athair air son do
 naimbdean,
 'Iosa, a mheasadh 'am measg nan éucorach,
 'Iosa, a fhuair toibheum 'us fochaid air a'
 ehrois,
 'Iosa, a fhuair tàire bho'n mhèirleach,
 'Iosa, a gheall pàras do'n mhèirleach a thionn-
 daidh,
 'Iosa, a chuir Naomh Eòin fo chùram do Mhà-
 thar mar a mac,
 'Iosa, a chuir 'an céill gu'n do thréig d' Athair
 thu,
 'Iosa, a fhuair domblas 'us fion-geur air do
 phathadb,
 'Iosa, a thog fianais gu'n do choimhlionadh gach
 nì a bha sgrìbhte mu d' dhéighinn,
 'Iosa, a liubhair d' anam 'an lamhan d' Athar,
 'Iosa, a bha umhailte gu bàs na croise fhéin,
 'Iosa, a tholladh le sleagh,
 'Iosa, a rinneadh 'ad ìobairt-réite air ar son,
 'Iosa, a thugadh a nuas bhàrr na croise,
 'Iosa, a chàireadh 's an uaigh,

Dian tròcèir òirn.

Dian tròcèir òirn.

Dian trècair òirn.

'Iosa, a dh' éirich gu glòrmhor bho na mairbh,
 'Iosa, a chaidh suas air nèamh,
 'Iosa, ar fear-réite ris an Athair,
 'Iosa, a chuir a nuas an Spiorad Naomh an Co-
 fhurtair air do dheisciobuil,
 'Iosa, a dh' àrdaich do Mhàthair os cionn nan
 aingeal,
 'Iosa, a thig a thoirt breth air bheò 's air
 mharbh,
 Bi trècaireach,
Dian fathamas ruinn, a Thighearna.

Bi trècaireach,
Gu gràsor éisd ruinn, a Thighearna.

Bho'n a h-uile olc,
Saor sinn, a Thighearna.

Bho'n a h-uile peacadh,
 Bho fheirg, bho fhuath, 's bho gach droch-rùn,
 Bho phlàigh, bho ghorta, 's bho chogadh,
 Bho gach cunnart inntinn 'us cuirp,
 Bho bhàs sìorruith,
 As leth do ghinidh uileghlan,
 As leth do bhreithe mìorailtiche,
 As leth do thimcheall-ghearradh iriseal,
 As leth dh' bhaistidh 's do thraisge naoimh,
 As leth do shaothaire 's do chaithris,
 As leth do sgiùrsaidh 's do chrùnaidh dòruin-
 nich,
 As leth do phathaidh, do dhiar, agus do rùs-
 gaidh,
 As leth do bhàis agus do chroise prìseile,

Saor sinn, a Thighearna.

As leth d'aiseirigh 's do dheasghabhail glòrmh-
 òire,
 As leth cur-a-nuas an Spioraid Naoimh, an
 Cofhurtair,
 Air latha a'bhreitheanais,

Sinne na peacaich, *Deònaich éisdeachd ruinn.*
 Gu'n tugadh tu fathamas duinn,
 Gu'n tugadh tu mathanas duinn,
 Gu'm b'e do thoil ar toirt gu fìor aithreachas,
 Gu'm b'e do thoil gu tràcaireach gràsan an
 Spioraid Naoimh a chur a nuas na 'r
 cridhe,

Gu'm b'e do thoil d' Eaglais naomh a dhìon 's
 a lionsgaradh,
 Gu'm b'e do thoil gach comunn a chruinnich-
 eas 'ad ainm naomh a theasraiginn 's a
 chraobh-sgaoileadh,
 Gu'm b'e do thoil fìor-shìth, irisleachd, agus
 carrantachd a bhuileachadh òirnn,
 Gu'm b'e do thoil bunailteas a thoirt dhuinn 'an
 staid nan gràs agus 'ad sheirbhis naoimh,
 Gu'm b'e do thoil ar teasraiginn bho smaoin-
 tean neòghlan, bho bhuairidhnean nan
 deomhan, agus bho dhìteadh sìorruidh,
 Gu'm b'e do thoil ar gabhail 'an co-chomunn
 co-thional do naomh,
 Gu'm b'e do thoil éisdeachd gu gràsor ruinn,

Uain Dhé, a tha 'toirt air falbh peacannan an
 t-saoghail,
Dian fathamas ruinn, O Thighearna.

Deònaich éisdeachd ruinn.

Uain Dhé, a tha 'toirt air falbh peacannan an
t-saoghail,

Gu gràsor éisd ruinn.

Uain Dhé, a tha 'toirt air falbh peacannan an
t-saoghal,

Dian trècair oirnn.

A Chrìosta, éisd ruinn.

A Chrìosta, gu gràsor éisd ruinn.

V. Tha sinn a 'toirt aoraidh dhut, a Chrìosta, agus
ga d' bheannachadh.

R. A chionn gu'n do shaor thu an saoghal le d'
chrois naoimh.

V. Cuimhnich d' ic ehd, a Thighearna.

R. Agus do thrècair a th' ann bho thùs.

V. Faic m' irisleachd agus mo shaothair.

R. Agus math dhomh mo lochdan.

V. A Thighearna, éisd ri m' ùrnaigh.

R. Agus gu d' ionnsaidh thigeadh mo ghuth.

Dianamaid ùrnaigh.

O Dhia, a tha do thrècair gun àirimh, agus
ionmhas do mhathais neo-chrìochnach, tha sinn a'
toirt tainge do d' Mhòrachd uile-ghràsoir air son
do thìodhlaicean gu léir, 's sinn daonnan ag guidhe
do thrècair: los, mar a tha thu a' buileachadh an
iarrtais air do luchd-achanaich, gun idir an dio-
bairt, gu'n uidheamaich thu iad air son nan duaisean
ri tighinn. As leth do Mhic Iosa Crìosta ar
Tighearna.

V. Beannaicheamaid an Tighearna.

R. Taing do Dhia.

V. Fois gu'n robh aig annannan nam marbh-
chreideach tromh iochd Dhé.

R. Amen.

URNAIGH N. GRIOGAIR.

1. **O** THIGHEARNA Iosa Chrìosta, tha mi 'toirt
aoraidh dhut 'an crochadh air a' chrois 's
crùn dreighinn air do cheann: guidhim ort do
chrois ga m' theasraiginn bho'n aingeal mhillteach.

Ar n-Athair, &c.

2. O Thighearna Iosa Chrìosta, tha mi 'toirt
aoraidh dhut làn chreuchd air a' chrois, a faighinn
domblais 'us fion-ghéir air do phathadh: guidhim
ort do lotan a bhi dhomh na 'n iocshlaint anma.

Air n-Athair, &c.

3. O Thighearna Iosa Chrìosta, as leth na
dòruinn a dh' fhuilig thu air a' chrois gu h-àraid 'an
àm do d' anam prìseil do cholainn bheannaichte
fhàgail: guidhim ort trècair a dhianamh air m'anam
'an àm fàgail mo cholainn, agus a thoirt gu beatha
shòrruith.

Ar n-Athair, &c.

4. O Thighearna Iosa Chrìosta, tha mi 'toirt
aoraidh dhut air do thasgadh 's an uaigh air d'
ùngadh le spisreadh 's le mir: guidhim ort do bhàs
a bhi dhomh na 'bheatha.

Ar n-Athair, &c.

5. O Thighearna Iosa, tha mi 'toirt aoraidh dhut

a' dol sìos do dh-ifrinn a shaoradh nam prìosanach :
guidhim ort m' anam a chumail as an ionad sin.

Ar n-Athair, &c.

6. O Thighearna Iosa Chrìosta tha mi 'toirt aor-
aidh dhut ag éirigh bho na mairbh ; a' dol suas air
nèamh agus 'ad shuidhe air deas-làimh an Athar :
guidhim ort gu'n lean mi suas thusa, 's gu'n toill
mi mo chur 'ad làthair.

Ar n-Athair, &c.

7. O Thighearna Iosa, a dheagh-bhuachaille,
teasraig na daoine-naomh, naomhaich na peacaich,
dian trècair air na creidich uile, 's dian gu h-àraid
fathamas riùnsa am peacach.

Ar n-Athair, &c.

URNAIGHEAN NAN COIG LOTAN.

100 latha laghaidh aon uair 's an latha.

Gnìomh Aithreachais.

O SHLÀNÀIR uile-ghradhaich m' anma, tha mi
ga m' ùmhlachadh sìos air do bhialaobh air a'
chrois, 's mo chogais ga m' dhìteadh air son do
thàirneachadh le m' dhà làimh ris a' chrois sin cho
trie 's a thuit mi 'am peacadh-bàis, ga d' léireadh
le m' mhì-thaingeachd ghràineil. O mo Dhia, m'
Ard-mhath uile-choimhlionta, airidh air m' uile
ghaol a thaobh do mhathais dhomh 'an còmhnaidh,
is crèutair truagh mi-e ; cha'n urrainn dhomh, nì
'bu mhiann leam, mo lochdan a ghairm air an ais ;
ach tha mi 'toirt gràine dhaibh le fìor bhròn-eridhe

a chionn mìothlachd a chur ortsa, a Mhathais neo-chrìochnaich; agus air mo ghlùn aig do chasan, nì mi m' uile-dhèchioll air a bhì cràiteach air do shon, air mathanas 'us aithreachas iarraidh ort, 's mi le m' chridh' air mo bhilean ag ràdh ri—

I. Lot na Coise Clìth.

Tha mi 'toirt aoraidh dhut, a Lot uilenaoimh na Coise Clìth; O Iosa, tha mo chridhe cràiteach air son na péine ro-dhòruinnich a dh' fhuilig thu; tha mi 'toirt tainge dhut air son a' ghaoil sin a bha ga d' chlaoidh air mo thòir 's mi air mo chéum gu sgrios, 's tu sruthadh fala air feadh dbrisean mo pheacannan. Tha mi tairgse do'n Athair shìorruith cràdh agus gràdh do dhaondachd uilenaoimh ann an èiric mo pheacannan 's mi 'toirt gràine dhaibh le fìor-aithreachas cràiteach.

Paidir, Beannachadh Moire, Glòir.

II. Lot na Coise Deise.

Tha mi 'toirt aoraidh dhut, a Loit uilenaoimh na Coise Deise; O Iosa, tha mo chridhe cràiteach air son na péine ro-dhòruinnich a dh' fhuilig thu; tha mi 'toirt tainge dhut air son a' ghaoil a lot thu le 'leithid de phéin 's de dhòrtadh-fala a pheanasachadh mo sheachbrain agus an toileachais pheacaich a thug mi do m'ana-miannan neo-chìosnaichte; tha mi 'tairgse do'n Athair shìorruith cràdh agus gràdh do dhaondachd uilenaoimh, agus tha mi guidhe ghràsan ort gu 'bhi 'sileadh dheòir an aithreachais air son mo chiontan; agus gu buanachadh 's na

deagh-bheairtean air an do thòisich mi, gun snaoid-headh an feasda tuille bho ùmhlaich do d' fhàinte dhiadhaidh.

Paidir, Beannachadh Moire, Glòir.

III. Lot na Làimhe Clìth.

Tha mi 'toirt aoraidh dhut, a Loit uilenaoimh na Làimhe Clìth; O Iosa, tha mo chridh cràiteach air son na péine ro-dhòruinnich a dh' fhuilig thu; tha mi 'toirt tainge dhut air son a' pheanais agus an dìtidh shìorruith a thoill mo pheacannan, a chur seachad orm le 'leithid de ghaol; tha mi 'tairgse do'n Athair shìorruith cràdh agus gràdh do dhaondachd uilenaoimh, agus tha mi 'guidhe ort mo stiùireadh gu buil mhath a dhianamh de na tha romham de m' bheatha gu toradh freagarrach do'n aithreachas a thoirt a mach, agus sìth a chur air corruich ceartas Dhe.

Paidir, Beannachadh Moire, Glòir.

IV. Lot na Làimhe Deise.

Tha mi 'toirt aoraidh dhut, a Loit uilenaoimh na Làimhe Deise; O Iosa, tha mo chridhe cràiteach air son na péine ro-dhòruinnich a dh'fhuilig thu; tha mi 'toirt tainge dhut air son do mhathais dhoimh 'an còmhnaidh a dh-aindeoin cho fìor-ole 's a thoill mi e; tha mi 'tairgse do'n Athair shìorruith cràdh agus gràdh do dhaondachd uilenaoimh, agus tha mi 'guidhe ort mo chridhe 's m'

aighe 'thionndadh riut, 's mo threòrachadh gu m' uile-dhianadas a chur 'an gnìomh a réir toil mhath Dhé.

Paidir, Beannachadh Moire, Glòir.

V. Lot. an Taoibh Naoimh.

'Tha mi 'toirt aoraidh dhut, a Loit uilenaoimh an Taoibh; O Iosa, tha mo chridhe cràiteach air son na tàmailte maslaich a dh'fhuilig thu; tha mi 'toirt tainge dhut air son a' ghaoil a luthasaich do Thaobh agus do Chridhe 'tholladh, agus gu'n do dheònaich thu am boinne mu dheireadh fala 's uisge 'dhortadh gus mi 'bhi pailt de shaoradh; tha mi 'tairgse do'n Athair shìorruith na tàmailte so maille ri gràdh do dhaondachd uilenaoimh, los m' anam a dh-fhaotainn aon uair a stigh 's a' Chridhe uile-gràdhach sin a tha deònach agus ullamh gu dìbeatha 'thoirt do na peacaich a's mutha, gun mo sgaradh bhuaithe am feasda tuille.

Paidir, Beannachadh Moire, Glòir,

Ris an Oigh ro-naoimh, Mhàthair na dòruinn.

O Mhoir' Oigh, a Mhàthair Dhé, is martair gaoil 'us dòruinn thu le 'bhi fianaiseach air péin 'us dòruinn Iosa: cho-aontaich thu ann an deagh-obair mo shaoraidh le d' dhòruinn gun àirimh, agus le 'Aona-ghin Mhic, d' Aona-ghin Mhic fhéin, a thairgse suas do'n Athair shìorruith na 'làn-lòbairt agus na 'thobhartas trècaire air son mo pheacannan. 'Tha mi 'toirt tainge dhut air son a' ghaoil gun chrìch leis an do chuir thu de d' dhìth toradh do

chuim, fìor dhuine agus fìor Dhia, gu mise, am peacach, a shàbhaladh. D'eadar-ghuidhe a gheabh éisdeachd 'an còmhnaidh, cuir suas ris a' Mhac 's ris an Athair, los mo dhroch-chleachdanan a leasachadh gu bunailteach, air chor 's nach bi mi le ciontan as ùr ag céusadh mo Shlànaire gràdhaich; agus le buanachadh na 'ghràsan gu uair mo bhàis, gu'm buannaichd mi a' bheatha shiorruith as leth a phàise 's a bhàis dhòruinnich air a' chrois.

Tri Beannachaidh Moire.

Dianamaid ùrnaigh.

O Thighearna, Iosa Chrìosta, a dhùich crann na croise aig an t-siathamh uair agus a dhòirt d'Fhuil phrìseil air son mathanas pheacannan: tha sinn gu h-umblaidh ag guidhe ort gu'n deonaicheadh tu dhuinn 'an deaghaidh ar bàis dol gu sòlasach a stigh air geataichean fhathanas.

O Thighearna Iosa Chrìosta, guidhimid ort, an Oigh bheannaichte do Mhàthair a chaidh claidheamh dòruinn romh 'h-anam ro-naomh aig uair do phàise, a bhi ri eadarghuidhe ri d' thròcair air ar son a nise 's aig uair ar bàis. As do leth-sa, Iosa Chrìosta, a Shlànaire an t-saoghail, a tha beò 's a' rian maille ris an Athair 's ris an Spiorad Naomh, fad shaoghal nan saoghal. Amen.

SLIGHE NA CROISE.

(VIA CRUCIS.)

Mìneachadh.

1. RIABH bho linn ar Slànair bha e mar chleachd aig Crìostaidhnean dol as gach cèarna de'n domhan air thurus-cràbhaidh a shealltainn nan ceart àiteachan 's an d'fhuilig Crìost' a Phàis. Leanadh air sin bho àm gu h-àm gus an do chuir na h-ana-creidich fòpa-fhéin Talamh-a'-Ghealltanais. Mu'n àm sin chaidh tòiseachadh air *Slighe na Croise's*: 's na h-eaglaisean.

2. Tha Slighe na Croise 'rìochdachadh slighe ar Slànair bho thigh Philait, far an deach a dhìteadh, gu mullach Chalbhari, far an deach a chéusadh; agus bho sin thun na h-uaghadh 's an deach a thasgadh 'an deaghaidh a bhàis. Tha i air a roinn na 'ceithir chinn-uidhe dhiag ris an abrar Stadan; agus aig gach Stad tha crois de dh-fhiodh, 'us dealbh a tha 'rìochdachadh roinn de'n Phàis.

3. Cha'n 'eil laghadh-eaglais a bhuilich Pàp riabh air son dol air thurus-cràbhaidh do dh-Ierusalem ('s gun teagamh bu làn-laghaidh móran dhiubh), nach fhaod neach sa bith a théid gu h-ìomchuidh romh Shlighe na Croise ann an staid an fhìor-aithreachais, a chosnadh dha-fhéin 's do na marbh-chreidich, agus sin leis-fhéin no 'n cuideachda feadhnach eile.

4. 'An àm dol tre Shlighe na Croise bheirear fonear gu'm féumar, gus na laghaidh-eaglais a chosnadh, (1) Dol thun gach cinn-uidhe fos-leth; ach mur bi sin goireasach a thaobh dòmhladais sluaigh, no aobhar eile, fógnaidh do neach far am bi e, 'aghaidh a thionndadh ris a' chrois a th' aig gach Stad; (2) Meórachadh car ùine a réir a chomais, air Pàis ar Slànair. Cha'n 'eil ùrnaigh shònraichte sa bith riatanach; air a shon sin thàthas a' moladh a' chràbhaidh a leanas, no a leithid eile.

Seòladh.

1. *'Ad aonar.* Dian gnìomh aithreachais; cuir romhad na laghaidh-eaglais a tha'n cois a' chràbhaidh so, ach aon làn-laghaidh dhut fhéin, ma thogras tu, a bhuannachd air son nam marbh-chreideach. Toisich aig taobh an t-soisgeil 's rach bhò Stad gu Stad a' meòrachadh car ùine a réir do chomais air Pàis ar Slànair.

2. *Le cuideachda.* An uair a théid an sagart air a ghlùn air bialaobh na h-altrach rach-sa air do ghlùn cuideachd dian an gnìomh aithreachais: cuir romhad na laghaidh-eaglais a chosnadh; an uair a dh'éireas esan éirich thusa 's rach leis bhò Stad gu Stad mar gu'm biodh thu leat fhéin. Aig 'Adoramus' lùb air do ghlùn deas; seas aig léughadh a' mheòrachaidh; 'an sin rach air do ghlùn gu 'Fois gu'n robh aig anmannan nam marbh-chreideach.' Is tric gu'n seinnear ceithreamh de'n 'Stabat Mater' a' dol eadar gach Stad.

Cràbhaidh.

Their an sagart 's e fhéin 's na cléirich air an glùn air bialaobh na h-altrach:

O IOSA, 'Shlànair ghràsoir, seall sinne ga'r n-àmhhlachadh sìos 'ad làthair a ghuidhe tròc-
aire dhuinn fhéin 's do dh-anmannan nam marbh-
chreideach. Deònaich toradh uile-luachmhor do Phàise, air am beil sinn 's an uair a' dol a mheòr-
achadh, a chàramh ri 'r n-anam; agus mar a
ghabhas sinn slighe nan diar 's na dòrwinne so, gu'n
taisich bròn 'us aithreachas ar cridhe, air chor 's
gu'm bi sinn làn-leagte ri croisean, ri diachbainnean,
's ri trioblaidean na beatha so 'ghlacail le aoibh-
neas agus le àmhhlach.

V. Fosglaidh Tusa, a Thighearna, mo bhial.

R. Agus bheir mo theanga cliù dhut.

V. A Dhia, thig gu m' chòmhnaidh.

R. A Thighearna greas gu m' chuideachadh.

V. Glòir do'n Athair, agus do'n Mhac, agus do'n Spiorad Naomh.

R. Mar a bhà, 's mar a thà, 's mar a bhitheas,
fad shaoghal nan saoghal Amen.

I STAD.

Iosa air a dhèteadh gu bàs.

V. Tha sinn a 'toirt aoraidh dhut, a Chrìosta, agus tha sinn a' toirt cliù dhut.

R. A chionn le d' chrois naoinh gu'n do shaor thu an saoghal.

'An deaghaidh toibheum a thoirt dha 'an tigh Chaphais, agus fàinid a dhì-namh air 'an tigh Héroid, tha Iosa air a tharrainn 'an làthair Philait : a dhruim air a réubadh le sgiùrsadh, 's e air a chrùnadh le crùn dreighinn ; agus esan a bheir, air an latha dheireannach, breth air bheò 's air mhairbh air a dhèteadh e-fhéin gu bàs maslach.

Is ann air ar son-ne 'dh'fhuilig thu, O Iosa bheannaichte ; is ann air son ar peacan an a chaidh do dhèteadh gu bàs. O deònaich dhuinn fuath agus gràin a bhi againn orra bho ghrùnd ar cridhe ; agus leis an aithreachas sin gu'm faigh sinn bhuat tròcair agus mathanas.

Gnòmh Aithreachais.

[’An deaghaidh gach stad.]

O DHIA, tha sinn a’ toirt gaoil dhut le ’r n-uile chridhe, agus os cionn gach nì, agus tha fìor-dhuilichinn òirnn gu’n do chuir sinn rabh mòthlachd ort. O deònaich dhuinn nach cuir sinn ri ’r beò tuille mòthlachd ort, ’s gu’m b’e ar sòlas do thoil naomh a dhianamh anns gach nì.

Ar n-Athair. Fàilte dhut. Glòir do’n Athair.

V. Bi trècaireach ruinn, O Thighearna.

R. Bi trècaireach ruinn.

V. Fois gu’n robh aig anmannan nam marbh-chreideach tromh iochd Dhé.

R. Amen.

A Mhàthair naomh, càirich gu domhainn air mo chridhe lotan an ’Ti a chaidh a chéusadh.

[Mar so cuirear chrìoch air gach stad.]

II. STAD.

Iosa ’gabhail na croise ais a ghnaillnean.

V. Tha sinn a’ toirt aoraidh dhut, &c.

R. A chionn le d’ chrois, &c.

Chaidh crois throm a chàradh air gnaillnean créuchdach Iosa. Ghabh e i le ciùne, ’s ghiùlan e i le aoibhneas, a chionn gu’m b’i am miadhon a roghnaich e gus an saoghal a shaoradh.

O Iosa, deònaich dhòmhsa, le feart na croise, cridhe caomh, ciùin, grádhach mar a bh’ agadsa. Thoir dhomh diachainnean ’us trioblaidean na

beatha so a ghiùlan le misnich 's le ùmhlachd :
miagh 'us dèigh a bhi agam air na croisean a thig
'am rathad, agus an naomhachadh.

Gnìomh aithreachais, &c. (slios 219.)

A Mhàthair naomh, &c. (slios 219.)

III. STAD.

Iosa 'tuiteam fo'n chrois a' chiad uair.

V. Tha sinn a' toirt aoraidh dhut, &c.

R. A chionn le d' chrois, &c.

Air a chromadh sìos fo chudthrom na croise, tha Iosa le céum airtealach ag gabhail na slighe gu Calbhari, 'am measg sluaigh gun bhàigh 's iad a' fanaid 's a' magadh air. An spàirn a dh'fhuilig e 's a' ghàradh chlaoidh i 'neart; e na 'phiantach le buillean 's le lotan; thréig a thredir e; thuit e air làr fo'n chrois!

O Iosa, bho'n is ann air son ar peacannan a ghiùlain thu eallach throm na croise, 's a thuit thu air làr fo 'cudthrom, thoireadh smaoineachadh air d'fhulangas òirnn a bhi faicilleach agus ar cumail bho thuiteam 's a' pheacadh.

Gnìomh aithreachais, &c. (slios 219.)

IV. STAD.

Iosa 's a mhàthair a' tachairt.

V. Tha sinn a' toirt aoraidh dhut, &c.

R. A chionn le d' chrois, &c.

Ag giùlan na croise 's e air a leòn as ùr leis an tuiteam, tha Iosa 'cumail air 'aghart air an t-slighe. Tha e-fhéin 's a Mhàthair naomh a' tachairt. Nach b'i sin a' choinneamh mhuladach ga rìreamh! Cridhe tlàth Moire ga 'bhristeadh ri faicinn dìol déisneach a Mic rùnaich 's i gun seòl aic' air furtach air; 's erid e naomh Iosa ga 'chràdh gu goirt le truas ri 'Mhathair bhrònaich.

O Iosa, as leth an truais a bh'agad ri d' Mhàthair naomh 's an àm sin, gabh truas ruinne, 's thoir còir dhuinn air a 'h-eadarghuidhe. O Mhoire, a Mhàthair na dòruinne, dian eadarghuidhe air ar son, los, as leth fulangas do Mhic, gu'n teasraigear sinn bho'n fheirg ri tighinn.

Gnìomh aithreachais, &c. (slios 219.)

V. STAD.

A' chrois air a càradh air Sìmon Chiréne.

V. Tha sinn a' toirt aoraidh dhut, &c.

R. A chionn le d' chrois &c.

Leis mar a thréig a neart Iosa, 's nach b'urrainn dha ach gann dol air 'aghart, rug na saighdearan air Sìmon Chiréne, 's thug iad air a' chrois a ghiùlan. Thaisich feart na croise sin a chridhe, air chor 's 'an àite dhi 'bhi na 'h-obair aindeoinich leis, gur h-ann a bha i leis na 'h-onair agus na 'sòlas.

O Iosa, deònaich urram a chur òirpne le d' chrois a thoirt dhuinn ri ghiùlan; uaill na biodh

òirnn ach aisde-se; leatha biodh an saoghal air a chéusadh dhuinn agus sinne do'n t-saoghal. A chaidh na biodh sgàth òirnn romh fhulangas; 'an àite sin thoir dhuinn gur ann a bhios aighir òirnn airson a bhi aoidh air fulang air do shon-sa.

Gnìomh aithreachais, &c. (slios 219).

VI. STAD.

Veronica 'tiormachadh aodainn Iosa.

V. Tha sinn a' toirt aoraidh dhut, &c.

R. A chionn le d' chrois, &c.

Mar a bha Iosa 'cumail air 'aghart 's e 'sruthadh le fallus a' bhàis, le truas ris, ghabh boirionnach àraidh romh 'n t-sluagh, agus thiormaich i 'aodunn le nèapaiginn. Mar dhuais air son a caoinhneis, dh'fhàg esan gu mìorailteach Ìomhaigh 'aoduinn dhiadhaidh air an nèapaiginn.

O Iosa, deònaich gu'n dian smaoineachadh air d'fhulangas ar taiseachadh le spiorad cràiteach, 's fuath agus gràin a thoirt dhuinn air ar peacannan, agus ar cridhe 'lasadh le barrachd gaoil dhutsa. Deònaich d'Ìomhaigh a chàranh air ar n-ìntinn, gus an atharraichear sinn gu d' choltas fhéin.

Gnìomh aithreachais, &c. (slios 219.)

VII. STAD.

Iosa 'tuiteam fo'n chrois an dàrna h-uair.

V. Tha sinn a' toirt aoraidh dhut, &c.

R. A chiunn le d' chrois, &c.

Le cràdh nan lot, 's le 'bhi sìor-chall fala 's gach céum, thréig a neart Iosa 'rithist, agus thuit e ri làr fo'n chrois an dàrna h-uair.

O Iosa, thuit thu 'rithist ri làr fo eallach ar peacannan, 's ro-mhiad d'fhulangais air an son; O, cho ro-mhinig 's a chràidh sinn do chridhe naomh le 'r n-ath-thuiteam cho tric 's a' pheacadh O, thoir dhuinn gu'm b'fhearr leinn am bàs fhéin fhuilg na mìothlachd a chur tuille ort

Gnìomh aithreachais, &c. (slios 219.)



VIII. STAD.

Na mnathan naomh ag caoidh air son ar Slanair.

V. Tha sinn a' toirt aoraidh dhut, &c.

R. A chionn le d' chrois, &c.

Ri faicinn fulangas Iosa, ghabh mnathan àraid a bha 's a' chuideachda a' leithid de thruas ris 's gu'n do thòisich iad air gal 'us caoidh gu follaiseach air a shon. Ach, le fios a bhi aig Iosa mar a dh'eir-eadh do dh-Ierùsalem a thaobh cùl a chur ris-fhéin, thionndaidh e riutha 's thuirt e: “A nigheanan Ierùsalem, na bithibh ag gal air mo shon-sa, ach guilibh air ur son-fhéin; air son ur sliochd.”

O Iosa, tha sinne 's bithidh sinn tuille a' caoidh gu cràiteach air do shon-sa 's air son-fhéin; air son d'fhulangais agus air son ar peacannan a bu choireach ris. O, ionnsaich dhuinn a bhi cràiteach air sheòl 's gu'm faigh sinn comhfhurtachd, 's gu'n seachainn sinn am breitheanas uamhasach sin a tha 'feitheamh orrasan a chuireas cùl riut no 'ni dearmad ort 's a' bheatha so.

Gnìomh aithreachais &c. (slios 228.)

IX. STAD.

Iosa 'tuiteam fo'n chrois an treas uair.

I. Tha sinn a' toirt aoraidh dbut, &c.

R. A chionn le d' chrois, &c.

Bha Iosa 'nise gu 'bhi air mullach Chàlbhari, ach mu'n d'ràinig e tur an t-àite 's an robhas a' dol g'a chéusadh, thréig a neart a rithist e, 's thuit e ri làr fo 'n chrois an treas uair; ach tharraig na saigh earan an-ìochdor suas e, agus ghreas iad gu brùideil air 'aghart e.

O Iosa, as leth toillteanas an treas tuitim ro-phiantail so, tha sinn ag guidhe ort mathanas a thoirt dhuinn na 'r tuiteam cho tric 's na peacannan ciadna, agus na 'r leantainn cho buan orra; agus deònaich dhuinn gu'n dian smaoineachadh air d'fhulangas gràin na's mutha 's na's mutha 'thoirt dhuinn air ar peacannan.

Gnìomh aithreachais, &c. (slios 228.)

X. STAD.

Aodach Iosa ga spìonadh dheth.

V. Tha sinn a' toirt aoraidh dhut, &c.

R. A chionn le d' chrois, &c.

Ràinig iad mu dheireadh ionad na h-lobairte 's dh'ullaich iad gu Iosa chéusadh. Spìon iad 'aodach de 'cholainn chréuchdaich, agus bha Naomh nan naomh rùisgte 's na 'bhall-bùirt aig gràisg gun athadh, gun iochd.

O Iosa, is ann air son ar peacannan maslach a dh'fhuilig thu'n tàmailte so. Guidhimid ort gu'n spìonadh tu dhinn gach nàire as ar dleasnas, 's gach pròis 'us àrdan, agus gu'n ùmblaicheamaid sinn-fhéin le 'i dedìn 's a' bheatha so, air sheòl 's gu'n seachainn sinn nàire shìorruith 's an ath shaoghal.

Gnìomh aithreachais, &c. (slios 219.)

XI. STAD.

Iosa 'ga thàirneachadh ris a' chrois.

V. Tha sinn a' toirt aoraidh, &c.

R. A chionn le d' chrois, &c.

Leig iada' chrois a nis air làr, agus chaidh Iosa 'ruighe air a leaba bhàis. A lamhan 's a chasan créuchdach thairg e fos-leth dh'a Athair air nèamh 'an éiric ar peacannan, agus do na sàighdearan an-ìochdor gu'n tàirneachadh ris a' chrann gun tlus. Bhuaileadh na builleann; bhrùchd an fhuil a mach.

O Iosa, a thàirneachadh ris a' chrois, fasdaidh ar eridhe ris a' chrann-chéusaidh air sheòl 's gu'm bi e 'an tàthadh riutsa gu bràch gus an foir an t-éug a' bhuille-bàis dhuinn, 's leis an ospaig dheir-eannaich gu'n liubhair sinn dhut ar n-anmannan.

Gnìomh aithreachais, &c. (slios 219.)

XII. STAD.

Iosa 'bàsachadh air a' chrois.

V. Tha sinn a' toirt aoraidh dhut, &c.

R. A chionn le d' chrois, &c.

Trì uairean a dh-ùine thug Iosa 'n crochadh air na tàirnean; 'fhuil phrìseil a' sruthadh sìos le 'chlainn, 's a' braonadh air làr; agus cràiteach 's mar a bha 'fhulangas, thug e mathanas dh'a luchd-céusaidh, gheall e pàrras do 'n mhèirleach, agus chuir e 'Mhàthair bheannaichte fhéin 's a dheisciobul ionmhuinn fo chùram a chéile. Bha 'h-uile nì 'nise crìochnaichte; agus gu ciùin ag cromadh sìos a chinn, thug e suas an deò.

O Iosa, le faoilte naomh glacaidh sinn a' chrois urramach sin air 'na dhearbhu thu gus am bàs fhéin do ghaol dhuinn. Anns a' bhàs sin tha sinn ag cur ar n-uile-dhòchais. A so suas deònaich ar eridhe 'bhi daonnan 'an geall ort; agus an uair a's crìoch dhuinn, faigheamaid bàs a' toirt gaoil dhutsa, agus eadar do ghlaicibh naomh.

Gnìomh aithreachais, &c. (slios 219.)

XIII. STAD.

Iosa 'ga chur 'an uchd a mhàthair naomhe.

V. Tha sinn a' toirt aoraidh dhut, &c.

R. A chionn le d' chrois naomh, &c.

Dh'fhàg co-thional an t-sluaigh mullach Chal bhari; cha d'fhuirich ach an deisciobul ionmhuinn 's na mnathan naomh. Dh'fhan iadsan aig bonn na Croise 'fiachainn ri furtachd a thoirt na'trom-mhulad do Mhàthair dhubh-bhrònach Iosa. Thug Ioseph Arimathèa agus Nicodémus a nuas bhàrr na croise corp a Mic dhiadhaidh agus chuir iad na 'h-uchd e.

O thusa a bha do bhròn gun tombas mar chuan gun chrìch, a Mhoire 'Mhàthair Dhé, deònaich dhuinn cuibhrionn de d' bhròn air son fulangas do Mhic, agus biodh iochd agad ri 'r laigse. Dian cloinn dhut-fhéin dhinn maille ris an deisciobul ionmhuinn. Dearbh thu-fhéin 'ad Mhàthair dhuinn; agus as do leth gu'm b'e 'thoil-san a dheònaich a bhi na 'mbac dhut, éisdeachd ri 'r n-ùrnaigh.

Gnìomh aithreachais, &c. (slios 249.)

XIV. STAD.

Iosa 'ga chàradh 's an uaigh.

Thug na deisciobuil corp a Mic ghràdhaich á uchd a mhàthar, agus chàirì h iad 's an uaigh e. Tha'n uaigh air a dùnadh, 's a' chlainn fuar marbh 'an tasgaidh innte gu uair a h-aiseirigh glòrmhoir.

Théid sinne cuideachd sìos do'n uaigh, O Thigh-earna, an uair a's àill leatsa, mar is àill, agus far an àill leat. Do thoil naomh gu'n robh diante; tilleadh ar collainnean peacach do'n ùir us an d' thàinig iad, ach a Dhia na mòr-thròcair, gabhsa greim de 'r n-anmannan neo-bhàsmhor: agus an uair a dh'éireas ar collainnean a rithist bho na mairbh, gabh iadsan cuideachd a stigh do d' righ-eachd far an toir sinn gaol, onair, agus clù dhut fad na sìorrachd. Amen.

Gnìomh aithreachais, &c. (slios 219.)

Co-dhùnadh.

V. Dh'ùmhlaich Crìosta e-fhéin air ar son gu bàs.

R. 'S eadh bàs na croise.

Dianamaid ùrnaigh.

Seall a nuas, tha sinn ag guidhe ort, O Thigh-earna, òirne do theaghlach: air son nach d' ath Iosa Crìosta ar Tighearna e-fhéin a liubhairt 'an lamhan a naimhdean, agus pian na crois' fhulang. A tha beò, etc.

AN FHUIL PHRÌSEIL.

GNIOMHANNAN TAIRGSE.

- i. 300 latha laghaidh gach uair a ghabhar iad.
- ii. Làn-laghaidh uair 's a' mhìos air na cùmhnantan gnàthaichte.

I. 'Athair shìorruith! tha mi 'tairgsinn dhut

'oillteanas Fuil Phrìseil Iosa, do mhac ionmhuinn, mo Shlànair agus mo Dhia, air son lionsgaradh agus àrdachadh mo chaomh Mhàthar d' Eaglais Naomh, air son tiarainteachd agus deagh-shoirbheas dh'a ceannard air talamh ar n-Ard-bhuachaille Easbuig na Ròimhe; air son nan Cardinalan, nan easbuigean, nam pearsachan-eaglais, agus na clèire gu h-iomlan. *Glòir do'n Athair, &c.*

Beannachadh 'us cliù gu sìorruith do Iosa a shàbhail le 'Fhuil sinn.

II. 'Athair shìorruith! tha mi 'tairgsinn dhut toillteanas Fuil Phrìseil Iosa, do Mhac ionmhuinn, mo Shlànair agus mo Dhia, air son sìth agus fìor-chòrdadh a chur eadar rìghrean agus phrionnsaichean Caitliceach, air son naimhdean ar Creidimh Naoimh a smachdachadh, agus air son leas gach sluagh Chrìostail. *Glòir do'n Athair.*

Beannachadh 'us cliù, &c.

III. 'Athair Shìorruith! tha mi 'tairgsinn dhut toillteanas Fuil Phrìseil Iosa, do Mhac ionmhuinn, mo Shlànair agus mo Dhia, air son aithreachas do na h-ana-creidich, cur as do eiriceachd, agus air son peacaich a thionndadh. *Glòir do'n Athair, &c.*

Beannachadh 'us cliù, &c.

IV. 'Athair shìorruith! tha mi 'tairgsinn dhut toillteanas Fuil Phrìseil Iosa do Mhac ionmhuinn, mo Shlànair agus mo Dhia, air son m' uile chàirdean m' uile dhùlsean, agus m' uile naimhdean; air son nam bochd, nan easlainteach, agus nan deòiridh;

agus air son gach duine a's fios dutsa, mo Dhia, a's còir dhomh guidhe air an son, no a b'àill leat mi 'ghuidhe air an son. *Glòir do'n Athair, &c.*

Beannachadh 'us cliù, &c.

V. 'Athair shìorruith! tha mi 'tairgsinu dhut toillteanas Fuil Phrìseil Iosa do Mhac ionmhuinn, mo Shlànaire agus mo Dhia, air son gach aon a chaochla's an diugh; gu'n teasraigeadh tu iad bho phéin ifrinne agus gu'u leigeadh tu stigh gu luath iad gu seilbh air do ghlòir. *Glòir do'n Athair, &c.*

Beannachadh 'us cliù, &c.

VI. Athair shìorruith! tha mi 'tairgsinn dhut toillteanas Fuil Phrìseil Iosa, do Mhac ionmhuinn, mo Shlànaire agus mo Dhia, air son gach aon aig am beil gaol air an ionmhas mhór so, air an son-san a tha 'cur leamsa a' toirt aoraidh agus urrainn dhi, agus air son gach aon a tha 'fiachainn ri cràbhadh dhi a sgaoileadh. *Glòir do'n Athair, &c.*

Beannachadh 'us cliù, &c.

VII. 'Athair Shìorruith! tha mi 'tairgsinn dhut toillteanas Fuil Phrìseil Iosa, do Mhac ionmhuinn, mo Shlànaire agus mo Dhia, air so m' uile uireasbhuidh, spioradail agus corporra, air son nan annamannan Naomh a tha 'm Purgadair, gu h-àraid air son na feadhnaich a bu deòthasaiche 'an gaol air an Fhuil so, prìs ar sàbhalaich, agus air bròn 'us péin ar caomh mhàthar, Moire ro naomh. *Glòir do'n Athair, &c.*

Beannachadh 'us cliù, &c.

Gloir do Fhuil Iosa, nis agus gu sìorruith, agus fad linn nan linntean.

ACHANAICH.

100 latha laghaidh gach uair a ghabhar i.

'Athair Shìorruith! tha mi 'tairgsinn dhut Fuil Phrìseil Iosa ann an éiric mo pheacannan, agus air son uireasbhuidh d' Eaglais Naoimhe.

SALTAIR IOSA.

THA Saltair Iosa na 'thrì earrannan, agus còig iarrtas anns gach earrainn. Tha ainm glòrmhor Iosa ga 'luaidh deich uairean romh gach iartas, agus mar sin ciad gu leth uair 's an iomlan. Faodar an Saltair so a ghabhail còmhla no na 'thrì earrannan, a réir ùine agus cràbhaidh.

"Cha'n 'eil ainm air bith eile fo nèamh air a thoirt do dhaoine leis am faod sinn a bhi sàbhaille."—Gnìomh iv. 12.

I. EARRANN.

Tòisich le cromadh a thoirt air do cheann no le d' ghlùn a lùbadh ri luaidh no cluinntinn ainm Iosa, ag ràdh:—

"Lùbadh ann an ainm Iosa a h-uile glùn dhiùbhsan, a tha air nèamh, air talamh 's fo'n talamh; agus aidich-eadh a h-uile teanga gu'm beil an Tighearna Iosa Crìosta ann an glòir Dhé an t-Athair."—Phil. ii. 10, 11.

A' chiad iartas.

Iosa, Iosa, Iosa,	} Dian tràdeair orm.
Iosa, Iosa, Iosa,	
Iosa, Iosa, Iosa,	

IOSA, dian trècair orm. O Dhia an iochd, agus math dhomh mo chiontan lìonmhor agus trom, anns an do thuit mi 'ad làthair.

Is iomad aimideachd a rinn mi ri m' là, agus is mór na truaighean a th' ill mi le m' mhì-thaingeachd.

Dian trècair orm, 'Iosa chaoimh, oir tha mi lag; slànaich mi 's mi gun chomas mi-fhein a chòmhnadh.

Teasraig mi bho m' chridhe a leagail air gin de d' chréutairean air dhòigh a dh'fhaodas mo shùilean a thionndadh bho 'bhi sìor-shealltainn suas riutsa.

Thoir gràsan domh gu gràin a thoirt tuille do'n pheacadh, as leth do ghaoil; agus le fìor spéis dhut, gu gach faoineis shaoghalta a chur suarach.

* Dian trècair air na peacaich uile, O Iosa, tha mi 'guidhe ort; tionndaidh an dubhailcean gu subhailcean; thoir orra do lagh a chumail mar is còir, agus gaol fìrinneach a thoirt dhut, agus thoir iad gu sonas 'an glòir shìorruith. Guidhim ort, cuideachd, trècair a dhianamh air na h-anmannan a tha'm purgadair, air sgàth do phàise dòruinnich, agus d' ainme glòrmhoir Iosa.

A Thrìanaid bheannaichte, aon Dhia shìorruith, dian trècair orm.

Ar n-Athair. Fàilte dhut.

An darna iarrtas.

Iosa, Iosa, Iosa,	} Cuidich mi.
Iosa, Iosa, Iosa,	
Iosa, Iosa, Iosa,	

Iosa, cuidich mi gu buaidh a chosnadh air gach buaireadh gu peacachadh, agus air droch-rùn mo nàmhaid spioradail.

Cuidich mi gu m' ùine a chur seachad ri gnìomh-anan subhailceach, agus a leithid de dh-oibrichean 's a bhios taitneach leat.

A chur 'an agbaidh 's a chòsnachadh tograidh-nean na feòla gu leisg spioradail, craos, agus neòghloine.

Gus mo chridhe a bhi 'n déigh air subhailcean, 's gus a lasadh le déigh air do làthaireachd ghlòrmhoir.

Cuidich mi gu deagh-ainm a thoilltinn 's a ghleidheadh le caith-amh-beatha sìtheil agus diadhaidh; gu onoir dhutsa, 'Iosa, gu combhfhurtachd dhomh fhein, agus gu leas an atharraich.

* Dian trècair, &c. (slios 241.)

An treas iarrtas.

Iosa, Iosa, Iosa,	} Neartaich mi.
Iosa, Iosa, Iosa,	
Iosa, Iosa, Iosa,	

Iosa, neartaich m' anam agus mo cholaibh gus do thoileachadh le 'leithid de bheartan math a chur 'an gnìomh 's a thoilleas dhomh mo thoirt gu d' aoibhneas agus do shonas sìorruith.

Thoir rùn làidir dhomh, a Shlànair thrècairich, gus mo chaitheamh-beatha a leasachadh, agus gu dìoladh-fiach a dhianamh air son nam bliadhnaichean a chaidh tharam.

Na bliadhnaichean a mhì-bhuilich mi' cur mìghean ortsa le smaointean, briathran, no gnìomhannan faoin no peacach, no le droch-cleachdadh.

Dian mo chridhe umhailte do d' thoil, agus ullamh, air ràdh do ghaoil, gu uile oibrichean corporra na tròcaire a chur 'an gnìomh.

Builich orm thìodhlaicean an Spioraid Naoimh, gus, le deagh chaitheamh-beatha 's le tighinn tric 'an coinneamh nan sàcramaidean naomh, mo thoirt mu dheireadh do d' rìgheachd nèamhaidh.

* Dian tròcair, &c. (slios 241.)

An ceathramh iartas.

Iosa, Iosa, Iosa, 1

Iosa, Iosa, Iosa, 1 Furtaich orm.

Iosa, Iosa, Iosa, 1

Iosa, furtaich orm, agus thoir gràsan domh gu m' àrd, m' aon aobhneas agus shonas a chur annad.

Cuir meòrachadh nèamhaidh orm, mìlseachd spòradail, agus dian-dhéigh air do ghlòir; lìon m' anam le smaointean air fàthanas, far am bi mi gu sìorruith ag còmhnaidh leatsa.

Uraich tric 'am chuimhne do mhathas gun àir-
imh, do thìodhlaicean, agus gach caoimhneas a dh' fhiach thu dhomh.

Agus an uair a chuireas tu 'n cuimhne dhomh cuimhneachan muladhach mo pheacannan, leis an do chuir mi cho mì-thaingeil ort mìothlachd, furtaich orm le cinnte gu'm faigh mi do ghràsan le spiorad an thìor-aithreachais, ag glanadh bhuam

mo chiontan, agus ga m' uidheamachadh air son do rìgheachd.

* Dian tròcair, &c. (slios 241.)

An coigeamh iarrtas.

Iosa, Iosa, Iosa, }
 Iosa, Iosa, Iosa, } Dian stéidheil mi.
 Iosa, Iosa, Iosa, }

Iosa, dian stéidheil mi 'an creideamh, 'an dòchas agus 'an carrantachd, le bunailteas 'an uile shubh-ailecan, agus le rùn gun mhìothlachd a chur ort.

Gun dianadh cuimhne do phàise, agus nam piantan dòruinneach a dh' fhuilig thu air mo shon, m' fhoighidinn a chumail rium agus furtachd a thoirt domh anns gach trioblaid agus anshocair.

Thoir orm greim teann a dhianamh air uile theagasg d' Eaglais Naoimhe Caithlicieh, agus a bhi gu dìchiollach, tric a' dol gu m' dhleasnas.

Na dalladh toileachas feallsa an t-saoghail mheallta so mi; na tugadh buaireadh na feòla, no ceilg an deomhain snaoidheadh air mo chridhe:

Mo chridhe a chuir gu sìorruith 'fhois annadsa, agus a tha 'cur roimhe cùl a chur ris gach nì air son do dhuaise sìorruith-sa.

* Dian tròcair, &c. (slios 241.)

"Dh' islich ar Tighearna Iosa Criosta e-fhéin a' strìochdadh gu h-iriosal gu bàs, 'seadh gu bàs na croise."—Phil ii, 8.

Eisd ri m' iarrtais so, O Shlànair ro-thròcairich, agus thoir gràsan domh gu'n iarraidh gu tric, 's an meòrachadh, los gu'n tionndaidh iad gu 'bhi

na'n céumannan furasda air an dìrich m' anam gu eòlas, gaol, agus dianamh mo dhleasnais dhutsa agus do m' choimhearsnach fad mo bheatha.

Ar n-Athair. Fàilte dhut. A' chréud.

AN DARNA H-EARRANN.

*Tòisich mar's a' chiad carrainn (slios 240) ag ràdh:—
 “Lùbadh ann an ainm Iosa,” &c.*

An siathamh iarrtas.

Iosa, Iosa, Iosa, } Soilleirich mi le spiorad a'
 Iosa, Iosa, Iosa, } ghliocais.
 Iosa, Iosa, Iosa, }

Iosa, soilleirich mi le spiorad a' ghliocais gu eòlas fhaighinn air do mhathas agus air gach nì a's ro-thaitneach leat.

Thoir dhomh làn-thuigse air mo mhath spioradail, agus c'all gus mo chaitheamh-beatha 'rian d' a réir.

Deònaich dhomh gluasad gu ciallach bho shubhailce gu subhailce, gus, mu dheireadh, am buannaichd mi làthaireachd shoilleir do Mhòrachd glòrmhoir.

Na leig leam, a Thighearna mo ghràidh, tilleadh ris na peacannan a rinn mi bròn-cridhe air an son, agus tho'n do ghlan mi mi-fhéin le aithreachais agus le faoisid.

Thoir gràsan domh gu 'bhi gu féum do'n atharach le m' dheagh-ghìulan 's le deagh-chomhairle, gus an tionndaidh mi ris an aithreachas an fheadhainn a rinn éucoir orm.

* Dian tròcair, &c, (slios 241).

An seachdamh iarrtas.

Iosa, Iosa, Iosa, }
 Iosa, Iosa, Iosa, } Thoir gràsan domh gu bli
 Iosa, Iosa, Iosa, \ 'n eagal romhad.

Iosa, thoir gràsan domh gus mo chridhe a bhi 'n eagal romhad, agus gus gach fàth a dh' fhaodadh mìthlachd a chur ort, a sheachnadh.

Thugas do bhagradh nam pian a thuiteas air peacaich, agus eagal do ghaol agus oighreachd nèamh a chall, mo chumail 'am fiamh romhad.

Na gabham de dhànadas fuireach 's a' pheacadh, ach grad-ghairm orm gu aithreachas; air eagal 's le d' chorruich gu'n tuit orm breitheanas eagalach bàis agus dìtidh shìorruith.

Gu'n robh eadar-ghuidhe chumhachdach do Mhàthar beannaichte, agus nan naomh uile, ach os cionn gach nì, do thoillteannas agus do thrèair, O mo Shlàinair, daonnan eadar do cheartas diùghailteach agus m' anam truagh.

Thoir neart dhomh, O mo Dhia gus mo shàbhailadh oibreachadh le fiamh 's le ball-chrith; agus dianadh eagal do bhreitheanais naomh na's irisle 's na's dùrachdaiche mi 'am achanaich aig cathair nan gràs.

* Dian trèair, &c. (slios 241.)

An t-ochdamh iarrtas.

Iosa, Iosa, Iosa, }
 Iosa, Iosa, Iosa, } Thoir gràsan domh gu fìor-
 Iosa, Iosa, Iosa, \ ghaol a thoirt dhut

Iosa, thoir gràsan domh gu fìor-ghaol a thoirt

dhut air son do mhathais gun àirimh, agus gach tobhartas mór a fhuair mi bhuat, agus a tha dòchas agam a bhi 'faotainn bhuat a chaoidh.

Thugadh cuimhne do chaoimhneis agus d' fhaighidinn buaidh air droch-mhèinn agus droch-fhàgalaichean mo nàduir choirbte.

Deonaich smaointean air thu ga m' shaoradh cho tric, agus ga m' ghairm cho minig, agus do shìor-dhìon 'an rathad na beatha, ma chur fo nàire air son mo mhì-thaingeachd.

Agus ciod a tha thu 'g iarraidh orm air son d' uile thrèaire, no leotha, ach gaol a thoirt dhut; agus c'arson sin, ach gur tu m' uile mhath.

O mo Thighearna caomh, cha bhi tuille mo bheatha ach sìor-iarraidh a d' ionnsuidh; agus bho'n a tha fìor-ghaol agam ort, cumaidh mi gu ro-chùramach d' fhàintean.

*Dian trèair, &c. (slios 241).

An naoidheamh iarrtas.

Iosa, Iosa, Iosa, } thoir gràsan domh gus mo bhàs
Iosa, Iosa, Iosa, } a chumail 'am chuimhne.
Iosa, Iosa, Iosa, }

Iosa thoir gràsan domh gus mo bhàs a chumail daonnan 'am chuimhne, agus an cùntas tróm a th' agam, ri thoirt seachad; los mar sin le 'bhi daonnan uidheamaichte gu'm fàg mi an saoghal 'ad dheagh-ghean.

'An sin le eadar-ghuidhe naoimh do Mhàthar beannaichte agus le còmhnaidh Naomh Mìchiel glòrmhor, teasraig mi bho nàmhaid m'amna; agus

'Aingil choimhridh, guidhim ort-sa, mo chobhair 'a an uair ghàbhaidh sin.

'An sin, Iosa ghaoil cuimhnich air do thròcair, agus na tionndaidh do ghnùis ghaolach air falbh bhuan a thaobh mo chiontan.

Dian mo thiarnadh fa chomhair gàbhadh na h-uarach sin le toirt orm bàsachadh gach latha do gach nì talmhaidh, agus mar sin mo chòmhradh a bhi daonnan 'am flathanas.

Teagaisgeadh cuimhne do bhàis dhomh mar a thig dhomh mùigh a chur 'am bheatha; agus cuimhne air d'aiseirigh thugadh misneach dhomh gu dol sìos gu h-inntinneach do'n uaigh.

Dian tròcair, &c. (slios 241).

An deicheadh iartras.

Iosa, Iosa, Iosa, }	Thoir dhomh mo Phurgadair air talamh.
Iosa, Iosa, Iosa. }	
Iosa, Iosa, Iosa, }	

Iosa. thoir dhomh mo Phurgadair air talamh, agus mar sin cuir seachad orm dòruinn an teine sin, a tha 's an ath-shaoghal a' feitheamh nan anmannan nach deachaidh a làn-ghlanadh 's a' beatha so

Leag orm croisean agus diachainnean an iochd sin a tha thu 'faicinn riatanach gu m' aigne a sgaradh bho gach nì talmhaidh.

Bho nach fhaicear thu le gin 'g am beil gaol air nì sa bith ach air do shon-sa, na leig fois do m' anam a bhos, ach a' sìor-iarraidh a d' dléigh.

Mo thruaighe 's fìor chràiteach acain an anma a

th' air a sgaradh bhuat-sa, a tha 'n dèigh gun chomas tighinn a d' ionnsaidh agus slabhraidh anntrom a' pheacaidh ga' chumail air 'ais.

Uime sin, O mo Shlànaire, thoir dhomh m' anamianan a shìor-chlaoidh 's a' bheatha so; los le 'bhi làn-ghlan le teine do ghaoil-sa, gu'm faod mi dol dìreach á so do ghlòir fhathanas.

*Dian tròcair, &c. (agus crìochnaich mar air slìos 241).

III. EARRANN.

Tòisich mar 's chiad earrainn (slìos 231) ag ràdh :—

“ Lùbadh ann an ainm Iosa,” &c.

An t-aon varrtas diag.

Iosa, Iosa, Iosa,	} thoir gràsan domh gu droch-cuideachd a sheachnadh.
Iosa, Iosa, Iosa,	
Iosa, Iosa, Iosa,	

Iosa, thoir gràsan domh gu droch-cuideachd a sheachnadh; no ma thuiteas dhomh dol na 'measg, guidhim ort, as leth luaidheachd do ghiùlain fhìorghloin 'am measg pheacach, mo theasraiginn bho ghèilleadh do bhuaireadh peacaidh-bhàis.

O Thighearna bheannaichte, thoir orm cuimhneachadh daonnan le fiamh gu'm beil thusa 's an làthair agus 's an èisdeachd, thusa a thagras cùnn-tas oirnn na'r n-uile bhriathran 's na'r n-uile dhianadas, agus a bheir breith oirnn dh' an réir.

Ciamar, ma ta, a tha de ladarnas agam, bruidhir n ri luchd-sgainneil, ri briagairean, ri mìsgearan, no riutha-san a tha 'n cainnt aona chuid buaireasach, no salach, no diamhain?

Iosa ghaoil, smachdaich annam uile thogradh mì-riaghailteach na feòla, agus ana-measarrachd; agus thoir gràsan domh gu comunn na feadhnaich a dh'fhaoiladh teine nam miannan mì-riaghailteach sin a dhùsgadh, a sheachnadh.

Biodh do chumhaich ga m' dhìon, do ghliocas ga m' sheòladh, d' iochd caomh ga m' smachdachadh, 's a' toirt orm mo bheatha 'chaitheamh 'am measg dhaoine, air dhèigh 's gu'n toill mi 'bhi ionchuidh air co-chomunn a chumail ris na h-ainglean air nèamh.

*Dian trècair, &c. (slios 241).

An darna iarrtas diag.

Iosa, Iosa, Iosa, } thoir gràsan domh gu gairm ort
Iosa, Iosa, Iosa, } air son cuideachaidh.
Iosa, Iosa, Iosa, }

Iosa, thoir gràsan domh anns gach teinn gu gairm ort air son cuideachadh, 'cuimhneaceaidh bho m' chridhe air do bhàs agus air d' aiseirigh air mo shon.

An dùin-sa do chluas ri mo ghlaodh, thusa 'dheònaich do bheatha 'leigeil sìos am éiric? no, nach urrainn dut-sa mo shàbhaladh, a dheònaich a togail suas a rithist gu crùn domh?

O Iosa, co a th'agam air nèamh ach thusa, a thuirte le d' bhilean beannaichte fhéin: “Gairm ormsa 'an latha do thrioblaid agus fuasglaidh mi ort.”

Is tu carraig chinnteach mo dhìdinn 'an aghaidh gach nàmhaid; is tu mo dheas-ghràsan murrach air mo neartachadh gus gach deagh ghnìomh.

Uime sin, anns gach fulangas, laigse, 's buair-eadh, gairmidh mi ort-sa gu h-earbsach; O, Iosa, éisd rium, 's 'n uair a dh' éisdeas, dian tròcair.

*Dian tròcair, &c. (slios 241).

An treas iarrtas diag.

Iosa, Iosa, Iosa,	}	thoir bunailteas dhomh 'an subhailcean.
Iosa, Iosa, Iosa,		
Iosa, Iosa, Iosa,		

Iosa, thoir bunailteas dhomh 'an subhailcean, agus 'an deagh chaitheamh-beatha, agus thoir orm gun do sheirbhis fhàgail a chaidh gus an toir thu gu m' dhuais mi 'èd rìgheachd.

Anns gach deagh-chleachdadh agus dleasnas naomh, ann am oibrichean riatanach agus laghail, O Thighearna, lean air neartachadh mo chuirp agus m' anma.

Ciod a tha 'm bheatha ach cuairt air talamh air an t-slighe do Fhlathanas, ionad nach ruig a chaidh esan a shuidheas, no 'shnaoidheas as a ghabhail.

O Iosa thoir orm do shamhladh beannichte a lhi daonnan 'am aire, a liuthad acain chràiteach agus beag-thoileachas a ghreas gu d' bhàs dòruinneach thu air d' uidhe gu d' aiseirigh ghlòrmhoir.

O mo shlànair, thoir dhomh beachd cudromach a ghabhail air do bhrìathran gàbhaidh: “ 's e am fear a bhuan-sheasas gus a chrìoch a bhios sàbhailte.”

*Dian tròcair &c. (slios 241).

An ceathramh iarrtas diag.

Iosa, Iosa, Iosa, } Thoir gràsan domh gu m' ìnn-
 Iosa, Iosa, Iosa, } tinn a shuidheachadh ort.
 Iosa, Iosa, Iosa, }

Iosa, thoir gràsan domh gu m' ìntinn a shuidheachadh ort, gu h-àraidh an àm na h-àrnaigh, an uair a bhios romham labhairt riut aghaidh ri aghaidh.

Smaachdaich seachran m' ìntinn agus iarraidh mo chridhe; cuir srian ri cumbachd mo naimhdean spioradail, a dh'fhaodadh 's an àm sin m' ìntinn a tharrainn bho ghnothaichean fhilathanais, gu smaointean 'us meanmna-bréige.

Mar sin chì mi thu le sòlas 'us taingeachachd, mar m'fhear-saoraidh bho gach olc a sheachainn mi, agus mar thobhartair gach math a fhuair mi, no is ion domh dùil a bhi agam ris.

Chithear dhomh gur tusa fhéin m' aona mhath; agus nach 'eil anns gach nì eile ach miadhonan òrd-aichte leat-sa gu m' ìntinn a shuidheachadh ort, agus toirt orm barrachd gaoil a thoirt dut, agus a bhi sona gu sìorruith.

O annsachd m' anma, tàlaidh riut m' uile smaointean a bhos, los gu'n toill mi d' fhaicinn aghaidh ri aghaidh na d' ghlòir gu sìorruith.

*Dian tròcair, &c. (slios 241).

An coigeamh iarrtas diag

Iosa, Iosa, Iosa, } Thoir gràsan domh gus mo
 Iosa, Iosa, Iosa, } bheatha 'chur air rian gu m'
 Iosa, Iosa, Iosa, } leas sìorruith.

Iosa, thoir gràsan domh gus mo bheatha 'chur air

rian gu m' leas sìorruith, gu uile dhianadas mo chuirp agus m'anma òrdachadh le dùrachd 's a shònrachadh le céill, a bhuannachd duais do shonais neo-chrìochnaich agus do shòlais sìorruith.

A chionn cìod e an saoghal so ach sgoil a dh'eil-eineachadh anmannan, agus gu'n uidheamachadh air son an ath-shaoghail? Agus ciamar eile 'theid an uidheamachadh ach le 'bhi gu dian 'an geall air Dia, an aona chrìoch, a mhealtainn.

O Iosa, brist mo spiorad dìorasach; dian iriseal agus uahailte e; thoir gràsan domh gus a bheatha so fhàgail le fuath air an t-saoghal, agus le dòchas sòlasch dol a d' ionnsaidh 's an ath-shaoghal.

Thugadh cuimhne do phàise orm gach trioblaid fhulang gu deònach air an t-saoghal so air son do ghaoil-sa; 's m' anam 'an geall air a' bheatha shona sin, 's a' ghlòir sìorruith, a dh'òrdaich thu air nèamh mu choinneamh do sheirbhiseach.

O Iosa, thugas dhomh a thoirt gu tric agus gu dùrachdach fonear, ge b'e nì 'choisneas mi ma chailleas mi thusa gu'm beil gach nì dhomh cailte; agus ge b'e nì 'chailleas mi, ma choisneas mi thusa, gu'u coisinn mi gach nì.

*Dian tràcair, &c. (slios 241).

CRABHADH DO'N SPIORAD NAOMH.

LEADAN AN SPIORAID NAOIMH.

A THIGHEARNA, dian tràcair òirn.

A Chrìosta, dian tràcair òirn.

A Thighearna, dian tràcair òirn.

A Chrìosta, éisd ruinn.

A Chrìosta, gu gràsor éisd ruinn.
 A Dhia Athair nam flaitheas, *dian tròcair òirnn.*
 A Dhia Mhic, Fhìr-saoraidh an t-saoghail,
 A Dhia Spioraid Naoimh,
 A Thrìanaid naomh, aon Dia,
 A Spioraid Naoimh, a tha 'tighinn bho'n
 Athair agus bho'n Mhac,
 A Spioraid Naoimh, a tha co-ionann ris an
 Athair agus ris a' Mhac,
 A Gheallaidh an Athar, uile-ghràdhach 's uil'-
 fhialaidh,
 A Thiodhlaic an Dé a's àirde,
 A Ghath-soluis nèamhaidh,
 'Ughdair gach math,
 'Fhuarain an uisge bheò,
 A Theine chaithtich,
 'Ungaid Spioradail,
 A Spioraid na fìrinn agus na eumhachd,
 A Spioraid a' ghliocais agus na tuigse,
 A Spioraid na comhairle agus an neart,
 A Spioraid an eòlais agus na diadhalachd,
 A Spioraid eagal an Tighearna,
 A Spioraid an aithreachais agus a' pheanais,
 A Spioraid nan gràs agus na h-ùrnaigh,
 A Spioraid na carrantachd, na sìthe, 's an
 t-sòlais,
 A Spioraid na faighidinn, an fhad-flulangais
 agus a' mhathais,
 A Spioraid na stuamachd, na measarrachd, agus
 na geimneachd,
 A Spioraid uchd-mhacachd clann Dhé,

Dian tròcair òirnn.

Dian tròcair òirnn.

Dian t'òcar' òirnn.

A Spioraid Naoimh, a Chomh-fhurtair,
 A Spioraid Naoimh, a Naomhaicheir,
 A ghluais an tùs os cionn nan uisgeachan,
 A ghluais gu labhairt daoine naomh Dhé,
 A chuir sgàile air Mcire,
 A cho-oibrich 'an gineadh mòrailteach Mhic Dhé,
 A theirinn air aig a bhaisteadh,
 A chunnacas air Didònaich Caingis 'an coltas
 theangannan-teine 'tighinn air na h-Ostail,
 Leis am beil sinne air ar n-ath bhreth,
 A tha 'gabhail comhnaidh annainn,
 A tha 'riaghladh na h-Eaglais,
 A tha 'lìonadh an t-saoghail uile,
 A 'Spioraid Naoimh *Deònaich éisdeachd ruinn.*
 Gu'm b'e do thoil aghaidh an talmhainn ath-
 nuadhachadh,
 Gu'm b'e do thoil do sholus a dhòrtadh a nuas
 na 'r cridheachan,
 Gu'm b'e do thoil do lagh a sgrìbheadh air ar
 cridheachan,
 Gu'm b'e do thoil an lasadh le teine do ghaoil,
 Gu'm b'e do thoil ionmhas do ghràs fhosgladh
 dhuinn,
 Gu'm b'e do thoil ionnsachadh dhuinn an iarraidh
 a réir do thoile,
 Gu'm b'e do thoil ar soilleireachadh le d' ghràsan
 nèamhaidh,
 Gu'm b'e do thoil ar cumail riut-fhéin le d' thà-
 ladh cumbachdach,
 Gu'm b'e do thoil an t-aon eòlas riatarach a
 bhuileachadh oirnn,

Deònaich éisdeachd ruinn.

Gu'n b'è do thoil ar còmhadh gu gaol a thoirt
dh'a chéile 's gu cur suas le 'chéile,

Gu'm b'è do thoil ar treòrachadh air slighe d'
fhàintean,

Gu'm b'è do thoil ar dianamh umbailte do d'
ghràsan.

Gu'm b'è do thoil ar n-ionnsachadh air ùrnaigh,
's thu-fhéin a bhi 'g urnaigh 's an taobh-
stigh dhinn,

Gu'm b'è do thoil ar sgeadachadh le gaol 's le
iochd ri 'r bràithrean,

Gu'm b'è do thoil oillt a chur unnainn romh 'n
ole,

Gu'm b'è do thoil ar seòladh 'an cleachdadh a'
mhath,

Gu'm b'è do thoil gràsan nan uile shubhailcean
a thoirt dhuinn,

Gu'm b'è do thoil toirt òirnn buanachadh 'an
staid a' cheartais,

Gu'm b'è do thoil thu-fhéin a bhi 'd dhuais
shiorruith dhuinn,

'Uain Dhé a tha 'toirt air falbh peacannan an
t-saogtail,

Builich òirnn do Spiorad.

'Uain Dhé a tha 'toirt air falbh peacannan an
t-saoghal,

Dòirt a nuas do Spiorad Naomh òirnn.

'Uain Dhé a tha 'toirt air falbh peacannan an
t-saoghal,

Thoir dhuinn Spiorad na sìthe.

Deònaich éisteachd ruinn.

A Spioraid Naoimh, éisd ruinn.

A Spioraid Naoimh, gu gràsor éisd ruinn.

A Thighearna dian tròcair òirn.

A Chrìosta, dian tròcair òirn.

A Thighearna, dian tròcair òirn.

V. Cruthaich cridhe glan annainn, a Dhia.

R. Agus spiorad ceart ath-nuadhaich na 'r còm.

Dianamaid ùrnaigh.

O ATHAIR thrècairich, dednaich gu'n dian do Spioraid diadhaidh ar cridheachan a shoilleir-eachadh, a lasadh, agus a ghlanadh; los drùghadh òirn le 'dhriùchd nèamhaidh, agus ar dianamh pailt an deagh oibrichean. Tromh Iosa Crìosta ar Tighearna. Amen.

Gairm.

TUIRLING a nuss, a Spioraid Naoimh, bho d' chathair àillidh le mìn-bhraon do ghràs. Thusa, O Athair nam bochd, thusa, O Ughdair mhathasaich ar stòrais, teirinn a nuas agus fadaidh teine do ghaoil na'r cridheachan. Bho'n is tu am fìor chomh-fhurtair, bho'n is tu caraid tlàth an anna, agus ceann-uidhe gach fìr-thuruis, thig a nuas. Bhuat-sa gheabh sinn sìth ann an trioblaid 's an anshocair; lasachadh anns gach cruaidh-chàs; agus comhfhurtachd ann an dòbhròn. O Sholuis naoimh, béum do ghathan air na cridheachan a tha le creideamh ag iarraidh a ' ionnsaidh. As d' éugais cha'n 'eil math 's an duine, cha'n eil nì dha neo-lochdach. O Thighearna, glan bhuainn gach

smal peacaidh; maothaich na tha tioram; slànaich na tha easlainteach; taisich na tha rag na'r n-anam; blàthaich gach nì a tha fuar na'r eridhe-achan, agus till gach céum seachranach. O Thigh-earna, deònaich do na creiblich a tha 'g earbsa á d'fhacal, do Spiorad seachd fillte; deònaich dhuinn fad ar beatha a bhi umhail do d' ghràsan; deònaich dhuinn 'an àm ar bàis do ghnùis fhaicinn, agus a' bheatha shìorruith a shealbhachadh Amen.

VENI CREATOR SPIRITUS.

O THIG a nuas, a Spioraid Naoimh,
A shealltainn annannan do ghaoil,
'Us lìon ar crìdh' le d' ghràsan caomh,
A Chruthadair a' chinne-dhaond'.

'S tu ar Comh-fhurtair 's gach càs,
'S tu gíbht ro-naomh an Dé a's àird',
'S tu 'm fuaran beò, an teine, 'n gràdh,
'Us ùngaid spioradail an àigh.

Tha do thìodhlaicean seachd-fillt,
Miar deas-làmh Dhé thu 'thriath gach nì,
'S tu gealladh 'n Athar naoimh le cìinnt',
Bhuat-sa thig deas-labhairt cinn.

O las le d' sholus ar céud-fàith,
'Us taom a nuas na'r crìdh' do ghràdh,
Cùm ri 'r nàdur lag do làmh,
'Us thoir dhuinn neart, 'us feart, 'us càil.

Ur naimhdean fuadaich fada bhuainn,
 'Us builich òirnn do shìth gu buan,
 Bì ad iùl dhuinn fad ar euairt,
 'S gu'n seachainn sinn gach béud 'us truaigh.'

Deònaich dhuinne eòlas fìor
 Air an Athair 'us air Crìost',
 'S annad 'fhéin 'tha bhuap' 'ad Dhia,
 Creideamaid a nis 's gu sìor.

Glòir gu'n robh gu sìor gun tàmh,
 Do'n Athair, 'us do Mhac a ghràidh,
 A rinn an aiseirigh bho'n bhás,
 'Us dhuts', a Chomh-fhurtair nan gràs.

ACHANAICH AIR SON SEACHD TÌODHLAICEAN AN SPIORAID NAOIMH.

I.

Thig, a Spioraid Naoimh,
 Agus cuir a nuas tìodhlaicean
 Nèamhaidh do ghràs.

THIG, O Spioraid a' *Ghliocais!* Teagaisg mo
 chridhe air chor 's gu'm bì tùr agam meas
 agus gael a thoirt do bheannachdan fhilathanais,
 agus an roghnachadh thair gach nì talmhaidh.
 Seòl dhomh cuideachd an dòigh air am buannaichd
 's am meal mi iad gu sìorruidh.

Ar n-Athair, &c.

II.

Thig, a Spioraid Naoimh, &c.

Thig, a Spioraid *na Taise!* Soilleirich m' inntinn air chor 's gu'n faic 's gu'n glac mi uile mhistirean an t-sàbhalaidh, 's mu dheireadh gu'n toill mi 'ad sholus-sa an solus sìorruith fhaicinn, 's ruigsinn air làn eòlas Ort-sa, 's air an Athair 's air a' Mhac.

Ar n-Athair, &c.

III.

Thig, a Spioraid Naoimh, &c.

Thig, a Spioraid *na Comhairle!* Bi maille rium ann an uile ghnathaichean na beatha diomaine so, aom mo chridhe ris a' mhath, agus gléidh e bho'n ole, agus dian iùl dhomh air slighe dhìrich d'fhàintean gu ceann-uidhe an t-sàbhalaidh sìorruith air am beil mi 'n tì.

Ar n-Athair, &c.

IV.

Thig, a Spioraid Naoimh, &c.

Thig, a Spioraid *an Neart!* Thoir neart do m' chridhe anns gach trioblaid, 's anns gach cruaidh-hàs, 's thoir spionnadh dhomh 'an aghaidh droch-ionnsaidh mo nàmhaid, air eagal 's le buaidh a thoirm, gu'n sgarar mi bhuat-sa, a Dhia 's gur tu m' ard-mhath.

Ar n-Athair, &c.

V.

Thig, a Spioraid Naoimh, &c.

Thig, a Spioraid *an Eòlais!* Deònaich dhomh gnothaichean diomain an t-saoghail so agus am faoineachd a thuigsinn 's a chur suarach, agus gun fhéum eile 'dhianamh dhiùbh, ach gu d' ghlòir-sa mhàin 's gu m' shàbhaladh fhéin; agus gu'n dian mi roghainn air do dhuaisean sìorruith-sa thairis air gach nì talmhaidh

Ar n-Athair, &c.

VI.

Thig, a Spioraid Naoimh, &c.

Thig, a Spioraid *na Diadhalachd!* Gluais mo chridhe gu fìor-dhiadhalachd agus gu gaol naomh mo Thighearna Dia, los a bhi daonnan 'g a shìreadh na m' uile chràbhadh, agus a bhi air mo shuaim ris le fìor ghaol.

Ar n-Athair, &c.

VII

Thig, a Spioraid Naoimh, &c.

Thig, a Spioraid *Eagail an Tighearna!* Lìon m' fhèidil le d' eagal, los thusa mo 'Thighearna Dia a chumail daonnan 'am làthair, agus gu'n seachainn mi gu cùramach gach nì a dh'fhaodas a bhi mì-thaitneach 'an sùilean uile-ghlan do Mhòrachd diadhaidh.

Ar n-Athair, &c.

V. A Spioraid Naoinh, thig agus lìon cridheachan do chreideach.

R. Agus las anna teine do ghaoil.

Dianamail urnaigh.

Tha sinn ag achanaich ort, a Thighearna, gu'n dòirteadh tu gu tràcaireach na 'r cridheachan, do Spiorad Naomh a dhealbha le 'ghliocas sinn, agus a tha le 'fhreasdal ga'r riaghladh. Tromh, &c.

V. Còmhnaidh Dhé gu'n robh daonnan maille ruinn.

R. Amen.

CRÀBHADH DO'N OIGH BHEANNAICHTE MOIRE.

LEADAN MOIRE.

300 latha laghaidh.

Sub tuum præsidium
confugimus, sancta Dei
Genitrix, nostras depre-
cationes ne despicias in
necessitatibus nostris; sed
a periculis cunctis libera
nos semper, Virgoloriosa
et benedicta.

Kyrie eleison.

Christe, eleison.

Kyrie eleison.

Christe audi nos.

Tha sinn a' ruith fo d'
dhìon, a Mhàthair naomh
Dhé. na diùlt ar n-iarrtas
'an àm ar féuma; ach saor
sinn daonnan bhio gach
cunnart, 'Oigh ghlòrmhor
agus bheannaichte.

A Thighearna, dian tràcair
oirnn.

A Chriosta, dian tràcair
oirnn.

A Thighearna, dian tràcair
oirnn.

A Chriosta, éisd ruinn.

Christe exaudi nos.

Pater de cœlis Deus,

Fili Redemptor mundi
Deus,

Spiritus Sancte Deus,

Sancta Trinitas, unus
Deus,Sancta Maria, *Ora pro
nobis.*

Sancta Dei Genitrix,

Sancta Virgo virginum,

Mater Christi,
Mater divinæ gratiæ,Mater purissima,
Mater castissima,

Mater inviolata,

Mater intemerata,
Mater amabilis,

Mater admirabilis,

Mater Creatoris,

Mater Salvatoris,
Virgo prudentissima,
Virgo veneranda,
Virgo prædicanda,
Virgo potens,

Virgo clemens,

*Miserere nobis.**Ora pro nobis.*A Chriosta, gu gràsor éisd
ruinn.A Dhia Athair nam
flathas,A Dhia Mhic, Fhir-
shaoraidh an t-sao-
ghail,A Dhia Spioraid
Naويمh.A Thrionaid Naomh,
aon Dhia.A Naويمh Mhoire,
*Guidh air ar son.*A Mhàthair naomh
Dhé,'Oigh naomh nan òigh-
ean,

A Mhàthair Chriosta,

A Mhàthair nan gràsan
diadhaidh,

A Mhàthair ro-ghlan,

A Mhàthair ro-gheim-
nidh,A Mhàthair gun truail-
leadh,

A Mhàthair gun smal,

A Mhàthair ro-ghràdh-
ach,A Mhàthair ro-iongan-
tach,A Mhàthair ar Crutha-
dair,

A Mhàthair ar Slànair,

'Oigh ro-ghlic,

'Oigh ro-mheasail,

'Oigh ro-chliùiteach,

'Oigh ro-chumhachd-
ach,

'Oigh ro-thròcaireach,

*Dian tròcair
oimh.**Guidh air ar son.*

Virgo fidelis,
Speculum justitiæ
Sedes sapientiæ,
Causa nostræ lætitiæ,

Vas spirituale,
Vas honorabile,
Vas insigne devotionis,

Rosa mystica,
Turris Davidica,
Turris eburnea,
Domus àurea,
Fœderis arca,
Janua cœli,
Stella matutina,
Salus infirmorum.

Refugium peccatorum,

Consolatrix afflictorum, *Ora pro nobis.*

Auxilium Christianorum,

Regina Angelorum

Regina Patriarcharum,

Regina Prophetarum,

Regina Apostolorum,

Regina Martyrum,

Regina Confessorum,

Regina Virginum,

Regina Sanctorum omnium,

'Oigh ro-dhileas,
A Sgàthain a' cheartais,
'Arois a' ghliocais,
A Chinn-aobhair ar sò-
lais,

A Shaghaich spioradail,
A Shaghaich urramaich,
A Shaghaich ro-chràbh-
ach,

A Ròis dhìomhair,
A Thùir Dhàbhaidh,
A Thùir ìbhrìdh,
A Ghrianain òir,
'Airc a' chùmhnan,
A Dhoruis fhathanas,
A Réul na maidne,

A Shlàinte nan easlaint-
each,

A Dhèidin nam peac-
ach,

A Chobhair nan deòir-
idh,

A Thaice nan Crìosta-
idhnean,

A Bhànuinn nan Ain-
geal,

A Bhànuinn nan Aith-
richean-naomh,

A Bhànuinn nam
Fàidhean,

A Bhànuinn nan Ostal,

A Bhànuinn nam mair-
tirean,

A Bhànuinn nan Aid-
mheileach,

A Bhànuinn nan Oigh-
can,

A Bhànuinn nan
Naomh uile,

Guidh air ar son.

Regina sine labe origi-
nali concepta,
Regina scratissimi Ro-
sarii,
Agnus Dei, qui tollis pec-
cata mundi,

Parce nobis, Domine.

Agnus Dei, qui tollis pec-
cata mundi,

Exaudi nos, Domine.

Agnus Dei, qui tollis pec-
cata mundi.

Miserere nobis.

Christe audi nos.

Christe exaudi nos.

Sub tuum præsidium
confugimus, sancta Dei
Genitrix, nostras deprecæ-
tiones ne despicias in
necessitatibus nostris; sed
a periculis cunctis libera
nos semper, Virgo gloriosa
et benedicta.

*V. Ora pro nobis, sancta
Dei Genitrix.*

*R. Ut digni efficiamur
promissionibus Christi.*

Oremus.

GRATIAM tuam quæsu-
mus Domine, mentibus
nostris infunde; ut qui,
angelo nuntiante Christi

A Bhànrùinn a ghin-
eadh gun pheacadh,
A Bhànrùinn na conair
ro-naoimh,

'Uain Dhé, a tha 'toirt air
falbh peacannan an t-
saoghail,

*Dian fathamas ruinn, O
Thighearna.*

'Uain Dhé, a tha 'toirt air
falbh peacannan an t-
saoghail,

*Gu gràsor éisd ruinn, O
Thighearna.*

'Uain Dhé, a tha 'toirt air
falbh peacannan an t-
saoghail,

Dian tròcair oirnn.

A Chrìosta, éisd ruinn.

*A Chrìosta, gu gràsor éisd
ruinn.*

Tha sinn a' ruith fo d'
dhìon, a Mhàthair naomh
Dhé, na diùlt ar n-iarrtas
'an àm ar féuma; ach saor
sinn daonnan bho gach
cunnart, 'Oigh ghlòrmhor
agus bheannaichte.

*V. Guidh air ar son, a
Mhàthair naomh Dhé.*

*R. Los gu'n toill sinn
gealladh Chrìosta.*

Dianamaid ùrnaigh.

Dòirt, a Thighearna, tha
sinn ag guidhe ort, do
ghràsan na'r cridheachan,
air chor 's gu'm faod sinne

Filii tui incarnationem cognovimus, per passionem ejus et crucem ad resurrectionis gloriam perducamur. Per eundem Christum Dominum nostrum.

R. Amen.

V. Divinum auxilium maneat semper nobis cum.

R. Amen.

a fhuair fios air daondachd do Mhic Iosa Criosta, le teachdaireachd aingil, ruigheachd, as leth a phàise agus a chroise, air glòir 'aiseirigh. Tromh Chrìosta ciadna ar Tigh-earna.

R. Amen.

V. Còmhnaidh Dhé gu'n robh daonuan maille ruinn.

R. Amen.

CONAIR MOIRE.

Tha'n cràbhadh so air a roinn na 'thrì earrannan; tha còig rùn dhìomhair anns a' h-uil' earrainn: aon Phaidir, deich Beannachaidh Moire anns a' h-uile rùn dìomhair, 's ag crìochnachadh le Glòir do'n Athair, maille ri ùrnaigh; a' tighinn mar sin gu còig rùn dhìomhair dhiag, còig Paidrichean diag, còig diag Glòir do'n Athair, còig ùrnaighean diag, 's ciad gu leth Beannachaidh Moire. Faodar an Cràbhadh so a dhianamh air aon tarraim, no air trì chuairtean le neach na 'aonar, no le luchd-fregaist dha.


A' CHONAIR-PHAIRTEACH.

Tha 'a' chonair-phàirteach' air a dianamh-suas de chuideachdan anns an beil 's gach aon diubh, ceithir pearsacha diag 'us ceannard. Tha gach cuideachda ag gabhail os làimh 'Conair-Moire' a ghabhail uile eatorra aon uair 's an latha. Uair 's a' mhìos gheabh an ceannard do'n chuideachda cairtean air an beil rùintean-dìomhair fos leth de Chonair-Moire. Na cairtean so tàirnidh iad eatorra: gach neach fad a' mhìos ag gabhail an rùn a thig air. A neach air an tìga' *chiad* rùn, their e *Créud, Paidir, 's trì Beannachaidh-Moire, a thuilleadh air càch.*

Laghaidh.

2. (1) 100 latha air son aon rùn-dìomhair fhéin de'n chonair a ghabhail. (2) 7 bliadhna 's seachd carghuis air son a ghabhail Didònaich 's Làithean-féille, &c.

ii. (1) Làin-laghaidh a' chiad là féille an deigh ar gabhail a stigh. (2) Là Nolaig, Là na bliadhn'-ùire, Là nan Trì Rìghrean, Là Càsga, Diordaoin Deasghabhail, Diordaoin Corp Chrìosta, Didònaich Caingis, Didònaich na Trianaid uilenaoimh, Féilltean na h-Oighe Moire, Là Pheadair 'us Phòil Là Samhna, 's air an treas Dònach de'n mhìos.

'An ainm an Athar , agus a' Mhic, agus an Spioraid Naoimh. Amen.

V. Fàilte dhut, a Mhoire, tha thu làn de na gràsan tha an Tighearna maille riut.

R. Is beannaichte thu 'measg nam mnà agus is beannaichte toradh do bhronn, Iosa.

V. Fosglaidh tusa, a Thighearna, mo bhial.

R. Agus bheir mo theanga cliù dhut.

V. Dian cobhair orm, O Dhia.

R. A Thighearna, greas gu m' chuideachadh.

Glòir do'n Athair, agus do'n Mhac, agus do'n Spiorad Naomh.

Mar a bhà, 's mar a thà, 's mar a bhitheas fad shaoghal nan saoghal. Amen.

A' Chiad Earrann.

Na còig Rùin Eibhinn, *ri ghabhail a' h-uile* Diluain 's Diardaoin; Didònaich 's an Aidbhen, agus 'an déigh Là nan trì Rìghrean gu Carghus.

I. Teachdaireachd an Aingil.

SMAOINICHEAMAID anns an rùn dhlomhair so gu'n do chuir an t-Aingal Gabriel fàilt air an Oigh

bheannaichte leis na briathran so, *Tha thu làn de na gràsan*: agus gu'n d' innis e dhi gu'n robh ar Tighearna Iosa Crìosta 'dol a ghabhail coluinn daonda.

Ar n-Athair a tha air néamh, &c., *aon uair*.

Fàilte dhut, a Mhoire, &c., *deich uairean*.

Glòir do'n Athair, &c., *aon uair*.

Dianamaid ùrnaigh.

A NAOMH Mhoire, a Bhànrùinn nan Oighean, as leth daondachd do Mhic ionmhuinn ar Tighearna Iosa Crìosta, a thàinig gus ar sàbhaladh thoir dhuinne, le brìgh d' aehanaich, soilleireachadh ceart air na gràsan móra sin a thog sinn gus an ardaibhe 'bhi na'r bràithrean aig do Mhac diadhaidh, agus thusa 'bhi dhuinn 'ad Mhàthair. Amen.

II. *Turas Moire gu 'bhanacharaid Ban-naomh Ealasaid.*

SMAOINICHEAMAID anns an rùn dhìomhair so gu'n deach an Oigh bheannaichte Moire, 's i air cluinn-tinn bho'n Aingeal gu'n do ghabh a banacharaid Ban-naomh Ealasaid slìoehd, air a h-aghart gu luath gu beanntan Iudèa a dh-amharc oirre, agus gu'n d'fhuirich i còmhla rithe trì mìosan.

Ar n-Athair, &c.

Dianamaid ùrnaigh.

O MHATHAIR bheannaichte, a sgàthain ghlain na h-ùmhilachd, as leth na blàth-charrantachd a thug a choimhead do bhanacharaid Ban-naomh Ealasaid thu, thugas dhuinn le feartan d' eadar-

ghuidhe, gu'm bi ar eridheachan air an lionadh le gràsan do Mhic naomh cho pailt, agus gu'm bi sinn air ar glanadh bho'n a' b-uile peacadh, agus gu'n toir sinn cliù agus taing dha fad na sìorrachd. Amen.

III. *Breith Iosa ann am Bethlehem.*

SMAOINICHEAMAIÐ anns an rùn dhìomhair so gu'n d'rug an Oigh bheannaichte Moire 's an àm fhreagarrach dhi, ar Slànair Iosa Crìosta mu mhiadhonoidheche, agus gu'n do chuir i anns a' phrasaich e, a thaobh 's nach robh àite dha 's na tighean.

Ar n-Athair, &c.

Dianamaid ùrnaigh.

O MHATHAIR a's gloine, as leth d' aiseid mhaighdeannail gun bhéud, leis an d' thug thu solus do'n t-saoghal le d' Mhac, ar Slànair Iosa Crìosta; coisinn dhuinn, tha sinn ag achanaich ort, le feartan d' eadarghuidhe, na gràsan sin a bheir neart agus treòir dhuinn gu caitheamh-beatha cho naomh, agus cho diadhaidh a leautuinn air talamh, gu'm bi e na'r comas a bhi 'seinn a latha 's a dhoidheche trècair do Mhic agus a thìodhlaicean. Amen.

IV. *Iosa air a thairgsinn 's an Tèampull.*

SMAOINICHEAMAIÐ anns an rùn dhìomhair so gu'n do thairg an Oigh bheannaichte Moire, air latha a glanaidh a réir an lagha, an leanabh naomh Iosa anns an tèampull; far an d' thug Naomh Simeon

taing do Dhia gu ro-chràbhach, 's a ghabh e air a ghàirdeann e.

Ar n-Athair, &c.

Dianamaid ùrnaigh.

O MHATHAIR bheannaichte, a sgàthain agus a bhéus na h-ùmhlaichd, a thairg 's an téampull Cruthadair an t-saoghail, faigh dhuinne le d' mhaoidhean air do Mhac gaolach, spionnadh agus càil, mar a bh'aig Simeon agus aig a bhan-flhàidh Anna, gu cliù agus moladh a thoirt dha gu sìor-ruidh. Amen.

V. Fhuaras Iosa Crìosta 's an tèampull.

SMAOINICHEAMAID anns an rùn dhìomhair so gu'n d' fhuair an Oigh bheannaichte Moire, an déigh sireadh thrì latha le bròn, a Mac gaolach, a chaill i gu neochiontach 's an tèampull, 'am miadhon nan ollamh, a' réusanachadh riutha, na 'dhà bliadhna'-diag a dh-aois.

Ar n-Athair, &c.

Dianamaid ùrnaigh.

OIGH naomh a's mutha 'dh' fhuilig na na martir-ean fhéin, 'an déigh sin a tha 'ad threise 's ad chomhfhurtachd do thruaghain; as a' mhiad 's a rinn thu dh' fhaoilteachas ri d' Mhac ionmhuinn fhaotainn 's an tèampull, 'am measg an àrd luchd-fhaoghluim a' réusanachadh riutha; faigh dhuinne bhuaith na gràsan a bheir oirnn a shireadh, agus a shealbhadh anns an Eaglais naoimh Chaitliche,

ann an dòigh 's nach téid ar sgaradh blhuithe a chaidh. Amen.

SALVE REGINA.

FAILTE dhut, a Bhànuinn, Màthair na trèaire,
ar beatha, ar sòlas. 's ar dòchas, fàilte ort.
Riutsa tha sinne, sliochd seachranach Eubha, a'
togail ar guth. Riutsa tha sinn ag osnaich, ag
caoidh 's ag acain, ann an gleann so nan diar.
Thoir. ma ta, 'iuchair nan gràs, sùil fhial òirne.
Agus 'an deaghaidh dhuinn a' chéin-thìr so 'fhàgail,
fiach dhuinn toradh beannaichte do bhronn, Iosa.
O Mhoire Oigh bhàigheil, ghràdhach, chaomh!

V. Guidh air ar son, a Mhàthair Naomh Dhé.

R. Los gu'n toill sinn gealladh Chrìosda.

Dianamaid ùrnaigh.

O DHIA, a cheannaich còir dhuinn air duais
shìorruidh le beatha, bàs, 'us, aiseirigh d' aon
Mhic ionmhuinn; thugas dhuinn a tha 'léughadh
agus a' brachdachadh air na rùn dhìomhair a tha 's
an ùrnaigh so, gu'n lean sinn an seòladh, 's gu'n
faigh sinn an gealltanais. Tromh Iosa Crìosta, ar
Tighearna. Amen.

Ann Darna Earrann.

Na cóig Rùn Dhòruinneach, ri ghabhail a' h-uile
Dimàirt's Dihaoine; agus air Didònaich 's a' Charghus.

I. *Urnaigh 'us Fallus-fala Chrìosta 's a' Ghàradh.*

SMAOINICHEAMAID anns an rùn dhìomair so, mar
a bha Iosa Crìosta ar Tighearna, fo dhòruinn cho

trom ann an gàradh Ghethsemane, 's gu'n robh fallus-fala 'fàsgadh romh choluinn naoimh, agus a' sruthadh gu frasach gu làr.

Ar n-Athair, &c.

Dianamaid ùrnaigh.

OIGH a's mutha naomhaich, a dh'fhairich dòruinn thair martair ri linn do d' Mhac a bhi 'g ùrnaigh gu cruaidh 's gu cràiteach anns a' ghàradh; deònaich dhuinn còmhnaidh d' eadar-ghuidhe, los gu'n cuir sinn ar n-ana-miannan fo shréin réusain, agus gu'n aontaich 's gu'n strìochd sinn do thoil Dhé. Amen.

II. *Sgiùrsadh Iosa aig a' phosta.*

SMAOINICHEAMAID anns an rùn dhìomhair so, gu'n deach Iosa Crìosta ar Tighearna a sgiùrsadh gu goirt aig a' phosta aig tigh Philait, a' faighinn tuilleadh 'us còig mìle stràc, a réir 's mar a chaidh a shoilleireachadh do Bhan-naomh Brìghde.

Ar n-Athair, &c.

Dianamaid ùrnaigh.

OMHATHAIR Dhé, a shamhlaidh naoimh na faighidinn, as leth a sgiùrsaidh ghoirt a dheònaich do Mhac gràdhach 'fhuilang; faigh dhuinn na gràsan a chuireas casg air mì-rian ar céudan-corporra, agus a ghearras bhuainn ceann-aobhair gach peacaidh. Amen.

III. *Crùn dreathainn air a chuir air ceann Chrìosta.*

SMAOINICHEAMAID anns an rùn dhìomhair so, mar

a ghabh an slaugh gun iochd, gun bhàigh, an dreathann gear, agus an déis fleasg a dhianamh dheth, spàrr iad e gun athadh air ceann beannaichte Iosa Crìosta ar Tighearna.

Ar n-Athair, &c.

Dianamaid ùrnaigh.

O MHATHAIR Prionnsa agus Rìgh na glòrach sìorruidh, as leth nan drisean piantail a réub ceann do Mhic ionmhuinn le mìle lot, thugas dhuinn, tha sinn ag guidhe ort, le feart d' eadarghuidhe, a bhi saor anns a' bheatha so bho uaill, agus air latha 'bhreitheanais bho nàire a' pheacaidh Amen.

IV. Iosa ag giùlan na Croise.

SMAGINICHEAMAID anns an run dhiombhair so gu'n do ghiùlain Iosa Crìosta ar Tighearna a' chrois, a chuireadh air a ghuaillean crèuchdach; agus gu'n d' iomraich e i cuideachd le mór fhaighidinn, air a' thruimead 's g' an robh i, 's air a' mhiad 's g' an robh a tàire.

Ar n-Athair, &c.

Dianamaid ùrnaigh.

O MHATHAIR bheannaichte, a shamhlaidh na faighidinn, as leth pian giùlan na croise le d'Mhac gaolach Iosa Crìosta ar Tighearna, agus callach 'bu truime na sin ar peacannan. coisinn le feart d'ùrnaigh misneach agus càil dhuinne gu 'chéumannan a leanailt, agus ar crois iomrachadh gu faighidneach gu deireadh ar làithean. Amen.

V. *Iosa air a chéusadh.*

SMAOINICHEAMAID anns an rùn dhìomhair so, nach luaithe a ràinig ar Slànair Iosa Crìosta beinn Chalbhari, na 'chaidh aodadh a spìonadh dheth, agus a lamhan 's a chasan naomh a thàirneachadh gu teann agus gu piantail ri fiodh na croise ann am fianuis a Mhàthar brònaich.

Ar n-Athair, &c.

Dianamaid ùrnaigh.

O MHOIRE naomh, a Mhathair Dhé, gu'm b' ann mar a bha do Mhac ionmhuinn air a ruighe air a' chrois air ar son, a bhios gach téud 'us buaidh annainn air an ruighe gu teann, ag cur a sheirbhis naomh air a h-aghart, 's ag gabhail truais ri 'dhòruinn. Gu'm b' ann mar sin a bhitheas le d'eadarghuidhe, O Mhàthair naomh, los gu'n coisinn sinn sàbhaladh sìorruidh dhuinn fhein. Amen.

Salve Regina, 's e sin, *Fàille dhut, a Bhàracainn, &c.*

An Treas Earrann.

Na còig Rùn Ghlòrhor, ri'n cantainn a' h-uile Diciadin 's Disathurna; agus air Didònaich bho Chàisg gus an Aidbhen.

I. *Aiseirigh Chrìosta.*

SMAOINICHEAMAID anns an rùn dhìomhair so, gu'n d' ìirich ar Tighearna Iosa Crìosta gu cumhachdach 's gu glòrhor air an treas latha bho bhàs gu

beatha, 's gu'm beil e á so suas os cionn gath a bhàis, 'us guin péine.

Ar n-Athair, &c.

Dianamaid ùrnaigh.

O MHOIRE ghlòrmhor, as leth d' aighir 's do shòlais ri linn Aiseirigh ghlòrmhor d' aon Mhic, coisin dhuin, tha sinn ag guidhe ort, nach bi ar cridheachan á so suas ag iarraidh gu toileachadh bréige saoghalta, ach 'an geall an còmhnuidh air aoibhneas bunailteach, buan fhathanas. Amen.

II. Deasghabhail Iosa Chrìosta.

SMAOINICHEAMAID anns an rùn dhìomhair so, gu'n deach ar Slànair Iosa Crìosta 'an ceann dà fhichead là an déis 'Aiseirigh, suas gu nèamh, air a chuairt-eachadh leis na h-Ainglean, ann an làthair a Mhàthar naomh, nan Ostal agus nan deisciobul, a bha 'g amharc air le mór-ìoghnadh.

Ar n-Athair, &c.

Dianamaid ùrnaigh.

O MHATHAIR Dhé, a chomhfhurtaehd nan uireasbh ch, gu'm b'ann mar a thog Mac do ghaoil a lamhan, agus a bheannaich e 'Ostail naomha, a thogas tusa do lamhan beannaichte ri d' Mhac as ar leth, air chor 's gu'm faigh sin mar aon beannaehd a' Mhic agus na Màthar, gu stàth dhuinn a bhos 'us thall. Amen.

III. *Tighinn an Spioraid Naomh air na h-Ostail.*

SMAOINICHEAMAD anns an rùn dhìomhair so, gu'n do chuir Iosa Crìosta, an déigh dha suidhe air làimh dheis Dhé, an Spiorad Naomh a nuas air na h-Ostail, mar a gheall e; agus iad 's an àm maille ri Moire ann an Ierùsalem ri ùrnaigh 's ri cràbhadh gu dian, a' feitheamh ri tighinn a Spioraid Naomh an Comfhurtar.

Ar n-Athair, &c.

Dianamaid ùrnaigh.

OMHATHAIR bheannaichte, a théampuill an Spioraid Naomh, coisinn dhuinne le cumhachd d' achanaich, gu'm bi sinn air ar stiùradh leis a' Chomhfhurtair sin, a thug do Mhac gaolach dh'a chuid Ostal, agus gu'm bi sin air ar treòrachadh leis air an t-slighe dhìrich do fhathanas, agus air céumannan gach subhaile 's deagh-ghnìomha. Amen.

IV. *An Oigh Bheannaichte ag gabhail seilbh 'am flathanas.*

SMAOINICHEAMAD anns an rùn dhìomhair so gu'n, deach an Oigh ghlàmhòr Moire, 'an ceann dà bhliadhn' diag 'an déigh Aiseirigh a Mic, suas do fhathanas as an t-saoghal so le urram mór agus glòir, air a cuairteachadh le feachdan Ainglean.

Ar n-Athair, &c.

Dianamaid ùrnaigh.

OIGH a' mhòr-ghliocais, a lìon, a' dol a stigh do thalla glòrmhor nam flathas, na Naoimh 's na h-Ainglean le sòlas, agus sinne le dòchas; deònaich

seasamh air ar cùl aig uair a' bhàis, air chor 's gu'n toir sinn buaidh air innleachdan, 's buairidh an droch spioraid, agus gu'm bi ar n-aiseag bho thùm gu sìorrachd làn sonais 'us aoibhneis gun chrìch. Amen.

V. *Crìnachd na h-Oighe Moire.*

SMAOINICHEAMAID anns an rùn dhìomhair so, gu'n do chuir a Mac eumhaeachdach, 'an làthair co-thional aobhach na Naomh 's nan Aingeal, crùn na glòrach a b' àilich 's a bu ghile air ceann na h-Oighe beannaichte Moire Mathàir Dhé.

Ar n-Athair, &c.

Dianamaid ùrnaigh.

O BIANRUINN nan uile Naomh, 's e ar n-ach-anaich riut, gu'n gabhadh tu bhuaime an cràbhadh so, mar fhleasg taitneach 'ad shùilean; agus thugas dhuinn bho bhrìgh d' ach-anaich, gu'm bi ar déigh air d' fhaicinn 'ad ghlòir, mar theine air a iasadh na'r eridhe cho dian, 's nach gabh e cur as, na dìocladh, gus am fiach e dhuinn do ghlòir ann am flathanas. Amen.

Salve Regina, 's e sin, *Fàilte dhut, a Bhànrainn, &c.*

LEADAN CRIDHE NAOMH MOIRE.

A THIGHEARNA, dian trècair òirnn.

A Chrìosta, dian trècair òirnn.

A Thighearna, dian trècair òirnn.

A Chrìosta, éisd ruinn.

A Chrìosta, gu gràsor éisd ruinn.

A Dhia Athair nam Flathas, *Dian trècair òirnn.*

A Dhia Mhic Fhir-shaoraidh an t-saoghail, *Dian*, &c.
 A Dhia Spioraid Naomh, *Dian*, &c.
 A Thrianaid Naomh, aon Dia, *Dian*, &c.
 A Chridhe Moire, *Guidh air ar son*.
 A Chridhe Moire, a réir Cridhe Dhé,
 A Chridhe Moire, aonte ri Cridhe Iosa,
 A Chridhe Moire, a làn-h-riaraich an Spioraid
 Naomh,
 A Chridhe Moire, 'Ionaid-naomh na Trianaide
 diadhaidh,
 A Chridhe Moire, phàillinn Dhé 'am feòil,
 A Chridhe Moire, gunsmal bho d' chruthachadh,
 A Chridhe Moire, làn de na gràsan,
 A Chridhe Moire, beannaichte 'am measg gach
 cridhe,
 A Chridhe Moire, a chathair na glòire,
 A Chridhe Moire, 'aibheis na h-irisleachd,
 A Chridhe Moire, 'lobairt-loisgte gaol Dhé,
 A Chridhe Moire, fuaighte ris a' chrois maille ri
 Crìosta céuste,
 A Chridhe Moire, a chobhair nan dediridh,
 A Chridhe Moire, a dhèidinn nam peacach,
 A Chridhe Moire, a dhòchais na feadhnach 's an
 tarrainn,
 A Chridhe Moire, a chathair na trècaire,
 'Uain Dhé a tha a' toirt air falbh peacannan an
 t-saoghail,
Dian fathamas ruinn, O Thighearna.
 'Uain Dhé a tha a' toirt air falbh peacannan an
 t-saoghail,
Gu gràsor éisid ruinn, O Thighearna.

Guidh air ar son.

'Uain Dhé a tha a' toirt air falbh peacannan an t-saoghail.

Dian tròcair òirn.

A Chrìosta, éisd ruinn.

A Chrìosta, gu grèson éisd ruinn.

V. A Mhoire Gunsmal, a tha ciùin 'us ìriseal 'an eridhe.

R. Dian ar eridhe a réir eridhe Iosa.

Dianamaid ùrnaigh.

O DHÉ ro-thròcairich, a dheònaich, air son sàbhaladh pheacach agus air son dèicann do thruaghain, Cridhe Gunsmal na h-Oighe Beannaichte Moire 'bhi coltach 'an carrantachd agus 'an iochd ri eridhe Diadhaidh do Mhic Iosa Crìosta; deònaich gu'n toill sinne, as leth luaidheachd agus eadar-ghuidhe na h-Oighe Beannaichte ciadna, a tha 'toirt cuimhne air a' Chridhe ro-chaomh agus ghaolach so, ar faighinn a réir Cridhe Iosa. Tromh Chrìosta ciadna a Tighearna. Amen.

URNAIGH RI CRIDHE NAOMH MOIRE.

O CHRIDHE Moire, a Mhàthair Dhé, ar Màthair-ne! A Chridhe ro-ghaolaich, anns am beil mòr-thlachd na Trianaide diadhaidh airidh air uile ghaol agus urram ainglean agus dhaoine; a Chridhe ro-choltach ri Cridhe naomh Iosa; òmhaigh a's fìor-choltaiche ris; a Chridhe a tha làn mathais, daonnan iochdor ri 'r truaighe—deònaich neimh ar eridhe a thaiseachadh, los gu'n atharraichear sinn gu buileach gu 'bhi na'r n-òmh-aigh Cridhe Iosa. Dòirt annta gaol air do shubhailean, las iad leis an teine naomh sin leis an

beil thu-flhéin a' sìor-las: dh. Annadsa faigheadh an Eaglais Naomh dìon sàbhailte; teasraig i, agus bi dhìth 'ad dhèidin caomh, 'ad thùr daingnich nach bristear a dh'aindeoin ionnsuidhmean a naimh-dean. Gu'm b'e thusa an rathad air an ruigear Iosa; gu'm b'e thusa am f-adan tromh 'in faigh sinn na h-uile ghràsan a tha riatanach gus ar sàbhaladh. Bi thusa dhuinn 'ad chòmhaidh 's g: ch teinn, 'ad fhurtachd 's gach trioblaid, 'ad neart 'am buaireadh, 'ad dhèidin 'an géur-leanmhuinn, 'ad chobhair s gach càs: ach gu sònraichte 'an cath spàirn a' bhàis, 's an uair dheireannaich, an uair a dh'fhosglar i' rinn uile gus ar n-annamnan a spionadh air falbh—'s an uair ghàbhaidh sin, 's an uair namhasaich a tha ar sìorrachd na 'mèinn, O, 's an uair sin, 'Oigh ro-caomh, fairgheamaid tlà do Chridhe Mhàthaireil-sa, agus ro-mhiad do chumhachd ri Cridhe Iosa. le dèidann tiarainte fhosgladh dhuinn 'an dearbh thobar na tròcaire, los gu'n téid sinne euideachd 'ad cho-chomunn 'am Pàras a bheannachadh Cridhe Naomh sin Iosa fad shaoghal nan saoghal Amen

O DOMINA MEA.

Achanaich 'an àm buairidh.

40 latha laghaidh an uair a ghabhar i 'n àm buairidh.

O MO Bhaintighearna! O mo Mhàthair! cuimh-nich gur leat-flhéin mi.

Gléidh mi, teasraig mi, mar do chuid 's do sheilbh fhéin.

O OIGH ro-naomh, a Mhoire Gunsma, mo
 Mhàthair, a Mhàthair mo Thighearna, a
 Bhànrúinn an t-saoghail, 'Eadarghuidhear, a Dhò-
 chais, agus a Dhèidinn nam peacach, tha mise, am
 peacach truagh, ag iarraidh cobhair ort; agus tha
 mi a' toirt tainge dhut air son gach mathais a
 bhuilich thu orm gus a nise, gu sònraichte air son
 mo shaoradh bho ifrinn, a thoill mi cho liuthad
 uair. Tha mi 'toirt gaoil dhut, a Mhàthair ro-
 ghaolach, agus le miad mo ghaoil ort, tha mi 'geall-
 tainn a bhì daonnan ullamh gus do sheirbhiseachadh
 agus mo dhèidinn a dhianamh a thoirt air feadhainn
 eile gaol a thoirt dhut. Annadsa tha mi eir-
 m' uile dhòchais, riutsa tha mi 'g earls a m' uile
 shàbhalaidd. Gabh rium mar do sheirbhiseach,
 agus glac mi 'an sgàil do sgéithe, O Mhàthair
 na trècaire. Agus bho'n a tha thu cho eumhaich-
 adh air bialaobh Dhé, saor mi bho gach buaireadh,
 no co-dhiùbh, gléidh dhomh neart gu làmh-an-
 uachdar fhaighinn orra gu uair mo bhàis. O mo
 Mhàthair, air sgàth do ghaoil air Dia, guidhim ort
 mo chuideachadh daonnan, ach gu tur uair dheir-
 eannach mo bheatha. Na fàg mi gus am faic thu
 mi sàbhailte air nèamh, gu d' bheannachadh, agus
 gu 'bhi 'seinn do mhathais 'an sin fad na sìor-
 rachd. Amen. Is e so mo dhòchas. Amen.

LEADAN SHEACHD DÒRUINNEAN MOIRE.

A THIGHEARNA, dian trècair òirnn.

A Chrìosta, dan trècair òirnn.

A Thighearna, dian trècair òirnn.

A Chrìosta, éisd ruinn.

- A Chrìosta, gu gràsor éisd ruinn.
 A Dhia Athair nam Flathas, *Dian trèair òran.*
 A Dhia Mhic Fhìr-shaoraidh an t-saoghail, *Dian &c.*
 A Dhia Spioraid Naomh, *Dian &c.*
 A Thrianaid Naomh aon Dia, *Dian &c.*
 A Mhàthair Dhòruinneach, *Guidh air ar son.*
 Nach d'fhuair àite 's an tigh-òsda,
 A dh'fhimir fasgadh a ghabhail 'an stàbull,
 A chàirich d'Aonghin Mhic 'am prasaich,
 A bha ga d'léireadh ri faicinn timcheall-ghearr-
 adh do Mhic,
 Dh'an d'innseadh gu'n do chuireadh do Mhac na
 chuspair a rachadh àicheadh,
 Dh'an d'innseadh gu'n sàiththeadh claidheamh
 tromh d'anam fhéin,
 A dh'fhimir teicheadh le d' Mhac do'n Eiphit,
 A bha ga d'chuaradh mu mhort nan Naoidh-
 eachan,
 A bha gu dubhach fad thrì latha air tòir do
 Mhic, a chaidh, na 'dhà bhliadhn'-diag, air
 chall 's an tèampull,
 A bha 'mothachadh an t-sìor-fhuath a bh' aig na
 h-Iùdhaich air do mhae,
 A ghabh, air là na Suipreach-deireannaich, soir-
 idh-bhroin le d' Mhac a' dol do Ierùsalem a
 dh-fhulang.
 Dh'an d'innseadh gu'n do bhrath Iùdas e, agus
 gu'n do ghlacadh e,
 A bha fianaiseach air a liubhairt mar chiontach
 do na h-àrd-shagairt,
 A chuala gu'n do dhùteadh e le fianaisean-bréige,

Guidh air ar son.

A fhuair fios gu'n do bhuaileadh buille dhéis-
 neach 'an aodunn beannaichte do Mhic,
 A chuala gu'n d' thug na h-lùdhaich agus na
 saighdearan dìol fìor ain-ìochdar as do
 Mhac,
 A chuala gu'n d' rinneadh diù thair Barabbas
 de d' Mhac,
 A chuunaic sgiùrsadh do mhic, agus a chrònadh
 le dreathann,
 A chuala 'bhi 'toirt na bìnnne éucoraich' air do
 Mhac,
 A chaidh 'an còmhadhail do Mhic 's e 'giùlan
 uallach na croise,
 A chuala 'bhi 'tolladh lamhan 'us casan do
 Mhic le tàirnean déisneach,
 A fhuair briathran deireannach do Mhic air a'
 chrois,
 A bha d' sheasamh làmh ri d' Mhac 'an spàirn
 a bhàis,
 A ghlac 'ad uchd màthaireil corp do Mhic a
 thugadh a nuas bhàrr na croise,
 A thill dhachaidh gu dubhach, brónach 'an déis
 corp do Mhic a thìodhlaiceadh,
 O Bhànuinn nam Martair,
 O Sgàthain nan dubh-bhrònach,
 O Chobhair nan deòiridh,
 O Neart nan lag-chridheach,
 O Dhèidinn nam peacach,
 As leth pàis agus bàs ro-dhòruinneach do Mhic,
Saor sinn, O Bhànuinn nam Martair.
 As leth mor-chràidh do chridhe,

Guidh air ar son.

Guidh air ar son.

As leth ro-mhiad do dhubh-bhròin 's do chianalais,

As leth d' anabharr péine,

As leth d' acain agus do ghuil,

As leth do thruais mhàthaireil,

As leth do chomhnaidh ro chumhachdaich,

Bho anabharr bròin,

Bho spiorad meata,

Bho'n a' h-uile ceann-aobhair agus cunnart peacaidh,

Bho mbealltaireachd an droch-spioraid,

Bho chruas cridhe,

Bho neo-aithreachas,

Bho bhàs obunn agus mì-uidheamaichte,

Bho dhìteadh sìorruith,

Sinne na peacaich, *Deònaich éisdeachd ruinn, O Bhònuinn nam Martair.*

Gu'm b'è do thoil ar gléidheadh le d' dhìon 'am fìor chreideamh, dòchas, agus car-rantachd,

Gu'm b'è do thoil fìor bhròn-cridhe agus aithreachas air son ar peacannan a ghléidheadh dhuinn bho d' Mhac,

Gu'm b'è do thoil furtachd 'us còmhnaidh a thoirt dhaibhsan a ghairmeas ort,

Gu'm b'è do thoil ar cuideachadh 'an spàirn a' bhàis,

Gu'm b'è do thoil bàs sona a ghleidheadh dhuinn,

A Mhàthair Dhé,

Sinn sin, O Bhònuinn nam Martair.

Deònaich éisdeachd ruinn, O Bhònuinn nam Martair.

'Uain Dhé a tha 'toirt air falbh peacannan an
t-saoghail,

Dian fathamais ruinn, O Thighearna.

'Uain Dhé a tha 'toirt air falbh peacannan an
t-saoghail,

Gu gràsor éisd ruinn, O Thighearna.

'Uain Dhé a tha a' toirt air falbh peacannan an
t-saoghail,

Dian tròcair òirnn.

A Chrìosta, éisd ruinn.

A Chrìosta, gu gràsor éisd ruinn.

A Thighearna, dian tròcair òirnn,

A Chrìosta, dian tròcair òirnn.

A Thighearna, dian tròcair òirnn.

Paidir, Beannachadh Moire.

V. Anns gach trioblaid 'us diachainn.

R. Cuidich sinn a Mhoire Oigh-ro-bheannaichte.

Dianamaid ùrnaigh.

O Thighearna Iosa Chrìosta, guidhimid ort, gu'm
bi an Oigh Bheannaichte Moire do Mhàthair a
chaidh a cridhe a tholladh le claidheamh-bròin 'an
àn do phlàise, ri eadar-ghuidhe ri d' thròcair air ar
son a nise 's aig uair ar bàis. As do leth-sa fhéin,
'Iosa Chrìosta, a Shlànair an t-saoghail, a tha maille
ris an Athair agus ris an Spiorad Naomh beò 'agus
a' rian fad shaoghal nan saoghal.

R. Amen.

CONAIR NAN SEACHD DÒRUINNEAN.

i. 100 bliadhna laghaidh gach uair a ghabhar i 'an staid an aithreachais; 150 bliadhna Diluan, Diciadaoin agus Dihaoine, 's air Lèithean-fèilic, 'an deaghaidh Riarachaidh, 200 bliadhna 'an deaghaidh Faoisid, a thuilleadh air ioma pàirt-laghaidh eile.

ii. Làn-laghaidh uair 's a' mhìos dhaidhsan a ghabhas uair 's an latha fad a' mhìos i.

Gnèomh Aithreachais.

O mo Thighearna, thusa a mhàin a's fìor-airidh air mo ghaol, seall orm 'an sheasamh air bialaobh do làthaireachd diadhaidh, air mo chlaoidh gu buileach le smaointean air gach éuceoir lìonmhoir, thruim, a rinn mi ort. Tha mi le m' uile chridhe 'g iarraidh mathanas ort, 's aithreachas orm air an son, a bhrìgh do ghaoil-sa a mhàin, agus le smaoineachadh air do mhór-mhathas tha mi a' toirt fnath agus gràin dhaibh thair gach ole eile 's a' bheatha so. Mar a b' fhearr leam bàs fhulang mìle uair na mìothlachd a chur ort, tha mi nise 'cur romham gu daingeann mo bheatha a chall a roghainn air mìothlachd a chur ort tuille. M' Iosa céusta, tha mi 'cur romham gu daingeann m' anam a ghlanadh cho luath 's is urrainn domh le d' fhuil phrìseil ann an sàcramaid na Faoisid. Agus thusa, 'Oigh rochaomh, a Mhàthair na trèaire agus a Dhàdinn nam peacach, gléidh dhomh mathanas le feart do dhòruinnean cràiteach; agus, bho'n a tha mi 'g ùrnaigh air réir beachd a cho liutha Pàpa naoimh, a chosnadh nan laghadh-caglais a tha'n cois na

conaice naoinne so, tha dòchas agam le sin gu'm faigh mi fuasgladh bho gach péin a tha mo pheacannan a' toiltinn.

1. Leis an earbsa so 'am chridhe, smaoinichim air a' *Chiad* Dhòruinn, an uair a thairg Moire, Oigh-Mhàthair mo Dhé, Iosa a h-aon Mhac 's an Tèampull, ga 'chàradh air gàirdeinean sheann Shimeoin naoinn, 's a chuala i bhuaithe an fhàisneachd so, " Bidh so na 'chlaidheamh dòruinn a thollas romh d' chridhe fhéin," le sin ag innse romh làimh mu phàis agus mu bhàs a mic Iosa.

Aon Phaidir, *seachd* Beannachaidh Moire.

2. B'e *Darna* Dhòruinn na h-Oighe Beannaichte gu'm b'fhéudar dhi teicheadh do'n Eiphit a thaobh géur-leanmhuinn Héroid aig-ìochdor, a bha gu mollaichte a' sireadh gu a Mac ro-ghaolach a chur gu bàs.

Aon Phaidir, *seachd* Beannachaidh Moire.

3. B'e *Treas* Dhòruinn na h-Oighe Beannaichte, 'an deaghaidh dhi dol suas do Ierusalem aig Féill na càsga, maille ri Ioseph a céile agus ri Iosa a Mac gaolach, gu'n deachaidh esan air chall oirre, air a tilleadh gu a fàrdaich bhochd, 's gu'n d'thug i trì latha a' caoidh a chionn a h-aon mhac gaolach a chall.

Aon Phaidir, *seachd* Beannachaidh Moire.

4. B'e *Ceathramh* Dhòruinn na h-Oighe Beannaichte tachairt air a Mac gaol 's e 'giùlan air a ghualnean maoth a chroise truime, air an robh e gu bhi air a chéusadh gus ar sàbhailadh.

Aon Phaidir, *seachd* Beannachaidh Moire.

5. B'e *Còigeamh* Dòruinn na h-Oighe Beannaichte a 'bhi 'faicinn a Mic Iosa air a thogail suas air crann na croise, 'fhuil a' sruthadh romh gach mìr de choluinn naomh, agus i ga 'fhaicinn a toirt suas an deò 'an deaghaidh dha 'bhi ann an spàirn-chruaidh fad thrì uairean a dh'ùine.

Aon Phaidir, *seachd* Beannachaidh Moire.

6. B'e *Sia'hamh* Dòruinn na h-Oighe Beannaichte a 'bhi 'faicinn an t-sleagh a' tolladh taobh naomh Iosa, a Mac gaolach, agus an sin a chorp naomh a ghabhail na 'h-uchd a bu ro-ghloine

Aon Phaidir, *seachd* Beannachaidh Moire.

7. B'e *Seachdamh* Dòruinn na h-Oighe Beannaichte, ar Bànuinn agus ar n-Eadarghuidhear-ne, a sheirbhisich, peacaich thruagh, ri faicinn di corp naomh a Mic ga 'thìodhlaiceadh 's an uaigh.

Aon Phaidir, *seachd* Beannachaidh Moire.

An sin abair Beannachadh Moire trì uairean ann an onoir nan diar a shìl Moire, a' ruigsinn le sin air fìor bhròn-cridhe air son pheacannan agus air na laghaidh-eaglais naomh a tha'n cois a' chràbhaidh naomh so.

I. Guidh air ar son, Oigh ro-dhòruinneach.

R. Los gu'n toill sinn gealladh Chrìosta.

Dianamaid ùrnaigh.

Tha sinn ag achanaich ort, O Thighearna, gu'n dian an Oigh Bheannaichte Moire do Mhàthair, a a tholl claidheamh dòruinn a h-anam ro-naomh ri linn do Phàise, eadarghuidhe air ar son a nise 's aig nair ar bàis. As do leth-sa, 'Iosa Chrìosta, a

Shlànaire an t-saoghail, a tha beò 's a' rian maille
ris an Athair agus ris an Spiorad Naomh, fad
shaoghal nan saoghal. Amen.

LAOIDH. STABAT MATER.

SHEAS a' mhàthair 'am bròn bàite,
Aig 'chrann-chéusaidh déurach craiteach,
'M bun a Mic 's e 'n spàirn ro-ghoirt.
'Cridhe caomh bha brùite, dubhach,
Briste 'g osnaich 'us a' tuireadh,
Rinn an claidheamh-guin a lot.

'Chòin! bu chràiteach 's gu'm bu chianail
Moire Màthair bheannaicht' Chrìosta,
'S e ga 'phianadh air a' chrois.
Gu'm bu dubhach, air a léireadh,
A bha Moir' air dhi 'bhi léirsinn,
Dìol ro-dhéisneach 'h-aona Mhic.

Cò an neach a bhiodh 's an làthair,
'Chitheadh Màthair Dhé 's an spàirn sin,
Nach biodh cràiteach 'sileadh dhiar?
Cò a b'urrainn gun 'bhi brònach,
'Smaoinicheadh air cor na h-Oighe
'Ghabh co-phàirt 'an dòruin Chrìost'?

Air son peacannan a sluaigh fhéin,
Moire 'faicinn Ios' ga 'chuaradh,
'N déis a sgiùrsadh cruaidh gu'n iochd.
Moire 'faicinn a Mic ghràdhaich,

Air a dhìobairt le 'chaomh-chàirdcan,
'Dol gu bàs air fiodh no crois'.

'Mhàthair nìle-ghaolach, tìuraich,
Mìad do dhòruinn, orna's, a a dhruighadh.
Los 'bhi 'bròn 's a' tùrsa leat.
Deònaich m' anam le gaol Chrìosta,
'Bhi na 'lasair dhéin gun dìoclaidh,
'Chor 's gu'n toill mi 'mbhiagh 's a thlachd.

'Mhàthair naomh, biodh lotan créuchdach
Do Mhic Iosa 'chaidh a chéusadh,
Domhainn gèarrt' air clàr mo chrì'.
Deònaich dhòmlsa, 'Mhoire Mhàthair,
Mo cho-roinn de Phàis mó Shlànair,
'Dh 'fhuilig air mo sgàth gach nì.

Thugas dhomh gu'm bì mi tuille,
Ag co-bhròn leats' mar a's eubhaidh,
'Thaobh na dh'fhuilig do Mhac rùin.
A bhi 'd chuideachd 'taobh 'chroinn chéusaidh,
'U's co-chòir de d' dhòruinn fhéutainn,
Chuir mi, 'Mhàthair Dhé, 'am ùigh.

'Oigh ro-urramach nan òighean,
Na cuir suarach mi, ach deònaich
Dhomh co-chòir de d' dhòruinn chràidh.
Deònaich gur h-e bàs m' fhir-shaoraidh,
'U's a Phàis 's a chréuchdan craobhach,
's eulaidh-smaoinich dhomh gach tràth.

Gu'n dian gaol nan lot mo réubadh,
 'S gaol na Fala, gaol 'ehroinn-chéusaidh,
 M' anam 'thoirt fo ghéill 's fo dhaors'.
 'N uair a théid mi 'n làthair Chrìosta,
 'Thoirt dha cùntais air mo ghluimhran.
 Cùm bho'n teine shìor mi saor.

'Shlànair naomh, an uair a's bàs domh,
 Builich orm, air ghaol do Mhàthar,
 Ann am Pàras crùn na buaidh.'
 'N uair a bhios mo chorp gun anail,
 Deònaich sòlas sìor do m' anam
 Ann an glòir nam flaitheas shuas. Amen.

TRI URNAIGHEAN MAILLE RI BEANNACHAIDH MHOIRE.

- i. 100 latha laghaidh gach uair a ghabhar iad.
- ii. Làn-laghaidh uair 's a' mhios.

i. 'Oigh ro-naomh, tha mi le m' uile chridhe a'
 toirt urrainn dhut thair gach aingeal 'us naomh 'am
 flathanas, mar nighean an Athar shòrruith, agus
 tha mi coisrigeadh dhut m' anna le 'uile chumhach-
 dan.

Fàille dhut, &c.

ii. 'Oigh ro-naomh, tha mi le m' uile chridhe a'
 toirt urrainn dhut thair gach aingeal 'us naomh 'am
 flathanas, mar Mhàthair an Aonghin-Mhic agus tha
 mi 'coisrigeadh dhut mo choluinne le 'h-uile
 chéudan.

Fàille dhut, &c.

iii. 'Oigh ro-naomh, tha mi le m' uile chridhe a'

toirt urrainn dhut thair gach aingeal 'us naomh 'am flathanas, mar Chéile an Spioraid Naomh, agus tha mi 'coisrigeadh dhut mo chridhe agus 'uile fheartan, 's ag guidhe gu'n gléidheadh tu dhomh bho'n Triallaid sìor-bheannaichte gach nà a tha riatanach gu m' shàbhaladh.

Fàille dhut, &c.

AN GINEADH GUNSMAL.

CONAIR A' GHINIDH GUNSMAL.

- i. 300 latha gach uair a ghabhar i.
- ii. Làn-laghadh uair 's a' mhios.

Tha 'm paidirein so na thrì earrannan, agus grìogag mhór 'us ceithir bheaga anns gach earrainn.

Air a' ghriogaig mhór abair, “Beannaicel te gu'n robh Gineadh Naomh Gunsmal na h-Oighe fìor-bheannaichte Moire,” agus Paidir. Air gach griogaig bhig abair ‘Beannachadh Moire,’ agus dùin le ‘Glòir do'n Athair’; agus amhuil sin an dà earrainn eile.

ACHANAICH.

100 latha laghaidh gach uair a ghabhar i.

Beannaichte gu'n robh gineadh Naomh agus Gunsmal na h-Oighe sìor-bheannaichte Moire.

CRABHADH DO NA H-AINGLEAN.

LEADAN NAN AINGEAL NAOMH.

A THIGHEARNA, dian trècair òirn.
 A Chrìosta, dian trècair òirn.
 A Thighearna, dian trècair òirn.

A Chrìosta éisd ruinn.

A Chrìosta, gu gràsor éisd ruinn.

A Dhia Athair nam flathas, *dian trècair òirnn.*

A Dhia Mhic Fhir-shaoraidh an t-saoghail, *dian trècair òirnn.*

A Dhia Spioraid Naomh, *dian trècair òirnn.*

A Thrianaid Naomh, aon Dia, *dian trècair òirnn.*

A Naomh Mhoire, *Guidh air ar son.*

A Mhàthair Naomh Dhé,

'Oigh naomh na Oighean,

A Naomh Micheil, a bha riabh 'ad fhear-dìon
do shluagh Dhé,

A Naomh Micheil, a thilg Lucifer 's a ghais-
readh easumhal a mach á nèamh,

A Naomh Micheil, a thilg sìos do ghrùnn ìfrinn
fear-casaid ar bràithrean,

A Naomh Gabriel, a mhìnich an sealladh nèamh-
aidh do Dhaniel,

A Naomh Gabriel, a dh'innis romh làimh do
Shacharias breith agus driachd Eòin
Bhaiste,

A Naomh Gabriel, a thug fios air daondachd
Mhic Dhé,

A Naomh Raphael, a thug sàbhailte Tobias
bho'n tigh 'us dhachaidh,

A Naomh Raphael, a shaor bho'n deomhan Sàra,

A Naomh Raphael, a thug a fhradharc do sheann
Tobias,

'Ainglean Naomh uile, a tha na 'r seasamh air
cathair àrd, thogte suas Dhé, *Guidhibh air ar
son.*

Guidh air ar son.

A tha 'sìor-shéinn do Dhia Is Naomh, Naomh
 Naomh,
 A tha, le sgapadh an dorchadais, a' soilleireach-
 adh ar n-inntinn,
 A tha 'toirt fios do dhaoine air gnothaichean
 diadhaidh,
 A fhuair cùram dhaoine bho Dhia,
 A tha daomnan a' faicinn gnùis ar n-Athar a tha
 air nèamh,
 Air an bi aoibhneas air son aon pheacach a ni
 peanas,
 A bhuail le doille na Sòdomaich,
 A thug a mach Lot á miadhoin nam peacach,
 A dhìricb 's a theirinn air fàradh Iàcoib,
 A liubhair do Mhaois lagh Dhé air béinn Shìnai,
 A thug sgial an aoibhneis do dhaoine aig breth
 Chrìosta,
 A fhreasdail do Chrìosta 's an fhàsach,
 A ghiùlain Làsarus do dh'uchd Abraham,
 A bha na 'r suidhe an éideadh-geal aig uaigh
 Chrìosta,
 A chunnacas leis na deisciobuil an uair a chaidh
 Crìosta suas air nèamh,
 A bhios romh Chrìosta le suaicheantas na croise
 an uair a thig e gu breitheanas,
 A chruinnicheas na daoine-taghte aig deireadh
 an t-saoghail,
 A thearbaidheas na droch-dhaoine á miadhon
 nan deagh-dhaoine,
 A tha 'tairgsinn ùrnaighean luchd-ùrnaigh do
 Dhia,

Guth na n-àrson.

A chuidicheas aig uair ar bàis sinn,
 A tha 'tredìreachadh do nèamh annamnan nan
 naomh a th'air an glanadh bho gach smal,
 A tha ri comharraidhnean 's ri mìorailtean le
 cumhachd Dhé,
 A th'air ur cur a flirithealadh dhaibhsan a ghlacas
 oighreachd an t-sàbhalaidh,
 A leighiseadh Babilon, agus bho nach b'àill leis
 a bhi air a leigheas, a dh'fhàg 's a thréig e,
 A th'air ur suidheachadh os cionn rìgheachdan
 agus dhùthchannan,
 A sgap gu tric armailt naimhdean,
 A shaor gu tric seirblisich Dhé bho phrìosain 's
 bho chunnartan eile na beatha so,
 A dh'fhurtaich gu tric air na martairean naomh
 na'n dòruinn,
 Dh'an àbhaist easbuigean agus prionnsaichean
 na h-Eaglaise, agus gach aon a tha fo'n
 curam, altrum le cùram sònraichte,
 Gach òrdugh naomh do na Sporaid bheannaichte,
 Bho gach cunnart, as leth d' ainglean naomh, *Saor*
 sinn, a Thighearna,
 Bho mhealltaireachd an droch-spioraid, *Saor &c.,*
 Bho gach eiriceachd agus bristeadh-a-mach, *Saor*
 sinn, &c.
 Bho phlàigh, bho ghorta, 's bho chogadh, *Saor &c.*
 Bho bhàs obunn agus mì-uidheamaichte, *Saor &c.*
 Bho bhàs siorruidh, *Saor &c.*
 Sinne na peacaich, *Deònaich éisdeachd ruinn.*
 As leth d' ainglean naomh,
 Gu'n tugadh tu fathamas duinn,

Guthibh ur son.

Gu'n tugadh tu mathanas duinn,

Gu'm b'è do thoil d' Eaglais naomh a stiùireadh
's a dhòn,

Gu'm b'è do thoil Ceannard na h-Eaglaise 's a'
chlàir uile 'theasraiginn,

Gu'm b'è do thoil sìth agus aonachd a chur
eadar rìghrean agus prionnsaichean Crìos-
tail,

Gu'm b'è do thoil fàs agus cinneachadh a thoirt
do phòr an talmhainn,

Gu'm b'è do thoil fois shìorruidh a thoirt do
dh-anmannan nam marbh-chreideach uile,

'Uain Dhé, a tha 'toirt air falbh peacannan an
t-saoghail,

Dian fathamas ruinn, O Thighearna.

'Uain Dhé, a tha 'toirt air falbh peacannan an
t-saoghail,

Ga gràsor éisd ruinn.

'Uain Dhé, a tha 'toirt air falbh peacannan an
t-saoghail,

Dian tròcair òirn.

A Thighearna, dian tròcair òirn.

A Chrìosta, dian tròcair òirn.

A Thighearna, dian tròcair òirn.

Ar n-Athair, &c. (*os n-ìosal*).

V. Beannaichibh an Tighearna, 'uile ainglean
fhéin.

R. Sibhse a tha tréun 'an neart, a tha 'coimh-
lionabh 'fhàintean, ag éisdeachd ri guth a
bhriathran.

- V. Beannaichibh an Tighearna, 'uile chumhachdan fhéin.
- R. A luchd-frithealaidh fhéin, a tha 'dianamh a thoile.
- V. Thug e òrdugh dh'a ainglean mu d' dhéighinn.
- R. Iad gu d' ghléidheadh 'ad uile rathaidean.
- V. Cuairtichidh aingeal an Tighearna iadsan aig am beil eagal roimhe.
- R. Agus saoraidh e iad.
- V. 'An làthair nan aingeal seinnidh mi dhut, mo Dhia.
- R. Bheir mi aoradh dhut 'ad thèampull naomh, agus aidichidh mi d' ainm, a Thighearna.
- V. A Thighearna, éisd ri m' ùrnaigh.
- R. Agus gu d' ionnsaidh thigeadh mo ghuth.

Dianamh ùrnaigh.

O DHIA, a tha air sheòl mìorailteach, a' riarach seirbhis ainglean agus dhaoine; gu trècair-each deònaich gu'm bi ar beatha air a teasraiginn air talamh leothasan a tha daonnan ri seirbhis dhut air nèamh. Tromh Iosa Crìosta ar Tighearna. Amen.

LEADAN AN AINGIL-CHOIMHIDICH.

A THIGHEARNA, dian trècair òirn.

A Chrìosta dian trècair òirn.

A Thighearna, dian trècair òirn.

A Chrìosta, éisd ruinn.

A Chrìosta, gu gràsor éisd ruinn.

A Dhia Athair nam Flathas, *Dian trècair òirnn.*

A Dhia Mhic Fhìr-shaoraidh an t-saoghail, *Dian &c.*

A Dhia Spioraid Naoimh, *Dian, &c.*

A Thrianaid Naomh, aon Dia, *Dian, &c.*

A Naomh Mhoire, Bànrùinn nan Aingeal, *Guidh
air ar son.*

'Aingil Naoimh, mo Choimhidiche,

'Aingil Naoimh, mo Phrionnsa,

'Aingil Naoimh, m' fhear-dìon.

'Aingil Naoimh, mo rianadair,

'Aingil Naoimh, mo charaide,

'Aingil Naoimh, m' fhear gnothuich,

'Aingil Naoimh, m' eadar-gluidhear,

'Aingil Naoimh, mo chùl-taice,

'Aingil Naoimh, mo cheann-iùil,

'Aingil Naoimh, mo riaghladair,

'Aingil Naoimh, m' fhear-teasraiginn.

'Aingil Naoimh, mo chomhfhurtair,

'Aingil Naoimh, mo bhràthair,

'Aingil Naoimh, m' fhear-teagaisg,

'Aingil Naoimh, mo bhuachaille,

'Aingil Naoimh, m' fhianais,

'Aingil Naoimh, mo chuidiche,

'Aingil Naoimh, mo thrediriche,

'Aingil Naoimh, mo ghléidhtiche,

'Aingil Naoimh, m' oid'-ionnsaich,

'Aingil Naoimh, m' fhear-soilleireachaidh,

'Uain Dhé a tha 'toirt air falbh peacannan an
t-saoghal, *Dian fathamas ruinn, O Thighearna.*

Guidh air ar son.

'Uain Dhé a tha 'toirt air falbh peacannan an
t-saoghail,

Gu gràsor éisd ruinn, O Thighearna.

'Uain Dhé a tha 'toirt air falbh peacannan an
t-saoghail,

Dian trècair òirnn.

A Chrìosta, éisd ruinn,

A Chrìosta gu gràsor éisd ruinn.

V. Guidh air ar son, 'Aingil-choimhidich naoinh.

R. Los gu'n toill sinn gealladh Chrìosta.

Dianamaid ùrnaigh.

O DHIA shìorruidh uile-chumbachdaich, ann an
comhairle do mhathais gun àirinnh, a dh'òrdaich
do na creidich uile, bho chóm an màthar, Aingeal-
coimhreach sònraichte air an coluinn 's air an
anam; deònaich dhómbsa a leithid de ghaol 's de
dh-urram a thoirt dhàsan a dh'òrdaich thu cho trè-
caireach dhomh, los, le 'bhi air mo dhìon le mathas
do ghràsan-sa 's le 'chòmhnaidh-san, gu'n toill mi,
maille ris-san, agus ri uile armait nan Aingeal, a
bhi 'faicinn glòir do ghnèise 'an rìgheachd nèamh.
A tha beò agus a' rian fad shaoghal nan saoghal.
Amen.

URNAIGH RI N. MICHEIL AN T-ARDAINGEAL.

O PHIRIONNSA armait nèamh, a Naomh
Mìcheil, a thilg sìos an t-aingeil uaibhreach
agus a ghasraidh uile do ghrùnd ifrinn! O dhìon
's a thiarmainn na h-Eaglaise! O Dhèidinn nan

annamnan a tha 'fàgail an t-saoghail so! cuidich m'anam-sa 'an spàirn a' bhàis, 's mi 's an uair gu dùrachdach ga 'earbsa ruit. Dìon e bho uile ionnsaidhlean an nàmhaid; gabh a chùram ort a' fàgail an t-saoghail so, agus a dhìon 'an aghaidh uile cheilg nan deomhan, agus leig a stigh e do ghlòir fhathanas far am bi e, maille ris na h-ainglean uile, a' moladh Dhé le cliù sìorruidh. Amen.

URNAIGH RI NAOMH GABRIEL.

O THREISE Dhé, a Naomh Gabriel, a chuir 'an céill do'n Oigh Moire Daondachd Aon-ghin Mhic Dhé, agus a dh'fhurtaich air Crìosta 's a neartaich e na 'dhò-bhròn 's na 'spàirn 's a' ghàradh; tha mi 'toirt cliù dhut, tha mi 'toirt urrainn dhut, O Spioraid thaghte, agus tha mi gu h-àmhlaidh ag guidhe ort thu 'bhi 'd eadarghuidhear dhomh air bialaobh Iosa Chrìosta, mo Shlànair, agus a Mhàthar beannaichte Moire Oigh, agus gu'n deònaich thu furtachd orm daonnan anns gach téinn, agus mo neartachadh, los buaireadh sa bith g'an tig a chaidh orm nach cuir mi mìothlachd air Dia m' àrd-mhatl. Amen.

URNAIGH RI NAOMH RAPHAEL.

O LÉIGH nèamhaidh, agus a choinhidiche ro-dhìleas, a Naomh Raphael, a thug a fhradharc do sheann-Tobias, agus a threòirich Tobias-òg air 'uile shlighean an turuis a ghabh e, agus a ghléidh sàbhailte e: bi 'd Léigh cuirp agus anna

dhòmhsa: fuadaich dorchadas m'aineolais, agus euidich mi daonnan air cuairt chunnartaich na beatha so, gus an toir thu mi do m'thìr nèamhaidh fhéin, far am bi mi beannaichte maille riutsa a' meòrachadh gu sìorruidh air aghaidh Dhé. Amen.

LEADAN NAN NAOMH.

A THIGHEARNA, dian trècair òirn.

A Chrìosta dian trècair òirn.

A Thighearna, dian trècair òirn.

A Chrìosta, éisd ruinn.

A Chrìosta, gu gràsor éisd ruinn.

A Dhia, Athar nam flathas, *Dian trècair òirn.*

A Dhia Mhic, Fhìr-shaoraidh an t-saoghail, *Dian trècair òirn.*

A Dhia Spioraid Naomh, *Dian trècair òirn.*

A Thrìonaid Naomh, aon Dhia, *Dian trècair òirn.*

A Naomh Mhoire, *Guidh air ar son.*

A Mhàthair Naomh Dhé,

Oigh naomh nan òighean,

A Naomh Mìcheil,

N. Gabriel,

N. Raphael,

'Ainglean 's 'Ardainglean naomha uile, *Guidhibh air ar son.*

Gach Ordugh de na Spioraid bheannaichte, *Guidhibh air ar son.*

N. Eòin-Bhaiste, *Guidh air ar son.*

N. Ioseph, *Guidh air ar son.*

'Aithrichean 'us 'Fhàidhean naomh' uile, *Guidhibh air ar son.*

Guidh air
ar son.

N. Peadar,
 N. Pòl,
 N. Aindris,
 N. Séumas,
 N. Eòin,
 N. Tomás,
 N. Séumas,
 N. Philip,
 N. Bartholomé,
 N. Mata,
 N. Simon,
 N. Thadé,
 N. Mathias,
 N. Barnabas,
 N. Luc,
 N. Marc,

'Ostala 's a Shoisgeulaiche naomh' uile, *Guidhibh air ar son.*

'Uile Dheisciobuile naomh' an Tighearna, *Guidhibh air ar son.*

A Naoidheana naomh' uile, *Guidhibh, &c.*

N. Stephen,
 N. Labhruinn,
 N. Vincent,

NN. Fàbian agus Sebastian,
 NN. Eòin 'us Pòl,
 NN. Cosmas 'us Damian,
 NN. Gerbhàsi 'us Protàsi,
 A Mhartairean naomh' uile,

N. Silbhester, *Guidh air ar son.*
 N. Gregori, *Guidh air ar son.*

Guidh air ar son.

Guidh air ar son.

N. Ambros,

N. Uistein,

N. Jerom,

N. Màirtinn,

N. Neacal,

*Guidh air
ar son.*

'Easpuigean 'us 'Aidmheiliche naomh' uile, *Guidh-
ibh air ar son.*

'Ollaichean naomh' uile, *Guidhibh, &c.*

N. Antoni,

N. Benedic,

N. Bernaird,

N. Dominic,

N. Franse,

*Guidh air
ar son.*

A Shagairtean 's a Leblitich naomh' uile, *Guidhibh
air ar son.*

A Mhanaiche 's 'Aonaranaiche naomh' uile, *Guidh-
ibh &c.*

N. Moire Magdalen,

N. Agatha,

N. Liùsaidh,

N. Agnes,

N. Cesali,

N. Catrìona,

N. Anastasia,

Guidh air ar son.

'Oighean 's a Bhantraichean naomh' uile, *Guidhibh
air ar son.*

A Naomha 's a Bhan-naomha Dhé uile,
Dianaibh eadarghuidhe air ar son.

Bi tràcaireach,

Dian fathamas ruinn, O Thighearna,

Bi tràcaireach, Eisd ruinn, O Thighearna.

Bho na h-uile ole, *Saor sinn, O Thighearna.*
 Bho d'fheirg,
 Bho bhàs obann agus neo-uidheamaichte,
 Bho mhealltaireachd an droch-spioraid,
 Bho fheirg, bho fhuath, 's bho gach droch-rùn,
 Bho spiorad na drùise,
 Bho dhealanach 's bho stoirm,
 Bho sgiùrsadh le crith-thalmhainn,
 Bho phlàigh, bho ghort, 's bho chogadh,
 Bho bhàs siorruidh,
 As leth dìomhaireachd do Dhaondachd naoimhe,
 As leth do Thighinn,
 As leth do Bhreith,
 As leth do Bhaistidh 's do Thraisge naoimhe,
 As leth do Chroise 's do Phàise,
 As leth do Bhàis agus do Thìodhlacaidh,
 As leth d' Aiseirigh naoimhe,
 As leth do Dheasghabhail miorailtich,
 As leth tighinn an Spioraid Naoimh an Comh-
 fhurtair,
 Air latha a' bhreitheanais,
 Sinne na peacaich,
Dènaich éisdeachd ruinn,
 Gu'n tugadh tu fathamas duinn,
 Gu'n tugadh tu mathanas duinn,
 Gu'm be do thoil ar toirt gu fìor aithreachas,
 Gu'm b'e do thoil d' Eaglais naomh a stiùradh
 's a dhìon,
 Gu'm b'e do thoil Ceannard na h-Eaglaise 's a'
 chuid eile de'n Chléir a chumail ri'n
 dleasnas,

Saor sinn, O Thighearna.

Dènaidh, &c.

Gu'm b'e do thoil naimhdean na h-Eaglais' a
smachdachadh,

Gu'm b'e do thoil sìth agus fìor chòrdadh a
chur eadar rìghrean agus prionnsaichean
Crìostail,

Gu'm b'e do thoil sìth agus aontachd a chur 'am
measg a h-uile pobuill Chrìostail,

Gu'm b'e do thoil sinne fhéin a neartachadh 's a
stéidheachadh ann ad sheirbhis naoinh
fhéin,

Gu'm b'e do thoil ar cridheachan a thogail gu
smaointean diadhaidh,

Gu'n dìoladh tu bea nachdan sìorruidh air ar
luchd-mathais gu léir,

Gu'n tiarnadh tu ar n-anmannan fhéin, anman-
nan ar bràithrean, ar dàimhich, 's ar luchd-
mathais, bho dhìteadh sìorruith,

Gu'm b'e do thoil fàs agus cinneachadh a thoirt
do phòr an talmhainn,

Gu'm b'e do thoil fois shìorruidh a thoirt do
dh-anmannan nam marbh-chreideach uile,

Gu'm b'e do thoil cluas a thoirt do'r n-achanaich,
A Mhic Dhé, *Deònaich éisdeachd ruinn.*

'Uain Dhé a tha 'toirt air falbh peacannan an
t-saoghail,

Dian fathamas ruinn, O Thighearna.

'Uain Dhé a tha 'toirt air falbh peacannan an
t-saoghail,

Gu gràsor éisd ruinn, O Thighearna.

'Uain Dhé a tha a' toirt air falbh peacannan an
t-saoghail,

Dian tròcair òirnn.

A Chrìosta, éisd ruinn.

A Chrìosta, gu gràsor éisd ruinn

A Thighearna, dian trècair òirn,

A Chrìosta dian trècair òirn.

A Thighearna, dian trècair òirn.

Ar n-Athair a tha air nèamh, &c (*le guth Ìosal*).

V. 'S : a leig ann am buaireadh sinn

R Ach saor sinn bho 'n ole. Amen.

LXIX. SALM.

Deus in adiutorium.

A Dhia, thig gu m' chòmhnaidh : a Thighearna,
greas gu m' chuideachadh

Iadsan biodh air an nàrachadh 's air am maslach-
adh : a tha 'sireadh cur as do m' anam.

Air an tilleadh air an ais, gu nàrach ; gu'n robh
iadsan a tha 'g iarraidh uile dhomh.

Air an grad-thionndadh air an ais gu nàrach,
gu'n robh iadsan a their rium : Ro-mhath, ro-
mhath.

Làn-shòlas 'us aighir annadsa gu'n robh acasan
uile 'tha 'n geall ort : 's gu'm b'è sìor-ghluth luchd-
déigh air d' Fhear-saoraidh : Gu'm bu ghlòrmhor a
bhios an Tighearna.

Ach is duine éiginneach bochd mise : a Dhia,
dian mo chòmhnaidh.

Mo chùl-taice 's m' fhear-fuasglaidh gur tusa
fhéin : a Thighearna, na dian moille.

Glòir do'n Athair, agus do'n Mhac, agus do'n

Spiorad Naomh. Mar a bhà, 's mar a thà, 's mar a bhitheas, fad shaoghal nan saoghal. Amen.

V. Sàbhail do sheirbhisich.

R. A tha 'cur an dòchais annad, O mo Dhia.

V. Na d'dhaingneach làidir bi dhuinn, a Thighearna.

R. Bho aodann an nàmhaid.

V. Na dianadh an nàmhaid béud òirn.

R. 'U's mac an uile na dianadh ar dolaidh.

V. A Thighearna, na buin ruinn a réir ar peacannan.

R. 'S na biodh do dhiùghaltas mar ar toillteanas.

V. Guidheamaid air son ar n-Ard-easbuig, N.

R. Gu'n gleidheadh an Tighearna e, gu'n neartaicheadh e e, gu'n tugadh e deagh-shoirbheas dha air talamh, agus na leigeadh e gu mì-run a naimhdean e.

V. Guidheamaid air son ar luchd-mathais.

R. Dèonaich, a Thighearna, as leth d'ainme fhéin, a' bheatha shìorruidh a thoirt do'r luchd-mathais gu léir.

V. Guidheamaid air son annannan nam marbh-chreideach.

R. Fois shìorruidh thoir dhaibh, a Thighearna; agus solus nach dìbir dèarsadh orra.

V. Gu'n robh am fois ann an sìth.

R. Amen.

V. Air son nam bràithrean nach 'eil 's an làthair.

R. Sàbhail mo Dhia do sheirbhisich a tha 'cur an dòchais annad.

V. Thoir cobhair dhaibh, O Thighearna, á

d'ionad-naomh.

R. Agus á Sion dìon iad.

V. A Thighearna, éisd ri m' ùrnaigh.

R. 'S a d' ionnsaidh thigeadh mo ghuth.

V. Gu'n robh an Tighearna maille ribh.

R. Agus ri d' spiorad-sa.

Dianamaid ùrnaigh.

A Thighearna d'an àbhaist a bhi tròcaireach agus fathamasach, éisd ri'r n-achanaich; air sheòl 's gu'm bi sinne, agus do sheirbhisich uile a tha 'n sàs 'an lìon a' pheacaidh, air ar fuasgladh le mòr-chaoimhneas do thròcaire.

Eisd, a Thighearna, tha sinn ag guidhe ort, ri ùrnaigh do luchd-achanaich, agus thoir mathanas dhiabhsan a tha 'g aideach am peacannan; los gu'm faigh sinn bho d'chaoimhneas maraon fuasgladh agus sìth.

Gu gràsor fiach dhuinn, a Thighearna, do mhòr thròcair, le'r fuasgladh bho'r n-uile chiontan, 's le'r saoradh bho na piantan a tha sinn a' toilltinn air an son.

A Dhia, a tha 'faighinn tàire bho'n pheacadh, agus dìolaidh bho n aithreachas, éisd gu bàigheil ri achanaich do phobuill; agus tionndaidh bhuainn ascaoin do chorruich, a tha ar peacannan a' toilltinn.

A Dhia shìorruidh, uile-chumhachdaich, dian thròcair air do sheirbheiseach N. ar n-Ard-easbuig, agus stiùir e, a réir do mhòr-chaoimhneis, air rathad na beatha sìorruidh; air chor 's gu'n iarr e

le d' ghràsan gu beartan matha, 's gu'n cuir e 'an gnìomh iad le 'uile neart.

A Dhia, bho'n tig deagh-thogradh, comhairle cheart, agus gnìomh dleasnach, thoir do d' sheirbhisich an t-sìth sin nach urrainn do'n t-saoghal a thoirt seachad; air chor 's gu'n géill ar cridheachan do d' fhaintean, 's gu'm bi na timeannan le saor-sainn bho eagal naimhdean, sìochainteach fo rian do fhreasdail.

Las, a Thighearna, teine do Spioraid Naoimh na'r leasraidh agus na'r cridhe: los gu'n seirbhisich sinn thu le co'uinn gheimnidh, agus gu'n toilich sinn thu le cridhe glan.

A Dhia, a Chruthadair, 's 'Fhir-shaoraidh nan creideach uile, math am peacannan do dh-anmannan do sheirbhisich 's do bhan-sheirbhisich a chaochail beatha; air chor 's gu'm faigh iad, le achan-aich dhiadhaidh, an làn-laghadh sin ris an robh dùil aca.

Deònaich, a Thighearna, deagh-bheartan a chur na'r cridheachan, agus co-oibreachadh leinn ga'n cur 'an gnìomh; air chor 's gur h-ann bhuatsa a thig tùs ar n-ùrnaigh 's ar gnìomhannan gu léir, agus gur h-ann annadsa a théid an crìochnachadh.

A Dhia shìorruith, uile-chumhachdaich, aig am beil uachdaranachd air a' bheò agus air a' mharbh, agus a tha 'fiachainn trècaire do gach aon a tha thu 'faicinn romh làimh a bhuineas dhut-fhéin le creideamh 's le deagh-dhianadas: 's e ar n-achanaich iriosal riut, gu'n tugadh tu do'n fheadhainn a bha sinn 'am beachd a chòmhnadh le'r n-ùrnaigh, co-

dhiù a tha iad fhathasd 'am prìosan na coluinne, no a shiubhail an anam thun na sìorachd, làn-mhathanas na'n uile pheacannan, as leth cadarghuidhe do naomh uile agus bàigh do thrèaire fhéin. Tromh Iosa Crìosta ar Tighearna, Dia, a tha beò 's a' rian maille riutsa ann an aonachd an Spiorad-Naoimh, fad shaoghal nan saoghal.

R. Amen.

V. A Thighearna, éisd ri m' ùrnaigh.

R. Agus a d' ionnsaidh thigeadh mo ghuth.

V. Thusa, a Thighearn, a's mutha cumbachd agus trècair éisd ruinn.

R. Amen

V. Agus tromh iochd Dhé gu'n robh fois aig annannan nam marbh-chreideach. R. Amen.

CRABHADH DO N. JOSEPH.

LEADAN NAOMH JOSEPH.

A THIGHEARNA, dian trècair òirn.

A Chrìosta, dian trècair òirn.

A Thighearna, dian trècair òirn.

A Chrìosta éisd ruinn.

A Chrìosta, gu gràsor éisd ruinn.

A Dhia Athair nam flathas, *dian trècair òirn.*

A Dhia Mhic Fhir-shaoraidh an t-saoghail, *dian trècair òirn.*

A Dhia Spioraid Naoimh, *dian trècair òirn.*

A Thrianaid Naomh, aon Dia, *dian trècair òirn.*

A Naomh Mhoire, a chéile Ioseph, *Guidh air ar son.*

A Naomh Ioseph, a chéile Moire òigh, *Guidh, &c.*

'Oide-altruim Iosa,
 A dhuine a réir cridhe Dhé,
 A sheirbhisich dhìlis agus ghlic,
 'Fhir-dìon maighdeannas Moire,
 A chompanaich agus 'fhurtaiche Moire,
 A bha fìor-ghlan 'am maighdeannas,
 A bha ro-choimhlionta 'n irisleachd,
 A bha làn teas carrantachd,
 A bha ro-àrd 'am meórachadh,
 A dhearbhadh le teisteanas an Spioraid Naoimh
 thu 'bhi 'd dhuine ionraic,
 A fhuair soilleireachadh thair gach dhuine 'an
 rùintean dìomhair Dhé,
 A fhuair fiosrachadh á nèamh air dìomhrachd
 daondachd Iosa,
 A chaidh suas do Bhethlehem le Moire do chéile
 's i fèd-leatromach,
 A chaidh a leth-taobh do stàbull, leis nach d'
 fhuair thu àite 's an tigh-òsda,
 A mheasadh airidh air a bhi 's an làthair an uair
 a rugadh Crìosta 's a chàireadh 's a' phras-
 aich e,
 A bha 'giùlan Mhic Dhé air do ghàirdean,
 A thairg, maille ri Moire 'Mhàthair, an leanabh
 Iosa do'n Tighearna 's an tèampull,
 A theich leis an leanabh 's le 'Mhàthair do'n
 Eiphit, air dhut rabhadh fhaotainn bho'n
 aingeal,
 A thill do thìr Israeil leis an leanabh 's le 'Mhà-
 thair 'an deaghaidh bàs Héroid,
 A bha trì latha gu dubhach maille ri Moire Mhà-

Guth air ar son.

Guth air ar son.

thair air fèrfhais an leinibh an uair a chaidh
 e air chall oirbh 'an Ierùsaleh,
 A fhuair le aoibhneas e 'an ceann thrì latha na
 'shuidhe 'am miadhon nan Ollaichean,
 Thusa dh'an robh Tighearna nan tighearnan
 umbailte air talamh,
 Thusa a tha do chliù 's an t-Soisgeul: Céile
 Moire bho'n d' rugadh Iosa,
 Ar n-eadarghuidhear, *éisd ruinn, a Naomh Ioseph,*
 Ar cùl-taice, *gu gràsor éisd ruinn, a Naomh Ioseph,*
 Na 'r n-uile nireasbhuidh, *a Naomh Ioseph, cuidich*
sinn.
 Na 'r n-uile théinn,
 Aig uair ar bàis,
 As leth do réitich fhìor-ghloin.
 As leth do chùrain athaireal agus do dhùl-
 seachd,
 As leth do shaothrach agus do shàruchaidh,
 As leth d'uile shubhailcean,
 As leth d'àrd-urraim agus do shonais shìor-
 ruidh,
 As leth d'eadarghuidhe chinntich,
 Sinne do sheirbhisich, *Deònaich éisdeachd ruinn,*
 Gu'm b'è do thoil mathanas ar peacannan a
 ghleidheadh dhuinn bho Iosa,
 Gu'm b'è do thoil ar n-earbsa gu teann ri Iosa 's
 ri Moire,
 Gu'm d'è do thoil a' gheimneachd a tha sgéithte
 ri'n staid a ghleidheadh do gach aon' ma's
 ann gun phòsadh no pòsta,
 Gu'm b'è do thoil fìor charrantachd agus chòrd-

Gnìthh uir ar son.

*A Naomh Ioseph
cuidich sinn.*

Deònaich, &c.

adh a ghleidheadh do gach pobull,
 Gu'm b'e do thoil an luchd-riaghlaidh uile 's na
 h-easbuigean a sheòladh 'an rian an ìochd-
 aran,
 Gu'm b'e do thoil na pàrantan a chòmhnaidh 'an
 ionnsachadh Crìostail an cloinne,
 Gu'm b'e do thoil gach aon a tha 'g earbsa á d'
 chùl-taice a dhìon,
 Gu'm b'e do thoil na comuinn a chuireadh air
 chois 'ad ainm 's fo d'dhìon a shìor-chuid-
 eachadh le d' chòmhnaidh athaireil,
 Gu'm b'e do thoil tighinn gu 'r sealltainn agus
 fuireach leinn maille ri Iosa 's ri Moire 's
 an uair dheireannaich,
 Gu'm b'e do thoil, le còmhnaidh d'eadarghuidhe,
 fuasgladh air na marbh-chreidich uile,
 A chéile theisteil Moire,
 'Oide dhìlis Iosa,
 A Naomh Ioseph,
 'Uain Dhé a tha 'toirt air falbh peacannan an
 t-saoghal, *Dian fathamas ruinn, O Thighearna.*
 'Uain Dhé a tha 'toirt air falbh peacannan an
 t-saoghail,
Gu gràsor éisd ruinn, O Thighearna.
 'Uain Dhé a tha 'toirt air falbh peacannan an
 t-saoghail,
Dian tròcair òirnn.
 A Chrìosta, éisd ruinn,
A Chrìosta gu gràsor éisd ruinn.
 V. Guidh air ar son, 'Ioseph ro-bheannaichte.
 R. Los gu'n toill sinn gealladh Chrìosta.

Dianamaid ùrnaigh.

O DHIA, a roghnaich Naomh Joseph gu 'bhi na 'chéile do Mhoire bheanaichte a bha riabh na h-Oigh, agus gu 'bhi na 'oid'-altruim aig do Mhae ionmhuinn Iosa Crìosta ar Tighearna; tha sinne do luchd-achanaich ag guidhe ort gu'm builicheadh tu gu bàigheal òirm, as leth a dhìon 's a thoillteanaidh gloine anna agus cuirp: los le 'bhi glan bho gach smal, agus sgeadaichte 's an trusgan bhainnse, gu'n gabhar a stigh sinn thun na bainnse air nèamh. Tromh Iosa Crìosta ciadna ar Tighearna. Amen

SEACHD DÒRUINNEAN AGUS SEACHD SÒLAIS NAOMH JOSEPH.

i. 100 latha laghaidh aon uair 's an latha, 's 300 latha a h-uile Diciadaoin.

ii. Làn-laghadh uair 's a' mhìos.

i O CHÉILE theisteil Moire 10-naoimh, a Naomh Joseph glòrmhor, bu mhór dòruinn agus spàirn do chridhe, ri linn dhut, 's tu 'n imeist chruaidh, a mbiann a bhi ort do chéile gunsma a chur bhua: ach, an uair a thaisbein an t-Ardaingeal dhut mòr dhìomhrachd na Feòilghabhail, cha ghabh do shòlas luaidh.

As leth na dòruinne 's an t-sòlais so guidhimid ort furtachd a thoirt do 'r n-annamman a nise agus 'an spàirn a' bhàis le socair-inntinn deagh chaith-inn-beatha, agus bàs sona mar do bhàs-sa, agus Iosa 's Moire mu'n cuairt duinn.

Paidir, Beannachadh Moire, agus Glòir.

ii. O Athair-naomh ro-bheannaichte, a Naomh Ioseph glòrmhor, a roghnaicheadh gus an inbhe ud a bhì 'd Oide do'n Fhaeal-'am feòil, bu chruaidh do chràdh ri faicinn an Naoidhein ga 'bhreith 's an dubh-bhochdainn; ach thionndaidh do chràdh gu aoibhneas nèamhaidh ri cluinntinn co-sheirm còisir nan aingeal, agus ri faicinn glòire na h-oidbehe sin.

As leth na dòruinne 's an t-sòlais so, guidhimid ort, gléidh dhuinne mar an ciadna, an uair a ruith-eas cuairt ar beatha, dol a stigh do'n tìr bheannaichte sin 's an cluinn sinn còisir nan aingeal, agus an dian sinn aoibhneas 'an solus dealrach glòir Fhlathanais.

Paidir, Beannaichadh Moire, *agus* Glòir.

iii. O thusa a bha riabh fìor umhailte 'an coimh-licuadh lagh Dhé, a Naomh Ioseph glòrmhor, tholladh do chridhe le péin an uair a dhoirteadh fuil an Naoidhein Dhiadhiadh leis an tìnceall-ghearradh; ach leis an ainm, Iosa, thàll ùr-bheatha riut agus sòlas nèamhaidh.

As leth na dòruinne 's an t-sòlais so gléidh dhuinne, le 'bhi ré ar beatha saor 's gach dubhaile, dol gu h-aoibhneach thun a bhàis 'us ainm caomh Iosa na'r cridhe 's air ar bilean.

Paidir, Beannaichadh Moire, *agus* Glòir.

iv. O Naomh ro-dhìleas, a Naomh Ioseph glòrmhor, dh'an do thiùraicheadh co-phàirt 'an saoradh mhic an duine, chuir fàisneachd Shimeoin, mu fhulangas Iosa agus Moire, guin mar ospag a' bhàis 'ad chridhe, ach 's a' cheart àm rinn an fhàisneachd

mu shàbhaladh 's aiseirigh ghlòrmh'ir anmannan gun àirimh do lìonadh le aoibhneas.

As leth na dòruinne 's an t-sòlais so cuidich sinne le d' ùrnaighean, gus a bhì de dh-àirimh na feadhnach sin a gheabh, le toillteanas Iosa agus 'Oighe-Mhàthar, co-phàirt na h-Aiseirigh gu glòir.

Paidir, Beannachadh Moire, *agus* Glòir.

v. O choimhidiche fhrith-eiltich, a Naomh Ioseph glòrmhor. Oid'-altruim Mhic Dhé 's an fheadhail, gu fìor shaothraich thu gu goirt a dh-àrach 'sa fhrith-ealadh Mhic an Dé a's àirde, gu sònraichte air fògradh leis 's an Eiphit; ach bha aoibhneas ort Dia fhéin a bhì daonnan maille riut, agus a bhì 'faicinn iodhail na h-Eiphit a' dol air chèl.

As leth na dòruinne 's an t-solais so gléidh dhuinne gràsan gu fuireach fada á caraibh nàmhaid ar n-anmannan, leis a h-uile ceann-aobhair cunnartach a sheachnadh, air chor 's á so suas, nach bì dia-bréige de spéis thalmhaidh sa bith na'r cridhe, ach, le sinn-fhein a thoirt thairis gu buileach do sheirbhis Iosa agus Moire, gur h-ann a mhàin air an son-san a bhios ar beatha 's ar bàs.

Paidir, Beannachadh Moire, *agus* Glòir.

vi. O Aingil air talamh, a Naomh Ioseph glòrmhor, a bha fo leithid de dh-ioghnadh ri 'bhì 'faicinn Rìgh Nèamh umhailte do d' fhacal, an toilluntinn a bh' ort ri 'thilleadh dhachaidh chuir d' eagal romh Archilaus fo smalan, ach le cinnt fhaotainn bho'n aingeal, thill thu agus 'an cuid-eachd Iosa 's Moire rinn thu còmhnaidh gu sona 'an Nàsaret

As leth na dòruinne 's an t-sòlais so gléidh dhuinne, le 'r cridheachan a bhi saor bho gach eagal faoin, gu meal sinn sìth deagh-chogaise, ag gabhail còmhnaidh gu tiarainnte maille ri Iosa 's ri Moire, agus mu dheireadh gu'm faigh sinn bàs na'n glacaibh

Paidir, Beannachadh Moire, *agus* Glòir.

vii. O shamhuilt nan deagh-bhéus, a Naomh Ioseph glòrmhor, an uair a chaidh Iosa, an Leanabh Naomh, air chall ort, b' an-trom do mhulad, ged nach robh do choire ris; thug thu trì latha fada air a thòir gus an d' fhuair thu le mòr-aoibhneas e, 's e leat mar do bheatha, 'am measg nan ollaichean 's an téampull.

As leth na dòruinne 's an t-sòlais so tha sinn le'r n-uile chridhe 'guidhe ort a bhi daonnan ri eadar-ghuidhe air ar son, los a chaoidh nach caill sinn Iosa leis a' pheacadh-bhàis; agus (ach nar leigeadh Dia) ma bhios de chruaidh-fhortan òirnn a chall, an sin guidhimid ort còmhnaidh leinn gu 'iarraidh gun lasachadh gus am faigh sinn e, gu sònraichte aig uair ar bàis, los gu'm fàg sinn an saoghal so gu 'mhealtainn gu sìorruidh air Nèamh far an seinn sinn gun sgar a thròcair dhiadhaidh maille riutsa.

Paidir, Beannachadh Moire, *agus* Glóir.

Bha Iosa faisg air deich bliadhna fichead a dh'aois, 's b'e a réir barail dhaoine mac Ioseph.

V. Guidh air ar son, 'Ioseph Naoimh.

R. Los gu'n toill sinn gealladh Chrìosta.

Dianamaid Urnaigh.

O DIHA a dheònaich na d' fhreasdal àghor fogh-
ainn a dhianamh de Joseph beannaichte gu
'bhi na 'chéile do d' Mhàthair ro-naoimh: tìuraich,
guddhimid ort, gu'm bi esan d'am beil sinn a' toirt
urraim air talamh mar ar eùl-taice, ri sior-eadar-
ghuidhe air ar son air Néamh. A tha beò 's a' rian
fad shaoghal nan saoghal. Amen.

URNAIGH A THAGHADH N. JOSEPH MAR CHÙL-TAICE.

O NAOIMH Joseph, 'oid'-ionnsaich 'us altruim
dhìlis m' Fhìr-shaoraich Iosa Crìosta, a chéile
fhìor-ghheimnidh Oigh Mhàthair Dhé! tha mise
A) an diugh ga d' thaghadh mar na chùl-taice
's m' fhear-dìona sònraichte, 's ag cur romham gu
daingean nach leig mi dhìom thu 'chaoi'dh, 's nach
muth 'leigeas mi le gin a th' air mo cheart chùram
nì sa bith a dhianamh gu as-onair dhut. Uime sin
tha mi le àmhhlachd ag guidhe ort gu'n deònaich-
eadh tu mo ghabhail fo d' shìor-dhìon, mo shoilleir-
eachadh 's gach teagamh, m' fhurtachadh 's gach
càs, agus mu dheireadh, mo dhìon 's mo theasraig-
inn aig uair mo bhàis. Amen.

MEMORARE N. JOSEPH.

300 latha laghaidh gach latha 'ghabhar i.

CUIMINICH, a chéile fhìorghlòin Moire 'bha
riabh na h-òigh, m' fhear-dìona gaoil-sa, a
N. Joseph, nach eualas riabh gin sa bith a ghuidh
do dhìon no 'dh'iarr ort cobhair, nach d'fhuair bhuat
furtachd. Leis an aobhar-mhisnich sin tha mise

'tighinn 'ad làthair, 's le dùrachd mo chridhe ga m' earbsa fhein riut. O oide Slànair dhaoine, na dian diù de m' achanaich ach gu h-ìochdmhor éisd rithe. Amen.

SCAPULARAN.

Scapular, 's e sin — guailleachan no trusgan-guailne a thathas ag caitheamh mar shuaicheantas air cràbhadh àraidh.

SCAPULAR MOIRE BHAINTIGHEARNA BEINN CHARMEIL.

(*An Scapular Donn.*)

'S i Moire Bhaintighearna 'thug seachad an Scapular Donn air tùs, agus sin as a làimh fhéin, air 16 là de July 1251, do Cheannard nan Carmelach N. Simon Stock, 's na briathran so: *A mhic ro-rènaich, gabh Scapular d' Orduigh, suaicheantas mo chomuinn, sochair dhut sa's do na Carmelich uile. Urra 'chaochlas 's e uime cha'n fhuilig e losgadh sìorruidh. Is comharradh sàbhalaidd e, dìon 'an cumartan, earlas sìthe 's cùmhnanta shìorruidh. A bhrìgh a' gheallaidh so faodar a chreidsinn gu'm bi a' leithid de chùram aig an Oigh Moire de luchd a' Chomuinn a cheatheas gu h-ìomchuidh an Scapular 's gu'm faigh i dhaibh gràsan gu buan-achadh 'an càirdeas Dhé, co-dhiù, gràsan an fhìor-aithreachais mu'm fàg iad an saoghal air chor's gu'n seachainn iad ifrinn.*

Sochairean.

1. Tha gach aon de'n Chomunn so, air sheòl ro. shòuraichte, fo dhìon na h-Oighe Moire.

2. Tha'n còir aca de dh-uile dheagh-oibrichean nan Carmelach, a bharrachd air an còir a bhi aca de dheagh-oibrichean Comunn an Scapulair fhéin.

Laghaidh.

i. 5 bliadhna 's còig carghuis dhaibhsan a ghabhas Riarachadh aon uair 's a' mhìos, air na cumhantan gnàthaichte. 30^h latha dhaibhsan a thraisgeas bho fheòil Diciadaoin 's Disathurna. 100 latha air son obair chorporra no spioradail na tràdeair' a dhianamh.

ii. Làl-laghaidh—(1) An latha 'ghabhar a stigh 's a' Chomunn urra. (2) 16 July, no an taobh-stigh de'n Ochdamb. (3) Aig uair a' bhàis. (4) Air làithean-féille na h-Oighe Moire, &c. (5) A h-uile Diciadaoin.

Dleasnasan.

1. Féumaidh an Scapular a bhi de dh-olainn dhuinn no dhuibh, ach cha ruig na stìomannan a leas.

2. 'S e sagart aig am beil comas a dh' fhéumas urra 'ghabhail a stigh 's a' Chomunn.

3. Ma chaitheas a' chiad fhear cha ruigear a leas fear ùr a bheannachadh.

4. Féumar a chaitheamh a latha 's a dh-oidhche, agus sin tarsainn air na guailnean.

Bliadhnaichean 'an deaghaidh taisbeineadh Shìm-oin, chunnacas an Oighe Moire leis a' Phàp Eòin xxii., agus gheall i dha gu'n coibhreachd i air an-mannan nan Carmelach 's luchd a' Chomuinn so a dh'fbaodadh a bhi 'm Purgadair, 's gu'n tugadh i as iad air a' chiad Shathurna 'an deaghaidh am bàis, air na cùmhnantan so:—

A thuilleadh air a bhi 's a' Chomuinn, agus an Scapular a bhi orra a latha 's a dh-oidheche, tha e riatanach dhaibh, (i.) An caitheamh-beatha 'bhi geimnidh a réir an staidhe. (ii.) Ofaig Moire [*Officium Parvum*] a ghabhail a h-uile latha. An fheadhainn nach urrainn a léughadh, féumaidh iad, a thuilleadh air làithean-traisg na bliadhna, traisg bho fhèil a h-uile diciadaoin 's Disathurna. Fógnaidh an Ofaig fhéin do'n chléir, do mhanaich, 's do mhaighdeannan-cràbhaidh, ach a ghabhail leis a' bheachd ud. Ma bhios e ro ana-ghoireasach (*gravi impedimento*) dhaibh an Ofaig a ghabhail no 'n traisg a dhianamh, is còir dhaibh an comhairle 'chur ri pears'-eaglais aig am beil comas a chùis atharrachadh, ma tha iad 'am beachd an laghadh-eaglaise 'chosnadh.

SCAPULAR NA PAISE.

(*An Scapular Dearg.*)

Tha'n Scapular so air an aon dianamh ris an fhear Dhonn. Is ann de dh-olainn dheirg a tha e fhéin 's na stiomannan. Cha'n 'eil ri bheannachadh ach a' chiad fhear.

'S e 'm beachd leis an do chuireadh air chois an

Scapular Dearg. Pàis dhòruinneach ar S'lanair, agus a Chrìdhe Naoimh maille ri Crìdhe caomha Mhàthar Gunsma! a shìor-àrachadh na' cuimhne le barrachd urrainn 'us leasach dh'èirighidh.

Laghaidh.

i. (1) 3 bliadhna 's nà carghuis dhaibhsan a mheò aicheas ann an staid an fhìor-aithreachais, car leth-uair a dh-ùine, air a' Phàis. (2) 200 latha gach uair a phògas iad an scapular, 's a their iad ann an staid an fhìor-aithreachais na faclan so: "*Uime sin, quidhimid ort, cuidich do sheirbhiseich a shaor thu le d'Fhuil Phrìseil*".

ii. Làn-laghaidh—(1) An latha 'ghlacad e. (2) A h-uile Dihaoine. (3) Aig uair a' bhàis. Ma bhios e ana-ghoireasach Riarachadh a ghabhail Dihaoine, faodar an làn-laghaidh a chosnadh Di-dònaich.

Féumar an scapu'ar so a bheannachadh e sagart aig an beil co'ras sin a dhianamh. Tha leasachadh creidimh, dòchais, agus gràdh air a ghealltainn a h-uile Dihaoine do luchd an Scapular Dhearg.

SCAPULAR A' GHUNIDH GUNSMAL.

(An Scapular Liath-ghorm.)

Tha'n Scapular so air an aon dianamh ris an dithis eile, 's cha'n 'eil ri bheannachadh ach a' chiad fhear.

Is còir do luchd an Scapular so a chumail na'n cuimhne onair shònraichte 'thoirt le deagh-bhéusan

's le cràbhadh do'n t sochair àghoir so--Gineadh Gunsma! na h-Oighe Beannaichte, agus a bli 'g ùrnaigh air son na feadhnaich mì-fhortanaich sin a th'air dol gu aintheistil agus tuaitheal air slighe 'n t-sàbhalaiddh, gus an tionndadh ris an aithreachas, ri caitheamh-beatha béusach, agus ri stuaim.

Laghaidh.

i. (1) 60 bliadhna dhaibhsan a mheóraicheas car leth-uair a dh-ùine. (2) 20 bliadhna dhaibhsan a théid a shealltainn dhaoine-tinne gu cobhair orra. (3) 20 bliadhna gach latha de dh-ochdaimh Laith-ean féille ar Tighearna. (4) 7 bliadhna 's 7 cearghuis air Làithean-féille na h-Oighe Moire &c.

ii. Là-n-laghadh—(1) An latha 'ghlaear e. (2) Aig uair a' bhàis. (3) Air a' chiad Dhònach de'n mhìos; a h-uile Disathurna fad a' charghuis, &c. Là Nollaig, là Càsga, Diordaoin-deasghabhail, Dònach Caingis, Dònach na Trianaid; Là Ghinidh Gunsma!, Là na Teachaireachd, Là Dol-suas Moire, Là Breith Moire, Là a' Ghlanaidh, agus ioma latha eile. (4) Cho tric 's a their iad, ann an àite sa bith, sia Paidrichean, 'us sia Beannachaidh Moire, 'us sia Glòir do'n Athair, ann an onair na Trianaid uilenaoinh 's Gineadh Gunsma! na h-Oighe Beannaichte, ag ùrnaigh air son àrdachadh na h-Eaglaise, cur as do dh-eiriceachd, agus sìth agus fìor chòrdadh 'am measg phrionnsaichean Crìostail, coisnidh iad laghaidh Sheachd Ard eaglaisean na Ròinhe, eaglais Phortiuncula, agus na h-Uaghach Naoimh an Ierùsalem.

CRABHADH AIR SON BAS SONA.

ACHANAICHEAN AIR SON BAS SONA.

300 latha laghaidh air son an trì; no 100 latha air son gach aon dhiubh.

IOSA, 'Ioseiph 's a Mhoire, tha mi 'liubhairt mo chridh' agus m' anna dhuibh.

'Iosa, 'Ioseiph 's a Mhoire, cuidichibh mi 's an uair dheireannaich.

'Iosa, 'Ioseiph 's a Mhoire, thoir eam suas an deò 'an sìth rìbhse,

TRÌ TAIRGSEACHAN.

i. 300 latha laghaidh gach uair a ghabhar iad.

ii. Làn-laghaidh uair 's a' mhìos air na cinnhnantan gnàthaichte.

i. Tha sinn a' tairgsinn do'n Trianaid uilenaoimh toillteanas Iosa Chrìosta, mar bhuidheachas air son na Fala Uilephrìseil a dhòirt e air ar son 's a' ghàradh; agus as leth an toillteanais sin tha sinn ag guidhe air a Mhòrachd Dhiadhaidh mathanas a thoirt dhuinn na'r peacannan.

Paidir. Beannachadh Moire. Glòir.

ii. Tha sinn a' tairgsinn do'n Trianaid uilenaoimh toillteanas Iosa Chrìosta, mar bhuidheachas air son a Bhàis Uilephrìseil a dh'fhuilig e air a' chrois air ar son; agus as leth an toillteanais sin, tha sinn

ag guidhe air a Mhòrachd Dhiadhaidh gu'm mathadh e dhuinn na piantan a tha ar peacannan a' toilltinn.

Paidir. Beannachadh Moire Glòir.

iii. Tha sinn a' tairgsinn do'n Trianaid uile-naoinh toillteanas Iosa Chrìosta, mar bhuidheachas air son a charrantachd thar iomradh, leis an do theirinn e á nèamh gu talamh a ghabhail an nàduir-dhaonda, agus a dh'fhulang 's a bhàsachadh air a' chrois air ar son; as leth an toillteanaid sin tha sinn ag guidhe air a' Mhòrachd dhiadhaidh ar n-anmannan a thoirt do ghlòir Fhlathanais 'an deaghaidh ar bàis.

Paidir. Beannachadh Moire. Glòir.

LEADAN AR SON BAS SONA.

i. 100 latha laghaidh aon uair 's an latha.

ii. Làn-laghadh uair 's a' mhìos, air na cùmhnantan gnàthaichte, dhaibhsan a ghabhas aon uair 's an latha e fad a mhìos.

O THIGHEARNA Iosa, a Dhia a' mhathais, agus 'Athair na tràcair, tha mi 'tighinn a d'ionnsaidh le cridhe iriseal, cràiteach, brònach; riutsa tha mi 'g earbsa uair dheireannach mo bheatha, agus mo chrannchuir shìorruidh.

'Iosa iochdmhoir, dian tràcair orm.

An uair a bheir cion-lùis mo chas faireachadh dhomh gu'm beil mo chuairt 's an t-saoghal so 'teannadh gu crìch:

'Iosa iochdmhoir, dian tràcair orm.

An uair nach urrainn dhomh, le marbh-fhuachd
 'us crith mo lùmh an céusadh a thasgadh riinn, ach
 a thuiteas e orm air leaba mo thrioblaid :

'Iosa iochdumhoir, dian tròcair orm.

An uair a thig doille air mo shùilean 's iad air
 tionndadh le fuathas romh dhlùths a' bhàis, 's a
 dhearcas iad ortsa, m'aon chobhair dheireannach :

'Iosa iochdumhoir, dian tròcair orm.

An uair nu dheireadh a luaidheas mo bhilean,
 air fuachd 's air chrith, d' ainm diadhaidh :

'Iosa iochdumhoir, dian tròcair orm.

An uair a bhios m' aghaidh glasdaidh, fuar, ag
 cur truais 'us oillt' air na bhios mu'n cuairt dhomh ;
 an uair a bhios m' fhalt air snàmh ann am fallus a'
 bhàis, 's e 'g éirigh air mo cheann, ag cur mo chrìch
 'an cèill dhomh :

'Iosa iochdumhoir, dian tròcair orm.

An uair a bhios mo chluasan gu 'bhi druidte am
 feasda air conaltradh dhaoine, agus fosgailte gu
 éisdeachd ri d' ghuth-sa 'bheir orm a' bhinn gun
 atharrachadh, a shoeraicheas mo chrannechur gu
 sìorruidh :

'Iosa iochdumhoir, dian tròcair òra.

An uair a bhios m' aigne fo luasgan le sgleòthan
 oillteil, déisneach, 's mi fotha ann an dòruinn a'
 bhuairidh ; an uair a bhios m' anam fo ghiorraig
 ri faicinn m' aingeachd agus le cagal do cheartais-
 sa, 's a bhios mi cèth 'an aghaidh aingeal an dor-
 chadais a dh'fhiachas ri gnàis shélasach do thròcair
 fhalach orm agus mo sparradh 'an an-dòchas :

'Iosa iochdumhoir, dian tròcair orm.

An uair a bhios mo chridhe bochd air géilleadh fo dhòruinn mo thrioblaid, 's fo chuaradh a' bhàis, 's air a chlaoidh le spàirn ri naimhdean m'anma :

'Iosa iochdmhoir, dian trècair orm.

An uair a thuiteas an diar deireannach, teachdaire mo chrìche, bho m' iasg, gabh-sa bhuam e na 'ìobairt-dhiùlaidh air son mo pheacannan, air chor's gu'm faigh mi bàs mar thobhartas-peanais : agus, 's an uair ghàbhaidh sin :

'Iosa iochdmhoir, dian trècair orm.

An uair a chruinnicheas mo chàirdean 's mo dhùlsean mu'n cuairt dhomh, 's iad le truas rium ag ùrnaigh riutsa air mo shìon :

'Iosa iochdmhoir, dian trècair orm.

An uair a chailleas mi mo mhothachadh, 's nach léir dhomh an saoghal, 's a bhios mi 'g acain le dòruinn 'us spàirn a' bhàis :

'Iosa iochdmhoir, dian trècair orm.

An uair a thig an ospag dheireannach bho m' chridhe 'chur sgaraidh eadar m' anam agus mo choluinn, gabh bhuam i ionann's ag éirigh bho fhadal naomh gu dol a d' ionnsaidh :

'Iosa iochdmhoir, dian trècair orm.

An uair a ghabhas m' anam, air bhall-chrith air mo bhilean, a chead tuille de'n t-saoghal, agus a dh'fhàgas e mo choluinn gun deò, glasdaidh, fuar ; gabh an dealachadh so mar chis-ùmhlaich a tha mi toileach a dhiùladh do d' mhòrachd dhiadhaidh : agus anns an uair dheireannaich sin de m' bheatha :

'Iosa iochdmhoir, dian trècair orm.

Mu dheireadh an uair a theid m'anam 'ad làthair,

's a gheabh mi'n ciad shealladh de d' mhaise ghlòrmhoir nach dìbir, na tilg mi á d' fhianuis, ach gabh gu caidreach 'ad asgail mi gu 'bhi gu sìorruidh a' seinn do chliù; agus an sin, 'nuair a thòisicheas an t-sìorrachd dhomh:

'Iosa iochdmhoir, dian tròcair orm.

Dianamaid ùrnaigh.

O DHIA, a dh'òrdaich am bàs dhuinn uile, ach a chleith òirnn an là 's an uair, deònaich gu'n caith mi m' ùine 'an gnìomhannan naomh agus ceart, 's gu'n toill mi an saoghal so fhàgail le sìth deagh-chogais, ann an caidreamh do ghaoil. Tromh Chrìosta, ar Tighearna. Amen.

URNAIGH AIR SON BAS SONA.

O MHOIRE, 'ghineadh gunsmal, guidh air ar son-ne 'tha 'ruith fo d' dhìon. Dhèidin nam peacach, a mhàthair na feadhnach a tha 's an tarrainn, na tréig sinn aig uair ar bàis, ach gléidh dhuinn làn bhròn-eridhe, fìor-aithreachas, mathanas ar peacannan, deagh chomanachadh deircinnach, neartachadh sàcramaid na h-Ola-romh'n-bhàs, air dhòigh 's gu'm faod sinn gu tiarrainte dol air bia-laobh a' bhrithimh cheart, ach thròcairich, ar Dia agus ar Slànair. Amen.

URNAIGH RI N. IOSEPH AIR SON BAS SONA.

O NAOMH Ioseph, a dh' imich as a' bheatha so 'an glasaibh uilechaomh do dhalta Iosa,

agus do chéile ro-mhùirneach Moire, cuidich mise,
O Athair naoimh, maille ri Iosa 's ri Moire, gu
sònraichte an uair a chuireas am bàs crìoch air mo
bheatha; agus an aon fhurtachd sin a tha mi 'g
iarraidh gléidh dhomh, 's e sin an deò 'thoirt suas
'an glacaibh uilenaomh Iosa 's Moire. Na'r lam-
han-se ri m' bheò 's aig uair mo bhàis tha mi 'liubh-
airt mo spioraid, 'Iosa, 'Mhoire, 'Ioseiph. Amen.

CRABHADH DHAOINE TINNE.

CÒMHAIKLEAN DO DHAOINE TINNE.

Ma bhuaileas tinneas trom 's a bith thu, cuir a dh'
iarraidh do léigh spioradail, agus rian guothaichean d'
anma. 'S ann an toiseach do ghalair is fhearr a théid
so a chur 'an gnìomh, na'n uair a ghabhas e greis air
'adhart; far am faod bruailean na h-easlainte, no càil
na cungaidh leigheis, duine fhàgail mutha 's anfhann
air son dleasnais cho cudthromach. 'S ann mar
pheanas air a' pheacadh a tha tinneas gu tric ga
'leagadh oirnn: agus, uime sin, 's e fìor aithreachas
air a shon, agus deagh fhaoisid, miadhonan iomadh
uair a's mutha 'ghléidheas slàinte dhuinn na nì 's a
bith eile.

Mur d' rinn thu fhathasd do *Thiomnadh*, rud nach
robh glic a chur cho fad' an dàil, dian e mar an ciadna
ann an toiseach do thrioblaid, air chor 's gu'm faod
thu, an déigh do ghnothaichean saoghalt' a réiteach,
do bheachd a leagadh gu socrach air leas d' anma.

Thoir air na càirdean a's fhearr a th'agad brath a
thoirt dut na 'thràth mu dhéidhinn staid do thinneis,
agus do chunnart innse' dhut, gun iad a bhith ga d'
mhealladh le dòchas bréige á slàinte, gun choltas 's a
bith ach gann. Thoir a' bhuil a's fhearr a's urrainn
thu á àm d' anshocaire, gun fhios nach e an tìm mu

dheireadh dhuts' e. Na fuilig ach beagan de luchd-sealltainn a thighinn 'ad charamh, agus na éisd ri seannachas mur tig e gu leas d' anma.

Faic cuideachd ann an toiseach do thrioblaid, gu'm bi d'fhiachan air am pàidheadh, 's gu'm fuasgail thu h-uile ceangal eile 'th' ort, fhad' 's a ghabhas e dianamh. Thoir mathanas dhaibhs' a rinn olc ort, agus iarr mathanas ar an fheadhainn air an d' rinn thu cucoir.

Gabh do thinneas mar pheanas bho laimh Dhé airson do pheacannan, agus bi làn-striochdte ri 'thoil naoinh: tairg thu fhein suas dha gu tric, iarr air faighidin a thoirt dut, agus do thrioblaid's do phian a naomhachadh, le an cur ann an comunn dòruinne Iosa Criosta; agus an gabhail mar éirig air-son do pheacannan.

Thoir air cuid dha d' chàirdean a bhith 'leughadh dhut, a' taghadh nan urnaighean sin a's mutha 'ni do ghluasad, agus a's freagarraiche dha d' staid; mar tha na Seachd Sailm Aithreachail, Leadain, Gnìomhan Gràidh air Dia, Gnìomhan Faighidin 'us Umhlachd, &c.

Biodh an crann-ceusaidh, no dealbh Chrìost' air a' chrois an cònuidh 'an sealladh do shùl, smaoinich gu tric air a phàis, falaich thu fhéin na 'lotan, no tilg thu fhéin aig a chasan leis a' ghaol agus leis an earbsa a's mutha.

Ré do thinneis dian na 'dh-fhaodas tu gu spiorad an fhìor aithreachais a ghluasad ann ad chridhe; gu tric iarr trocair air Dia, agus biodh do ghnìomhan aithreachais cuideachd lionar. Bha naomh Uistean gu tric ag radh, gu'm bu dân do chrìostaidh 's a bith dol thun a' bhàis, air feodhas a chaithe-beatha, gun a chridhe 'bhith ga 'lèire, leis an aithreachas.

COMHRADH DUINE THINN RI DIA.

O DHIA, 'Athair agus a Chruthadair an domhain! Riuts' a tha 'tuinidh an cònuidh shuas, 's a tha na d' shuidhe an cathair na glòrach, tha mi nis a' togail mo chridhe agus 'ad fhianuis a' taomadh mach mo mhiann. Fada tha mi bhuat fhathasd 's an fheoil a' stri ri iargain na beatha. Tinn, lag, agus truagh, tha mi 'n so na m' shìneadh air leaba na h-anshocaire, gun fhios c'uin a thig an uair dheireannach orm, no 'spionas am bàs as an t-saoghal so mi 'S ann agads' a mhàin a tha brath air so, O Dhia uile-leirsinnich! Ach an tràth 'thig an uair, bithidh i na h-uair éibhinn domhsa. 'Nuair a thréigeas m' anam mo chorp, stiùir thusa ga d' ionnsaidh fhéin e, a chruthaich air do shon fhéin e, agus laidheadh mo cholunn gu sìtheil 's an uaigh shèimh gu latha mór na h-aiseirigh. So mo thoil agus m' achanaich riut, O Athair, biodh iad air an coimhlionadh. Math dhomh a h-uile eucoir 'us peacadh a rinn mo laigse 'ad aghaidh; na cuir as mo leth aineolas m' òige, agus math dhomh eucoirean làithe m' fhearachais. Falaich mo pheacannan uile fo chaomh sgéith d' fhaighidin, agus do thròcaire. Aig do chasan, O Athair, tha mi 'tilgeadh cridhe briste agus aithreachail: na cuir suarach e, air sgàth Iosa Crìost' a fhuair bàs mar iobairt air mo shon air fiodh na croise. M' fhulangas tha mi 'tairgse dhut, O Athair, 'an co-pairt ri fulangas agus bàs Iosa, los gu'm faod mi, an déidh mo ghlanadh le peanas m'fhulangais, tighinn gu

taitneach fo d' shùil naoimh. O an toileachadh a bheir e dhomb ma's e 's gu'n lean mi, fhad' 's a bhios anail annam, ris an aithreachas so, ri faighidín nach géill, 's gu'm bi mi lan-striochdte dha d' thoil naoimh. Ann an earbsa bheannaichte á cacinhneas do mhathais, agus do thròcaire, gu'm b' ann a leumas m' anam suas 'ad ionnsaidh, a Chruthadair, comhlúath 's a théid 'fhuasgladh bho'n choluinn: bho 'n t-saoghal-sa gu'm b' ann a ni thu aiseag gu flathanas, bho innis nan diar gu ionad aighir 'us sòlais gun chrìch.

'An sin cha bhi truaighe a chuireas bruailean air mo shìochaint, cha tig pian 'am fagus donh a chaidh: buaireadh cha bhi ann gus me mhealladh, cunnartan cha mhaidh air m' anam: agus ni cha tachair gu m' éisleam. 'Ad fhochair bithidh mi, O mo Dhia; aghaidh ri aghaidh chi mi thu: agus ann an còisridh ainglean, bithidh m'aighear a bhith 'g amhare air do mhòralachd: bheir mi 'an sin mo bhriathran gu'm bu cheart, gu'm bu naomh do ràidean, a tha doilleir dorecha 'an so a bhos: aidichidh mi gu'n robh do chomhairlean, d' òrduighean, 's do luthasachadh naomh, mar-aon 'us do-rannsaichte: ged tha daoil mar sinne a' saolsinn iomadh uair, gu bheil iad a' tighinn tarsuinn air do ghliocas 'us air do ghràdh. 'An sin bithidh thus' agam, O m' Athair, agus mo Dhia, an gaol a's glaine 'bheir mi dhut, sealbhaichidh mi thu le aighear 'us aoibhneas mór, agus an sòlas sin cha sguir gu dìlinn. Dha d' threud bheir thu beatha shiorruidh, agus neach cha 'n urrainn a thoirt as do laimh. (Eoin.

x. 28.) A' feitheamh orm tha aoibhneas bith-bhuan, agus fada fos cionn gach dùil, agus iarraidh eridhe. Sùil cha 'n fhac e, cha chuala cluas e, 's 'an eridhe duine riamh cha deach na nithean a dh'uidbeamaich Dia ann am flathanas air-son na feadh-nach a bheir gaol dha.

O fhathanais an t-sòlais, O thìr mhath fhìrinnich an aoibhneis mhóir! Car-son nach fuilginn gach nì air do shon? Cha 'n urrainn don b rud na 's fheair na thus' a chosnadh le m' fhulangas. Air an aobhar sin, le gràsan Dé leanaidh mi gu dìan mo bhuille, gabhaidh mi romham gu dàicheil, gus an glac mi an crùn sin a tha 'm freasdal orm bho'n bhrìtheamh cheart. (2 Tim. iv. 8.)

'S e mo thoil mòran tuille 'fhulang air-son do ghràidh-se, O Ios', a dh'fhuilig an toiseach uiread air mo shon-sa; na dh'fhuiligeas mi an déigh so, 's ann air-son do ghaoil-sa 'théid fhulang, agus a chionn gur e do thoil a th'ann. Dh' fhuilig thusa, a' fàgail samhla againn, gus an leanamaid do cheuman (1 Pead. ii. 21). Tha mi 'g imeachd a reir do ghuth, O Shlànaire naoinb. Tha mi 'togail mo chroise, 'us ga d' leanail. Thuirt thu: Cha 'n fhuilear dhut fulang, 'us dol a stigh gu d' ghlòir an déigh sin. B' fhaide 's bu truime d' fhulangas fhéin na mo chuid-se de'n anshocair, agus gu deò-nach chuir thu suas rithe; bha thu umhal gu bàs, 's eadh gu bàs na croise. Air an aobhar sin thug d' Athair ainm dhut, a tha fos cionn gach ainme, agus dha'n lùb gach glun air nèamh, air talamh, agus fo 'n talamh. (Phil. ii. 8.) Tha mise ga d' leanail, 'us tha mi 'n dòchas an déigh m' fhulangais gu'n

tig mi gu d' ionnsaidh 'an aoibhneas. Thugas domh, O Iosa, misneach agus càil gus am beachd Criostail so 'leanail; neartaich m' fhaighidin lag, daingnich mo bheachd neo-stéidheil, agus cum taic ri m' bhreòiteachd. Mar mheangan lag glaodh riut fhéin mi, 's gur tu am fionan, air chor 's gu'n toir mi mach annadsa, le m' bheatha 's le m' bhàs, toradh na beatha sìorruidh. Gun thusa 's fheudar gu'm bi mi fann, s gu'n géill mi: uime sin tha mi ga m' shnaim fhéin riut gu teann. O Iosa, tha gaol agam ort; O Iosa, tha mi 'fulang air do shon; O Iosa, tha mi 'faighinn a' bhàis air do shon; tha mi 'creidsinn annad; tha mi 'cur mo dhòchais annad; Iosa, tha gaol agam ort; neartaich mo chreideamh, beothaich mo dhòchas, teothaich mo ghràdh, agus na biodh an teine naomh so air a dhìocladh annam. Biodh mo dhòchas air a choimhlionadh, biodh mo chreideamh gun lagachadh, mo mhiann gun lughdachadh, agus biodh m'fhaighidin ann an dòruinn 's 'an diachainnean gun dìòradh. O Iosa, ann ad uchd-sa tha mi ga m' thilgeadh fhéin gu h-ìomlan: leatsa biom 'am beatha 's 'am bàs. Cliù 'us moladh dha d' ainm naomh a nis agus gu sìorruidh. Amen.

URNAIGHEAN 'AN AM TINNEIS.

O THIGHEARN' Iosa, bho'n is e do thoil naomhsa trioblaid a thighinn orm, tha mi làn-thoileach air strìochdadh. *'Gu'n dianar do thoil air talamh mar thathas ga 'dianamh air*

nèamh.” Gu’n robh an tinneas so gu onair ’us glòir dha d’ainm naomh, agus gu sàbhaladh do m’ anam. Leis a’ bheachd so tha mi ga m’ liubhairt fhéin dut gu h-umhailte, strìochdte, gu fulang cho fad’ agus is àill leat, ’us anns a’ dhòigh a’s àill leat. Chionn is peacach truagh mi, a’ Thighearn’, a rinn iomadh eucoir ort, agus bho’n a bha mo chiontan bho chionn fad’ a’ glaodhaich diùghaltais ri flathanas, car-son nach gabhainn an t-achasan so bhuat?

O mo Dhia, dé fàth mo ghearain? tha thus’ uile-cheart, ’us thoill mise gu’m buineadh tu rium gu goirt. Ach, O mo Thighearna, na smachdaich mi na d’ chorruich, agus na cronaich mi na d’ fheirg. Tha fios agad nach ’eil annam ach laigse agus smùrach an tahnainn; na buin rium a réir mo pheacannan, ’s na leag do lamh orm cho trom ’s a tha m’ olcas a’ toilltinn ach a réir lionmhorachd do mhór thrèaire gabh truas dhìom. O biodh do thrèair ’an cois do cheartais, agus neartaich mi le d’ ghràsan na m’ theinn. Thusa, Dhia, a tha làn iochd, dian cobhàir orm, dhòigh ’s gu’n giùlain mi m’ anshocair le faighidín, agus gu’n gabh mi an tinneas so bho d’ laimh mar pheanas a tha mo pheacannan a’ toilltinn. Na leig ann am buaireadh mi, dìon mi ’an aghaidh mo naimhdean, agus saor mi na m’ easlainte bho gach nì ’chuireadh miotlachd ort; agus mur éirich mi dhe’n leaba so gu bràch, na leig dhomh dearmad a dhianamh air na meadhonan sàbhalaiddh a dh’ uidheamaich thusa na d’ thrèair air-son m’ anma gus ’ullachadh chum na sìorrachd. O mo Dhia, glan m’ anam bho smal a’

pheacaidh, biodh mo chreideamh agus mo dhòchas annad-sa daingean làidir, thoir dhomh gaol a thoirt d'ut os cionn gach nì; agus tha mi 'g achanach le dùrachd mo chridhe, as leth fulangas agus bàs Chrìosta, gu'm bi mi air m' àirimh 'am measg nan naomh, 's a' seinn do chliù gu sìorruidh. Amen.

O THIGHEARNA. Ìlaidh mi gu toileach an cupan searbh so a tha do làmh thrèaireach cheart a' tairgse dhomh: tha mi làn-striochdte dha d' thoil bheannaichte co-dhiu is beatha no bàs e; cha 'n e mo thoil-sa ach do thoil naomh-sa gu'n robh diante. O Thighearna, tha mi 'tairgse dhut na tha mi 'fulang an drasda, agus na dh' fhuiligeas mi an déigh so gu bhith air a naomhachadh le fulangas mo Shlànair. O mo Dhia, tha mi 'toirt aoraidh dhut mar mo chiad thùs agus mo chrìoch dheireannaich, dhutsa tha mo chridhe 's m' anam a' toirt làn-umhlachd. O Thighearna, 's e mo mhiann a bhith gu bràch a' seinn do chliù ann an tinneas no slàinte, 's a bhith 'toirt molaidh dha d' ainm maille ris na naomh air nèamh 's air talamh. Tha mi 'toirt tainge dhut bho m'uile chridhe air-son gach tiodhlaic a bhuilich thu ormsa agus air d' Eaglais air fad, as leth do Mhic Iosa Crìosta; gu h-àraid air-son gaol a thoirt domh bho 'n t-sìor-rachd, agus mo shaoradh le d' Fhuil Phrìseil. O na biodh an Fhuil sin air a dòrtadh air mo shon-sa 'an diambanas.

A Thighearna, tha mi 'creidsinn anns a h-uile firinn dhiadbaidh a thaisbean thusa, agus a tha 'n

Eaglais naomh Chaitliceach a' teagasg. Is tusa Dia na firinn, nach urrainn mealladh no bhith air do mhealladh, agus a gheall gu'm bitheadh Spiorad na firinn a' stiùradh d' Eaglais anns gach uile fhirinn.

Ann an so abair a' Chreud.

Le d' chòmhnaidh-sa, 'Dhia, so an creideamh anns am bi mi fad mo bheatha, agus anns am faigh mi bàs. A Thighearna, neartaich mo chreideamh. O mo Dhia 's ann annadsa 'tha m' earbsa gu h-ionmhan, 'us dùil agam ri trècair, gràsan agus sàbh-aladh bhuatsa, as leth fulangas agus bàs mo Shlàna-air Iosa Criosta Annads', a Thighearna, tha mo dhòchas; na bitheam air mo mhealladh. O Iosa chaoimh, dian cobhair orm 'an uair mo thrioblaid, falaich mi na d' lotan, agus glan m' anam le d' fhuil phrìseil. O mo Dhia, tha mi 'toirt gaoil dut le m' uile chridhe, le m' uile anam, agus os cionn gach nì; co-dhiu 's ann mar so bu mbiann leam gaol a thoirt dut. O thig a ghabhail seilbh na m' anam, 'us biodh e gu bràch air a lionadh le d' ghaol. 'S e mo thoil a bhith fuasgailte 's a bhith maille ri Criosta. O c'uin a thig do rioghachd? O Thighearna, c'uin a bhios tu 'riaghladh cridheachan an t-sluaigh gu léir? C'uin a thig crìoch air a' pheacadh?

Air-son do ghaoil bithidh mi ann an carrantachd ri gach neach. Tha mi bho m' chridhe 'toirt làn-mhathanais do gach aon a rinn eucoir orm, 's ag iarraidh mathanais air gach aon air an d' rinn mi

ole. Dian trècair, a Dhia, a réir do mhór thrècaire, agus a réir lionarachd do chaomh thrècaire dubh as mo lochdan. O co 'bheir uisge dha m' cheann agus tobraichean dhiair dha mo shùilean gus an bi mi 'là 's a dh-oidheche ag caoidh mo pheacannan! Is truagh gu'n d' rinn mi eucoir riamh air an Tì a tha uile-mhath. O is sona an t-anam a ghléidh neochiontas a' bhaistidh. A Thighearna, dian trècair orm, oir is peacach mi. 'Iosa, 'Mhic an Dé bheo, dian trècair orm. Tha mi 'liubhairt m' anma do Dhia a chruthaich mi á neoni; do dh-Iosa mo Shlànair a cheannaich mi le 'fhuil phrèisil; do'n Spioraid Naomh a naomhaich 'an tobar a' bhaistidh mi. 'Ad lamhan-sa a Thighearna, tha mi 'liubhairt m' anma.

Tha mi 'nis 'us gu sìorruidh ag cur cùl ris an aibhisteir, 'us ri 'uile gnìomhannan; agus tha mi 'toirt gràine dh'a bhuaireadh 'us dh'a mhealltair-eachd. O Thighearna, na leig le nàmhaid m' anma buaidh 'fhaotainn orm a nis no aig uair mo bhàis. O biodh d' ainglean naomh gu léir ga m' dhìon bho chumhachdan an dorchadais. O Mhàthair Dhé, guidh air ar son-ne na peacaich a nis, agus aig uair ar bàis. O Naoimh agus Ainglean Dhé, guidhibh as mo leth, chionn is peacach truagh mise.

Urnaigh air-son faighidh an àm mór-chràidh.

O THIGHEARNA, chiontaich mi 'ad aghaidh, gabh m' fhulangas an éiric mo pheacannan; is tric a chuir mi mìothlachd ort, 'us tha 'h-uile réusan agam air fulang. A Thighearna, tha thusa ceart anns gach dòigh. 'S e an Tighearna a thug

dhomh slàinte agus neart, 's e a thug bhuam iad. Tha 'chùis mar a tha esan a' faicinn iomchuidh; beannaichte gu'n robh ainm an Tighearna. Thoil mi tuille mór 's a tha mi 'fulang; anns a' cheart thrioblaid a leag thu orm tha thusa, a Thighearna, a' fiachainn trèaire. O mo Dhia, na caomhain mi 's an t-saoghal so, ach bi caomh rium 's an t-sìor-rachd. Is lionmhor iad a tha 'fulang ann an ifrinn air-son pheacannan a's lagha na 'rinn mise; is neoni na tha mi 'fulang 'an coimeas riùsan; 's ann dhomh a's dàn a bhi 'gearan. A Thighearna, rinn thusa ìobairt dhiot fhéin air mo shon-sa, agus tha mise ga m' thairgsinn fhein an dràsda mar ìobairt dhutsa. Ma dh' fhuilig an Tì neochiontach air son ar peacannan, dé dh'éireas do'n chiontach Roimhe so 's e m' thoil fhéin a bha mi 'leantuinn, ach bithidh mi air mo stiùradh le toil an Tighearna á so suas. Dé an Crìostaidh mise ma dhiùltas mi mo Cheannard a leanailt? Ghiùlain thusa, a Thighearna, do chrois, agus nach fhéudar dhomhsa mo chrois a ghiùlan mar an ciadna. Cha mhi do sheirbhiseach ma chuireas mi 'an aghaidh do thoile, no ciamar a their mi mo Thighearna riut, mur bi mi umbailte dhut? 'S ann le d' òrdugh a thàinig so orm, a Thighearna, beannaichte gu'n robh d' ainm. Seall orm, a Thighearna, le truas, thoir furtach dhomh 's mi 'an teinn. Gheall thu cobhair dhiabhsan a ghlaodhadh ort na'n trioblaid, a Dhia dian còmhnaidh rium gun dàil. Gheall thu nach bitheadh a h-aon a chuireadh earbsa annad air a mhealladh; a Dhia 's ann annadsa a tha m' uile dhòchas; a

Dhia na tréig mi. A Dhia cuidich mi, thoir dhomh fulang le faighidín, 's a bhí làn-striochdte do d' thoil bheannaichte. 'S e so lath' a' chath; le d' chòmhlaadh-sa, a Dhia nam feart, gheabh mi buaidh; bho'n a gheall mi do bhratach a leantuinn is còir dhomh fulang 'ad aobhar; is mór a dh' fhuilig na martairean, ach an uair a bu mhutha an dòruinn thug iad moladh do d' ainm. Am beil còir agamsa air a bhí saor bho thrioblaid? Am beil mise na's fhèarr na 'n fheadhainn a dh' fhalbh romham? Is ioma là socrach, slàinteach, a bh' agamsa, agus feadhainn a b' fhèarr na mi ann an triobiaid 's an anshocair; bho'n is àm diachainn a' bheatha so, nach fhéum mise tachairt ri diachainn mar an ciadna? Am bi dùil agamsa ri crùn mur fhaigh mi buaidh? 'S am faigh mi buaidh mur dian mi cath? Ciod is fhiach m' ùmhlaichd mur striochd mi do m' thrioblaid? No m' fhaighidín mur giùlain mi m' anshocair? No c'ait am beil mo mhisneach 's mo neart na ghéilleas mi 'an àm cruadail? So an t-àm a a dhearbhas gur Crìostaidh mi. O mo Dhia, dé 's fhiach gach gealladh a thug mi dhut, ma chuireas mi 'd aghaidh an uair a smachdaicheas tu mi? Ma tha mi toilltinn mo chionachadh, O mo Dhia, carson a chuirinn 'ad aghaidh? A Thighearna, na cronaich mi ann ad fheirg, agus na smachdaich mi ann ad chorruich. Ged nach 'eil mi ga 'thoilltinn, seall thusa orm, a Dhia, le truas agus le bàigh. Tha fhios agad nach 'eil annam ach neoni; cuidich mi le d' ghràsan cumbachdach. Na tréig mi 'am dhiachainn, ach dìon mi fo sgàil do sgéithe, a Dhia

nam feart : is créutair boehd truagh mi ; na bi ann am feirg rium. Cha'n 'eil cobhair ri 'fhaotainn ach bhuatsa 'mhàin ; is tu mo thaic, m' fhasgadh, agus mo dhèdan. A Dhia, na cuir suarach mo ghearan, ach thoir fhasgadh dhomh fo sgàil do chumhachd. Thoir bhuam mì-faighidin, cìosnaich mo nàdur coirbte. Olam gu deònach an cupan a chuir thu 'am làimh. Thoir dhomh mo chrois a ghiùlan le faighidin ; is ann tromh mhòran anshocair a théid sinn a stigh do rìgheachd fhlatanais ; 's fhéudar dhaibhsan leis an àill a bhi 'an glòir maille ri Iosa, fulang maille ri Iosa. Ionnsaich dhomh mo thrioblaid a ghiùlan air dhòigh 's gu'n tig i gu féum sìorruidh do m' anam. Thig crìoch air gach nì a' dh' fhuiligeas mi an dràsda ; is goirid dioman m' ùine 's an t-saoghal so ; cha'n fhada 'th' agam ri fulang. Ach air an ath-bheatha cha tig crìoch. O giùlain-eam a' phian so nach mair ach goirid, 'an dòigh Chrìostail, fhaighidnich, los gu'n seachainn mi a' phian a mhaireas a chaodh ! Ma tha e duilich cur suas leis an trioblaid so, ciamar a dh'fhuiliginn dòruinn shìorruidh ifrinn ? 'S ann gus mo theasraiginn bho phéin shìorruidh a leag thusa, a Dhia, pian aimsireil orm. Fuiligidh mi gu toileach le còmhnaidh do ghràs. Do thoil-sa, a Dhia uile-gbhie, uile-bheannaichte, agus uile-thrècaireach, gu'n robh diante. Amen.

URNAIGH ROMH 'N CHOMANACHADH DHEIREANNACH.

An uair a bhios duine tinn a' dol a ghabhail com-manachaidh, is còir a' chèarna 's am bi e a chur 'an òrdugh cho glan 's a dh'fhaodar ; bòrd a bhi ann 's

anart geal glan sgaoilt' air, agus Céusadh 'us dà choin-
nil; buidh e iomchuidh cuideachd, gloine de dh-uisge
'bhi air, agus gloine de dh-uisge coisrigte.

O SHILANAIR bheannaichte, 'Iosa Chrìosta!
tha mi 'creidsinn gu daingean gu'm beil thu
da 'rìreann a làthair anns an t-Sàcramaid urramaich
so, a tha mi 'nis a' dol a ghabhail mar lòn-turuis na
siorrachd: tha mi 'creidsinn gur e d'fhìor Fhèdil
agus d'fhìor Fhuil maille ri d'Anam agus do Dhia-
dhachd a th' innte. 'S e mo mbiann an t-aran
nèamhaidh so fhaotainn, air son d'onaire agus do
ghlòir-sa, agus math m' anma, los gu'm bi mi gu
sona air mo dhlùthadh riutsa. Ach ciamar is dàna
lean teannadh riut; enuimheag cho truagh, a
dhionnsaidh Mòrachd neo-chrìochnaich; peacach
cho salach, gu gloine agus naomhachd fhéin? 'S
ann 'ad thròcair, uime sin, a tha mi 'cur m' uile
earbsa; ach bho'n is e do thoil cuireadh a thoirt
dhut fhéin a dh-ionnsaidh bothain cho bochd, truagh
agus suarach, ris a' chóm so, deònaich, guidhim
ort, gràsan, miagh, ùmhlaichd, agus cràbhadh a
thoirt dhomh, a dh'uidheamaicheas àite-tàimh iom-
chuidh gu gabhail romhad. Glan m' anam bho'n a
h-uile smal peacaidh, éid e le trusgan-bainnse na
carrantachd, agus sgeadaich e le uile shubhailcean.
Thigim h-ugad mar Mhagdalen, gus mo shaoradh
bho'n a h-uile olc, agus thusa a ghlacail, m'aona
mhath. Tha fuath agam bho ghrund mo chridhe
air m' uile pheacannan, a chionn gu'n chuir iad
mìothlachd air do mhathas. Tha toil agam an
tilgeadh uile sìos aig do chasan, gus am mathar 's

an dubhar as iad le d'Fhuil Phrìseil. Tha duilichinn orm air an son, agus bithidh mi duilich, brònach air an son, fhad 's is beò mi. Ni mi caoidh 'us tuireadh air an son le doilgheas-eridhe. Ged a tha iad lìomhor agus uamhasach, is neoni iad làimh ri d' thròcair do-thomhaiste, agus ri éiric neo-chrìochnach d'Fhala Prìseile. Thoir mathanas dhomh, ma ta, 'Iosa chaoimh. Air sgàth do mhòr-ìochd, gabh truas rium agus sàbhail mi; a chionn cha tréig thu a chaidh iadsan a chuireas an dòchas annad. Tha mi 'toirt gaoil dhut, O mo Dhia, le m' uile chridhe, 's le m' uile anam, os cionn gach nì a th' air talamh no air nèamh; co-dhiu 's e mo mhiann gaol a thoirt dhut le dùrachd mo chridhe. Tha mi ga m' liubhairt fhéin dhut gu sìorruidh. O thig agus gabh seilbh 'am chridhe gu là-bhràth. Tha mi ga 'thairgsinn dhut gu h-ionmhan. O thig agus las suas e le teine caomh do ghaoil nèamhaidh, agus na sgaradh nithean 'am beatha no 'm bàs mi bhuat tuille. O Iosa chiùin, deasaich mi gus am beannachd a tha thu brath a bhuileachadh orm fhàilteachadh mar is còir. Irioslaichte 'an eridhe 's 'an inntinn, tha mi 'toirt aoraidh 'us urrainn dhut, 's ag aideach 'ad làthair nach 'eil annam ach duslach 'us luath. 'S e earbsa 'ad mbathas a tha 'toirt dànadais dhomh tighinn a d' ionnsaidh, a chionn 's éiginn dhomh gabhail ris nach airidh air mi air shedl sa bith. *O Thighearna, cha'n fhiach mise gu'n tigeadh tu stigh fo m' fhàrdaich; ach abair am facal a mhàin, agus bithidh m' anam sàbhailte.*

URNAIGH AN DEIGH A' CHOMANACHAIDH DHEIREAN-
NAICH.

TAING 'us glòir dhut, O Thighearna, a dheònaich
'ad mhór-chaoimhneas tighinn a shealltainn
orm, agus furtachd a thoirt do m' anam féumach.
Leig le d' sheirbhiseach a nis triall ann an sìth, a
réir d'fhacail. Thàinig thu a choinhead orm, agus
cha dhealaich mi riut. A nis gabhaidh mi mo
chead de'n t-saoghal gu toileach; agus théid mi 'd
choinnimh-sa, a Dhia, le sòlas.

O Iosa chaoimh, cha dhealaich mi riut gu sìor-
ruidh. Tha mi 'nise air mo dhlùthadh riut gu
teann, annadsa bithidh mi beò, annadsa gheabh mi
bàs, agus annadsa tha mi 'n earbsa 'bhi 'còmhnaidh
gu bràch.

Cha'n 'eil 's a' bheatha so ach trioblaid 'us ansho-
cair; 's e mo mhiann a bhi air m' fhuasgladh 's a
bhi maille ri Crìosta.

Ged a ghluaiseas mi : nn an sgàil a' bhàis, cha'n
éirich béud dhomh, bho'n a tha thusa ann am chuid-
eachda, a Thighearna. Mar a tha am fiadh an
déigh air uisge an fhuarain, mar sin tha m' anam
'an tòir ort; tha m' anam tartmhor 'an geall air òl
á tobar na beatha.

O mo Dhia, c'uin a théid mi 'd làthair! O Iosa,
thoir do bheannachd dhomh, agus socraich m' anam
ann an sìth shìorruidh; ann am fois nach fhaigh
mi ach bhuatsa a mhàin; ann am fois nach cuir mo
nàmhaid a dhìth orm.

Is fhada leam gus am bi mi 'd chuideachda ann

an sòlas sìorruidh; is truagh nach robh m' anam aig fois; 's ann annadsa, a Dhia, a tha sòlas rìgh-eachd fhathanasais.

Cìod e mo ghnothach-sa tuille ris an t-saoghal? Dé a tha bhuam ann am fathanas ach thusa, mo Dhia? 'Ad lamhan-sa tha mi 'liubhairt mo spioraid: Iosa, glac m' anam 'us thoir gu sòlas sìorruidh e. Amen.

URNAIGH ROMH'N ÒLA DHEIREANNAICH.

O THIGHEARNA Iosa Chrìosta, tha thu ann ad mhór-ìochd a' freasdal oirnn le d' chuid-eachadh làidir anns gach gàbhadh 'us cunnart 'am bi sinn: deònaich mi-e 'dhianamh toillteanach air na gràsan a tha fuaighte ris an t-sàcramaid a tha mi 'dol a ghlacail an dràsda. Dh'òrdaich thu sàcramaid na h-Òla Deireannaiche gu furtachadh air na daoine a tha'n dòruinn, agus ann an riatanas àraid air taic agus air misnich; tha mise deònach air an leigheas spioradail so 'ghlacail, air son na criche gus an do shònraich thu i. Deònaich, a Thighearna, gu'n tig an t-ùngadh naomh so go féum dhomh, gu m' anam a leigheas bho na crèuchdan a dh'fhàg am peacadh air; gus mo neartachadh 'an aghaidh gach buairidh; gu taic a dhianamh dhomh 'am trioblaid, 's 'am dhòruinn; agus, a réir do thoile naoimh-sa, gu m' ullachadh gu bàs beannaichte. Ma tha thu 'faicinn gu'm bi slàinte do m' choluinn na 'cuideachadh gu m' anam a shàbhaladh, biodh so na 'mhiadhon gus a tilleadh ga m' ionnsaidh. Ach tha mi làn-strìochdte do d' thoil

naoinh. Is deònaiche mi air do thoil-sa 'dhianamh na 'bhi beò 's an t-saoghal so. Dian rium a réir 's mar a tha thu 'faicinn a's fhèarr do m' anam. So aon iartras mo chridhe, do thoil-sa 'bhi diante. Thoir dhomh slàinte no easlainte, beatha no bàs, do thoil phrìseil-sa gu'n robh diante, 's cha'n e mo thoil-sa. Is mutha an toilintinn leam do thoil-sa 'bhi diante, na deich mìle saoghal a bhi agam. Bu ghnothaich àghor dhòmhsa na'n dianadh mo choluinn a thilgeadh a dh-ionnsaidh na h-ùrach as an d' thàinig i, dìoladh air son nam fiachan a th' agad orm. Bha mo shùilean fosgailte do ghòraiche; bha mi 'toirt cluaise do chùlchainnt, do dhroch-cainnt, 's do chainnt dhiamhain; bha mi 'toirt as-onair dhut le m' theanga, 's le m' ana-measarrachd; bha mo lamhan ag cur air 'aghart an uile; bha mo chasan ag gluasad 'an céumannan na h-aimideachd. Leis an Ola Naoimh so, agus le ùrnaigh na h-Eaglaise, thoir dhomh mathanas, a Thighearna, anns gach peacadh a rinn mi le m' chéudan-corporra; biodh na dorsan sin a leig am peacadh a stigh gu m' anam a nise dùinte air an t-saoghal so. Biodh mo shùilean fosgailte dhutsa a mhàin; biodh mo chluasan ag éisdeachd ri d' fhàintean; biodh mo theanga gun tàmh ag iarraidh iochd agus tràcair ort. Dìreadh m'ùrnaigh mar ìobairt thaitnich 'ad fhianuis; biodh mo lamhan togte suas ri nèamh ag iarraidh mhathanais 'am pheacannan; gluaiseadh mo chasan 'ad shlighean, agus biodh mo chridhe, na 'thèampull beó aig an Spiorad Naomh. Ann ad lamhan, O Iosa, air am beil gaol mo chridhe, tha

mi 'liubhairt m'anna. Annadsa bithidh mi beò, annadsa gheabh mi bàs, annadsa ni mi còmhnaidh, agus annadsa tha mi 'n dòchas gu'n sealbhaich mi a' bheatha shìorruidh. Amen.

URNAIGH AN DEIGH NA H-OLA DEIREANNAICHE.

O MO Dhia, is tusa 'chruthaich, a shàbhail, 's a naomhaich mi, 's a rinn fuasgladh orm ann an ioma cunnart 'us gàbhadh, a thaobh anna agus coluinne. Bheathaich thu mi le Sàcramaid dhiadhaidh do Chuirp, agus d' Ola prìseile; agus dheònaich thu dhòmh dleasnas na h-Eaglaise, ged is ioma h-aon a bu toillteanaiche na mi a fhuair bàs obann as 'aonais.

Air son nan gràsan so, 's nan tìodhlaicean móra a bhuilich thu orm, tha mi 'toirt móran tainge dhut; tha mi 'tairgsinn mo chridhe dhut mar ìobairt-loisgte, seall air le tlachd 's le bàigh. Cha 'n iarr mi 'bhi saor bho m' anshocair; bho'n is ann agadsa 'tha fios air an ni 'thig gu m' fhéum. Dednaich gu'm fuilig mi gun ghearan, 's gu'n giùlain mi gu foighidneach gach crois agus trioblaid a thig bho d' làimh; ma's e do thoil bheannaichte mo choluinn lag a phianadh le barrachd cràidh 'us dòruinne na tha mi 'fulang an dràsda, O Thigh-earna, tha mi toileach cur suas leis, agus a bhi strìochdte do d' thoil naoimh anns gach nì. O mo Dhia, éisd ri aon achanaich, 's i sin, gu'n tig am bàs orm ann an staid nan gràs, agus gu'n faigh mi, 'an déigh trioblaid 'us anshocair na beatha so, seilbh ann an rìgheachd na glòire, gu 'bhi 'seinn do chliù maille ris na Naoimh ann an sòlas sìorruidh. Amen.

LEADAN DHAOINE TINNE.

A THIGHEARNA, dian trècair òirn.

A Chrìosta, dian trècair òirn.

A Thighearna, dian trècair òirn.

A Naomh Mhoire *Guidh air a shon* (son).

'Ainglean 'us 'Ardainglean naomh uile, *Guidhibh air a shon* (son).

N. Abel, *Guidh air a shon* (son).

A Chòisridh bheannaichte uile, *Guidhibh &c.*

N. Abraham, *Guidh, &c.*

N. Eoin-Bhaiste, *Guidh, &c.*

N. Ioseph, *Guidh, &c.*

Athraichean 'us 'Fhàidhean naomh uile, *Guidhibh &c.*

N. Peadar, *Guidh, &c.*

N. Pòl, *Guidh, &c.*

N. Aindris, *Guidh, &c.*

N. Eoin, *Guidh, &c.*

'Ostala 's a Shoisgeulaiche naomh uile, *Guidhibh, &c.*

'Uile Dheisciobuile naomh an Tighearna, *Guidhibh, &c.*

A naoidheana naomh uile, *Guidhibh, &c.*

N. Stephain, *Guidh, &c.*

N. Labhrunn, *Guidh, &c.*

A Mhairtirean naomh uile, *Guidhibh, &c.*

N. Silbhester, *Guidh &c.*

N. Grigori, *Guidh, &c.*

N. Uistein, *Guidh, &c.*

'Easpuigean 'us 'Aidmheiliche naomh uile, *Guidhibh, &c.*

N. Benedic, *Guidh, &c.*

N. Franse, *Guidh, &c.*

A Mhanaichean agus 'Aonaranaich naomh uile,
Guidhibh, &c.

N. Moire Magdalen, *Guidh, &c.*

N. Liùsaidh, *guidh, &c.*

'Oighean 's a Bhantraichean naomh uile, *guidhibh &c.*

A Naoimh 's a Bhan-naoimh Dhé uile, *Dianaibh
eadarghuidhe air a shon (son).*

Bi tràcaireach, *Dian fathamas ris (rithe), O Thigh-
earna.*

Bi tràcaireach, *Saor e (i), O Thighearna.*

Bi tràcaireach,

Bho d' fheirg,

Bho ghabhadh a' bhàis,

Bho dhrèch bhàs,

Bho phian ifrinn,

Bho gach olc,

Bho chumhachd an droch-spioraid,

As leth do Bhreith,

As leth do chroise 's do phàise,

As leth do Bhàis agus do Thìodhlacaidh,

As leth d' Aiseirigh glòrmhoire,

As leth do Dheasghabhail mìorailtich,

As leth gràsan an Spioraid Naoimh an Comh-
fhurtair,

Air latha a' bhreitheanais,

Sinne na peacaich,

Deònaich èisdeachd ruinn.

Thu 'bhi bàigheil ris (*rithe*),

Deònaich èisdeachd ruinn.

Saor e (i), O Thighearna.

A Thighearna, dian tròcair òirn.

A Chrìosta, dian tròcair òirn.

A Thighearna, dian tròcair òirn.

Agus 'nuair a tha an t-anam ann an cruaidh spàirn a' bhàis, theirear:

Dianamaid Urnaigh.

I MICHI as an t-saoghal so, O anam Chrìostail, ann an ainm Dhé an t-Athair uile-chumhachdach, a chruthaich thu: ann an ainm Iosa Chrìosta, Mac an Dhé bheò, a dh' fhuilig air do shon: ann an ainm an Spioraid Naoimh, leis an deach do naomhachadh: ann an ainm nan Aingeal agus nan Ard-aingeal: ann an ainm nan Cathraichean agus nam Feartan; ann an ainm nam Prionnsaichean agus nan Cumhachdan: ann an ainm nan Cherubim agus nan Seraphim; ann an ainm nan Athraichean-Naomh agus nam Fàidhean; ann ainm nan Ostal agus nan Soisgeulach naomh; ann an ainm nam Mairtirean agus nan aidmheileach naomh; ann an ainm nam Manach agus nan Aonaran naomh; ann an ainm nan Oighean naomh, agus Naoimh agus Ban-naoimh Dhé uile; an diugh biodh do thuinidh 'an sìth, agus do dhachaidh ann an Sion naomh. Tromh Iosa Crìosta ar Tighearna. Amen.

A Dhia na h-ìochd, a Dhia na tròcaire, a tha le miad do bhàigh a' toirt a' pheacaidh air falbh leis an aithreachas, 's a tha 'leaghadh as nan eintan a chaidh seachad ann am fialachd do ghràs; thoir sùil fhial air N. so do sheirbhiseach (*bhan-shierbhiseach*), agus air ar n-iarraidh éisd ri 'achanaich

(*h-achanaich*), a' sireadh le uile dhùrachd a chridhe (*cridhe*) mathanais na 'uile (*h-uile*) pheacannan. Leighis ann (*innte*), 'Athair na trèaire, gach nì a tha breòite le laigse shaoghalta, no truailidh le ceilg an droch-spioraid, agus snaim e (*i*) ri corp d' Eaglais fhéin, mar bhall a chaidh a cheannach leat. Gabh truas, a Thighearna, ri 'osnaich (*h-osnaich*), gabh truas ri 'dheòir (*deòir*): agus bho nach ann 'an nì sa bith eile, ach ann ad iochd-sa a tha bun a dhòchais (*dòchais*), thoir sìth dha (*dhi*) fo dhìomhaireachd do sgéithe. Tromh Chrìosta ar Tighearna. Amen.

Ris an Dia uile-chumbachd: ch tha mi ga d'earbsa, a bhràthair (*phìuthar*) ro-ghaolaich, agus ga d'liubhair dhàsan leis an leis thu mar chréutair: air chor, 's an uair a phàidheas tu leis a' bhàs dlighe do nàduir, gu'n till thu ris an Tì a ebruthaich thu, agus a dhealbhaigh thu á criadh an talmhainn. A' falbh as a' choluinn, ma ta, gu'm b' e cuideachd gheal nan Aingeal a chòmhlaicheas d' anam: gu'm b' e cùirt nan Ostal le 'm fàilt shèimh a thig 'ad fhianuis: gu'm b' e armailte buadhach nan geal Mhairtirean a thig 'ad dhàil: gu'm b'iad na h-Aidmheilich, cruinn mar lilidh geal, a dh'iadhas umad: gu'm b' e co-sheirm éibhinn nan Oighean a ghabhas greim dhìot, agus a bheir gu fois shaibhir thu ann am broilleach nan athraichean naomh; gu'm b' ann le aoigh agus gean na 'aodann a nochdar dhut Iosa Crìosta, ga d'ghairm 'am fochair a chàirdean: gu'm bu fada bhuat gach nì a dhìolar 'an dorchadas, a smachdaichear 's an teine, 's a

dhùtear gu dòruinn shìorruidh : géilleadh dhut Sàtan an uile, maille ri 'el omhaich : critheadh e romh d' thigheachd 'am measg nan Aingeal : teicheadh e le fuathas gu 'aibheis dhuibh, shìorruidh fhéin. Eireadh Dia, 's biodh a naimhdean air an sgapadh : teicheadh a luchd-fuath as 'fhianuis, meathadh iad as mar an deathach : mar a leaghas a' chéir ri aodann an teine, caitheadh na peacach as 'an làthair Dhé : ach aig na daoine-cearta biodh cuilm, biodh aighir 'an lathair Dhé. Mar sin le fiamh air an gonadh biodh ceathairne an dorchadais agus aig gaisreadh Shàtain na biodh de dhànadas ceapaimhleis a chur 'ad shlighe. Saoradh Crìosta thu bho phéin, a chéusadh air do shon ; saoradh Crìosta thu bho bhàs sìorruidh, a dheònaich am bàs fhulang air do shon ; suidhicheadh Crìosta, Mac an Dé bheò, thu ann am pàras àilli lh nan séud ; cunntadh am Buachaille fìrinneach ud thu 'an àirimh a thréud. Glanadh e thu bho d' pheacannan gu léir, agus am measg a dhaoine-taghte tilgeadh e do chrannebur : gu'm b' ann aghaidh ri aghaidh a chì thu do Shlà-nair, agus gu bràch gu'm b' ann a bhios do shùil shona ag coimhead air fuaran àghor na fìrinne, agus gu'm b'ann 'an comunn nan Naomh a léumas d' anam le sòlas fo dhèarsadh an t-sòlais shìorruidh. Amen

Thoir, O Thighearna, do sheirbhiseach (*bhan-sheirbhiseach*) gu ionad na beatha, ris am beil a dhùil (*dùil*) bho d' thròcair.

R. *Amen.*

Saor, O Thighearna, anam do sheirbhisich (*bhan-*

sheirbhisich), bho uile chunnartan iutharna, bho'n a h-uile péin, 's bho'n a h-uile truaighe.

R. *Amen.*

Saor, O Thighearna, anam do *sheirbhisich* (*bhan-sheirbhisich*), mar a shaor thu Enoch agus Elias bho bhàs cumanta ehlann-daoine.

R. *Amen.*

Saor, O Thighearna, anam do *sheirbhisich* (*bhan-sheirbhisich*), mar a shaor thu Noa bho'n tuil.

R. *Amen.*

Saor, O Thighearna, anam do *sheirbhisich* (*bhan-sheirbhisich*), mar a shaor thu Abraham bho Ùr nan Caldéach.

R. *Amen.*

Saor, O Thighearna, anam do *sheirbhisich* (*bhan-sheirbhisich*), mar a shor thu Iob bho 'uile dhòr-
uinnean.

R. *Amen.*

Saor, O Thighearna, anam do *sheirbhisich* (*bhan-sheirbhisich*), mar a shaor thu Isaac bho 'bhi na 'ìobairt fo làimh 'athar.

R. *Amen.*

Saor, O Thighearna, anam do *sheirbhisich* (*bhan-sheirbhisich*), mar a shaor thu Lot bho Shodom 's bho lasraichean teine.

R. *Amen.*

Saor, O Thighearna, anam do *sheirbhisich* (*bhan-sheirbhisich*), mar a shaor thu Maois bho làimh Phàrao rìgh na h-Eiphit.

R. *Amen.*

Saor, O Thighearna, anam do *sheirbhisich* (*bhan-*

sheirbhisich), mar a shaor thu Daniel bho shloc nan leomhan.

R. *Amen.*

Saor, O Thighearna, anam do *sheirbhisich* (*bhan-sheirbhisich*), mar a shaor thu an triùir chloinne bho'n àmhuinn theine, 's bho làimh an droch rìgh.

R. *Amen.*

Saor, O Thighearna, anam do *sheirbhisich* (*bhan-sheirbhisich*), mar a shaor thu Susanna bho aithis bhréige.

R. *Amen.*

Saor, O Thighearna, anam do *sheirbhisich* (*bhan-sheirbhisich*), mar a shaor thu Dabhaidh bho làimh rìgh Shaul agus Gholiah.

R. *Amen.*

Saor, O Thighearna, anam do *sheirbhisich* (*bhan-sheirbhisich*), mar a shaor thu Peadar 'us Pòl bho phrìosan.

R. *Amen.*

Agus mar a shaor thu an òigh 's a' lhanamhairtir bheannaichte Tecla bho thrì dèruinnean cruaidhe, amhuil sin deònaich anam do *sheirbhisich* (*bhan-sheirbhisich*) so a shaoradh, agus a chur (*cur*) maille riut ann an seilbh na beatha sìorruadh.

R. *Amen.*

Dianamaid ùrnaigh.

THA sinn ag earbsa riut, O Thighearna, anam do *sheirbhisich* (*bhan-sheirbhisich*) N. agus 'se ar n-achanaich riut, Iosa Chrìosta, a Shlànair an t-saoghail, nach diùlt thu an t-anam, so a thàinig

thu 'shireadh gu tràcaireach gu talamh, a chur an asgail nan Athraichean-Naomh. Gabh, a Thighearna, ri 'anam (*h-anam*), a chaidh a chruthachadh, cha'n ann le diathan eile, ach leatsa an t-aon Dia beò agus fìrinneach: oir Dia eile cha'n 'eil ann ach thusa, agus fear do ghnìomh cha'n 'eil ri 'fhaotainn. Thoir sòlas do'n anam so na n' làthair, na cùm cuimhne air a sheann (*seann*) chiontan, no air a' mhisg a dh'fhaodadh droch thogradh a lasadh na 'inntinn (*h-inntinn*). Ge do dh-éirich dha (*dhi*) am peacadh a dhianamh, cha d'àicheadh leis (*leatha*) an t-Athair. 's am Mac, 's an Spiorad Naomh, ach chreid e (*i*) annta, 's bha éud diadhaidh na 'chridhe (*cridhe*), agus do'n Dia a rinn gach nì thug e (*i*) aoradh gu dlìgheach.

Dianamaid ùrnaigh.

Na agair air (*oirre*), tha sinn ag guidhe ort O Thighearna, peacannan na h-òige agus an aineolais; ach a réir do mhór-thràcaire fhéin bi cuimhneach air a leas ann an solus do ghlòire. Fosgladh flathanas roimhe (*roimpe*); biodh toillinntinn air na h-Ainglean. Gu d' rìgheachd, a Thighearna, gabh do sherbhiseach (*bhan-sherbhiseach*). Gabhadh Naomh Mìcheil Ardaingeal Dhé aig am beil ceannfeadhlas air feachd fhlatthanais, greim dheth (*dhi*). Na'chionninn (*'coinn-*) thigeadh Ainglean Dhé agus thugadh iad e (*i*) gu baile glòrmhor Ierùsaleim. Cuireadh an t-Ostai Peadar beannaichte, a fhuair bho Dhia iuchraichean fhlatthanais, furan air (*oirre*). Dianadh Naomh Pòl, a thoill a bhli na 'shaghabh

taghte, a chòmhnaidh (*còmh-*). Biodh naomh Eoin, an t-Ostal ionmhuinn a fhuair sealladh air dìomhaireachd fhilathanaise, na 'eadarghuidhear air a shon (*son*). Dianadh na Naomh air fad agus daoine-taghte Dhé, a dh' fhuilig anns a' bheatha so dòruinn air son Chrìosta, eadarghuidhe air a shon (*son*). Air chor 's gu'm faod e (*i*) 'an déigh bristeadh á prìosan na feòla, riughinn air glòir rìgheachd fhilathanaise, le comaradh Iosa Chrìosta ar Tigh-earna. A tha beò 's a' riaghladh msille ris an Athair, agus ris an Spiorad Naomh, bho shaoghal gu saoghal. Amen.

Nuair a chaochlas e (i), their ear.

Thigibh, a Naomha Dhé uile, thigibh uile Ainglean an Tighearna, agus glacaibh 'anam (*a h-anam*), agus thugaibh e 'an làthair an Tì a's àirde.

V. Gu'm b'e Crìosta a rinn do ghairm a ghabhas greim dhìot; gu'm b' iad na h-Ainglean a ghlacas tu, agus a chuireas an uchd Abraham thu, 's 'an làthair an Tì a's àirde.

R. *Glacaibh 'anam (a h-anam)*.

V. Fois shìorruidh thoir dha [*dhi* a Thighearna, agus solus nach dìbir dèarsadh air [*oirre*].

R. *Thugaibh e 'an làthair an Tì a's àirde.*

A Thighearna, dian tràceair òirn. A Chrìosta, dian tràceair òirn. A Thighearna, dian tràceair òirn.

Ar n-Athair, &c. [*le guth òsal*].

V. 'S na leig ann am buaireadb sinn.

R. *Ach saor sinn bho 'n olc.*

V. Fois shìorruidh thoir dha [*dhi*] a Thighearna.

R. *Agus solus gun dèibhir dèarrsadh air [oirre].*

V. Bho dhorsan ifrinn.

R. *Teusraig 'anam [a h-anam], O Thighearna.*

V. A Thighearna, éisd ri m' achanaich.

R. *Agus gu d' ionnsaidh thigeadh mo ghuth.*

V. Gu'n robh an Tighearna maille ribh.

R. *Agus ri d' spiorad-sa.*

Dianamaid ùrnaigh.

Riutsa, a Thighearna, tha sinn ag earbsa anam do sheirbhisich [*bhan-*] N. gu 'bhi maireann maille riut 'an déis a' bheatha so a thréigsinn: agus na ciontan a rinn e [*i*] na 'bheatha [*'beatha*] le laigse a nàduir, glan thusa bhuaithe [*bhuaipe*] na d' mhòr thròcair. As leth Iosa Chrìosta ar Tighearna. Amen.



AIR SON NAM MARBH.

LEADAN AIR SON NAM MARBH.

A THIGHEARNA, dian trècair òirn.

A Chrìosta, dian trècair òirn

A Thighearna dian trècair òirn.

'Iosa, éisd ri'r n-ùrnaigh.

A Thighearna Iosa, thoir dhuinn ar n-achanaich.

O Dhia Athair, a Chruthadair an t-saoghail,

Dian trècair air annamnan nam marbh-chreideach.

O Dhia a Mhic, a Shlànair a chinnidh-dhaonda,

Saor annamnan nam marbh-chreideach.

O Dhia a Spioraid Naomh, a ni foirfe na daoine taghte,

Coinnlean sòlas nam marbh-chreideach.

O Thrìonaid naomh, aon Dia ann an trì persachan,

Thoir fois do dh-annamnan nam marbh-chreideach.

'Oigh Moire bheannaichte, a chaidh a thoirt suas gu buadh'or gu rìgheachd do Mhic, tromh ghràsan sònraichte.

Guidh air son annamnan nam marbh-chreideach.

'Ainglean beannaichte, a rinn féum math de chiad ghniomh ur toile, 's a fhuair seilbh air sonas neo-chaochlaideach. *Guidhibh air son annamnan nam marbh-chreideach.*

'Athraichean beannaichte, a bha air ur lìonadh le sòlas an uair a thug Slànair a chinnidh-dhaonda fuasgladh dhuibh as a' phrìosan anns an robh sibh fada fo chuibhrichean.

'Fhàidhean beannaichte, a bha, 'an déigh feitheamh le faighidin air teachd a' *Mhessa* air ur lìonadh le aoibhneas le e-fhéin a thighinn gu'r sealltainn.

A Naoinh beannaichte, a chaidh, aig aiseirigh ghlòrmhoir ar Slànair, a thoirt á *Limbo* gu làthaireachd shoilleir Dhé.

'Ostala beannaichte a shuidheas air an latha ghàbhaidh, dheireannach, air dà chathair dhiag, a thoirt breith air dà thréubh dhiag Israeil.

A Dheiscioble beannaichte ar Tighearna, a lean a chéumannan naomh ann an rathad cumhang na foirfeachd.

A Mhairtirean beannaichte, a chaidh romh mhuir ruadh ur fala fhéin, 's gu'n fhuireach ri dol romh ànradh an fhàsaich, a chaidh dìreach do thalamh a' ghealltanais.

'Aidmheiliche beannaichte, a chuir suarach faoineis an t-saoghail, 's a leag ur n-inntinn gu h-ìomlan air aoibhneas fhathanas 's a tha 'n làn-sheilbh ur miann.

'Oighean beannaichte, a bha a ghnàth na'r faireachadh a' feitheamh le ur lòchrain uidheannaichte air ciad-thighinn fhir-na-bainse, gu dol a stigh leis thun na cuirme.

A Naoinh beannaichte gu léir, a bha làn ìomchuidh, le 'bhi saor bho ghaol mì-riaghail-

Guthibh air son amannan nam marbh-dhreideach.

teach gach nì cruthaichte, gu dol gun dàil 'an cuideachda ur Cruthadair.

Bi tìdeaireach, O Thighearna,

Agus math am peacannan.

Bi tìdeaireach, O Thighearna,

Agus éisd ri r n-ùrnaighean.

Bho sgàil a' bhàis far am beil iad na'n suidhe, gun dealradh solus do ghnùise,

Saor iad, O Thighearna.

Bho'n a h-uile ole a bheir am féin-thoileachadh 's an t-saoghal so orra 's an ath-shaoghal,

Bho d' mhìghean a bhrosnaich iad le'n dear-mad, 's le 'm mì-thaingeileachd,

Bho phian Phurgadair a leag do cheartas orra, air son am peacannan neo-dhìolte,

Bho dhòruinnean na's truime gu'n choimeas na na piantan a's cràitiche 's a' bheatha so,

Bho'n phrìosan as nach tigeat, gus am pàidhear am fàirdein deireannach,

As leth lìonmhoiread do thròcairean, a tha daonnan iochdor ri laigse-nàduir.

As leth feart do Chroise, air an d' rinn thu rèite eadar an saoghal agus d' Athair,

As leth do Théarnaidh bhuadhoir gu ifrinn, gu cuibhrichean a' bhàis a bhristeadh.

As leth d' Aiseirigh ghlòrmhoir bho'n uaigh, gu rìgheachd nèamh fhosgladh,

As leth do Dheasghabhail bhuadhoir gu flathanas, a thoirt braighdeanais 'an daorsa,

As leth do Thigheachd ghàbhaidh a thoirt breith air an t-saoghal.

Saor iad, O Thighearna.

Sinne na peacaich,
Deònaich éisdeachd ruinn

Gu'm b'è do thoil an lath' a luathachadh air
 an saorar do chreidich bho thuinidh a' bhròin,

Gu'm b'è do thoil tìm an dìolaidh a ghiorrach-
 adh, 's an gabhail a stigh gu luath gu d' ionaid-
 naomh air nèamh,

Gu'm b'è do thoil, as leth ùrnaighean 'us
 deagh-ghnìomhannan diante na d' Eaglais, an
 gabhail a stigh gu d' phàillìunan sìorruidh,

Gu'm b'è do thoil luaidheachd uile-luachmhor
 d' ìobairte a ghabhail mar dhìoladh air son am
 peacannan.

Gu'n dian sealladh beannaichte Iosa furtach-
 adh orra, 's gu'n dealraich a ghildir neo-chaoch-
 laideach orra,

A Mhic Dhé,
Deònaich éisdeachd ruinn.

'Uain Dhé, a thig ann an glòir a thoirt breith-
 eanais air bheò 's air mhairbh.

*Thoir fois do dh-anmannan nam marbh-chreid-
 each.*

'Uain Dhé, a bheir crith air an talamh, 's a bheir
 air na spéuran leaghadh na d' fhianuis,

*Thoir fois do dh-anmannan nam marbh-chreid-
 each.*

'Uain Dhé, aig am beil ainmeannan nan daoine-
 taghte sgrìbhte ann an leabhar-na-beatha,

*Thoir fois shìorruidh do dh-anmannan nam
 marbh-chreideach.*

Ant. O Thighearna, saor sinne agus do chreidich

Deònaich éisdeachd ruinn.

gu léir air an là uambasach sin, an uair a thig dorchadas air a' ghréin agus air a' ghealaich, agus a thuiteas na réultan bho nèamh; air là na truaighe, air an là ghàbhaidh sin, an uair a chritheas nèamh agus talamh, 's a thig Iosa le mòrachd ghlòrmhoir, 's le Ainglean gun airimh a thoirt breith air an t-saoghal le tei. e.

V. O Thighearna, tiarainn sinn air an latha eagalach sin

R. Agus cuir maille ris na daoine beannaichte sinn air do làimh dheis gu sìorruidh.

V. O Thighearna, éisd ri m' urnaigh.

R. Agus gu d'ionnsaidh thigeadh mo ghuth.

O Dhia sìorruidh a thug fàinte do gach aon a' charrantachd a chleachdadh, ach a dh' òrdaich urram sònraichte a thoirt do phàrantan, do chàir-dean, 's do na h-uile neach a ni féum dhuinn; deònaich bho'n is iad a thug a dh-ionnsaidh an t-saoghail sinn, 's a rinn ioma còmhnaidh ruinn, gu'n coisinn ar n-achanaich dhaibh a bhi gun dàil air an saoradh bho dhòruinn, 's an rathad fhaotainn réidh gu sòlas sìorruidh; tromh Iosa Crìosta ar Tighearna. Amen.

O Thighearna, a tha làn gliocais 'us trècaire! le d' òrdugh-sa cha'n 'eil sinn anns a' bheatha so ach air turus gu sìorrachd; cha d' thug thu dhuinn comas aithreachas a dhianamh ach anns an t-saoghal so a mhàin, 's tha dòruinn no sòlas agad a' feith-eamh oirnn 's an ath-shaoghal a réir ar caithimh-bheatha: deònaich dhuinne a tha fhathasd beò, agus comasach air réit a dhianamh riut, gràsan a

stiuireas sinn gun seachran air an t-slighe dhèrich gu flathanas, los nach bi peacadh, no dìth uidheamachaidh òirnn aig an uair dheireannaich, ach an uair a théid ar coluinnean sìos do'n uaigh gu'n téid ar n-anmannan suas gu d' ionnsaidh a ghabhail còmhnaidh ann an àros na sìthe 's an t-sòlais shìorruidh; tromh Iosa Crìosta ar Tighearna agus ar Slànair. Amen.

Urnaigh air son nam Marbh-Chreideach gu h-iomlan.

O DHIA, a Chruthadair, agus a Shlànair nan creideach gu léir, thoir do dh-anmannan do sheirbhiseach làn-mhathanas 'n am peacannan, 's biodh iad air an saoradh bhuapa mar is deònach leo, tromh thoradh d' achanaiche diadhaidh-sa, a tha beò 's a' riaghladh fad shaoghal nan saoghal. Amen.

CONAIR AIR SON NAM MARBH-CHREIDEACH.

Laghaidh.

i. 7 bliadhna 's 7 carghuis air son nam gnìomh creidimh, dòchais, agus gràidh, agus 300 latha air son gach uair a theirear: A chridhe chaoimh, &c.

So air a' chrois:

Paidir 'us Beannachadh Moire.

So air a h-uile Griogaig Mhóir: ...

Fois shìorruidh thoir dhaibh, a Thighearna, agus solus sìorruidh dearrsadh orra.

Tha mi 'creidsinn annad, a Dhia, a chionn gur tu an Fhèrinn fhéin.

Tha mi 'cur mo dhòchais annad, a chionn gu'm beil thu uile-mhathasach.

Tha mi 'toirt gaoil dhut le m' uile chridhe, agus os cionn a h-uile ni, a chionn gur tu am mathas fhéin, agus air son do ghaoil-sa tha mi 'toirt gaoil dh'am choimhearsnach mar dhomh-fhéin.

So air a h-uile Griogaidh Bhig:—

A Chridhe Chaoimh Moire, bi 'd aobhar-sàbhalaidh dhomh.

Agus mar cheann-fhèide air a' chonair, abair:

Paidir 'us Beannachadh Moire.

URNAIGHEAN AIR SON NAM MARBH.

100 latha laghaidh aon uair 's an latha.

Didònaich.

O THIGHEARNA a Dhia Uile-chumhachdaich, guidhim ort, as leth na Fala Prìseil a dhòirt Iosa do Mhac diadhaidh anns a' ghàradh, saor na h-anmannan a tha 'am Purgadair, agus gu sòn-raichte an t-anam sin a's oirchiosaiche dhiùbh; agus deònaich a thoirt gu d' ghlòir, gu 'bhi 'an sin a' toirt molaidh 'us beannachaidh dhut gu sìorruidh. Amen.

Ar n-Athair. Fàille. As an doimhneachd (sl. 133).

Diluain.

O Thighearna a Dhia Uile-chumbachdaich, guidhim ort, as leth na Fala Prìseil a dhòirt Iosa do Mhac diadhaidh, le a sgiùrsadh goirt, saor na h-anmannan a tha 'am Purgadair, agus gu sònraichte an t-anam sin dhiùbh a's faisge air dol a stigh gu d' ghlòir, los gu'n grad-thoisich e air a bhi 'toirt molaidh 'us beannachaidh dhut gu sìorruidh. Amen.

Ar n-Athair. Fàilte. As an doimhneachd.

Dimàirt.

O Thighearna a Dhia Uile-chumbachdaich, guidhim ort, as leth na Fala Prìseil a dhòirt Iosa do Mhac diadhaidh le 'chrùnadh gu goirt le droigh-eann, saor na h-anmannan a tha 'am Purgadair, agus gu sònraichte am fear sin dhiùbh air am bu deireannaiche a thigeadh ionad-nam-pìan sin fhàgail, los nach bi a' mhoille cho mòr gus am bi e 'toirt molaidh 'us beannachaidh dhut gu sìorruidh. Amen.

Ar n-Athair. Fàilte. As an doimhneachd.

Diciadaoin.

O Thighearna a Dhia Uile-chumbachdaich, guidhim ort, as leth na Fala Prìseil a dhòirt Iosa do Mhac diadhaidh air feadh shràidean Ierùsaleim ag giùlan na croise air a ghualnean naomh, saor na h-anmannan a tha 'm Purgadair, gu sònraichte am fear sin dhiùbh a's pailte de thoillteanas 'ad làthair;

los, air a' chathair ghlòire sin a tha a' feitheamh ris gu'n àrd-mhol agus gu'm beannaich e thu gu sìorruidh. Amen.

Ar n-Athair. Fàilte. As an doimhneachd.

Diordaoin.

O Thighearna a Dhia Uile-chumhachdaich, guidhim ort, as leth Corp agus Fuil Phrìseil Iosa do Mhac diadhaidh, a thug e le a làimh fhéin mu'n d' fhuilig e dh'a Ostail ionmhuinn gu 'bhi dhaibh mar bhiadh 's mar dhibh, agus a dh' fhàg e aig 'Eaglais fhéin gu h-iomlan gu 'bhi na 'shìor-ù bairt agus na lòn-beatha dh'a chreidich fhéin, saor na h-anmannan a tha 'am Purgadair, agus gu sònraichte am fear sin dhiùbh a bu deòthasaiche mu mhistire so a' ghaoil neo-chrìochnaich; los maille ris an Spiorad Naomh, gu'm bi e, a thaobh do ghaoil 's a' mhistire, a' toirt cliù dhut 'an glòir sìorruidh. Amen.

Ar n-Athair. Fàilte. As an diomhneachd.

Dihaoine.

O Thighearna a Dhia Uile-chumhachdaich, guidhim ort, as leth na Fala Prìseil a dhòirt Iosa do Mhac diadhaidh coimir an latha an diugh air fiodh na croise á 'lamhan 's á 'chasan naomh, saor na h-anmannan a tha 'am Purgadair, agus gu sònraichte an t-anam sin a's mutha 'tha e mar fhiach-aibh orm guidhe air a shon; los nach cùm mise le dearmad e bho 'bhi a' toirt cliù dhut 'ad ghlòir agus ga d' bheannachadh gu sìorruidh. Amen.

Ar n-Athair. Fàilte. As an doimhneachd.

Disathurna.

O Thighearna a Dhia Uile-chumhachdaich, guidhim ort, as leth na Fala Prìseil a thaom á Taobh do Mhic dhiadhaidh Iosa 'an làthair a Mhàthar agus a ebràidh gu ro-ghoirt i, saor na h-anmannan a tha 'am Purgadair, agus gu sònraichte am fear sin dhiùbh uile a bu deòthasaiche uimpe-se; los gu'm buannaichd e gun dàil do ghlòir, 'an sin gu 'bhi 'toirt molaidh dhut innte-se agus dhithse annadsa, fa' shaoghal gun chrìch. Amen.

Ar n-Athair. Fàilte. As an doimhneachd.

FREAGAIRT NA H-AIFRINN.

A Chléirich, na biodh an leabhar-Aifrinn agus tu-fhéin air an aon taobh de 'n altair; ach, an uair a bhios an leabhar air an darna taobh, bi thusa air an taobh eile. Agus a réir sin tòisich air freagairt air làimh chli an t-sagairt.

SAGART. Introibo ad altare Dei.

CLEIREACH. Ad Deum, qui lætificat juventutem, meam.

S. Judica me, Deus, et discerne causam meam de gente non sancta; ab homine iniquo, et doloso erue me.

C. Quia tu es, Deus, fortitudo mea; quare me repulisti, et quare tristis incedo, dum affligit me inimicus?

S. Emitte lucem tuam, et veritatem tuam; ipsa me deduxerunt, et adduxerunt in montem sanctum tuum, et in tabernacula tua.

C. Et introibo ad altare Dei; ad Deum qui lætificat juventutem meam.

S. Confitebor tibi in cithara, Deus, Deus meus; quare tristis es anima mea, et quare conturbas me?

C. Spera in Deo, quoniam adhuc confitebor illi; salutare vultus mei, et Deus meus.

S. Gloria Patri, et Filio, et Spiritui Sancto.

C. Sicut erat in principio, et nunc, et semper, et in sæcula sæculorum. Amen.

S. Introibo ad altare Dei.

C. Ad Deum, qui lætificat juventutem meam.

S. Adjutorium nostrum in nomine Domini.

C. Qui fecit cælum et terram.

S. Confiteor Deo, &c.

C. Misereatur tui omnipotens Deus, et dimissis peccatis tuis, perducatur te ad vitam æternam.

S. Amen.

C. Confiteor Deo omnipotenti, beatæ Mariæ semper Virgini, beato Michaeli Archangelo, beato Joanni Baptistæ, sanctis Apostolis Petro et Paulo, omnibus sanctis, et tibi Pater, quia peccavi nimis cogitatione, verbo, et opere (*buaill d' uchl trè nairean ag ràdh*) mea culpa, mea culpa, mea maxima culpa. Ideo precor beatam Mariam semper Virginem, beatum Michaelem Archangelum, beatum Joannem Baptistam, sanctos Apostolos Petrum et Paulum, omnes sanctos, et te, Pater, orare pro me ad Dominum Deum nostrum.

S. Miseratur vestri, &c.

C. Amen.

S. Indulgentiam, absolutionem, &c.

C. Amen.

S. Deus tu conversus vivificabis nos.

C. Et plebs tua lætabitur in te.

S. Ostende nobis, Domine, misericordiam tuam.

C. Et salutare tuum da nobis

S. Domine, exaudi orationem meam.

C. Et clamor meus ad te veniat.

S. Dominus vobiscum.

C. Et cum spiritu tuo.

S. Kyrie Eleison.

C. Kyrie Eleison.

S. Kyrie Eleison.

C. Christe Eleison.

S. Christe Eleison.

C. Christe Eleison.

S. Kyrie Eleison.

C. Kyrie Eleison.

S. Kyrie Eleison.

S. Dominus vobiscum.

C. Et cum spiritu tuo. *Ma their e, Flectamus genua, abair, Levate.*

An uair a sguireas léughadh na Litreach, abair, *Deo gratias*. Agus beagan 'n déigh sin, atharraich an leabhar, a' dol air do leth-ghlùn deas anns an dol seachad. Bheir thu cromadh beag air do cheann mar onoir do dh-ainm Iosa an uair a chluinneas tu e; agus do thoiseach 's do dheireadh an t-Soisgeil.

S. Dominus vobiscum.

C. Et cum spiritu tuo.

S. Sequentia sancti Evangelii, &c.

C. Gloria tibi Domine.

An uair a sguireas an Soisgeul, abair, *Laus tibi*

Christe. An uair a chì thu a' chailis ga 'rusgadh, glac am fion ann ad làimh dheis agus an t-uisge 'ad làimh chli. Agus cho luath 's a bheir thu seachad am fion, glac an t-uisge 'ad làimh dheis, agus beir air an fhion bho 'n t-sagart 'ad làimh chli: 'an déigh am fion a chur seachad, dòirt uisge air meoir a' phears'-eaglais; fill air oisinn na h-altarach an t-anart beag a tha 'n sin gu meòir an t-sagairt a thoirmachadh; agus theirig a rithisd air do ghlùn far an robh thu roimhe.

S. Orate fratres.

C. Suscipiat Dominus sacrificium de manibus tuis ad laudem et gloriam nominis sui, ad utilitatem quoque nostram, totiusque Ecclesiæ suæ sanctæ.

S. Per omnia sæcula sæculorum.

C. Amen.

S. Dominus vobiscum.

C. Et cum spiritu tuo.

S. Sursum corda.

C. Habemus ad Dominum.

S. Gratias agamus Domino Deo nostro.

C. Dignum et justum est.

An uair a chluinneas tu, *Sanctus, sanctus, sanctus*, buail an clag. Buail a rithisd e an uair a chì thu an sagart a' sgaoileadh a lamhan air uachdar na-cailise.

Buail an treas uair e 'an àm togail an arain agus na cailise, 's tu air do ghlùn làmh ris an t-sagart, a' togail iochdar na *chasubuil* no'n éididh-uachdoraich le d' làimh chli. Agus uair sa bith a bhios tu a' dol seachad air an altair, theirig air do ghlùn a thoirt onair do'n t-Sacramaid.

S. Per omnia sæcula sæculorum.

C. Amen.

S. Et ne nos inducas in tentationem.

- C. Sed libera nos a malo.
 S. Per omnia sæcula sæculorum.
 C. Amen.
 S. Pax Domini sit semper vobiscum.
 C. Et cum spiritu tuo.

Cho luath 's a chì thu gu'n do gabh an sagart a chomaine, éirich a thoirt fiona agus uisge dha mar a thug thu roimhe. 'S ma tha luchd-comaine ann, gabh a' *Chonfiteor* air an son; sgaoil air am bialaobh tubhailte na comaine; atharraich an leabhar gu ceann eile na h-altarach; agus an sin tog an tubhailte bho'n luchd-comaine, agus theirig gus an t-àite 'an robh thu roimhe.

- S. Dominus vobiscum.
 C. Et cum spiritu tuo.
 S. Per omnia sæcula sæculorum.
 C. Amen.
 S. Dominus vobiscum
 C. Et cum spiritu tuo.
 S. Ite, missa est, *no* Benedicamus Domino.
 C. Deo Gratias.

(An uair a bhios an aifriunn air son nam marbh.)

- S. Requiescant in pace.
 C. Amen.

Ma dh' fhàgar an leabhar fosgailte, na dian dearmad air 'atharrachadh, agus anns an dol seachad theirig air do ghlùn air bialaobh a' phears'-eaglais gus a bheanachd fhaighinn còmhla ri càch.


'An Aifrinn Easbuig.

- S. Sit nomen Domini benedictum.
 C. Ex hoc nunc et usque in sæculum.

- S. Adjutorium nostrum in nomine Domini.
C. Qui fecit cælum et terram
S. Pater, et Filius, et Spiritus Sanctus.
C. Amen.
S. Dominus vobiscum.
C. Et cum spiritu tuo.
S. Initium *no* Sequentia sancti Evangelii, &c.
C. Gloria tibi, Domine.

An uair a sguireas e, abair, *Deo gratias*. An sin cuir as na coinnlean, agus paisg gach nì gu cùramach.

Finis coronat opus.





RL
I

432080

Iul a' Chriostaidh.. Ed.7, rev.

DATE.

NAME OF BORROWER.

University of Toronto Library

DO NOT
REMOVE
THE
CARD
FROM
THIS
POCKET

Acme Library Card Pocket
LOWE-MARTIN CO. LIMITED

